


7

醫學雜誌

中國近代
中醫藥
期刊彙編

第二輯

上海辭書出版社



中國近代
中醫藥
期刊彙編

第二輯

7

醫學雜誌

上海辭書出版社

目録

醫學雜誌	第二十八冊	1
醫學雜誌	第二十九冊	139
醫學雜誌	第三十冊	277
醫學雜誌	第三十一冊	405

中 山 西 太 原 省
醫 改 進 研 究 會

民國十四年十二月

中華郵政特准掛號
為新聞紙類

醫學雜誌

第二十八冊

本雜誌啟事

凡訂閱本雜誌者望先寄費空函訂購恕不作覆

代派本雜誌辦法

- (一) 凡個人或團體代派本雜誌十份者贈閱一份二十份贈閱二份以上類推
- (二) 凡代派本雜誌須先繳費一半餘按期遞繳若到期未清恕不續寄
- (三) 凡願代派本雜誌者須有妥實介紹人

外界投稿簡章

- 一 各界投稿凡有關於醫藥衛生等學術者本會極其歡迎
- 一 凡經本會編入雜誌之稿計每一稿奉贈雜誌一冊如一期之內登兩三稿亦祇寄送一冊
- 一 凡永久贊助本會特別熱心或贈送書籍諸君本會按期寄送一冊
- 一 投寄稿件務請繕寫清楚圈點句讀
- 一 收受各稿本編緝處可以酌量增刪如作者不願他人增刪亦請預先聲明
- 一 所投稿件未經登載者恕不奉還
- 一 各醫藥報界有願與本會雜誌互換者本會極表同情
- 一 會內外諸君有翻譯東西最近發明之醫藥學投刊者本會尤為感綴

醫學雜誌第二十八冊

目錄

附設醫院十四年^九十月中西醫診治人

數及比較表

專著門

靈素生理新論^續

楊百城

新攷正經脈俞穴記誦篇

張壽頤

論說門

傷寒論讀法^{節錄易由甫光盒文鈔}

范氏本草便讀序

冉雪峯

難經七衝門內經鬼門合解張壽頤

纂述門

(生理類)

風寒與人體究有何等關係葉勁秋

中西肺臟說 許伯元

(衛生類)

養生瑣言一束 沈仲圭

冬日衛生談 前人

論沐浴之原理 前人

(病理類)

纂輯中西解剖病理 楊星垣^{錄寄}

內經論溫註釋一束 張汝偉

衄證釋義 吳玉純

太陽爲心主解 王熾

第二十八期 目錄

第二十八期 目錄

陰暑辨

沈仲圭

臍風研究

前人

論瘡

許伯元

天痘論治

唐忠俊

冬溫與傷寒辨

徐世長

偏腦疽治愈

相里規

(診治類)

(藥物類)

(診法)

論大黃功用

劉前英

色脈篇續

楊百城

梁上塵百草霜釜底墨

王熾

診脈分左右三部位之原理論俞鑑泉

醫院煎藥規則

牛惠善

(治法)

醫案門

歷代名醫治法彙錄續

楊百城
趙意空

關於腦病之療法

費夢萼

(治療各稿)

通訊門

注意脫疫

徐相宸

神州醫藥總會覆本會緘

記甲子春月之麻疹

陳蓮峯

奉天醫士公會致本會緘

陸晉笙君致本會緘

本會覆陸晉笙君緘

葛廉夫君致本會緘

楊志一君致本會緘

周禹錫君致本會緘

王一仁君囑登雜誌原函

教育改進社社員楊百城 趙意空上教部緘

全國教育聯會議決請教育部明定

中醫課程并列入醫學校規程案

劉蔚楚君答周君小農

俞鑑泉君致本會緘

張春水君致本會緘

第二十八期 目錄

譯叢門

梅毒治療之考察

雜俎門

龜板錄丹波氏醫牘

星期徵稿選刊

久服滋補藥得病之治療 梁餘生

夏杪患感症日久不愈之治療治 陶復泰

針灸討論會治法選刊

針量之原因 徐世長

石瘕腸覃二症針灸之異同 賈宗誼

醫 學 雜 誌


第二十八期 目錄

謝惠書籍

吳瑞甫先生寄贈奇驗喉証明辨四部

楊燧熙先生寄贈衛生必讀一冊

四



醫

學

雜

誌

1

專著門

靈素生理新論

(續二十七期)

理事
楊百城

第二章 形氣篇

第七節 論天地正陽之氣與人身正陽之氣

徐靈胎曰。天地之陽氣有二。一為元陽之陽。一為陰陽之陽。陰陽之陽。分於太極。既判之時。以日月為升降。水火則其用也。與陰為對待。而不併於陰。此天地並立之義也。元陽之陽。存於太極未判之時。以寒暑為起伏。雷雨則其用也。與陰為附麗。而不離乎陰。此天包地之義也。不觀於龍乎。龍者天地元陽之氣所生。藏於水而不離乎水者也。故春分陽氣上。井泉冷。龍用事而龍飛。秋分陽氣下。井泉溫。龍退蟄而能潛。人身五藏屬陰。而腎尤為陰中之至陰。故人之元陽藏焉。據此是腎為藏水之藏。亦為藏火之藏也。

第二十八期 專著門

第八節 論人身三陽三陰之氣離則爲三合則爲一之理

人秉陰陽水火而生。總屬一氣血耳。而氣尤在血先。世有讀傷寒論三陽三陰之說。謂皮膚肌腠。五藏六腑。各有所主之氣。恐於一陰一陽之理相背者。此蓋不知陰陽離合之道耳。夫陰陽離合之道。合則爲一。離則爲三。以三陽論之。是就一陽之氣。分而爲三也。經云太陽根於至陰。結於命門。陽明根於厲兌。結於頰大。少陽根於竅陰。結於窗籠。此三者。太陽爲開。陽明爲闔。少陽爲樞。是爲人身陽分之氣。出入表裏之關鍵也。以三陰論之。是就一陰之氣。分而爲三也。經云太陰根於隱白。結於太倉。少陰根於湧泉。結於廉泉。厥陰根於大敦。結於玉英。此三者。太陰爲開。厥陰爲闔。少陰爲樞。是爲人身陰分之氣。出入表裏之關鍵也。開闔樞利則身強。開闔樞折則病危。傷寒論分爲三陰三陽者。治病之法也。若夫養生之道。則由其分焉者。以求其合。所謂合者。乃先天之一炁。上通於肺。合宗氣而司呼吸者也。夫人自有生之後。皆屬後天。飲之食之。故藉中焦水穀之精微。以養先天之精炁。

復藉先天之精炁。以化水穀之精微。先後二天。互相資益。此即氣血之所由生化也。若不明陰陽離合之道。卽不知氣血生化之源。與夫氣血出入表裏關鍵之所在。以之治病則失法。以之養生則失道。

第九節 論人身元氣運動各器官之機能

吾觀於天之造人。其一最靈最妙之機器乎。試考汽鍋之製。而知與人身臟腑肢體各器官運動之故。其理同也。人身之內。胃爲水穀之海。交乎中焦。藉命門龍雷之火。以化生精氣。上達於肺。由是鼓動翕張。而爲往來呼吸。其精氣又灌輸於肺。敷布於經絡。用以運動五官百骸。脾在胃旁。終朝引動。壅熱氣以蒸腐水穀。故脾與胃以膜相連。胃之上口出於咽。其脈繫於舌本。是以脾胃之寒熱。可於是乎驗之。今觀於機器之有鍋鑪。猶人身之有脾與命門也。汽鍋一沸。則蒸氣上騰。猶脾胃之化生精氣也。引擎之高下低昂。猶肺之鼓動翕張也。機輪之周轉。有一定之數。猶之呼吸之氣。一呼脈二至。一吸脈二至也。輪動則衆機皆動。猶五官百骸

之效其靈也。皮帶撤去。則各輪停滯。猶脾一停歇。人即倦臥也。熱度表可驗水沸之熱度。猶舌之可驗胃中之熱度也。氣鍋之水。上下輪流更換。猶精氣之灌注旁達也。熱度已至。則馬力充足。猶脾胃健則氣力壯盛也。汽鍋所需者煤炭之火。人身所需者命門之火。命門之火。係龍雷之火。乃陰中真陽。能化生萬物。實先天生氣之根本。近今新學說所指之電氣也。

第十節 論聲音之原理

聲音何自來乎。曰。絲於氣之動。當其靜也。空虛廖廓之中。萬籟俱寂。及乎其動。風之盪。雷之震。空界動機一發。音聲以生。而地感之。山谷之應響。川海之激流。是其徵也。而物感之。絲弦之彈撥。金石之敲擊。簫管之噓吹。亦以發音而成聲。若夫龍吟虎嘯。獅吼猿音。狐噪犬吠。羊咩馬嘶。與夫蟲以翼磨擦。蛙以腮鼓擊。禽以腔隨脛而低昂。凡有知覺者感之。莫不有名有狀。以傳寫其音聲。至於人爲萬物之靈。備五音五聲之全。以應萬變。其發爲音聲也。且隨所感而協乎律呂焉。肝聲呼。音近

醫 學 雜 誌

5

角。調而直。音聲相應則無病。角亂則病在肝。心聲笑。音應徵。和而長。音聲相應則無病。徵亂則病在心。脾聲歌。音應宮大而和。音聲相應則無病。宮亂則病在脾。肺聲哭。音應商。輕而勁。音聲相應則無病。商亂則病在肺。腎聲呻。音應羽。沉而深。音聲相應則無病。羽亂則病在腎。是五臟皆有音聲之所發也。然其機果何在乎。曰在於腎。雖心主言。肺主聲。亦屬主要之器官。然猶其標也。而其本必歸於腎。腎經之脈。下貫於腎。上繫於舌本。舌之發機。其靈否不在與舌。而係乎腎脈之通塞。使此脈道阻絕不通。則舌不能發機而為瘖。內經奇病論篇。黃帝問曰。人有重身九月而瘖。此為何也。岐伯對曰。胞之絡絕也。絕謂脈不流通則不能言。非天眞之氣絕也。帝曰。何以言之。岐伯曰。胞絡者繫於腎。少陰之脈貫腎繫於舌本。少陰腎脈也。故不能言。氣不榮養故不能言。至九月月。妊胎已久。兒體日大。胞室之絡脈繫於腎經者阻絕不通。故間有為之瘖者。非人人然也。此阻絕之絕。非絕斷之謂也。帝曰。治之奈何。岐伯曰。無治也。當十月復。至十月分。娩之後。胎出。則胞絡通而音聲復矣。是故腎者呼吸之根。抑亦音聲之根也。昔先王之作樂也。於易取象於豫。以雷出地中。音聲發於上。實根於下。其格理

第二十八期 專著門

五

也。精且微矣。

第二十八期 專著門

六

第十一節 論音聲所主之器官

人之發言也。則有音聲。此音聲果何器官主之乎。經言所主器官。蓋有七焉。

一喉嚨 肺之上管爲喉嚨。在咽之前。主氣之呼吸。氣不利者。音聲即爲之不利。

故經曰喉嚨者。氣之所以上下也。

二會厭 會厭在喉嚨之兩旁。能張能收。食入則收掩其喉。音出則開張。故經云

會厭者。音聲之戶也。

三口唇 唇開合而後語句清明。名爲飛門。以象其數數動也。唇緩則音失。故輕

曰口唇者。音聲之扇也。

四舌 舌者心之苗。言爲心聲。舌能辨音。故經曰舌者。音聲之機也。名曰機者。謂其伸縮轉掉

也。聲則響出於喉。音則分宮商角徵羽由舌辨之也。

五懸雍垂 喉之上腭。有如懸雍之垂。亦名曰帝丁。音從此出。常見啞人皆無腭

醫 學 雜 誌

7

上帝丁蓋會厭無關闌則氣不收束。氣散則不能成音。是上帝居氣管之上。實主音聲。而為之關鍵。故經曰懸雍垂者。音聲之關也。

六頰頰 頰頰即上腭。氣從此分出於口鼻。故經曰頰頰者。氣分之所洩也。

七橫骨 橫骨在舌本。心藏神而開竅於舌。故橫骨為其所使。以為發舌之機。橫骨一名韞骨。在會厭之下。與舌根相連。主發舌者也。韞骨以膜相連。又有筋牽之。最靈動。以供心神肺氣之使。故經曰橫骨者。神氣所使。主發舌者也。未完

新考正經脈俞穴記誦編 續二十七期 名譽理事 張壽頤

三焦手少陽經脈循行經文

三焦手少陽之脈。起於小指次指之端。上出兩指之間。循手表。出臂外兩骨之間。上貫肘。循臑外上肩。而交出足少陽之後。入缺盆。交臑中。散絡心包。下膈。徧屬三焦。其支者。從臑中上出缺盆。上項。俠耳後。直上。出耳上角。以屈下頰。至頤。其支者。從耳後入耳中。出走耳前。過客主人前。交頰。至目兌眥。

第二十八期 專著門

七

(考正)循手表。今靈樞表下有腕字。甲乙經脈經。皆有腕字。惟袁刻太素無之。壽頤按。是經由指上行。出於臂外。固不能不出於腕。然曰循手表。出臂外。則不言腕。而腕自在其中。表即外也。若於手表之下。加一腕字。則此一字。不能成句。而屬上屬下。皆不可通。蓋淺者不諳文義。誤以爲不言手腕。有似脫佚。而妄補之。乃致不成句讀。不堪一至於此。直可噴飯。太素無之是也。甲乙脈經皆誤。茲依太素刪。交膻中。各本皆作布膻中。惟脈經作交膻中。壽頤按。布有散布之義。此以一脈入膻中。所以屬於上焦者。不當以分布散布取義。脈經作交膻中。乃交會上焦之意。茲據以訂正。徧。今靈樞作循。甲乙則作徧。脈經太素皆作徧。壽頤按。三焦有上中下三部。而此經脈與之連屬。則上中下三者。缺一不可。既交膻中。則屬於上焦。故必下高以屬之中焦下焦。古人獨於此節屬字之上。加一徧字。是其心思縝密之處。止與手厥陰經條中之歷絡三焦一句。獨多一歷字者。彼此互爲呼應。必如是。乃見得三焦本非一部。始無遺漏之虞。而後人

之或謂三焦即是油膜。或謂三焦別有一物。種種嚮壁虛構。亦可不辨而自明。脈經太素作徧歷三焦者是也。靈樞甲乙皆譌。茲據以訂正。俠耳後。今靈樞作繫耳後。甲乙經脈經皆作俠。壽頤按。是經從耳後行。非維繫於耳後。不當言繫。俠卽夾字之假借。此以兩耳後之兩經而言。故曰俠。甲乙經脈經是也。今袁刻太素。正文則作係。而楊上善有註曰。係古希反。有本作俠。是楊氏所見。亦有作俠者。蓋俠誤作係。而靈樞又改係爲繫。茲據甲乙脈經及太素註訂正。下頰之頰。靈樞甲乙脈經皆作額。壽頤按。是經從耳上角以下行至頤。不及於額。作額非是。太素作頰是也。甲乙經脈經正文雖作額。而皆有校語。云一作頰。則作頰者是。茲據以訂正。

（存疑）三焦之稱。明指此胸腹中之上中下三部而言。胸中心肺之位。則曰上焦。膈下脾胃之位。則曰中焦。腹中肝腎膀胱大小腸之位。則曰下焦。此理至淺。無事高論。參攷經文。灼然可見。故曰上焦如霧。則胸中陽氣之蒸騰也。曰中焦

第二十八期 專著門

十

如瀝。則胃中水穀之熟腐也。曰下焦如瀆。則二便通導之瀦穢也。分析以形容其狀況。尤爲明白如繪。而謂此包涵胸腹全部之三焦。亦自別有一系之經脈。以與各臟各腑。別樹一幟。分道揚鑣。類乎不類。卽以經脈篇此節循行言之。所過部位。固極曲折分明。然除歷絡三焦一句以外。何以知其爲三焦之經脈。而非其他臟腑之經脈。且以本節爲病徵之。曰耳聾。渾渾惛惛。目兌背痛。頰痛。耳後肩臑肘臂外皆痛。小指次指不用。皆經脈所過之分野。謂之上焦爲病。或可免強湊合。然已與中下二焦杳不相及。又曰嗑腫。喉痺。汗出。則殆以少陽相火爲病而言。更與上中下三者。無一毫連屬之理。則所謂手少陽之脈者。亦何獨不可與其他臟腑相爲統系。而必系之以三焦二字。乃謂與心之包絡相爲表裏。無處不牽強硬拍。幾若呼牛呼馬。惟吾所欲。無不如志。頗覺諸臟腑之經脈病情。無此空空洞洞。痛痒不關之例。此願所以疑爲古人無中生有。藉以湊成十二經絡者也。難經獨謂三焦無名無形。確是至當不易。既統上中下三者皆

在其中。更何有形之可言。亦既無形。則經脈又將何所系之。而後人之強作解事。造出許多臆說者。亦正不足辨矣。

三焦手少陽經脈循行歌

少陽手脈統三焦。第四指端井穴標。上指外廉出手表。直行記取正中交。循臂貫肘到臑外。肩端陷中上肩解。交過足脈少陽經。直抵大椎諸陽會。繞向缺盆乃入裏。臑中之部心包繫。貫穿高膜中下聯。偏屬三焦須切記。支絡復從缺盆出。上俠耳後最密切。環行耳上折於前。屈曲下頰乃至顙。一支分自耳之後。直入耳中太陽遊。復出耳前到耳門。經過上關又前走。此行且與本經交。宛如頰上添三毫。上兌髮際抵外眥。本經盡處指眉稍。

〔注〕三焦手少陽之脈起於第四指端爪角甲之外側。是本經井穴之關衝穴。乃循第四指外側下廉之液門穴。過第四指本節後之中渚穴。以出手表腕上正中之陽池。循此上行手臂外側正中一行。過外關支溝會宗三陽絡四瀆諸

第二十八期 專著門

十二

穴。貫肘外正中。上行臑外廉中行。歷天井清冷淵消灤臑會諸穴。乃上肩端陷中之肩髃穴。是即手太陽經之所謂肩解也。乃至缺盆上足少陽肩井穴。與足少陽陽維脈會。乃交過足少陽經。至肩井後一寸之天髃穴。以到脊骨大椎六陽齊會之上。復折向前。由缺盆而入裏。交膺中以絡心包。聯屬上焦。又下行過鬲。聯屬中下二焦。經文徧字。所當注意。其又一支。則仍出缺盆向上。過於項側之天牖穴。又兩兩從耳後上行。過翳風瘰脈顛息諸穴。乃至耳上髮際之角孫穴。又環行向前。屈曲下頰而至於頤。其又一支。利自耳後分支。逕入耳中。以會手太陽經之聽宮穴。即自耳中出走耳前之耳門穴。上行過足少陽經之客主人穴。〔亦名上關〕。至此則與前從耳上角屈曲下頰之本經。交貫而上。經文之所謂交頰者。正在此間。乃一經兩絡。自爲交互。非左右兩經之交出也。今之繪經穴圖者。於此交貫之處。不得不複出一筆。是真繪事家之所謂頰上添三毫者矣。乃又上至耳前兌髮際之和髃穴。而終於目兌眥外眉後陷中之絲竹空

穴即正在眼角
眉稍間也

三焦手少陽經脈俞穴分寸歌

手少陽俞二十三。關衝穴起名指尖。液門本節岐骨縫。中渚節後陷中拈。陽池手表正當腕。外關絡穴一線貫。離池二寸記中行。更一寸兮支溝現。會宗一穴最離奇。古籍難知且闕疑。浪說腕間亦三寸。空中有穴又誰欺。此去乃求三陽絡。溝上一寸又確鑿。復上一步四瀆來。肘前五寸易探索。肘後一寸天之井。更上二寸淵。清冷從此推尋肩。下端臑外對腋消灤認。離肩三寸臑之會。肩頭陷中肩膠在。缺盆而上問天膠。肩井後邊大骨外。〔肩井膽足少陽經穴〕天容穴後天柱前。完骨之下天牖聯。〔天容小腸手太陽經穴。天柱膀胱足太陽經穴。完骨膽足少陽經穴。〕耳後翳風又瘰脈。上尋顛息青絡邊。〔翳風瘰脈。顛息三穴皆在耳後。翳風居下。瘰脈居中。顛息居上。有青絡脈可辨。〕角孫乃出耳廓上。耳前起肉耳門曠。上看鬢髮是和膠。絲竹有空眉頭傍。〔傍讀依傍之傍。去聲。音蒲浪切。〕

第二十八期 專著門

十三

三焦手少陽經脈俞穴分寸考

關衝。在手小指次指之端。去爪甲如韭葉。壽頤按手之第四指指端爪甲角。甲乙外臺不言在外側。惟以陽經例之。多起於外側甲角。小腸手太陽經之少澤穴是其例。且液門一穴。則在手小指次指之岐骨間。中渚一穴。則在手小指次指本節後。是經之行於無名指外側明甚。故自明以來。皆謂關衝在第四指端之外側爪甲角。液門在手小指次指岐骨間陷者中。握拳取之。壽頤按液門。甲乙外臺皆如此。而元明以來各書多作液門。此熟正熟譌。雖不可考。惟以甲乙外臺。終是古本。茲從其舊。中渚。在手小指次節本節後陷者中。陽池一名別陽。在手表腕上陷者中。外關。手少陽絡。在腕後二寸。兩骨間陷者中。支溝。在腕後三寸兩骨之間陷者中。會宗。在腕後三寸空中。壽頤按此會宗一穴。甲乙千金千金翼外臺諸書。皆謂在腕後三寸。與支溝同一部位。最不可解。而曰空中。尤為可疑。是以明人程敬通校外臺曰。支溝在腕後三寸兩骨陷中。會宗亦在腕後三寸空中。

醫 學 雜 誌 15

腕後空。惟兩骨陷中耳。別無有空也。一云在腕後三寸空中一寸。而三陽絡又在支溝上一寸。會宗故未易取也。則此穴分寸。古本必有訛誤。馬註靈樞。乃謂空中有穴。真是夢話。醫宗金鑑謂從支溝外關一寸會宗穴也。以支溝會宗二穴相並。平直空中。相離一寸云云。則從外臺別本之空中一寸四字。而附會說之。別無古本可據。亦是臆說。爲古書作注。欲於必不可通之處。師心自用。強作解人。最是貽誤後學。大不可訓。三陽絡在臂上大交脈。支溝上一寸。四瀆在肘前五寸。外廉陷者中。天井在肘外大骨尖後一寸。兩筋間陷者中。屈肘得之。清冷淵在肘上三寸。伸肘舉臂取之。消灤在肩下臂外。開腋斜肘分下行。壽頤按分下行三字不可解。蓋言取穴之法。此三字必有誤。以外臺千金千金翼皆如是。姑仍其舊。甲乙行作筋。有校語云一本無筋字。可知此句之訛誤多矣。金鑑改作肘上分肉間。亦是臆說。臑會一名臑窮。在臂前廉。去肩頭三寸。肩髃在肩端臑上。斜舉臂取之。天髃在缺盆上。肩大骨之後。直足少陽經肩井穴後一寸。天臑在

第二十八期 專著門

十五

第二十八期 專著門

十六

頸大筋外。缺盆上。天容後。天柱前。完骨下。髮際中。上斜俠耳後一寸。翳風。在耳後陷者中。按之引耳中手足少陽之會。瘰脈。一名資脈。在耳後中間。雞足青絡脈中。顛息。在耳後上間青絡脈中。角孫。在耳廓中間。髮際下。開口有空。手太陽手足少陽三脈之會。耳門。在耳前起肉。當耳門缺者。絲竹空。一名目膠。在眉後陷者中。未完

醫

學

雜

誌

17

論說門

傷寒論讀法

節錄易由甫先生元奩文鈔

傷寒論一書。為靈素以後醫學中第一書。非仲景一人之私言。實集神農黃帝伊尹以來。平脈辨證和藥製方之大成也。賴王叔和之力以存。然亦不免為其所亂。談何容易讀此一書。明以前無論矣。自明至今。注其書者不下數十家。約分兩派。一墨守。一武斷。墨守者其編次悉依叔和原本。如成無己張隱庵陳修園諸家是也。武斷者則又任意顛倒。如方有執喻嘉言黃坤載諸家是也。叔和編集。雖非原論次第。然草蛇灰線蛛絲鳥迹。脈絡正自分明。何以見之。蓋原論分六經。有六經本病。有傷寒。有中風。實分三大綱。如太陽本病。則曰太陽病。陽明本病。則曰陽明病是也。若傷寒。則曰傷寒。若中風。則曰太陽中風。陽明中風。每一方證。莫不各有標目。層次井然。一毫不紊。故原次雖為叔和所亂。然善讀者讀之。固自眉目朗然。

第二十八期 論說門

十七

也。此爲第一層讀法。其次則當知有主證兼證之分。如太陽篇。太陽之爲病。脈浮頭項強痛。而惡寒。此太陽本病主證也。然但有證而無方。何以不出其方。以又爲中風及傷寒之主證。非視再其兼證。不能遽定其爲太陽本病。與爲太陽中風。或爲傷寒之繫屬太陽陽明也。故此一主證。爲太陽本病之主證。又爲中風傷寒初見太陽之主證。如兼証爲頭痛發熱汗出惡風脈緩。則爲太陽本病矣。是爲桂枝湯證。乃得以桂枝湯主之。論則曰太陽病頭痛發熱汗出惡風脈緩者桂枝湯主之。蓋合主證兼證。乃得定爲一證而後出其方也。如兼証爲頭痛發熱身痛腰痛骨節疼痛惡風無寒而喘者。則變爲太陽本病麻黃証矣。此太陽本病之讀法也。如兼証爲發熱汗出惡風脈緩乃爲中風。論則曰太陽病發熱汗出惡風脈緩者名爲中風。此乃合太陽本病之主證。再兼兼證。而定爲中風之主證。然猶未出其方。以尙有兼証。必再視之。然後可定爲太陽中風之某一方證也。若再兼鼻鳴乾嘔。則太陽中風之桂枝湯證矣。此太陽中風方之讀法也。至傷寒方證之讀法則

又不然。太陽篇曰。太陽病。或已發熱。或未發熱。必惡寒。體痛。嘔逆。脈陰陽俱緊者。名曰傷寒。此傷寒初見。太陽主證矣。然猶未出其方者何也。則以傷寒一證。視太陽本病。與中風治法。皆不同。何也。以寒而曰傷。其受邪獨重。其見証獨不同。是有傳經與不傳經之辨焉。必視其定屬何經。不再傳他經。然後得從而治之。故其下緊接一條云。傷寒一日。太陽受之。次一條云。傷寒二三日。陽明少陽證不見者。爲不傳。此明傳經爲傷寒所獨。而又有傳經不傳之異也。如不傳經。始得從太陽治之。第五十四條云。傷寒脈浮緊。不發汗。因致衄者。麻黃湯主之。此言傷寒初起。不敢遽從太陽治之。必待其致衄。然後敢斷爲屬在太陽。始得以麻黃湯主之也。蓋傷寒初見。太陽時。爲發熱惡寒。體痛嘔逆。不云有汗。則無汗可知。是故當以麻黃發之。然在太陽無汗。在陽明則有汗。一日太陽。二日即可入陽明。若以麻黃發之。必爲誤治。故治之不得不緩。所謂慎之至也。陽明篇云。傷寒發熱無汗。嘔不能食。而反汗出。濇然者。是轉屬陽明也。此正緊接太陽篇傷寒主証之後。而再出其兼

証以辨其定屬某經。其下一條。則爲太陽篇第七十二條文曰。傷寒汗出而渴者。五苓散主之。不渴者茯苓甘草湯主之。然後傷寒之治法乃出矣。故傷寒初起無汗屬太陽。至有汗則轉屬陽明。太陽本病。初起有汗。服桂枝。無汗服麻黃。傷寒初起無汗不發汗。因致衄者。乃服麻黃。有汗則須辨其渴與不渴。渴則服五苓。不渴則服桂枝甘草湯。兩證迥別。治法亦迥別。不明乎此。若見其有汗即服桂枝。無汗即服麻黃。未有不誤治者。至中風治法。則又不然。初起有汗服桂枝湯。無汗須服大青龍。此又不可不知者。舉一反三。作者試依此例。再取風寒論讀之。必恍然悟矣。古人著書。體例極嚴。如太陽主證。首出頭項強痛而惡寒兩證。後出兼證。乃不復言此兩證。但以太陽病三字代之。所謂省文法也。試讀太陽本病桂枝麻黃兩證。一則曰太陽病頭痛發熱汗出惡風者桂枝湯主之。一則曰太陽病頭痛發熱身痛腰痛骨節疼惡風無汗而喘者麻黃湯主之。皆不復云惡寒。非此兩證不惡寒也。以主證中已見。故不重言之也。而頭痛與頭項強痛之分別。亦並見於此矣。

醫 學 雜 誌

21

蓋頭項強痛者。頭項相連處強而後痛。頭痛者頭前兩太陽穴痛也。兩太陽穴痛。故知其爲太陽本病。若中風。若傷寒。皆不言頭痛。此其別也。前人皆未見及此。致謂太陽謂太陽本病之桂枝證爲重出。爲衍文。不知太陽本病之桂枝湯證。爲頭項強痛。爲惡寒。爲頭痛。爲發熱。爲汗出惡風。而太陽中風之桂枝證。則爲頭項強痛。爲惡寒。爲發熱。爲汗出惡風。爲鼻鳴乾嘔。一多頭痛一證。一多鼻鳴乾嘔兩證。雖同爲桂枝證。其病固自不同。且其後此之傳變。尤各不同也。此讀傷寒大略也。能知如此讀法。固已思過半矣。又如合併病條云。太陽與陽明合病。必自下利。葛根湯主之。試問太陽合病。爲何病下利。何以知爲合病。但下利何以服葛根湯。誠有百思而不可得其故者。前人雖勉強附會。究未敢一用其方。不知第四十八條。所謂二陽併病者。卽此合病諸條之主證也。後有證而無方。此有方而若與證不合。合而讀之。然後知古人文法之妙。與其辨證處方之精微。確當爲不可及也。方今科學競爭時代。中學不絕如綫。我輩讀古人書。非先具有特識偉力。而復矢以

第二十八期 論說門

二十一

第二十八期 論說門

二十二

篤信敏求。好學深思。不足與他人爭勝也。〔下略〕

范氏本草便讀序

名譽理事 冉雪峰

本草為三墳之一。為醫林最早之著作。即為中國最古之國粹。然漢書藝文志載黃帝內外經五十五篇。而無本草之名。漢人重考據。倘有是書。何以絕不搜集。仲景一代大醫。上承神農黃帝岐伯正傳。其傷寒論自序。亦祇云撰用素問九卷。八十一難。胎臚藥錄。亦未言及本草。則漢以前無本草之名。可斷言也。夷考本草原文。古樸簡奧。肅括宏深。為博物之始祖。開理化之先河。以醫論。得其一句半句。以啟化機。即可開無限法門。而生理學。病理學。方劑學。均可從此悟出。決非後世所可假托。大抵上古未著文字。師承口授。東漢末名手類纂成書。陶貞白謂為仲景元化所記。不為無見。殆猶禮記之成於漢儒。而與孔子子思之言並傳也。由是觀之。是本草原於神農。成於漢末。自漢迄今。其沿革可分三期。一由簡入繁時期。本草原祇上中下三卷。序錄一卷。合四卷。其藥合三百六十五種。晉魏間吳普李當

之增爲五百九十五種。梁陶貞白增爲七百三十種。唐顯慶中增爲八百四十四種。又另撰藥圖二十五卷。圖經七卷。宋開寶嘉佑元佑大觀時。一再纂集修正。增爲一千八十二種。至一千五百一十八種。又合本草圖經爲一書。明李時珍集歷代大成。引據古今醫家書目凡二百七十六家。引據古今經史百家書目凡四百四十家。爲本草綱目。凡五十二卷。一十六部。部各分類。類凡六十。增藥三百七十四種。新舊合一千八百九十二種。淹雅博通。無以復加。令人歎觀止矣。一由博反約。時期。明清以來。註本草者不下數十家。其廣博不及綱目而各出心裁。旁搜廣集。補其缺略。如趙學敏本草拾遺是。摘取大略。專發義理。如唐容川本草問答是。詳研氣化。力求精深。如張葉陳三家合註是。以經解經。類方釋藥。如黃坤載長沙藥解是。其餘如沈氏之要藥分劑明以詳。徐氏之百種錄簡而當。以及本草求真。本草原始。本草經解。本草崇源。莫不各有發明。而尤以汪氏本草備要吳氏本草從新參酌。損益於新舊繁簡之間。爲世推重。此近今沿革之大畧也。一由理學入

第二十八期 論說門

二十四

科學時期。我國本草雖有簡繁博約之不同。然不論何家。無不宗依神農本草。其釋藥也。論氣論味論臭論色論頭論身論梢。論出產地。論收採時。無不本於理論。而功有專長。效如桴鼓。生剋制化之妙。即近今科學發達。尙有體會未到者。但藥系粗用。未能純取精華。原質分析。不甚明晰。此古無理化科學。限於時代之不得不然也。方今有志之士。改良藥物。如無錫丁福保將中藥化驗多種。析其成分。瀋陽張錫純化驗中藥以代西藥。中西藥並用。河間盧謙甫將中藥化驗制成西藥。診病用西法。處方用中藥。此醫林近時之三傑也。故大勢所趨。又有由理學而入科學之勢。會通中外。放大光明。亦醫林之快事也。老友屏鳳先生海內文豪。有清末季。余備筆報界。與先生爲文字交。近年先生痛時事日非。政界不可托足。令哲嗣文孫研究中西醫學。前歲先生出所著傷寒新淺註。醫界新機二書示余。融會古今。貫通中外。向以先生爲文學大家。不知並爲醫學大家矣。近復出所著本草便讀。囑序於余。誦讀內容。不簡不繁。亦博亦約。並溝通中西。探入丁氏化學實驗。

新本草。叶韻工。附註詳。採擇當。視張氏珍珠囊藥性賦。汪氏湯頭歌藥性歌。不啻霄壤。以云便讀。誠便讀矣。而余尤有進者。說理文字。最忌艱深。須入之極深。出之極淺。如白香山詩。老嫗都解。昔賢謂五經均有韻語。孔子讀易。並發文言一例。內經十八卷有韻語者居半數。古人於至理要道。無不窮極研稽。反復詠歎。雖曰課讀。亦卽所以適道也。先生以文學家而爲醫學家。乃著作等身。余專門醫學分子。勞人草草。恤乎不遑。以視先生。不覺悚然汗下也。俟醫校甲班畢業。執筆隨先生後。期之異日云爾。

難經七衝門內經鬼門合解

名譽理事 張壽頤

四十四難有七衝門之稱。命名既屬新穎。取義亦復精警。考之內經。惟魄門二字。一見於五藏制論。曰魄門亦爲五藏使。水穀不得久藏。蓋言此爲穢濁驅使之處。所以食物渣滓。不得久藏。讀法當於使字絕句。與難經下極爲魄門相合。其餘六者。皆不見於素靈甲乙。此在當日必爲醫學通用之名詞。祇以中古醫籍散亡殆

第二十八册 論說門

二十五

第二十八期 論說門

二十六

盡。今乃無復可以取証耳。夷考其義。惟飛門戶門二者。詞旨淺顯。夫人能知。無煩多贅。其他則爲難經作注者。間亦各有解說。似尙粗疏。未盡合訓詁條理。今姑以一得之見。分而說之。會厭爲吸門者。則以肺管之專司呼吸者言之。會厭有門。其醫合信氏全體新論最詳。此門當吞食之時。自能緊閉氣喉。密無罅隙。食物一過。其門即開。以通呼吸。故氣喉位在食管之前。而食物下咽。乃無誤落氣管之患。若偶不慎。微有滴水半米雜入氣喉。即梗塞難堪。癩癢不止。（癩癢見玉篇。曰物阻咽中。壽頤案癩音胡。癩音穫。即物梗氣管。人必作癩癢之聲。以求其速出。此兩字卽以擬其聲。張氏澤存堂重刻宋本玉篇。阻誤作蛆。今商務館四部叢刊影印元坊本玉篇。癩癢兩字注中。阻皆誤作咀。惟癩字下。癩癢喉阻。不誤。）設或竟不能出。則癩癢不止。大傷肺管。延及二三月之久。卽成肺勞不治。頤嘗兩見之。不僅中醫無可設法。卽就教西醫。亦嘆爲無可措手。難經名以吸門。明言止通呼吸。自有深意。賁門之賁。古今多讀如奔。滑伯仁本義。謂物之所奔嚮。雖未始不合於食物。

入胃之意。然食物非能自奔。則奔嚮之說。已非訓詁之真。至徐洄溪難經經釋。又本伯仁舊說而申之曰。物入於胃。疾奔而下太倉。更說得倉皇急遽。揣摩太惡。幾於志饜三日不食。喉中汨汨有聲之態。抑何可笑。乃爾豈可謂有合於古人命名真旨。壽頤竊謂賁讀如焚。本訓爲大。此乃胃之上口。食物所入。其口較大。不比胃之下口。及小腸下口。須得食物成糜。緩緩傳遞。則胃上口之大於胃下口可知。詩賁鼓訓爲大鼓。書盤庚用宏茲賁。傳曰宏賁皆大。卽其義也。至胃之下口。則以其幽深玄遠。故名曰幽。若小腸大腸交會之處。而名曰闌門。固亦取於遮闌之義。然非以分別水穀。須知胃無消水之能。亦無泄水之路。湯飲入胃。先從胃中微絲血管吸入迴血之管。此亦合信氏之所已言。〔詳見全體新論〕任脈水分之穴。本在齊上一寸。其名極古。此穴正在胃下。古人當亦知水分於胃。而小腸下口。直接大腸。其部位乃在少腹右角。與溲溺之水全無關係。奈何洄溪之說難經。竟曰小腸之下。大腸之上。納滓穢於大腸。泌津液於膀胱。水穀於此而分別。故曰闌門。謂

第二十八期 論說門

二十八

闕截分別不得。并出入云云。則竟說成小腸有二下口。一通大腸。一通膀胱。最堪
 捧腹。雖膀胱上流有輸尿管。來源自腎。本於西人剖驗。初非吾國醫界所知。然
 強不知以爲知。無中生有。信筆塗鴉。造成莫須有之說。以疑誤後學。徐老亦果於
 師心自用矣。若夫肛門之名魄門。向來均謂肺與大腸相爲表裏。以肺有藏魄之
 說。故大腸下口卽名魄門。是說也。舉國宗之。莫敢異議。願獨以爲不然。果以肺與
 大腸之故。而大腸因名魄門。則小腸與心相爲表裏。小腸下口。何不并名神門。比
 例最近。此非魂魄之魄甚明。及讀莊子天道篇。然則君之所讀者。古人之糟魄已
 夫。陸氏音義。引司馬云。爛食曰魄。一云糟。爛爲魄。本又作粕。音同。始知魄門之名。
 固卽食料糟粕由此而出之義。以魄爲粕。古有明徵。豈不恍然大悟。然則古今讀
 難經者。寧非皆在夢中。且因此而悟及內經。有所謂開鬼門者。與下句潔淨府。聊
 屬成文。蓋亦開泄糟粕之意。疑鬼字卽此魄字之譌。當傳寫者誤脫其半。遂致不
 可索解。而說者咸謂乃是發汗之意。以膚腠立腑之義。而此附言之。亦屬無可奈
 何之意思。竊恐古人真旨。未必然耳。

纂述門

(生理類)

風寒與人體究有何等的關係

名譽 醫學 葉勁秋

西醫崇實。中醫務虛。故中醫以風寒暑濕六氣為百病症之主因。西醫以各病症之特種病菌為主因。以風寒暑濕者無形無跡。目不可得而見。而病菌則可按鏡而窺也。然病菌之不足以為致病之主因。我中醫界對之懷疑者最深。終不能得其要領。故目下治醫者。所急欲當知而最宜深究者。即為「風寒與人體究有何等的關係」。是西醫謂傷風症云。

傷風雖因受冷而起。然必須染着特種之細菌。方得成傷風症。因此種細菌。於人體忽然受冷時。最宜于舒長。而顯其致病之作用也。

此謂傷風之症。乃成于末受風冷之前之傷風細菌。感受風冷特其誘因耳。但風

第二十八期 纂述門

二十九

寒之與傷風症亦非全無關係者。再觀中醫內經則曰。

邪之客于形也。循毫毛而入腠理。或復還。或留止。留而不去。入舍於絡脈。留而不去。入舍於經脈。內連五藏。散於腸胃。此邪從皮毛而入極於五藏之次也。

此邪字大概指風寒而言。言之鑿鑿。一若亦有形跡可尋。但風寒而固可以入客體內。深入藏府而為病。則治之者祛其風可也。散其寒亦可也。在皮膚者祛散皮膚之風寒。在藏腑者祛散藏腑之風寒。法至簡易。數語可畢。然有始病風寒而終不以風寒藥收功者。其何故也。蓋別有生理的關係也。今欲明風寒與人體的關係。當先明肺與皮毛的關係。中醫之學說曰。

「肺合皮毛。」皮毛者肺之合也。」

此說徵之實驗。確屬不妄。但肺何以與皮毛相合。此理非旁參生理學。則不能明晰。生理學云。

據精細試驗。發現皮膚之作用。有同一於肺者。謂其吸收空中之酸素。放出炭酸瓦斯是也。

吾人之身體。無數汗腺。發汗無或間息。然出於皮膚。直蒸發散去。不觸於人目者。是曰潛發汗。若因運動及溫熱發汗激急。則見多量成滴。凝結於皮膚上者。是曰顯發汗。夫汗腺專收血液中之老廢物。送之於體外。其中之成分爲百分之中水分九十九。固形物僅一分而已。發汗之作用。無論其方法如何。若瞬息間斷。則精神頓覺不爽。若全身俱止。久則必至於死矣。

汗之多寡無定。大概壯者每日約出二磅。汗管爲身體之泄水管。苟有阻塞。人即不快。或且危險。如全身塞沒。則人立死。古時羅馬城舉行大賽會。以一小兒。全身裹金箔以表天使之榮。越數小時小兒即斃。時人至愚。尤以爲有干神怒。致遭譴罰。其實則因皮膚之管。有被阻塞。故有此禍。

皮膚肺腎三者。異體而同功。俱任身內掃除之役。皆自血中提出水液廢料。是

第二十八期 寒述門

三十二

故三者病其一。則除二者。必分任其上而加勞。設皮膚出汗之功有碍。則肺腎二種各增其工。往往因疲乏而致病。

此西醫學說之論肺與皮膚的關係頗明。再觀我中醫界之學說。唐氏容川曰。

今人但知口鼻出氣。而不知周身毛竅亦無不出氣。鼻氣一出。則周身毛竅皆張。鼻氣一入。則周身毛竅皆斂。若毛竅之氣不外出。則反入於內。壅塞於肺上。出口鼻而為喘。寒傷皮毛。衛氣不外出。是以返於內而上壅為喘。治法但將皮毛發散。使氣外泄。不壅於內。則喘自止。

趙晴初曰。人知息道從口鼻出入。不知徧身毛竅。俱暗隨呼吸之氣以為鼓伏。所以外感實證。毛竅阻而氣機不能相引。則發喘。內傷表虛証。汗多亡陽。毛竅開而氣機過泄。則息微。

肺與皮毛的關係既明。然後當明風寒與皮毛的關係。西籍云。

凡外感寒熱。汗管壅閉。大病多由此起。發表之劑。為治標之急務也。

通常由於著薄衣服。或始全體生熱。忽處於寒冷之場所。皮膚冷却而止發汗。於是血液不能復因汗腺作用。排除不潔物。故欲遂其目的。即赴肺臟。肺臟爲之壓迫。呼吸甚困難。由其粘液膜分泌多量之粘液。發咳嗽而咯出之。鼻腔之粘液。亦生此同樣之感應。是曰感冒。

觀此從可知風寒與人體的關係。確爲致病之主因。其不能循毫毛入腠理。盤踞腸胃。亦可明矣。因感冒變生百病者。其大概情形如下。「人體之肌表。受風冷之戟刺而起反應。因反應而障礙自然生理。因障礙自然之生理而變化爲病。」傷寒論首篇以中風傷寒爲兩大綱。但風之與寒。頗難辨別。且可不必辨別。嘗攷各家註解如下。

風寒二氣。多相因而少相離。有寒時不皆無風。有風時不皆無寒。惡風者必兼惡寒。惡寒者必兼惡風。

冬月風寒本同一體。故中風傷寒。皆惡風惡寒。營病衛必病。中風之重者。即是

第二十八期 蔡述門
三十四

傷寒風寒之淺者。便是中風。不必在風寒上細分。須當在有汗無汗上着眼。不問其爲中風傷寒雜病。但見此病。即用此方。

風寒本是一氣。故湯劑可以互投。論中有中風傷寒互稱者。如青龍是也。中風傷寒並提者。爲小柴胡是也。仲景細審脈証而施治。何嘗拘拘于中風傷寒之名是別乎。若仲景既拘拘于中風傷寒之別。卽不得更有中風見寒。傷寒見風之渾矣。

我故曰中風及傷寒。是假定的名詞。非實在的名詞也。蓋風之與寒。無形無跡。又無一定準則及憑証。故凡發熱汗出惡風脈緩。便是中風証。可用桂枝湯。凡發熱惡寒體痛嘔逆脈陰陽俱緊者。便是傷寒証。可用麻黃湯。究竟體內有風與無風。有寒與無寒。病者不知。醫者亦不知也。治醫者不明此理。不特不足以讀傷寒。并不足以讀一切中醫書籍。先前治醫者。大都強作解人。妄爲註釋。致中醫不能有進步。鄙人近閱生理書。因有所感而作是說。未識有當于萬一否。

中西肺臟說

名譽會員 許伯元

攷內經有曰。肺為相傳之官。治節出焉。

又難經云。肺重三斤三兩。四垂如蓋。六葉兩耳。凡八葉。附着脊骨第三椎。中有二十四孔。行列分布。以通諸臟之氣。主臟魄。

按諸經義。固是確當不易之名言。蓋五臟以心為君主。肺在心外以輔相之。故稱相傳。究其迹象。則以心血迴入於肺。得肺氣吹出血中濁氣。則復變紅而返入於心。在內經乃營血與衛氣會於肺中之說。即相傳之官所司職事也。

西醫則云。迴血返入肺中。吹出血中淡氣。則紫色血退而變為赤血。言肺是淘汰心血之物。此即內經肺為相傳之義。按中國特不名淡氣。只名濁氣。名雖異而義實無不同也。

又云。肺重三斤三兩。西醫則云。兩肺共重四十二兩。右重於左。男重於女。是說微有不同。大概胸膛闊者其肺必大。究與得失無關。若以兩耳八葉之說。核與西醫

第二十八期 藝述門

三十五

第二十八期 醫述門

三十六

剖驗實得五葉。分右三左二。以知舊云八葉實非也。唐容川亦言八葉之非。惟是經云中有二十四孔一語。并未指實所在。遂使後人至今留為千古疑案。據醫林改錯駁之曰。經云肺虛如蜂巢。下無透竅。何得又云肺中有二十四孔乎。惟唐容川申明肺中有管竅。通於隔膜而下達氣海之說。嘗攷西醫學說。肺有左右葉。皆被肺衣包裹。在前兩肺葉包心。在後只一峽及肺根。(此根即氣管)中間只隔肺衣。有肺脈。肺迴管。肺吸管。氣管。脈氣管。迴管。肺腦筋網。肺核連網等。包以肺衣作成肺質。則衆小葉被連網包裹。每葉藏氣管。末有氣泡。又氣管入肺分兩歧。愈分愈細。約列五十。(五十小管)長約一寸。(即微氣管)其氣泡處有一薄膜。養氣可入。淡氣可出。又其肺脈分布。分布與氣管同路。中藏紫血。至氣管泡處佈成血網云云。(以上全體同微)據此而論。西醫所指微氣管。或即合於內經所謂二十餘孔者乎。按上古尙未別其名爲管竅。故統以二十餘孔言之。未可知也。又按中有二十四孔。下接行列分布。以通諸臟之氣二語。或即肺內多數微氣管。共出於總氣管。後附入脊骨。即醫

林改錯所指名衛總管。下行至尾骨而行列分布。以通諸臟。即各腧穴之氣。按西醫云。前卽有肺迴管。貫隔入腹。又與唐容川所言肺中有管竅通於胸隔而下達氣海之說相合。亦得以通諸臟氣也。由是而證明肺臟。中西學說雖各有異同。而究其實形質。則中學不如西醫之詳明。至於肺主皮毛。有宣肺氣以衛外之義。西醫則茫然若失。只只剖皮詳觀。言毛孔能傳人之熱外出。然攷靈素有曰。肺在天爲燥。在地爲金。在體爲皮毛。唐容川乃申明經義。有肺氣乾金。其體如天。天包於地之外。皮毛包於人身之外。故皮毛屬肺。肺多孔竅以行氣。而皮毛盡是孔竅。所以宣肺氣使出於皮毛以衛外也。西人不知皮爲肺之所施。言毛孔能傳人之熱外出。實不知太陽衛外之陽耳。

要之西醫剖割視驗人之臟腑。層折詳矣。但祇知其形迹。而不知其氣化。欲求症治者。尤必連合內經。乃爲神化而不失也乎。

(衛生類)

第二十八期 竅通門

三十七

第二十八期 雜述門

養生瑣言一束

名譽會員 沈仲圭輯 三十八

天地不可一日無和氣。人心不可一日無喜神。

毋以妄心戕真心。勿以客氣傷元氣。

慎風寒。節飲食。是從吾身上却病法。寡嗜慾。戒煩腦。是從吾心上却病法。

食服常溫。四體皆春。心氣常順。百病自遯。

歡笑爲人之長壽品。道德乃人之固本湯。

寡思慮以養神。寡嗜慾以養精。寡言語以養氣。

無可奈何。只須安命。怨嘆燥急。又增一病。

兩足不嫌過暖。襪袴俱宜從厚。

炙燻煎炒。病家最忌。助火燦陰。損人不淺。腫毒牙疼。半因於是。

不食冷物。不食生物。不食硬物。有此三不。脾胃自強。

千金方睡訣曰。半醉酒。獨自宿。軟枕頭。煖蓋足。能息心。自瞑目。

39

醫 學 雜 誌

呂叔簡曰。以寡慾爲四物。以食淡爲二陳。以清心省事爲四君。無價之藥。不名之醫。取諸身而已。

長壽之道。只清淨明了四字。內覺身心空。外覺萬物空。破諸妄想。一無執着。是曰清淨明了。

祝無功曰。銷鑠人莫如怒與慾。慾動水滲。怒盛火炎。懲怒窒慾。心火下降。腎水上滋。此亦吾儒坎離交媾功夫。何必仙家。

吃食須細嚼緩嚥。以津液送之。然後精微散於脾。華色充好。粗快只令糟粕填腸胃耳。

戊亥二時。陰盛陽衰之時。一手兜外腎。一手擦擠下。左右換手各八十一。半月精固。久而彌佳。

每日於閒時。正坐閉目。以舌徧攪口中三十六次。津既盈滿。分作三次嚥下。〔嚥時喉中須咽咽有聲〕以意送至丹田。此法行之久久。大可却病延年。

第二十八期 築地門

三十九

第二十八期 葛漢門

四十

養性之士。睡不至遠。行不疾步。耳不疾聽。目不疾視。坐不久處。立不至疲。先寒而衣。先熱而解。先飢而食。先渴而飲。不欲甚勞。不欲甚逸。不欲多啖。生冷。不欲飲酒當風。

右錄十八則。從各書節出。不限為醫家言。取其一二而力行之。已足強身却病。若能全數奉行。其益無窮。

冬日衛生談

前人

(一)獨宿 內經曰。冬三月。此為閉藏。水冰地坼。無擾乎陽。蓋言冬日宜絕慾。又曰。冬不藏精。春必病溫。此謂不知攝生。精液頻洩。則寒邪乘虛而入。蘊伏少陰。至翌年春陽上升。伏邪內發而溫病作矣。日本古諺曰。春三夏六秋一冬孤。可見中外學理並無二致。老子曰。不見可欲。使心不亂。是故不欲斷慾則已。欲絕性交。舍獨宿外無他法也。

(二)禁食辛辣 辛辣諸物。助火興陽。食之既久。氣火偏勝。恆發為咽痛齒疼等病。

葱蒜胡椒尤烈。

(三) 勿設火爐 室中裝置火爐。其害有三。(一)使室中空氣燥烈。妨害身體。(二)室內室外溫度懸殊。掀幃直出。感冒堪虞。(三)窗戶嚴扃。空氣濁濁。吸之有害。矧夫冬寒夏燠。人身本有調節機能。初無需於山林避暑。圍爐驅寒也。倘此調節機能。不練習而增進之。惟夏扇冬爐。日事嬌養。必至微寒微熱亦不能受。精神肉體。漸見羸弱。

(四) 勤運動 上條言冬日取暖。能使調節機能衰退。大非衛生之道。則欲增進其機能。俾人自然不畏寒暑。其法若何。曰運動耳。運動之種類不勝枚舉。擇其適於自己之體力者。定時操練可也。然最簡單易行者。莫如徒手體操。「吾國之八段經十二段經亦屬徒手之一」不論室內戶外。風雨晦明。悉可量力施行。功效所及。體爲之壯。神爲之振。豈僅却寒而已耶。

(五) 多沐浴 沐浴之益。余已草沐浴之原理一篇詳論之矣。惟溫浴行於冬日。尤

第二十八期 專述門

四十二

使肉體溫暖。精神暢旺。所借我國人士。昧於衛生。通商大埠固有益湯。窮鄉僻村詎能覓此。無已而思其次。唯有部分浴與日光浴耳。部分浴者。以溫水洗滌身體之一部分也。日光浴者。擇風日晴和之天。陽光滿照之地。解除衣履。曝於日中。〔惟頭面不宜曬〕前法可得局部之清潔。後法可謀身軀之健康。〔按日光直射病竈。有鎮痛殺菌硬化諸作用。對於外科結核。股關節炎。節關節炎。久著卓效。即肺結核亦能治愈〕事簡功宏。世人何樂而不為哉。

(六) 勿服補劑 世人一交冬令。衛生之道忽焉不講。惟爭求醫生開方。向藥肆煎膏。財力稍遜者。則購現成之膏丸。〔杭縣風氣如此。他處不知同否〕意謂冬令服些補劑。來年體必健康。詎知所得之結果。適與初願相違乎。蓋虛弱者欲使之強壯。必須講衛生。勤運動。而佐以藥物。方克奏效。豈煎服幾味艸根樹皮。遂有回天之力耶。若膏滋之滯膩。徒見其妨碍消化耳。俞氏鑑泉曰。余見俗於冬令。喜服膏滋藥。不知陰平陽祕。脾胃旺健者。參耆地竹之品。力足以運行。服之

尙覺無害。若陰虛體質。溫升之味。卽足以動肝陽而耗腎陰。予故每以集靈膏與薛氏之滋陰養液膏爲之增減立方。惟是麥地之品。總嫌滯濕。或有伏邪。反爲此等藥滋長助虐。釀成隱患。衛生適以戕身。故每婉導以勿服爲是。陸氏定圃曰。世俗喜服熱補。如桂附鹿膠等。老人尤甚。以其能壯陽也。不知高年大半陰虧。服之必液耗水竭。反促壽命。余見因此致害有多矣。一論陰藥之弊。一論陽藥之害。簡冊所載。班班可攷。然則何爲以有用之金錢。換戕身之苦液哉。

論沐浴之原理

前人

人體由多數細胞集合而成組織。更由數多組織相集而爲藏氣。以行生活作用。其一舉一動一言一笑。莫不賴於組織成分之酸化而生活力。但酸化一久。廢物生焉。此種廢物。非唯無益而且有害。故必放棄於體外。故放棄之道有三。在上曰肺。在下曰腎。在全身曰皮膚。緣各組織產生之廢物。隨血液以運行。行至肺藉呼吸以吹去之。行至腎。賴小便以排洩之。行至皮膚。由汗腺以發散之。夏令之汗液。冬

日之白屑。即組織因酸化而生之廢物也。與空間塵埃相併。即成污垢。黏附表皮。設不勤加沐浴以除去之。則纖纖之汗腺。爲其填塞。而一條排洩之路斷矣。此路既斷。血中廢物。轉輸於腎。假道小便而出。則腎臟以過勞而衰弱。以衰弱而不能克盡其任務。於是廢料堆積。水津內蓄。或爲石淋。或病水腫。諸恙蜂起矣。不甯唯是。皮膚之作用。除排洩水分鹽類及有機體外。並放散少量之炭酸。攝取些微之養氣。即中醫所謂人身無量數毛孔。息息與呼吸相應是也。若垢污積聚。汗腺阻塞。不僅腎蒙其害。肺亦何嘗不受影響耶。至於皮脂腺同時皮塞。不能分泌脂肪性汁液。以澤潤肌膚。猶其小焉。

竊謂吾華養生諸書。備言不可數數沐浴者。當指水熱浴而言。蓋熱水熱度太高。一則體溫上升。頭目暈眩。二則汗出溱溱。陰血易耗。（經云奪汗者亡血）三則浴時溫度高而毛孔張。浴畢外出。忽觸風寒。多致感冒。故近今學者。咸認熱水浴爲非宜。僅用療病而已。至言沐浴之益。猶不止除垢一端。凡血行之促進。體溫之增

加。疲勞之恢復。精神之爽快。何莫非其功用耶。獨惜國人昧於生理。終歲不浴。習以為常。女子每月行經。清潔尤為重要。

(病理類)

纂輯中西解剖病理

名醫 楊星垣
理事

奚先生

前清孟河奚大先生。傳者忘其名。刀針治法。巧奪天工。時有上海世家某姓女。下部受溼。陰門潰爛。外科敷以生肌藥。後俱長合。僅餘一小孔。但能溲溺。生育無望矣。後請醫連剖數次。亦俱長合。痛苦萬狀。女偕兄特到孟河就醫於奚先生。述病情始末。奚曰。此症非父子母女夫婦不避嫌疑。不可施治。若欲吾治。當拜吾為義父。兄妹允諾。即將此女攜入內室。先服建脾補氣養血利溼等調理藥十餘劑。後用白蠟和生肌藥置火上熬熔。將油紙剪方。拖滿藥汁。作夾紙膏百張。再用刀破開前陰。上止血藥。以夾紙膏雙疊折好。令病人正臥。夾入前陰縫中。溲則去之。溲

第二十八期 纂通門

四十五

後拭盡再夾。日三四次。約用去夾紙膏七八十張。兩旁完全長好。女後出嫁某姓。生子女五人。噫。奚某之巧思。無愧一時國手矣。

內經論溫註釋一束

(續前)

名譽理事

張汝偉

醫 學 雜 誌

熱病七日八日。動喘而弦者。急刺之。汗且自出。淺指手大指間。○熱病傳變。不限時日。有七八日不移。動喘而弦。是邪仍在肺。而風火之勢盛。且有自汗。腠理已疎。若用韭菜刀淺刺少商。肺氣一開。病乃自愈。乙丑七月。余治胡少棠女。年十八。熱病五六日。胸煩氣熱。口渴自汗。氣逆而喘。脈滑數。表雖未解。熱已入營。因用氣血兩燔之玉女法。加疎解營分之品。一劑知。二劑愈。即宗此淺刺開肺之法也。然喘之種類甚多。尤不可不辨。內經論喘。不越火逆上而氣不降也。雖然。火則一而虛實攸分。每見世俗一遇喘家。純行破氣。于太過者當矣。于不及者可乎。余嘗論症。因虛而死者十之九。因實而死者十之一。治實者攻之效。治虛者補之難。故辨症不可不清。而辨喘更當審慎也。巢氏嚴氏只言實喘。獨王海藏云。肺氣果盛。則清

醫 學 雜 誌 47

肅下行。豈復爲喘。皆以火燥真氣。氣衰而喘。所謂盛者。非肺氣也。肺中之火也。故氣虛而火入于肺者。補氣爲先。生脉散。脈數有痰。六君子湯。陰虛而火乘金不得臥者。壯水爲急。六味丸。虛者合生脉。風寒者解邪。水盛者利水。暑邪者白虎湯。痰壅者化痰。諸鬱者疎氣。肺脹麻桂半湯。脈浮者小青龍。腎虛則火不歸元。宜用附桂八味之屬。同一喘症。治法大異。臨診不可不辨。

熱病七日八日。脈微小。病者溲血。口中乾。一日半而死。脈代者一日死。○傷寒太陽症見鼻衄爲欲解也。此溫病熱邪深入下焦。傷肝腎之血。不能藉溲血而解也。若口不乾。精液不竭。亟用導赤及龍膽瀉肝等法。猶可冀生一綫生機。今口中乾。是陰液不上承也。脈代者氣已大傷。不能壓血以行。故脉見代而死也。按代脉體狀動而中止。不能還復動。因而作代者。病者得之猶可療。平人却與壽相關。又曰五十不止身無病。數內有止皆知定。四十一止爲一藏絕。四年之後必死。三十二十。依次類推。如十動內即有代象。死期更速。且此症不惟脉代。且脈形微小。故斷

第二十八期 醫通門

四十七

不治。(未完)

傷寒衄症釋義

名醫 吳玉純

致衄之一症。從春至夏衄者太陽。從秋至冬衄者陽明。以衄之來路。自衝脈直上行於清道。太陽陽明之脈皆上交額中。所以傷寒六經。惟太陽陽明二經病衄。在太陽症中。多由表熱鬱遏。血去而熱亦隨之以去。曰衄乃解者。可知其一衄而不復有再衄也。在陽明症中。必由裏熱蒸發。但云衄而不云解者。恐其尚有再衄三衄也。古人於衄有紅汗之說。然發現之狀態。最足驚人。可預卜而知之耶。曰有之。太陽中篇第五條曰。太陽病脈浮緊無汗發熱身疼痛。八九日不解。八九日已屬再經。而麻黃麻症不解。是表邪之鬱遏已深。服麻黃湯不過微除。而其人反發煩。煩者陽之象也。陽盛者目必張。方書謂開目病陽。闔目病陰。暝者半開半闔之象。陽既盛而煩矣。目又暝而屬陰。適成相反之比例。所謂陽熱鬱遏於營陰之分。既不能從玄府發泄。勢必從清道上行。劇者必衄。直可預決而無疑也。衄乃卽解。更

不必過事驚惶也。不審乎此。漫用涼血止血之品。致可解者反不能解。仲聖之訓。人可謂深切着明也。後第十四條又云。頭痛者必衄。其理更難索解。夫始不頭痛。不大便六七日而頭痛有熱。是不關於表邪。金匱宿食病篇曰。脈緊頭痛風寒。腹中有宿食不化。是可證頭痛之屬於裏熱。故與承氣湯。其小便清者。知不在裏仍在表也。然亦非風寒之表。乃表熱久鬱。無發泄之路。反上蒸爲頭痛。頭痛乃由熱擾清竅。故亦必衄也。若夫陽明篇第二十四條云。陽明病口燥。但欲漱水不欲嚥者。此必衄。口燥爲陽盛之象。不欲嚥水。又爲陰盛之象。亦如發煩之與目瞑。成相反之比例。知其熱燥伏於營絡之中。必動而爲衄。又四十九條云。脈浮發熱口乾鼻燥能食者則衄。此則陽明之熱。充溢於本經之中。而致上越。與太陽經由於表邪者不同。必投清解陽明之劑。庶可不致復衄也。至于少陰經中無汗而強發之。必動其血。或從口鼻或從目出。此則下厥上竭。至危至險之症。非太陽陽明二經之衄所可比例也。

第二十八期 夢述門

四十九

第二十八期 癸通門

太陽爲心主解

五十

理中 王 熾

古之傷寒專家。有以太陽爲心主者。後儒非之。以爲此卽古人所蔽。竊謂不然。蓋後人只知太陽爲寒水之經。心主係少陰火臟。故不應以太陽爲心主。豈知太陽爲人先天之巨陽。其熱生於地下之水中。而上達於周身之表。充於皮膚。原爲衛氣。集於胸中。則爲心陽。蓋心君雖自有真火。然必經下焦水中之生陽上助。斯君火有根而不孤。足以流通血脈。生化萬有。若太陽之氣弱。無以上助。則君火勢孤力薄。往往寒生於上。〔如痰飲之類〕氣陷於下。偶遇風寒侵犯。則無力抵抗。以致外邪漸漸深入。當是時也。用藥表散。最要扶助君火。血液充而後得汗。苟火衰血枯。則化汗難而邪無出路。是太陽在表之邪。由汗驅散。必假君火鼓盪之力。而心主以方寸之虛靈。獨能積熱於中。而運血於外。全賴太陽之陽熱助護。本係上下一氣之循環。故積陽則爲火。積陰則爲水。古人所云太陽爲心主者。是卽積陽爲火之義。非謂太陽之氣化。不在膀胱而在心主也。

陰暑辨

名譽理事 沈仲圭

張潔古曰。靜而得之為中暑。動而得之為中熱。中暑者陰症。中熱者陽症。後人宗其說。遂立陰暑陽暑之名。如張介賓曰。陰暑症或在於表。或在於裏。惟富貴安逸之人多有之。總由恣情任性。不慎風寒所致也。陽暑症惟辛苦勞役之人多有之。由乎觸冒暑熱。有勢所不容已也。然暑熱逼人。畏而可避。可避則犯之者少。陰寒襲人者。快而莫知。莫知則犯之者多。張氏此言。洞中病情。但暑本燥熱之氣。而冠以陰字。究有未安。蓋夏日相火司令。流金燦石。人在氣交中感之而病者。是曰傷暑。其有大廈深堂。風亭水閣。過貪涼風致病者。乃傷寒而非暑病也。或疑炎夏無傷寒不知陽

氣發越。朕理空疎。受寒乃較平時為易。 故其外候。一為心煩口渴。身熱自汗。一為身熱頭痛。惡寒無汗。而脈象之虛與緊。尤不相侔。其治療。白虎加人參湯以滌暑清氣。一主肘後。葱鼓湯以驅寒解表。病源迥異。証治天淵。安得以一暑字槩之哉。至於恣啖生冷。脾胃內戕。釀成寒症。則不但非暑病。並非六淫病矣。內經曰。相火之化。暑主於夏。又

第二十八期 醫通門

五十一

曰歲火太過。炎暑流行。仲景名中熱曰喝。〔說文喝。傷暑也。〕熟玩聖訓暑字之義。昭然若揭。而陰暑之名。不攻自破矣。

論瘧

名譽會員 許伯元

瘧之爲病。衆說雖有異同。然不外陰陽二氣盛衰剩復而已。何則。觀內經瘧論篇。帝曰。夫瘧皆生於風。其蓄作有時者何也。岐伯曰。瘧之始發也。先起於毫毛。申欠乃作。寒慄鼓頷。腰脊俱痛。寒去則內外皆熱。頭痛如破。渴欲冷飲。帝曰。何氣使然。曰。陰陽上下交爭。虛實更作。陰陽相移也。陽併於陰。則陰實而陽虛。陽虛者。陽氣衰也。亦陽之剝也。又曰。陽明虛則寒慄鼓頷。巨陽虛則腰背頭頷痛。三陽俱虛則陰氣盛。陰氣盛則骨寒而痛。陰氣勝者。陰之盛。亦陰之復也。又曰。寒生於內。故中外皆寒。陽盛則內熱。陰虛則外熱。內外皆熱則喘而喝。夫曰陽盛內熱。陰虛外熱。豈非二氣之盛衰剝復而然乎。著論皆以陰陽二氣爲言。不見論及臟腑。况又曰熱。氣盛藏於皮膚之內。腸胃之外。此榮氣之所舍也。令人汗。腠理開。因得秋風。汗

出遇風。及得之以浴。水氣含於皮膚之內。與衛氣併居。蓋衛氣者。日行於陽。夜行於陰。此氣得陽而外出。得陰而內薄。是以日作。觀此可見瘡之爲病。乃陰陽二氣。外感所致。非臟腑內生之病。况病瘡者之寒。當其寒也。湯火不能溫之。及其熱也。冰水不能寒之。當此之時。雖良工不能止。及其汗出氣和。臟腑無恙。豈非陰陽二氣爲病哉。經曰。方其盛時必毀。因其衰也。事必大昌。此之謂也。仲景謂邪在半表半裏。此真洞明內經之奧妙。後儒費伯雄謂瘡病爲暑熱之氣。先伏於內。受風寒包裹。是熱邪在裏。寒邪在外。及其與衛氣同發。先發在外之寒邪。故先寒。次發在內之熱邪。故後熱。至得汗之後。風熱漸改。故寒熱皆平。此說亦得內經本旨。見解獨深。此中醫古今聖賢所同一論調也。乃西醫則謂瘡係傳染。皆由一種蚊嘴之寄生虫。其喙輸入於人身之血管。即時能將人身血管之赤血球變爲黑色。此即致病之原由。又謂此虫孳生甚速。其生滅祇一週日。舊虫滅而遺子則瘡止。其膠化成新虫則瘡作。生滅只一週日。是以瘡一日一作也。然瘡不止一日一作。間日

第二十八期 醫述門

五十四

一作者有之。三日一作者有之。一日數作者亦有之。彼既明明謂生滅只一週日。何以偏有間日三日一日之病。似未可執以爲例。况蚊之螫人。不止一人。夫妻子女同牀者最多。不聞有夫妻子女同瘡者。可知傳染之說。亦殊不確。不深究病理。而專事於部解。見血管之有虫。卽曰病在是矣。豈知絕無關係者乎。如肺癆病然。彼剖解見肺之有虫。肺之焦痿。卽曰病在肺矣。豈知癆病原因。全不在於肺。如是種種西醫祇論形象。不論病理。不足爲法。總之瘡病爲風邪外入之病。陰陽二氣上下交爭。盛衰剝復而已。

冬溫與傷寒辨

會員 徐世長

溫病之見于冬令者。由於非時之暖。人之元氣素虛。腎氣外泄。偶有所感。不能鼓邪外出。復得暴寒所傷。外呈太陽傷寒之表証。溫熱之邪內已伏藏。醫者診焉不察。率投麻桂等藥。未有不誤人者也。夫二症之辨。顯而易見。傷寒之脈。左手大于右手。溫病之脈。右手大于左手。傷寒脈浮而緊。溫病脈浮而數。傷寒寸脈浮而尺

脈沉。溫病尺寸脈俱浮。傷寒脈大。溫病脈細。傷寒發熱惡寒。惡寒多而發熱少。溫病發熱而不惡寒。間有微惡寒者。然雖寒而不勝其熱。傷寒無舌胎而口不渴。溫病口渴而兼舌胎。傷寒神清。溫病朦朧。傷寒面色不易。溫病面如油垢。此為傷寒與溫病之種種不同也。奈人皆以為多月盡是傷寒而無溫病者。又有謂雖多月而溫病居多。真傷寒絕少者。聚訟不已。以致後學無可適從。今將二証之不同處。辨別清楚。當臨証之際。或為溫病。或是傷寒。自有定見。不至狐疑悞事也。

(診治類)

(診法)

色脈篇

續二十七期

理事

楊百城

論色脈合證之關係

經云察色按脈。先別陰陽。審清濁。

此言合色脈以分別病證也。李挺有云。四時之邪。以從前來者為實邪。後來者為

第二十八期 寒濕門

五十五

虛邪例看。假令色紅。心病。熱。痰火。顛狂。斑疹。等證。其脉當浮大而散。色青。肝病。脅痛。乾嘔。便血等證。其脈當弦而急。色黃。脾病。濕熱。腫脹。傷食。嘔吐。關格等證。其脈當中緩而大。色白。肺病。氣喘。痰飲。痿痺。咳嗽等證。其脈當浮濇而短。色黑。腎病。腰脚疝癩淋濁。漏精等證。其脈當沈濡而滑。其間多動則為火為虛。靜則為寒為實。皆當色脈相參。又五積六聚。大宜色與脈證相應。故言赤脈白脈。合色脈而言之也。又五色應五臟。間有綠色者。乃任督陰陽之交會也。此李挺所論。歷舉諸證以示崖略。後人繇此門徑。可以深造堂奧矣。

論色脈合時之關係

經云色之變化。以應四時之脈。此上帝之所貴。以合於神明者也。此言察色診脈。當於時相應也。肝色青。時主春。其脈弦。心色赤。初主夏。其脈鉤。脾色黃。主旺四季。其脈代。肺色白。時主秋。其脈毛。腎色黑。時主冬。其脈石。昔我先師之理色脈也。以色青脈弦而合木。應春。色赤脈鉤而合火。應夏。色黃脈代而合土。

應長夏及四季。色白脈毛而合金。應秋。色黑脈石而合水。應冬。以五行之休旺。副四時之往來。故六合之內。八風鼓析。不離常候。盡可與期在此觀其移精變氣。所以通神明之妙也。夫色脈相和則吉。相勝則凶。色脈之臧否。死生之徵兆。寓焉。中臟經有云。面青無右關脈。脾絕。面赤無右寸脈。肺絕。面白無左關脈。肝絕。面黃無左尺脈。腎絕。面黑無左寸脈。心絕。故斷之曰五絕者死。而又申言之曰。當其時則死。非其時則半歲死耳。五色雖見。五脈不見。即非死矣。是其間有當時與非當時之分。死期有速有遲。而色見脈不見者。則又非可以一概斷以死矣。

診脈分左右三部之原理論下

名譽理事 俞鑑泉

前者濬曾有脈部分左右六部之說。吾知博雅者尙嫌立說之未精。而醉心新學者且曰嚙語而已。爲古人作辯護而已。醫學之不長進。爲此等似是而非之說所障礙而已。吾於是敢再言其理焉。

陰陽應象大論曰東方陽也。陽者其精并於上。則上明而下虛。故使耳目聰明而

第二十八期 藝述門

五十七

手足不便也。西方陰也。陰者其精并於下。則下盛而上虛。故其耳目不聰明而手足便也。又曰天不足西北。故西北方陰也。而人右耳目不如左明也。地不滿東南。故東南方陽也。而人左手足不如右強也。然經言如是。而其中尚有氣血相交之理。非但曰陰陽而已。即如以目言之。目之所以能視。以氣血二者而已。遠視之能力在氣。近觀之能力在血。幼年陰血與陽氣均足。遠近之視力極明。至衰年陰精日減。故近觀之目力亦日減。必須藉鏡光以助之。而左右兩目之中。可試氣血相交之理。今如閉其一目。以一目視遠。或閉其一目。以一目視近。均各有偏勝之交。其視遠之力足者。氣勝也。以近觀之力足者。血勝也。〔按所謂近觀與近視眼異〕左右二目互有偏勝之處。不得以左目必明於右目泥之。以隨人之年齡與氣血衰旺爲斷。若左右手之運動。亦有左手能作字作事者。但此陽體氣較少。均以右手作事便捷者爲多。以右手屬氣故也。今姑以機件譬之。能運動者機件也。所以使機件之運動者。爲火力。汽力。電力也。人身之氣。機件之汽力似之。氣能動。故經

曰氣爲陽。血爲陰。又曰左爲陽。右爲陰。前爲陽。後爲陰。上爲陽。下爲陰。又曰左右者。陰陽之道路也。蓋經以左右上下前後分陰陽者。以身之部位言之也。曰左右爲陰陽之道路者。以氣血所行之途徑言之。亦卽氣血所交之道路也。左右之氣血交則和。不交則偏枯之病生。前後不交。則反張偃僕之病生。上下不交。則血冲腦筋之病生。皇極經世曰。人之陽在上而陰在下。既交則陽在下而陰在上。故血冲腦經之症。無下濟之陰。惟有直上之陽。爲陰絕陽迫之危症矣。然氣血之交。本無形跡之可言。且西西說證之。西說謂左體運動神經。係發源於腦系之右邊。右體運動神經。反發源於腦系之左邊。是可證左右相交之理矣。且右之運動神經。出於腦系之左。是右手之運動。方有得心之効。誠以造化生人。二氣相互。如環無端。以氣血言之。氣爲陽。血爲陰。以位分言之。左爲陽。右爲陰。古賢楊上善謂陰氣右行。陽氣左行。是右體運動神經發源於腦系之左邊者。陰氣右行也。此吾醫治病以左爲血。右爲氣之證也。左爲陽。血爲陰。左手反重在血者。陽抱陰也。右爲陰。

氣爲陽。右手反重在氣者。陰抱陽也。是古聖以左手三部配爲心肝腎。可無義疑矣。且左右所以分氣血之理。尙有數者。可以新說證之。解剖家藏體所見。如肺則右葉略大。左葉略小。心之尖且向左焉。如腎則在左畧小。在右略大。而左腎且略長而左墜焉。其臟形之大小高下。亦各如手足之氣血。不分中有所分也。誠以氣血既異。其名更異。其物左右不無偏勝之處。古之聖人能於未病時。早識氣血有左右之偏勝。後人於氣血已偏。病機發現。方始知耳。可知中古醫者分左右氣血之治。亦從脈要精微論臟腑左右之分配而悟得之。若拘左爲陽右爲陰。氣爲陽血爲陰。是血之爲陰者。何以偏重在陽位。豈非顛倒陰陽自相矛盾歟。故醫者必兼明氣血相交之理。更知其有偏重之處。然後更參之以脈象。自不以古人爲嚮言矣。且素問之言脈。乃言其常也。案部以探索之。自有足據。若夫非其脈位而反有其脈象。如脾部見弦之類。或三部之脈不別。或左右之脈相同。雜奇變幻。不一其態。是在博考廣稽。神而明之。存乎其人。鄙人學醫有年。知自來論脈者。以脈要

精微論中之言爲最確。惟同爲一肺脈。分出左右之界限。易啓人疑。爰不憚煩言。以發明其所以然。與海內同道共正之。敢再伸前說之餘義焉。

(治法)

歷代名醫治法彙錄

續二十七期

刺

其病癢痺其治宜微鍼。形樂志苦。病生於脈。治以灸刺。明九鍼之用。經絡補瀉之法也。故榮衛異刺。以分血氣之虛實。井榮異刺。以分五行之子母。募俞異刺。以分背腹之陰陽。春夏異刺。以分人氣之淺深。大抵虛補實瀉。無過不及之傷。以輔其平者。刺法之大要也。然有病勢未深。可刺而即愈者。所謂病之始起。可刺而已。或痺不仁腫痛。可灸刺而去之是也。有病傳諸經。必上下俱刺者。所謂刺熱刺瘡。病甚爲五十九刺是也。然刺之爲言。同於擊刺之刺。以爲利也。害在其中。黃帝謂徐人安靜。手巧而心審諦者。可使行鍼艾。張機謂鍼能殺生人。不能起死人。以用之

第二十八期 露通門

六十一

第二十八期 專述門

六十二

不可不慎也。况九鍼異體。取病有殊。十二節異法。用有輕重。必明日月星辰四時八正之在天。寒暑燥濕經水盈虛之在地。肥瘠壯弱虛實盛衰之在人。然後呼吸補瀉出入迎隨。惟意之從。豈特知募腧部分皮肉筋骸飢飽勞逸而已哉。故曰見微得過。用之不殆。

(治療各稿)

注意脫疫(即霍亂)

名譽理事 徐相宸

霍亂之病。上吐下瀉。有開無闔。有出無入。血肉之軀。終至於脫而後已。定名脫疫。不亦宜乎。此病惡候種種。未遑悉數。扼要在一瀉字。不怕吐多。怕瀉多。不怕瀉多。怕瀉不止。吃緊在一汗字。不怕無汗。怕汗多。不怕熱汗。怕冷如雨。吐瀉不止。冷汗如雨。脫症具矣。霍亂致命。未有不至此絕境者也。然而趨勢雖同。起原各異。一方統治。斷難十全。茲為簡便起見。原本學理。辨別種類。定一主治之方。詳其加減之法。聊竭愚誠。貢獻社會。倘蒙高雅教而進之。生民幸甚。曷勝歡迎。

醫 學 雜 誌

淫食霍亂主方 無淫不成霍亂。無食亦不成霍亂。故霍亂之第一步。以淫食爲之主。蠶矢一壹兩 茅朮一三錢 山查一五錢 神曲一五錢 明礬一三

錢 燒鹽一三錢 黃沙一四兩 陰陽水各半。煎去滓。放溫服。

附加減法。悶亂叫痛。舌苔垢膩無汗。或汗少者。有穢濁也。加龍涎香一壹分

好麝香一五厘 二味俱須研細吞服。鮮菖蒲一三錢 搗煎 黃鬱金一三

錢 唇舌白潤。腹痛雷鳴。無汗。或汗不多而冷。有陰寒也。加上肉桂一壹分至三

公丁香壹錢五分至三錢 好原梁一四兩冲 冷汗如雨。四肢如冰。形脫聲

嘶。陽氣欲脫也。去山查神曲二味 茅朮易天生朮一兩照陰寒法。再加 製附

片一錢五分至三錢 別直參五錢至八錢 訶子肉三錢至五錢 好鴉片五

厘至一分 夙有烟癖者倍之。案霍亂証以此一種爲最難治。以其正不勝邪也。

唇舌俱紅口渴心煩汗多而熱。有暑熱也。加 西牛黃五厘 上川連五分至

八分鮮荷葉一張苔黃且燥者。加煨石膏五錢至八錢。

第二十八期 雜述門

六十三

第二十八期 寒透門

六十四

外治法 腹中冷痛者。以石硫黃火刀石肉桂丁香艾絨鴉片暖臍膏蓋之。重棉裹之。肢冷轉筋者。花椒樟腦老薑火酒極力擦之。生附子一兩搗貼足心湧泉穴。

病中禁忌 諸穀勿進。陰寒及陽氣欲脫者。避寒。污濁及暑熱者。忌悶。一周時內。堅壁清野。屏絕食物。如欲索飲。以燒鹽百沸湯代茶。絕無流弊。

病後禁忌 房事生冷油葷糖酒寒暑風露。輕者一二星期。重者經月乃至百日。此其大畧也。精詳研究。別有拙著。俟脫稿再呈一教。

紀甲子春月之麻症

名醫 會員 陳蓮峯

洪鈞氣轉。萬象回春。石碼忽有麻疹之發生。雖產甫數月之幼孩。年將弱冠之童子。同罹此厄。傳染之盛。區域甚廣。如汀漳龍泉等屬。皆有報告。吁。時氣流行。豈亦歲會使然歟。三男祥霖于正月抄發熱。脈洪大而數。眼紅鼻涕咳嗽。旋即紅鱗畢現。愚初以升麻葛根湯加大青茜草石膏之品。并採桑葉為茶飲。嗣大熱大瀉。喘

息頗急。陽明火盛。改用柴胡白虎湯一劑。既而鼻衄。遽擬犀角地黃。服後熱退身涼。諸恙漸平。惟咳嗽頻頻尙未淨。詎四兒祥伯亦發熱報疹。不幸閩軍由廈襲海澄。戰事遽肇。地方頓呈阨隍之象。余急于移脊避亂。草草以升葛湯加大青茜草石膏知母等一帖。因友人西醫黃君贈金鷄納霜丸拾數。亦授諸乳媪。後舉家遷居隔江某村。余留店守之。未幾石碼陷落。軍無紀律。焚掠頗甚。交通斷絕。祥伯之病余亦無心顧及。洎至秩序粗復。內子率兒輩歸來。祥伯因疹失治。變証紛起。初則泄瀉兼血。繼忽脚腫。微熱不除。咳嗽亦盤旋弗寧。精神疲靡。胃口銳減。善啼不適。渠母異常憂苦。責余治之。夫痘陰毒也。疹陽毒也。痘須補托。疹當涼解。諺云痘前疹後。煞費苦心。蓋言痘出之前。倘失補托。無從發揮胎元之伏毒。發疹之後。初不涼解。則難以開泄先天之蘊邪。一則變動于先。一則遺患于後。祥伯之疹。因戰亂之阻。失用涼解。致如斯之纏綿。症既至此。非以清血疎邪之方。根本剷除。無能收澄源之效也。擬四物湯加連喬銀花丹皮紅花錦軍。一方從泄毒之路。以血藥

導之。服後頗見清適。渠母畏太黃之酸寒。以病將週月之軀。元氣虛弱恐非所宜。因以蓮藕搗汁調鹽溫飲。晨夕兩番。屈指三四日。竟夷然告痊。誌之以為治疹科者告。

臍風研究

名譽會員 陳蓮峰

臍風一証。俗名中六。屬肝屬脾。古今論治聚訟紛紜。致幼科金匱有言。斷臍不慎。客風中於臍處。千金方有臍風臍溼臍瘡。三者皆因斷臍後為風溼傷而成。由此則西說所謂破傷風菌之傳染可以證明無疑也。中國醫法。如夏禹鑄臍風燈火十三焦圖說張景岳艾火灸臍法。其作用有二。甲 燔火滅毒。乙 推增血壓亢進。蓋當撮口聚唇眼閉口噤啼聲如啞。或舌上如粟。或口吐白沫。或喉痰潮響。或氣息喘急。甚者舌強而青腹脹青筋吊腸牽痛之候。一經燔灸。菌毒靡遺。此為寒因熱治。濕從火化之意義也。藥治之方不外疎風逐邪而已。是則西說之所謂興奮鎮痙之劑。以之抵抗菌毒也。因破傷風程。由臍部創口。傳染血行器而入脊腦。此神

經系所以驟呈中毒之現象。近世西人發明血清注射以為根本治療。惟其結果殊少成績之可言。敝省兒科秘本。揭明臍風為中疾發疝之証。因經傳變。治法殊類。見廈門神州醫藥分會月報幼嬰疾疝秘書且達生編有治中六症藥方。藥性辛烈。非初生胎兒所宜。余製有治臍風驗方。在臨床上所得。成績甚優。特錄之以資商榷。

方劑中藥 真牛黃 八分 正硃砂 八分 大梅片 八分 西藥蟻年沙 *Micaghesisia* 八分 共研粉每服五厘每三小時一次重者一分百試百效

天痘登熱見點起脹養漿論治

名醫唐忠俊

痘者陰分之毒。得陽氣而成。其中有種出與自出之別。種出者昔有苗痘。今則通行牛痘。山胎毒內發所致。自出者為時痘。即天痘也。天痘之症。由外感疫癘之邪。引動先天之蘊毒所成。或由傳染而來。患此者幼童居其七。壯者居其三。老者最少。其症一發。來勢頗重。稍一失誤。多致不救。乃有庸醫一見此症。徒守諸痛瘡癢。皆屬於熱之句。而專施清火解毒苦寒剋伐之品。隨手浪用。豈知治痘之法。全以

第二十八期 醫論門

六十七

第二十八期 醫述門

六十八

透發爲第一要義。而透發非賴氣血充足。眞陽托送不爲功。譬諸豬豚氣脈。欲其脹滿。必須充之以氣。氣散即陷而不脹矣。痘症之理亦猶是也。苟始終專用苦寒。則血凝。尅伐則氣破。血凝氣破。則眞陽被伐。陰毒勢必乘虛內攻。以致輕者變生泄瀉塌陷。重者都遭慘亡。欲告無罪於世。其可得乎。故治痘之法。最忌過寒尅伐。且其症之發。凡分四期。先約身熱三日。然後見點。點齊三日。然後起脹。起脹三日。然後放漿貫膿。貫膿三日。然後漸漸結痂而收靨矣。症既按期而來。治必因勢制宜。當身熱之初。如耳尻中指俱冷。耳後及兩顙間有紅絲。而呵欠多嚏。兩目困倦者。預知其出痘也。急宜分經辨症。托裏解表。使肌內鬆透。則痘點易出。倘氣虛陽弱而不能透出。則宜微補其氣。以求見點。惟初忌用芪。恐腠理一密。則痘難出矣。痘點既齊。則開盤而起脹。起脹時。頤面頤頰亦見微腫。因毒邪由內達外。此時尙在肌膚之間也。及膿成漿足。毒氣盡化。則腫勢自消。故治宜清涼托毒爲主。清涼則無血熱腸枯之患。托毒則無壅滯黑陷之害。然必正氣充足。方能起脹。若當起

脹之時而不起脹。則由氣血內虛。不能托毒外出之故。但能補托兼施。則盤自開而脹自起矣。若見痘未開盤而頭面先腫。亦因元氣大虧。症屬虛腫。其痘必不能起脹。及痘已起脹而腫不消。亦緣元氣素虛。不能攝毒。餘毒留於肌膚之間。不能盡化爲膿所致。均宜疎透解毒之中。重用扶正之品。則起脹腫。腫消而毒化矣。痘既起脹則貫膿。而貫膿全賴養漿。漿足則毒化膿貫。漿不足則痘斯壞矣。故此時最宜留意。若痘顆稀疎而飽滿。根盤鮮紅而潤澤。斯爲上等症。可安枕無憂。倘頂陷而不起。是氣虛也。色淡而不鮮。是血虛也。痘根無紅盤。頂含黑水。及漿清而不稠者。真陽不足也。先哲云。養漿全藉陽氣。故最喜身熱。熱則真陽充足而能托膿化毒也。惟其熱亦不可太過。不及則陽氣有所不足。不能蒸化其毒。過熱則氣血受其煎熬。其毒不得渾化。故此時必須審其體質。察其病源。培補氣血。養陰濟陽。以使兩相交感。則漿稠而毒化矣。最忌便溏。便溏則中氣餒而不能運送。陽氣傷而不能化毒。以致痘毒內陷。爲患非淺也。是故升麻進於未點之先。瀉甚爲宜。參

第二十八期 葛述門

七十

芪用於催膿之際。氣虛乃合。身不壯熱。勿投柴葛。臉不煩紅。忌用芩連。便溏清稀。涼藥終非相宜。胃虛納少。滋陰恐增瀉利。欬嗽有痰。切勿亂投半夏。熱沖作嘔。尙須禁施乾薑。氣血雙虧。參芪奏效。脾腎虛寒。桂附收功。總之治痘之法。始終以顧氣血爲主。用藥既不可偏寒。又不可偏熱。若見點未齊而過用苦寒。則痘爲寒遏而不能盡透。起脹未滿而過用苦寒。則水不能升而頂陷。毒未盡解而過用溫補。則毒亦滯蓄而不能化漿。漿未滿足而更用苦寒。則漿淡不稠而癢塌。如身涼而膿不乾。痂落而斑不化。及痘後發毒。而麻痘瘡等惡象。皆由調治失當所致。然此特言其常而不言其變。醫者必當隨症施宜。不可偏執也。

偏腦疽治愈

會員

相里規

介休閻光耀君去夏四月腦後生瘡。言經某醫士診視云。非用甘字樣切開法去。出死肌如拳。難以望痊。來商可否。並詢另治方法。余視其瘡狀如覆碗。審其部位。係偏腦疽。(俗名偏對口)診其脈象浮而無力。語之曰。刀割而取死肌。是霸道也。用藥

拔毒去腐。是王道也。君年已五十。氣血既衰。脈浮無力。顯係氣虛。症又偏口。本由膀胱經脈虛寒所致。若用刀割。必傷好肉。損氣血。是虛而又使之虛。未免有違內經勿虛虛之旨。况割後難望數月長平。氣血稍有滯碍。恐有不虞之患。以余思之。不如內服雙補氣血之藥。加以清熱解毒之品。助其化膿。使邪外達。外敷敗毒取腐之藥。兼帖回陽解毒之膏。使其自破。瀉其毒邪。兩面夾攻。或可收效。轉危為安。病人立求診治。余以降丹五釐。冷水調如泥敷瘡頭上。蓋以陽和解凝膏。使服熟地當歸黃芪金銀花黃連川山甲皂刺貝母白芷甘艸二劑。第二日即破。膿血淋漓。腫亦漸消。四日其腐完全脫落。以紅升丹和硼酸膏填於瘡內。服十全大補湯加乳香沒藥白芷十劑。共十二日。新肉長平。遂以無臭黃碘散二三次。結痂而愈。蓋白降紅升中藥也。黃碘硼酸西藥也。中西台治。其效甚速。

(藥物類)

論大黃功用

名譽會員 劉前英

第二十八期 藥論門

七十一

虛症補之參耆是也。實症瀉之大黃是也。夫大黃之功用偉大。前人已詳晰說明。惟以性味苦寒。藥力猛烈。誤用則傷元氣耗陰血。醫者輒不敢輕投。然藥雖峻劑。以病當之則無妨。蓋攻下之劑。總是實熱病症俱備。危在旦夕。非用大黃急下。使邪熱瘀垢盡去。正氣復元。則不可救。所謂斬關奪門之法也。乃後人抱王道之旨。視爲禁劑。誠屬偏見。且大黃之用。非獨實症熱症要藥。卽虛寒之病亦間有用之者。攷諸神農本草云。大黃能推蕩五臟寒熱。於此可明大黃能治寒疾之不誣矣。李士材亦云。古人用大黃以治虛癆吐血衄之病。寓意深微。蓋濁陰不降。則清陽不升。瘀血不去。則新血不生。所謂釜底抽薪之法。於此更可明大黃確有治虛弱之功效也。然証以上兩說。則於大黃之本性何相反若是。此則非深於研究者莫知其奧妙。大黃雖猛烈之藥。然走而不守。縱有悞事。施救亦易。非若芩連之墨守不移。且生用味寒。製熟微溫。溫則微補。故虛寒病亦間有用之者。不過大黃係攻下之專藥。古人用治虛寒者極罕。沿及近世則更絕矣。亦以其力峻故耳。乃醫者不

醫

學

雜

誌

73

明斯義。連貫熱之病亦慎於他用。視為至毒之品。縱有用者而分量極輕。更或有以補瀉之藥佐之。使互相牽制。減輕其蕩滌之力。殊失大黃偉大功效。迨亦大黃之蹇運耶。且補虛宜緩。攻實宜急。又安可嫌其猛烈乎。惟以治虛寒病。理由却不十分充足。若投治實症。則有推陳致新之效。撥亂反正之功。如定禍亂以致太平。宜其有將軍之號也。

梁上塵百草霜釜底墨二者異同之研究

理學 王熾

梁上塵者。即屋壁與頂棚上之倒挂塵也。以其垂條若線。色黑飛舞。狀如龍尾。故又名烏龍尾。氣味辛苦微寒。無毒。主止金瘡。及齒斷血出喉。掉乳蛾。(同枯礬牙皂鹽炒黃等分爲末或吹或點)卒自縊死。氣閉。(用四人各納塵於竹管中同時力吹死者兩耳兩鼻即活方出外台秘要)

百草霜。即灶突墨也。其質由各草燒化。輕細如霜。故名。氣味辛溫。無毒。主消化積滯。下食。(內含鹹質之力)止吐衄崩漏諸血。(炭質能促進血纖維素之凝結 傷

第二十八期 藥通門

七十三

第二十八期 寒暄門

七十四

寒陽毒發狂。瘡痢。噎隔。咽喉口舌諸瘡。〔内含鹹性能滅酸質〕

釜底墨。卽鍋底煙墨。一名釜臍墨。氣味主治。與百草霜大畧相同。古方墨奴丸。治陽毒發狂。釜底墨與百草霜梁上塵三者併用。以其皆係煙氣所結。内含成分大略相同。惟體質有異。故主治不無上下之別。且其方中兼用麻黃大黃通利三焦。汗下並行其意可見。攷百草霜與釜底墨既善止血。又能消積化滯。惟通竅之功。不及梁上塵焉。然駐車丸。用百草霜二錢。巴豆煨去油一錢。研勻。麵糊丸。綠豆大。每服三五丸。治小兒積痢。〔赤者甘草湯下。白者米飲下。赤白薑湯下。〕又咽中結塊。水食不下。危困欲死。百草霜蜜丸如黃實大。新汲水化下。不過二丸即通。名百靈丸。二方皆能開閉下積。其功不亞於梁上塵也。

醫院煎藥規則

牛惠善

- (1) 醫士處方時。藥之煎法服法如何。應當寫明。並詳細面告看護人。
- (2) 看護人買藥時。須令一一各包。再經管理人檢點其真假。

- (3) 某病人處某號。某藥壺有某號牌。均須標明。方無錯誤。
- (4) 如係用過藥壺。更要十分洗淨。否則有害。
- (5) 煎藥時須將應注之水量。煎煮之時間。火力之大小。及應留的藥量。一一了然於胸中。
- (6) 看護人於煎藥時。可時常看守。不得離開。致水盡藥乾等弊。
- (7) 煎金石之藥宜研碎。堅固之藥宜打破。則汁味易出。
- (8) 煎芳香之藥。爲其氣足。宜少煎。補益之藥。取其味濃。宜多煎。
- (9) 凡一劑藥中。因難煎易煎。有先煎一二味。後下羣藥者。有先下羣藥留一二味後下者。爲看護人。須分別清楚。
- (10) 管理人於看護煎藥時。當檢查其是否適宜。
- (11) 凡煎藥時。藥引有先下後下之別。不可不知。
- (12) 凡清火之劑宜涼飲。或畧溫。不可過熱。甚有用雪水冰水者。不可不知。至於

第二十八期 雜論門

七十六

發表之劑。取其容易發汗。宜熱飲。或飲畢啜粥。蓋被溫臥。

(13) 看護人於煎藥畢濾渣時。尤須格外潔淨及謹慎。

(14) 遇病人服藥時。看護人要親視之。有服藥不守規則者。可以和平勸導。

(15) 看護人平時須細心研究煎藥法。及藥理病理。稍有不明。卽問醫士或管理
人。



關於腦病之療法

理事 費夢萼

程文彬治一婦患頭風。雖盛暑必以帕蒙首。稍見風寒。痛不可忍。百藥不效。蓋因腦受風寒。氣血兩虛。氣不能升。故藥不效。今病人口含冷水。仰臥。以薑汁灌入鼻中。痛立止。與補中益氣加細辛川芎蔓荊白芍數服而愈。用薑汁灌鼻中。開久鬱之風寒也。若寒濕頭痛。用獨顆蒜汁滴之。火鬱頭痛。用白菜腹汁滴之。左患滴右鼻。右患滴左鼻。

芎按鼻為肺之門戶。亦為腦之竅道。良以鼻腔內部。上貫乎腦。而下通乎肺也。故腦漏鼻淵。穢毒薰腦。鼻柱腐壞。文彬此案。運用灌鼻。俾其直達腦部。法既簡捷。效復神速。可謂大開療治腦病之法門。惟行灌注時。必囑病人口含溫水。仰臥。頭部向下低傾。喉間作忍住吞飲之勢。則灌注之汁。直流腦部。不至竄入咽。

第二十八期 醫案門

七十七

第二十八期 醫案門

七十八

喉。若灌汁刺激性猛者。〔如薑汁之辛辣〕則含冷水爲宜。使鼻神經一時鈍麻。不致引起噴嚏之反感。尤宜注意者。灌注之藥汁。必須用潔棉濾清。不含些許渣滓。庶無貽辛額之後患。文彬雖未言及。而讀者不可不知也。龔讀裕陵傳。有王荆公徧頭痛。禁中秘方一則。方用生萊菔汁一蜎壳。仰臥注鼻中。不論其是否由文彬處得來。而灌鼻之療法。確可深信。後世醫者不知採用。惜哉。昔虞恒德治一婦中風暴仆。神昏口噤。喉如拽鋸。虞先以藜蘆末一錢加麝香少許灌入鼻孔。得吐痰升許。始知人事。然後進藥調理而痊。此亦運用灌鼻之法。不過用以達喉通竅。取徑懸殊。故用法亦異。讀者細細參究。自能明其方法之用意。此正鼻腔內部上貫乎腦。下通乎肺。故不僅療治腦病之可能也。用附識之。

喻嘉言治吳添官生母。時多暴怒。以致經行復止。入秋以來。漸覺氣逆上厥。如坐舟船之狀。動輒暈去。久久臥於床中。時若天翻地覆。不能強起。百般醫治不效。因用人參三五分。略寧片刻。最後服至五錢。一劑日費數金。意圖且夕苟安。以視稚

子。究竟家產盡費。病轉凶危。大熱引飲。腦間有如刀劈。食少瀉多。已治後事。無他望矣。聞喻返婁延診。許以可救。因委命以聽焉。喻謂怒甚則血菀於上。而氣不返於下者。名曰厥巔。疾。厥者逆也。巔者高也。氣與血俱逆於高巔。故動輒眩暈也。又以上盛下虛者。過在少陽。少陽者足少陽膽也。膽之穴皆絡於腦。鬱怒之火。上攻於腦。得補而熾。其痛如劈。因爲厥巔之疾也。風火相煽。振搖而熱蒸。土木相凌。故艱食而多瀉也。於是會內經鐵落鎮墜之意。以代赭石龍膽草蘆薈黃連之屬。降其上逆之氣。以蜀漆丹皮赤芍之屬。行其上燻之血。以牡蠣龍骨五味之屬。斂其浮游之神。最要在每劑中加入豬膽汁二枚。蓋以少陽熱熾。膽汁必乾。亟以同類濟之。資其持危扶顛之用。病者藥一入口。便若神返。其舍忘其苦口。連進十餘劑。服豬膽二十餘枚。熱退身涼。飲食有加。便瀉自止。遂能起床行動數步。然尙覺一身如葉。不能久支。喻恐藥味太苦。不宜多服。減去豬膽及蘆薈等藥。加入當歸一錢。人參三分。姜棗爲引。平調數日而全愈。

第二十八期 醫案門

七十九

第二十八期 醫案門

八十

按嘉言此案。辨治悉本經義。可謂善於化裁。內經所謂厥、嶺、疾。卽今所謂腦病。嘉言當時並無西說引証。卽能妙悟斯旨。設非絕頂聰明。曷克臻此。而腦與膽之關係。闡明所及。直可駕西說而上之。尤足貴也。今人讀內經。既不明膽腦同列奇恆之府爲何故。復不解膽爲中精之府。又爲中正之官。決斷出焉。凡十一臟取於膽等句爲何理。茲得嘉言一筆點醒。奚快如之。此案用藥。會意鐵落鎮墜之法。而用赭石。已可謂妙到秋毫。而復佐用仲景桂枝去桂。近世傷寒論本作去芍非加蜀漆龍骨牡蠣救逆湯。以救人參溫補助火之誤。尤爲極化裁之能事。用豬膽汁者同類相濟。猶近今西藥 Pepsin (百布聖) 之療治胃液缺乏之症。然總之此案不獨辨治精深。而於腦病發明。更爲透切。未可僅僅作醫案觀也。蜀漆卽蜀黍。昔人黍漆通用。非常山苗也。

通訊門

神州醫藥總會覆本會械

逕覆者頃接貴大函及建議書欣領一是。會對於提高中醫學術。發布醫校章程。迭向內教二部請願。雖蒙審核。迄未通行。現貴會因全國教育會聯合會本年。在貴省舉行。提出建議。冀學校統系中列入中醫專門。用保國粹而宏文化。曷勝欽佩。會當即將貴會來件。於常會中提交會議。一致贊同。合亟函覆。維希查照。實紉公誼。此致云云。

奉天醫士公會致本會函

逕啓者接讀楊百城趙意空卍劍虹等提議書一分。為教育部學校系統漏列中醫一門。請公決咨部加入一案。卓識高見。醫界同欽。同人全體贊成。良以中醫發明最早。神妙莫測。為保存國粹計。為挽回利權計。非急謀結合。一致力爭。使

第二十八期 通訊門

八十一

第二十八期 通訊門

八十二

醫學系加入部章。作育醫材。視爲要圖。則中醫非惟無進步之可言。且恐難存於優勝劣敗之世紀。同人等學識雖謏。護道有責。謹具蕪函。願附驥尾。一致力爭。馳驅不辭。此覆云云。

陸晉笙君致本會槓

各省中醫學校醫藥學會醫學研究所諸君子公鑒。報載山西有請中醫學加入醫學統系公文。查諸教育部。並無此項呈文到部。而却有江蘇一小部分反對中醫學之公文。甚爲詭異。此事究歸原。須由教部主政。故在京同人。已擬一公呈遞進。抄錄於後。備鑒。各處似亦宜具文呈部。用快郵代電書寫郵寄。亦已合式。如此庶力量較厚。用特登報奉聞。又教部主其事者。亦精通中醫。係燧舊友。有話可以面商。亦以中醫加入爲然。必盡力扶持也。宣南醫學會葛廉夫陸晉笙劉農伯譚鐵庵楊頌張耕龍章曉庭詹選青陶乃康江雋侯吳霞赤王佩德楊叔鴻陸成一等同啓附錄上教育部公文。

竊查中國醫學。本極精深。特以後世視醫學爲方技。積輕既久。不加提倡。僅爲市醫傳習。而士大夫通其術者。幾如鳳毛麟角。致深微之學理。無人能曉。而文人著書。又專尙空談。間有臆說。自西醫以排山倒海之力。侵入我國。而揚西抑中之徒。輒挾中國醫書一二。誤謬之處。概其全體。以爲中醫無一顧之價值。而當日奏定學堂章程。又抄襲日本醫科大學章程。全用西醫。廢棄中學。因定章程之人。本不知醫。徒依樣葫蘆。以取便捷。鑄此大錯。致中醫無立足之地。而每年行銷西藥。至數百萬之鉅。彼從西醫受業者。固未嘗讀中國古書。爲虎作倂。亦復何責。而從前主持學術者。乃亦坐視其弊。不加糾正。此於愛國宗旨。未免戾矣。夫地廣大荒。而不治。爲士之辱。今學術精博。而亦荒而不治。寧受他方之侵略。士之恥。亦國之恥也。今學聯會開會太原。有學校系統列入中醫課程之提案。此乃正當辦法。惟恐有爲西醫作倂者。從中阻撓。以遂其專利之行爲。若非大部毅力主持。迅將醫科大學章程改定。恐異議紛來。軒岐絕學。終爲有勢力所壓抑。而不得伸。此非學術

是非問題。乃勢力消長問題也。所望教育當局。同秉此旨。冀將來中西醫有溝通之望。而不使學者以入主出奴之見。橫加歧視也。義關學術之開通。非僅保存乎國粹。確見灼知。理難緘默。伏希大部察核施行。學術幸甚。社會幸甚。

本會覆陸君晉笙槭

逕啓者。頃奉華函暨附錄上教育部公文。拜讀一過。具見熱心毅力。衆志成城。曷勝欽佩。教部學校系統。獨不列入中醫學校。人皆不平。然揆厥所由。則以當日教部編定學校系統時。中醫雖千百倍於西醫之多。而中醫學校。則固寥寥無幾。此其所以未列也。今則中醫學校林立矣。必應列入。而無人發起。幸得冉雪峯君首先創議。其提議書課程表。亦非一朝一夕所擬就者。但係黃帝子孫。讀之誰不有動於中。而本年教育改進社開會時。竟有人多方阻撓。幸得通過。而報紙所載。又有人反對。是誠何心。先生近在都門。又與教部諸公接洽。必能達到目的。無任感綯。惟此後編纂教科書。決降一手一足所能辦到。望與海內同志從長計議。俾歧

黃舊學。不至如廣陵散絕響人閒。皆諸先生之賜也。除將原槭遵載雜誌外。〔下畧〕

葛廉夫君致本會槭

〔上略〕昨奉保存中醫提議書。捧讀之下。具見諸公深心大用。保粹國粹之苦心。所擬條件。擘劃周詳。不過中國人心不齊。只有五分鐘熱度也。恐手續太繁。言之易而行之難。安得使全國人心一致耶。在上者安得使人人如閻公熱心提倡久而益堅耶。以愚意而論。無論保存與否。學校勢在必興。若如西醫囁語。謂五十年後中醫定見消滅。不能存於世界之上。謂猶五十年後。中醫定卜中興。耀華光於全球。並非虛誇。現在美國廣搜中國醫書。頗採用中國藥品。嘗有美人之素識者。過門卽喜說中醫之掌故。此一証也。中國當道。滿口獎勵西醫。而西醫亦結合團體。等於商戰。其內容因國之強弱起點。生出二種拍馬壓制性質。中國顯者誇西醫。乃口頭禪拍馬戲。其實家中日日延中醫。西醫倚其國勢與團體。藉施其壓力

85

醫 學 雜 誌

第二十八期 通訊門

八十五

耳。鄙人尙有謬見。能將中醫書之哲作。譯成西文。遍送各國醫院醫會與旅華各國之西醫。夫醫者理也。理長者占優勝。西醫亦無非據理而談。彼不通未窺中醫宮室之美。百官之富。室家之好耳。蓋以醫書繙譯不易。且無人提倡。譬如中西賭博不一。拍克盛行於中國。而麻雀即盛傳於歐美。區區蔡子民創廢四書中醫之謬舉。豈伊一人之妄。而天下竟公然盲從耶。只要我輩結合百不可解之團體。能辦到習西醫者非從中醫進步不可。著以爲令。便成金剛不壞身。西醫其如予何哉。重在實力奉行。不事口頭辯論。其中有最難感化者。中國人之西醫。儒理不通。流品太雜。只要能將此輩感化。中醫之勃然復興。且跳躍於全球。亦指顧間事耳。諸公如有偉舉。僕當追隨其後。一息尙存。此志不容少懈。質之高明以爲何如云云。

楊志一君致本會

竊思中醫爲我國數十年之絕學。其診斷之深切著明。治病之效如桴鼓。學說之

尙皇宏大。較之西醫實勝一籌。爲世界學術之一種。中華國粹之一端也。且年來中醫界設醫校立醫會以謀發展。而總落西醫之後者。非學術不敵於彼也。實政府未能加以提倡。教部學校系統未列中醫一門。有以致之耳。今讀十五期醫學雜誌。知有冉雪峯先生要求中國教育改進社轉咨教部將中醫學校課程加入學校系統之提議。誠發展中醫之根本計畫。爲不可易矣。諸公慨中醫之淪亡。以振興爲己任。定能發起提議於前。堅持到底於後。非達目的不止。抑又有進者。凡一事之成就。專賴羣策羣力。所謂衆志成城。衆擎易舉也。况此舉關係全國之命脈乎。尤宜全副精神以赴之。用敢專函上達。務請貴會通函全國各中醫學校各中醫學會。羣起力爭。以爲後盾。而諸公爲此舉之先鋒。庶無孤掌難鳴之虞。達圓滿之目的。爲中醫大放光明。此則鄙人所馨香禱祝於諸公者也。

周禹錫君致本會緘

〔上略〕頃閱二十五期雜誌。載有楊趙二公同冉君雪峯聯合同志請於中華教

第二十八期 通訊門

八十八

育改進社。提議將中醫學校加入學校統系一案。拜誦之下欣慰無暨。我國五千年來未絕如縷之醫學。賴公等奮然振起。立千秋道範。開萬世良模。昔如來發誓普渡衆生。同歸極樂。公等此舉。豈非普渡衆生同登壽域歟。禹錫不敏。既弗能倡改進之先聲。又弗能附諸公之驥尾。茲者勉摭管見以供採納。蓋議案公決咨部加入學校統系。想教育界當道者。同屬國人。必能俯順國情。毋庸他議。所慮者編纂教科書爲第一難事。蓋古今之氣候不同。南北之風土各異。醫書之純駁不等。醫家之見解不同。若據二三人之學識而編纂之。必有不圓滿之缺憾。邵意莫若由貴會發起。先開一全國醫士調查會。披露於雜誌之端。宣告海內醫家。各將姓名行號年齡出身及本人之著作種類與最近四寸半身像片並通訊處。詳開逕寄貴會。限若干時日收齊。彙成全國醫生調查表。再將應編之科學內容。纂輯大意。另別一表。連同前表分寄調查表內列名諸大家。各人量力担任編輯何種科學。或獨任一科。或聯數人同任一科。限期纂成。將稿繕寄。更組織醫學審查會評

論會酌為修改。如此編成之後。再開全國醫學善後協議會。擇一中心地址。(如武漢為天下中心地點四通八達往來便利可作此會地址)先兩月通告全國醫學界俾屆時赴會公議評決。咨部註案。俾成萬世教育之金科。千古不改之鐵案。見若此。未審高明以為如何。附表式一紙。

全國醫士調查表式

姓名	分行號	年	齡	出	身	著	作	醫	書	通	訊	處
鄒代權	趾痕	七十二				醫學治癆心法 症 醫學標準本詳解 醫社會談日記	六氣方附錄 聖道鴻音 胎產辨		四川重慶培德堂巷 二十二號天年醫社			
李芄園	以字	六十三			清邑	千金集要淺歌			四川萬縣城內中醫 藥社轉后山新場			
周禹錫	以字	三十二			中學畢業 習中西醫	傷寒三字經 會談 驗方隨抄 診錄問話	拯漢軒醫案筆記 醫學		四川萬縣城內中醫 醫社轉拯漢軒醫廡			

第二十八期 通訊門

八十九

第二十八期 通訊門

九十

王一仁君囑登雜誌原槪

爲中醫應列學校系統及詰余君雲岫

中醫治病之功效。在社會事實之証明。爲病家之保障者。歷數千年之久。決非空言所能消長。惟其爲學。非中智以下淺嘗膚學者所能精。應由教部規定課程。創設學校之議。不自今始。邇者中華教育改進社在太原開會。江蘇全省中醫聯合會。有呈請中醫立案。共分八款。其所敘述。皆根據事實。釐然有當於人心。〔載該會三十九期月刊。索閱者可致函西門石皮弄該會〕余巖君作論駁議。語多偏頗。不直則道不見。非好辨也。不得已也。

據余君所述。應以中醫與星卜同列。而駁蘇醫聯合會不當根據歷史之陳迹。以爲立案之標準云云。曰科學昌明。凡百學術。已無神祕之可言。古之民智未開。醫藥未備。〔方治畧備於後漢。閱張仲景傷寒金匱可見〕陰陽卜筮巫祝之流。故得乘其隙。假以治病。祝由云者。亦含有精神學之意味也。但究其指歸。無形象可見。

醫 學 雜 誌

無標準可尋。有近於神祕。迨民智漸開。歷年久而漸次汰滅。且內經明言古之治病。祝由而已。足徵當時已不適用。若夫中醫學術。則繼承演繹者。代有傳人。舉措實施。功效卓著。此其歷史。決非星卜可與共論。所以相提引說者。聊以闢世俗醫卜並論之見耳。乃曰斥星卜浮誇爲不當。強責以入主出奴之見。夫豈其然。苟余氏而非西醫。則其言爲謬解。余氏而果西醫。則其仇視中醫之心。躍然紙上。寧能免於入主出奴誚乎。
(未完)

教育部改進社社員趙意空楊百城再劍虹上教育部函

91

教育部鈞鑒。敬肅者。竊查中國醫學。自軒岐首出。靈素經傳。洩造化之機緘。剖陰陽之秘鑰。長沙繼起。醫中聖人。唐宋迄今。雖學派稍歧。而本源則一。五千餘年人類繁殖。爲全球冠。未始非此項醫學所維持。自歐風東漸。西醫大昌。中華醫術日就論晦。命脈所關。良用祇懼。近年來晉鄂蘇浙各省設立中醫學校。爭先恐後。培植人材。闡揚國學。冀中醫成一高等有系統之學科。所以重民命順人情也。惟查

第二十八期 通訊門

九十二

大部編定學校統系。未列中醫一門。蓋當時中醫雖千百倍於西醫之多。而中醫學校則寥寥無幾。漏列亦勢所必然。今則中醫校會林立。且中西氣候習慣體質委實不同。而治療方法亦異。中醫一門。萬難聽其消滅。於是同人等於今歲夏間。就中華教育改進社在晉省開第四次大會時。曾經備具提議書及課程表。由該社審察咨請大部察核將中醫一門。規定學科課程。列入學校系統。當經議決。全體通過。事經數月。海內喁喁企盼。用敢冒昧肅稟。將提議書一併寄呈。伏祈俯允迅賜發表。不勝迫切悚惶待命之至。云云。

全國教育聯會議決請教育部明定中醫課程并列入 醫學學校規程案

〔理由〕查我國醫學。已歷數千年。人類繁殖。為世界魁。未始非此項醫學所維持。前此日本亦宗中醫。謂之漢醫。近日本市政廳長尾藻城氏。著和漢醫學與科學的研究云。明治維新時改用西醫。將我邦古來醫家所研究之多數成

績。全然截斷。此偉大之損失。千古恨事。倘將和漢醫藥安於科學之上。而爲科學之研究。則其所獲必有出人意外者。夫日本之於中醫。以言語文字之隔闕。且不過間接國粹。乃當今西醫昌明。佔世界第二位置時。而由後溯前。尙不勝其追悔慨嘆。况我固有國粹。經數千年之研究。而可忍與淪胥乎。學校根本培養。誠要圖矣。此中醫應加入學校規程之理由一。今西醫行而信仰中醫者仍不稍減。蓋以中西氣候習慣體質之不問。而治療優劣得失因之各異。我國地大民衆。人殊秉賦。正宜集聰穎之學子。彙歷代之著作。從事整理。精密研求。使中醫成爲有系統之科學。蔚爲專科。用資闡揚。此中醫應加入醫學規程之理由二。查我國富有天產藥品。百倍泰西。全國商民之業。藥者何止億萬。而每年貿銷價值。更不可以數計。倘中醫以科學方法研究之。而日加發皇。則中藥之效用。自亦因科學方法之研究而日有進步。增不可可數計之財源。關係國富。實非淺鮮。方今我國貧弱已極。愛國之士。無論

第二十八期 通訊門

九十四

朝野莫不日維持國貨。維持國貨。獨於醫藥之大宗國貨。而可拋棄乎。此中醫應加入醫學規程之理由。三查教育部學校課程。有西醫而無中醫。致令辦此項學校者。無矩矱可遵。住此項學校者。無學位可望。是不啻以法律限制學術。為自滅文化之政策。故欲振興中醫。非辦學校不可。欲辦學校。非明定課程不可。茲擬辦法如左。

辦法(一)陳請教育部聘請中醫專家。議定中醫學科課程。

(二)醫學校內應設中醫一科。遇需要時。亦得設立單科中醫學校。

劉蔚楚君答周君小農屢問何以罕言西藥

(上略)凡治病者首貴識症。次費用藥。苟未識症。未善用藥。雖自號貫通中西醫學。目藏日月。手玩山河。獨誇洞澈。試問絲毫有裨益於病人否乎。弟自與先生通函。皆說學問無窮。從未作過一誇張語。獨歷言對於中醫藥學之薄有見解。何也。人以他人之生命試藥。弟以自己之生命試藥。藥經萬用。周接良師。三十餘年。不

覺而吾身已老。是以謂^弟學識未到。則深服之。如謂^弟用藥太謬。則未服也。此外他人種種學問。有實用者。敢不百拜欽崇。祇有太僻西藥。太偏西醫。親見至親戚。鄙有誤事者太多。故西藥雖間有用時。而多付諸未達慎嘗之例。究以自非深知專門化學。自未能透釋其所以然。僅能以此答先生屢問何以罕言西藥之故而已。

俞鑑泉君致本會緘

(上略)前接曾翰藉悉一是^{鄙人}丁此新舊學說競爭之時。對於偏見者殊覺咄咄。前聞學界教習者曰。以古來固有之學說再研究之。謂之依賴性質。故教科必陳言務去。力求新穎。信如斯言。則我方以為新者。在彼已為舊矣。或者今以為新得之理。而古人或先我言之矣。彼欲盡棄其學而學之者。既不欲不依賴於古。惟有依賴於人耳。依賴別人。果為何等性質。不忍明言。然我所無者。無論為古為新。均當學之。吾醫之缺點。全在解剖上之手術缺者補之可矣。奈何時髦者非但欲

第二十八期 通訊門

九十五

盡棄其學而學之。且於古學吹毛求疵。多端毀謗。一若毫無足重者。此鄙人所以
嘵嘵不已也。

張春水君致本會械

讀貴誌二十六冊內載張汝偉致貴會函。說章氏太炎之比附五行支離不經。而
惲氏欺人太甚等語。但汝偉先生對於廢棄五行之說爲不足訓。尙矣。而惲氏確
並未爲章氏張目也。查登載醫學雜誌之按語。非惲氏之說。乃該社某氏稱造之
言。惲氏實一毫不知。蓋惲氏之著羣經見智錄。對於五行等說。深爲發輝。至於按
語加惲氏字樣。亦爲編雜誌者之諒想爲然。固不足爲惲氏罪也。此中真相未明。
未免誣人。故敢辨之如此。至於章氏太炎之創辦函授。亦並非章氏自己所辦。有
一二好事者爲之耳。若研究學說。本屬各人自由。此亦不必辨耳。因恐傳聞失實。
對於章氏惲氏不知真相者。故特言之。請刊入來函通訊門類爲感。中醫學社廣
告亦請取消云云。

譯叢門

梅毒治療之考察

楊永超譯

在傳染病中。治療上之問題。除結核而外。當推梅毒爲最要。吾人苟細心觀察。可曉然於斯病對於人民之健康。有如何密切之關係焉。至一千九百十年。Erichson 之六零六加入治療中。一似舉病者之惶恐。可一鼓而滅也。甚至樂天派者。且以爲斯病斷絕之時期可預計也。但此種的思想發生未久而一般人又別有表示。謂是法對於已染病菌之體內。其消毒作用。恐未能盡如 Erlich 之希望。殆其後聲浪愈高。以爲六零六對於梅毒之經過。是否有一部分人發現不良之作用。此種作用。或以爲能增高梅毒菌與神經之愛力。凡危險病人之增加。多由神經梅毒而來。或以爲六零六未能完全消毒。但借其有力之消毒作用。可影響於天然治癒之材料生成。轉致經過的緩慢。此等辯論。不得謂其毫無理由。因

患者之治療不足。每在後期之經過，發生一定的危險。Prant及Mueger已證明此種不充足之治療（以六零六爲最著）確可使梅毒之毒力及其與神經之愛力增高。加以晚年以來，梅毒之統計特別增加。亦似足與若輩以口實。因斯二者而議論叢生矣。雖然梅毒增多之原因，固不僅在於斯也。嘗觀夫通都大邑，居民雜遝，房屋狹小，已開傳染之門徑。加以生活困難，無力治療。卽或施治，而借六零六之有力作用，因表面之症候忽滅，卽認爲永久之治癒，不復著意於醫生之忠告而斷絕治療。此更爲傳染之一大原因。惡得專咎六零六之功效可疑耶。據近十四年之經驗，六零六在驅梅毒劑中，確占有最高之價值。但不得專恃此耳。其他如水銀、鉍、碘各劑，及自身之天然對抗材料，均爲不可缺之品。其功效雖未能盡如Erich等之所希望，而獨具一種有力之殺菌作用。確可斷言，此種作用在三、四禮拜以內受傳染者，可迅速痊癒，縮短治療。其他莫及。因其迅速之殺菌作用，並可減少傳染之危險。故用六零六之充足治療，在二十四點以內，卽可使

一期病灶中之細菌斷絕而水銀治療。即充足之分劑。在一禮拜以內。尚有梅毒可症。鈹劑治療亦必須三四次之注射。始得效果焉。據以上的觀察。論者謂六零六具有直接的殺菌作用。而水銀鈹劑係間接的。但據培養基之證明。却非然也。Hrautof氏曾以梅毒置於含六零六之培養基中。且其分劑較倍於在人體內。斯時梅毒之生活甚佳。而繁殖亦自若。此可知六零六亦須經過組織細胞。再現其作用於梅毒。與水銀等劑同為間接的殺菌。Freich則謂六零六雖不現作用於培養基內。但入人體以後。即變為有力之作用。理或然歟。關於水銀劑入體之理解。尙未能盡曉。多數人以爲除其症候治療外。亦具一種的殺菌能力。然非謂其能直接殺菌也。亦非謂其能阻止細菌之繁殖也。或者能使菌之生活條件變為不良。抑或者借對抗體之生成。增高其天然之對抗力。其對抗體之所以生成。或歸於Protoplasm之增強。或歸於刺激的治療。其中猶以 kolloidchemi的機轉為最有勢力。〔未完〕

雜俎門

龜板

錄丹波氏醫腋

馮夢禎快雪堂集。載王節齋先生。素工醫。撫蜀時。患蟲病。訪知青城山有隱者。能治。招之不來。乃躬造之一宿。隱者脈之云。此蟲病也。問何以致此。乃詰其嘗所服藥。云素服補陰丸。曰是矣。其蟲乃龜板所致。龜久生之物。惟敗龜板入藥。不得已用生解者。須酥炙極透。應手如粉者良。少堅得人之生氣。其生氣復續。乃為蟲耳。此非藥餌所治。公自今壽尚可三年。猶及生子。公遂歸。三年生子而卒。龜板良藥。製法一乖。取禍如此。以節齋之善醫。尚有此矣。醫可輕言哉。庚寅八月二十一日。聞之姜子幹。按王節齋本草集要云。龜乃陰中至陰之物。稟北方之氣而生。故能補陰血不足。又方家以其靈於物。故用以補心甚效。此說蓋出於丹溪。王氏深信丹溪。不啻筆之於書。自用以取禍如此。抑似愚焉。然龜板為蟲之說。亦難信據。而

又紫桃軒雜綴所載一事。殆與此相類云。昔潤州一大老。性喜服食。所製補劑中。用敗龜板。餌之垂十年。頗健朗。晚歲忽患蟲膈。厭厭就盡。乃謁白飛霞。飛霞診之。良久曰。此瘕也。公豈餌龜板藥耶。今滿腹皆龜。吾藥能逐之。其在骨節膚腠中者。非吾藥所能也。公可速治後事。乃與赤丸數粒。服之下。龜如菽大者升餘。得稍寬。不數月仍斃。易箆時。驗小遺。悉有細蟲。髣髴龜形。其得氣而傳化如此。可畏哉。

第二十八期 星期徵稿選刊

一百〇二

星期徵稿選刊

問有人素好滋補久之口舌乾燥腦後作痛神思不爽
飲食減少食肉則瀉六脈實大當用何法治之

梁餘生

醫諺云不能治其虛。安治其餘。是以市醫動則用補。謂誤補一瀉則平。若誤瀉傷正。恐有不及補救者。補之中又分溫補滋補兩門。扶陽者重溫補。益陰者重滋補。然傷寒先存津液。各病化火居多。故經云陰精所奉其人壽。則滋補尤要也。獨是果係真陰不足。當滋補者用之方宜。然又必須量病之深淺下劑。否則陽虛補陰。陰虛補陽。病重藥輕。病輕藥重。鮮不僨事。今有一人素好滋補。久之發生各證。口舌乾燥。腦後作痛。類過於溫補之質火上攻證。其神思不爽。飲食減少。類過於溫補之壯火食氣證。其六脈實大。似乎多服參芪。其食肉則瀉。又似過投歸地。按脈

103

醫 學 雜 誌

辨證。雖不盡由於溫補。似亦非純山滋補也。不知此人素好滋補。其食肉則瀉。即滋補滑腸之實驗。溫補無此也。據此則口舌乾燥。腦後作痛。乃陰盛於下。格陽於上。也不惟非溫補之過。抑亦非水虧火炎之過。何則以其脈非虛數也。其神思不爽。飲食減少。乃濕濁內蟠。樞機反阻也。不惟非溫補之失。抑亦非胃弱脾敗之失。何則以其脈皆實大也。然則此證。純粹由於頻投滋膩養陰。倘陽分素弱。必至水泛為痰。寒嗽證作矣。今不然者。其陽分素壯可知。惟陽分素壯。故常慮陰虛而好滋補。滋補既久。而所現多火在水上之未濟證。決非水不及火之陰虛證。陰虛證治當壯水以制陽光。陽虛證治當益火以消陰翳。此證陽不虛而陰格之。治不在壯水而在消翳。亦不在益火而在降火。降火藥仍主寒涼。芩連等是也。如上清丸之類。須每晚臨睡服。取其藥氣不遽降。既利於清上。且無礙下部之滑瀉。消翳藥仍主辛熱桂附等是也。如八味湯之類。須每早待冷服。取其藥力能直降。既利於溫下。且無碍上焦之乾燥。但桂附不宜多服。芩連亦勿久用。一俟火降翳消。再以

第二十八期 星期徵稿選刊

一百〇三

第二十八期 星期稿選刊

一百〇四

冲和藥調理脾胃。或分利濕邪。或滌除垢膩。庶乎可以神思爽而飲食增。口舌和而泄瀉止。六脈亦自調勻矣。是法也。分言之。即古人之清解頭腦法。肅清肺胃法。導龍入海法。引火歸原法。培養中宮法。疏導二腑法。合言之。即做王孟英氏溫腎水。肅上源。培中土。三焦分治之法也。

有某夏杪患感多醫廣藥病勢日增其脈右寸關滑數

上溢左手絃數其證耳聾口苦熱甚於夜胸次迷悶

頻吐粘沫啜飲咽喉阻塞便溏溺赤間有譫語此何

病也當用何方治之

陶復泰

經曰凡病傷寒而成溫者。先夏至為病溫。後夏至為病暑。暑即熱之謂也。又曰秋分以前。皆得以熱病名之。秋分以後。皆得以傷寒名之。據經攷之。夏杪患感。正夏至之後。秋分之前。其為熱病也無疑。按脈象弦滑而數者。乃無形風溫。蒸氣分。挾有形之痰濁。互阻肺胃。風燥傷肺。肺氣不行。溫邪伏胃。陽明熱盛。此無他。必醫

者不知和解之法。峻用寒涼之劑。則寒包於外。而熱鬱於中矣。延踰一月。伏邪橫行。肺氣傷。肝氣無制。肝氣旺。胃土受傷。土爲中央之府。中央傷。子母無制。子母無制。必相欺侮。故有耳聾。口苦。熱甚於夜。胸次迷悶。頻吐粘沫。噉飲。咽喉阻塞。便溏。溺赤。間有譫語。等等證象。其經各異。夫耳聾者。熱處濕中。蒸淫之氣。上迫清竅。不與少陽之耳聾同例而語也。口苦者。少陽屬膽。膽木味酸。熱與酸化而爲苦。熱甚於夜者。以夜屬陰故也。胸次迷悶者。痰火上壅。氣管阻塞。或爲霍亂也。口吐粘沫者。口必甜味。是熱化脾土。而爲脾瘴病也。噉飲者。火燥津液。津液告枯。當有口渴也。咽喉阻塞者。由於君相二火並熾。呼吸不通。言語不出。咽嗑喉痺。咽喉俱病。此乃天地之氣閉塞也。便溏者。或爲暑中寒。邪未盡故也。溺赤者。熱化腎水也。間有譫語者。胃燥故也。或熱入心包者。亦作譫語也。由此各證言之。無論何經受病。總不外乎一熱字。謂其爲熱病也。更無疑矣。故爲治之法。惟宜清熱導滯而已。虛其化火入營。致有痙厥之變。亟宜逐溫達邪。清神滌痰。潤腸通腑。和胃生津。表裏兼

願擬方於左。

第二十八期 星期徵稿選刊

一百〇六

全瓜蒌

生甘草

粉丹皮

鮮竹茹

黑山梔

川象貝

帶心連翹

淡豆豉

天花粉

鮮竹葉心

活蘆茅根

地栗汁

白蘿蔔汁

冲

針灸討論會治法選刊

針暈之原因

徐世長

用針之際。最貴從容。若稍為急迫。必有針暈之患。考其致暈之原因。蓋有二種。一因其人氣虛。一因病者怯針。氣虛者。謂入針之後。尚覺安好。少時針下得氣。其人暈倒。此非氣虛之明徵乎。怯針者。不待得氣與否。針一入。其人即昏暈不知矣。蓋因其人先存一種恐懼之心。膽先已怯。膽怯則十一臟無所取決。而氣亂。氣亂無主。則神氣飛揚。故一入針則昏暈不知矣。夫欲免針暈之患。其氣虛者。未刺之先。少進飲食。以助其氣。勿使過飽。飽則氣滯矣。其怯針者。必先曉以用針之大意。再告其不甚疼痛語。令病者心氣和平。喜悅針治。而醫者更以手法輕軟。舉動從容。如此行之。自無針暈之患矣。觀素問刺禁論言。無刺大饑人。無刺大飽人。無刺大渴人。無刺大勞人。又言已內勿刺。已刺勿內。大驚卒恐。以及醉飽。皆在刺禁之例。

第二十八期 針灸討論會治法選刊

一百〇七

第二十八期 針灸討論會治法選刊

一百〇八

必須令病者心平氣和。饑飽適宜之時。方可刺之。此蓋為尋常之理也。若遇暴病卒死。又不可拘執此理矣。

問石瘕生於胞中。月事不以時下。岐伯謂可導而下血。下而瘕自可去。腸覃客於腸外。而月事以時下。既以時下。內無惡血可知。而馬氏謂二症皆可導而下之。其導之之法。或針或灸。是否異同。試詳論之。

賈宗誼

石瘕腸覃者。皆因風寒所客。客於榮分。深入子門者。則為石瘕。客於衛分。深入腸外。則為腸覃。榮者血也。衛者氣也。胞中者血海也。為血生之地。腸外者氣街也。氣往來之途。月事不以時下。而成瘕者。由血瘀者可知。覃在腸外。不在胞中。月事以時下者。內無瘀血。亦可知矣。腸覃既非瘀血。乃係氣鬱。若非氣鬱。何能如鷄卵懷子之狀乎。此仲景所謂血結胞門。其瘕不瀉。名曰血分。大氣一轉。其氣乃散。名曰

氣分者是也。馬氏謂二症皆可導而下之者。是導石瘕之瘀血。導腸覃之氣聚也。由此觀之。在血在氣既不同。其導之之針灸亦當有異。病石瘕者。宜刺任之關元中極。衝之氣穴。灸三陰交。使任衝通而血自下。再服下瘀血湯以導其血。病腸覃者。可刺肝之期門。脾之腹結大橫。灸三陰交章門。使陰陽相得。其氣乃行。再服小承氣湯加三稜莪朮以導其氣。血下而瘕自去。氣散而覃自除。故馬氏謂二症皆可導而下之也。

第二十八期 針灸討論會治法選刊

一百〇九

第二十八期 廣告門

一百一十

編輯處啓事

啓者古今醫案充棟汗牛竊謂案者法也老吏斷獄鐵案如山熟於法耳若平無奇或以病試藥偶然倖中者似未可以案稱本雜誌醫案門多選古人精粹良法畧別種類分期登載現仍資料無多凡我同人熟於前輩醫案醫界舊聞名醫歷史筆記瑣錄之類望祈隨時抄示俾便分登一俟哀集較多彙刊成帙定當奉酬若干册以副雅贖不勝企盼之至

楊百城謹啓
趙意空

*楊如侯先生靈素生理新論出版廣告 是書原擬刷印

一千部嗣以不敷銷售特再加印五百部以公同好兼爲振興國學溝通中西起見將本書原價定爲實碼八折每部售洋三元二角其躉購十部者另贈一部遠道並免去郵費以期普及郵票代洋九五折算書存無多購請從速

代售處山西省城

中醫改進研究會
橋頭街航慈醫院

上 每
中醫雜誌

上海西門內石皮弄中醫學會發行

中醫雜誌一至四期彙選

上下兩厚册 實價一元二角

加郵八分

中醫雜誌已出十三期

每期實價兩角五分

加郵三分

六期實價一元四角

加郵一角八分

十二期實價二元二角

加郵三角六分

(郵票寄購以半分至三分為限九五折算兌匯洋款掛號免誤)
(歐美南洋新加坡等處郵費照增三倍)

介紹

江蘇全省中醫聯合會增月刊 已出三十四期 每份大洋二分 全年連郵三角四分

江蘇全省中醫聯合會一至二十期彙編 每册實洋五角 郵費八分

三益學社中學科函授部 章程函索即寄

滄海詩文刊已出八期 每份大洋三分

上列介紹各項由上海中醫學會代轉

張壽甫先生四期衷中參西錄每部定價一元郵費五分滄
州立達醫院發售

第二十八期 廣告門

百十一

第二十八期 廣告

一百一十二

介紹浙江紹興醫藥月報

紹興醫藥月報為浙紹何廉臣先生編輯內容精美每月一期定價一角全年一元半年五角五分郵費每期五釐全年六分民國十三年正月出版發行所紹城石門橋紹興醫藥月報社及紹城大街天芝堂藥號

三三醫書創刊啓

癸亥夏本社主任裘君吉生以歷年所獲醫家秘笈並同社投寄著述擬付刊傳世遂遷杭垣蓋為印刷便利計也詎醫報改組不數期而承印之武林印書館遭鄰火稿亦被焚幸醫書尚在編輯中未見波及然因之遲誤半載現荷文化印書局倪君登天與弘文印書局蔡君貽最綏以最低工價許承印今將第一集先由弘文代印仍本醫者須讀三世書求三艾方能三折肱之義名曰三三醫書以短篇不成卷冊之稿已刊三三醫報按旬發行而成卷專書自應單行且專爰定每集三十三種每種一卷或數卷不等分訂洋裝本限一個月至少出版三種速則三個月出版一集以極廉之價收回成本三期分繳第一期洋三元三角惠到即將已出版者先行郵奉出書至三分之一再惠第二期洋三元三角其書至三分之二即將第三期三元三角惠清除面取外每次加郵費三角三分其書倘荷一次併惠兩期則第三期得以免繳以答高誼此舉成本浩大每集祇日三百三十部無論何種概不零售完以後亦不再版有人翻印無任歡迎對於高主亦懇奉送一集決算苟有餘利皆必貼入二集多印大部書稿尚有第一集未及付刊之稿第二集自當編入第二集正在選輯稿願行世者速行寄社

中華民國十三年三月三日三三醫社敬啓

三三醫報發行廣告

每旬一冊 十二年七月三日第一期出版

編輯者 紹興裘吉生

發行者 三三醫報社

印刷者 武林印書館

寄售處 各省大書坊

定價表費須先惠

冊數	冊全年三十三冊
定價	角三元
郵本國	厘一角六分五厘
日本	厘一角六分五厘
外國	分六角六分

第二十八期 廣告門

中風斟詮發行廣告

全部三卷

定價官堆 壹元伍角
重太紙每部 壹元 實洋

著作 嘉定山雷張壽頤

總發行者 蘭谿中醫學校

印刷者 蘭谿福華石印所

一百十三

1014

醫 學 雜 誌

江蘇全省

◀中醫聯合會▶

發 行 月 刊 增 刊

月 刊

宗 旨

討論自治計劃提倡合群促成醫會之普及振興醫界
專業護助醫林抗拒非法摧殘本良心之主導播鼓

之先聲

已出六期○欲購從速○

專事研究學術每期增刊一門順時令之變遷為編輯
之標準採集古今方案彙選名宿佳作發揮透澈可為

臨症之導師

增進學業○快讀此報○

(報價 每期二張定價大洋二分郵費一分)
全年二角四分郵費照加

贈送醫醫醫病集

醫醫醫病集為上海黃社出版一二兩集風行海內現因戰爭關係致第三集不
克出版 按所有定款通知退回)今該集版餘尚多請附郵票十分寄上海玉信
義濱醫藥圖書館黃社善後辦事處立刻奉上

發行處

上海邑廟東
本會發行部

第三十八期 庚午年

一百十四

嚴氏金匱廣義出版廣告

是書為慈谿嚴鴻志先生所著內容精美外觀高雅洋裝兩巨冊定價大洋壹元
 貳角現售照碼九折十部以上八折連郵費在內以十三年舊曆十二月為限限
 滿不折不扣發行處在甯波慈谿東鄉費家市嚴氏養正學校遠地如以郵票代
 洋准三分以下之郵票為合格按九五折計算書印無多購請從速

慈谿中醫學會同人公啓

張贊臣徵集驗方啟事

敬啟者贊臣每念病家疾若纏綿欲求其速愈而不得者深為憫惜竊之不才擬
 集古今驗方彙纂成冊貢獻於世俾抱病者得以按方治病可無採薪之憂也如
 荷熱心同志惠賜驗方須以經驗實效信而有證者無任感禱惠賜諸君請於方
 後一一說明如何實效如何試驗因古今以來名為驗方而充棟汗牛其效者鮮
 驗者寡也凡我同志隨時抄示一俟哀集較多即行彙刊成帙定當奉酬若干冊
 以副雅贖不勝企盼姓字住址務乞另紙書明以便函候教一贊臣常寓上海二
 馬路雲南路口安康里第二百二十七號內如荷賜教無不達到

第二十八期 廣告門

一百十五

月 刊 東 亞 醫 學

定價 { 每月一冊大洋二角五分
全年十二冊大洋二元五角

郵票代用作九折算

內容 分學說及實驗, 診療寶函, 綜說, 臨診講話, 處方集, 技術, 篇, 最近文獻, 藥物療法, 釋疑, 雜纂, 調查及統計, 新書及新藥, 介紹, 雜報等, 內容之豐富, 請以函索當呈樣本。

上海東寶興路三十八號

總發行所 東亞醫學社

分售處 上海商務印書館及地方分館
其他在中國著名書局

第二十八期 廣告門

一百十六

繪圖鍼灸傳真全書出版廣告

本會理事趙緝菴、孫祥麟、王郁文合著鍼灸傳真全書八卷, 援引靈樞素問之精華加以詳切註解, 曰內經刺法兩卷, 採擇古代名醫鍼法, 慎其從違, 曰名醫刺法兩卷, 辨經絡繪圖形, 更正

1017

醫 學 雜 誌

他書錯誤，以求分明清切，曰考正穴法兩卷，本歷年心得經驗之術，講真理，求實效，闡明岐黃秘訣，曰鍼灸傳真兩卷，共成八卷，各成成本，現已脫稿出版，凡有志針學者，請速購閱是盼。

價目

每部 八本 定價大洋二圓三角

如買廿部以上者
按九扣核算
十部以上者
按九五扣核算

繪圖鍼灸傳真價目表行

總發行所山西代縣亨利石印局
分發行所山西中醫改進研究會

剪子巷廣文齋書局

印刷所山西代縣亨利石印局

常熱中醫張汝偉特設通函論診科廣告

問 病

(甲) 叙述現病之狀態 凡寒熱咳不咳小便大便口渴不渴有汗無汗

及諸痛苦脈象苔色聲音所喜惡等

有者填寫
無者不必

(乙) 叙述病人之狀況 凡年歲業務男女育向信何種宗教素性急緩

第二十八期 廣告門

一百十七

知 須 者

第二十七期 廣告門

等逐一填明以資參考

一百十八

(丙) 叙述經過之情形 凡始起如何會服何藥一切變態
 (丁) 通函診治之取償 紙墨掛號費大洋壹角診費大洋六角
 共計七角快信答復(即隨到隨復)連郵壹元空函不復
 通信常熟顏港

無錫王旭高名書六種出版廣告

先生醫案。柳君寶詒。已選入四家醫案。尙有退思集。穎方歌註。醫方證治彙編。歌訣。增訂醫方歌訣。醫方歌括。薛氏濕熱論歌訣。西溪書屋夜話錄。治肝秘訣。六種於傷寒濕溫雜證肝病。闡解詳明。思路新穎。凡在醫林。尤堪研究。醫校學生。尤便誦習。茲由吳縣陸晉笙君重訂。小無錫周農君精校。交上海千頃堂石印。每部六角。八折掛號郵費一角。各省大書坊均有寄售。

分售處無錫西門外棉花卷周小農醫室

介紹學道新書金丹真傳

學道必須修養。修養端重。師傅奈今之道家。稍有承述。皆秘為奇貨。故作艱深。多立層次。使學者望而却步。似非大道為公之旨。茲有漱石生者。本其師傅。悟澈元

1019 醫 學 雜 誌

山西官民 海內外
日日必需 處處爭購

晉民快覽
Popular guide book of Shansi

第二十八期 廣告門

外 妙帚除秘密居奇之習將道家修養工夫合盤托出著書一卷名曰金丹真傳有志學道者但手此編自入終南捷徑現此書本會寄售每部實折八角郵費在

呂聯奎 楊百城 仝啟

↓ 為 國家 社會 個人 家庭 事業建設上惟一之參攷書良因山西百政維新

諸可借鏡 社萃英擷萃年刊一編數年以來荷承
海內外賢達推為山西之寫真晉政之年鑑 社至為榮
幸十五年的新出版了每册仍售四角寄費七分半 合購前三
期祇售一元五角寄費在內所帶有限不啻遊歷山西一
週如承
函購請詳開姓氏地址送函本社李炳衡君照寄不悞郵
票代現不扣

山西晉民快覽社謹啟

社址省垣 新城街

一百十九

誌 雜 學 醫

1020

上海同德醫學專門學校新同德社
NEW DUNG-DAI ASSOCIATION
DUNG-DAI MEDICAL COLLEGE
MARKHAM ROAD, SHANGHAI, CHINA.

第二十八期 廣告門

新 同 德

醫 藥 月 刊

Neue Dung DRI

Medizinische Monatsschrift

本誌為指導民衆衛生。介紹德國醫藥之刊物。
內容豐富。印刷精美。定價全年十二册。一元
五角。郵費加一。茲將二卷一期要目列后——

「論壇」萬惡的舊式婚姻與醫學。醫生的道德論。改革我國醫學的徹底辦法。「學說」返老還童之說明。女性美。衛生概論。男性生殖器虛弱。結婚與肺癆。「醫藥」白濁何種為病。中毒概要。新醫治療之種種。梅毒△療法時之副現象及其安置法。「問答」問答一束。「常識」打破親善政策。「庶民的自述」。「文藝」月下吟三章。雲恨恨。雜詩數首。「專載」及「新聞」兩欄不備錄。

定報處 上海同德醫學專門學校新同德社

一百二十

醫學達變 出版廣告 介紹人周小農 楊百城 趙意空
 慈谿費家市張生甫君著內外兩編內編係李君手著新發明醫理外編係纂集
 前賢經驗每部八角特別優待醫林每部大洋六角六分掛號五分性道實學開
 明性理大道每本大洋一角五分郵費加一躉購郵匯爲妥郵票以一分至三分
 油帑夾襯封固掛號寄空函不復 總發行所浙江慈谿費家市張生甫醫室

山東膠縣良心救國社全體公啓

敬啓者同人因宣傳救國事件組織良心救國社期以努力進行永久不懈凡我
 各團體各機關各界人士如有關於此類期刊或書籍等等之出版品務望每種
 賜下一份俾作南針而資進行是爲至感至盼再者敝社自進行以來深感於吾
 國人民程度太低毫無國家觀念雖以五世之悲痛似仍不關彼事漠然無動於
 中而敝社同人進行之艱難實出意料之外是以敝社現在決定一方努力宣傳
 演講愛國救國之旨一方極謀提倡鄉間社會教育之普及及敝社以爲國家之
 強盛非保全國民性及提高國民程度不可而此社之入手辦法又非由普及鄉
 村教育倡大本國及世界之學術文化不可故敝社同人不揣愚昧不避艱難決
 定創辦圖書館數處敢請以數十年爲期自全縣而全省至全國普及爲止凡本
 社社員均志願舉生從事於此以資補救今蒙敝社員逢卓如君捐其所存中
 文書籍貳萬餘册報章雜誌數十種價值共約六萬圓業經本社公決定爲本社
 第一圖書館即以逢氏圖書館爲名以資獎勵此後如有捐書者所捐書籍之價
 值足五萬圓之數者即另立第二圖書館而以捐書人之名或姓爲圖書館之名

第二十八期 廣告門

一百二十一

第二十八期 廣告門

一百二十一

為至於其他登報鳴謝等一切詳細辦法另有詳則可閱茲不贅述惟敝社同人
 心有餘而力不足滋特徵求鼎力特別贊助如蒙加以書籍或期刊等出版品之
 捐助則更為敝社所企盼而敢代表無數熱心者表示萬分叩謝者也至於各大
 書局各大報社名出版團體各界人士其有熱心社會事業而願將其出版品捐
 助者務乞賜以介紹以便接洽則敝社更感德不盡矣臨書企盼不勝懇切待命
 之至如蒙回件請直寄山東省膠縣城良心想國社逢氏圖書館收即可特此奉
 達敬頌台祺

再啓者敝社此次徵求之範圍極廣毫無限制無論所捐助者為何類何種及新
 舊完缺雖片紙隻字破報殘簡亦一概竭誠歡迎而萬分感謝者也久仰先生熱
 心社會事業素以指導後學領袖輿論為國人所敬佩務乞不吝珠璣賜以特別
 贊助並盼廣如介紹期收腋成裘衆志成城之功此則惟鼎力是賴矣敝社同
 人久耳鴻名識荊無自臨風翹企仰止曷勝倘蒙不棄加以提携則豈只敝社同
 人應刻骨銘心凡此後之受賜者無不感激大德於無窮也專此奉達不勝迫切
 待命之至肅此敬頌

勸捐新書 周復農君來緘囑登

馬克司為最高學說哀多益寡稱物平施井田主義大同可期宜乎學界風靡抵
 掌研究也諸君有有共產黨執行委員會宣言書一切共產書籍乞郵寄以下三
 處詳細地址當有收據回奉或以相當書籍回贈
 北京總商會正陽門外西珠市口奉天總商會潘陽城內鐘樓南大街上海總商
 會圖書館上海鐵大橋北天后宮間壁永久保存共同研究也

崇德醫科大學
新同德社出版
新同德

一名「崇德醫藥月刊」

(宗旨) 專門介紹德國最新醫藥知識指導民衆衛生

(內容) 分評論學說醫學新藥介紹常識衛生醫事新聞文藝專載等欄多七萬餘言

(定價) 本刊用道林紙精印每月一冊實售大洋二角全年十二冊兩元郵費加一

(總發行所) 上海麥根路崇德醫科大學新同德社

第二十八期 廣告門

一百二十三

第二十八期 廣告門

一百二十四

中華民國十四年十二月二十八日出版

編輯兼發行所

山西太原省城新民街即精營東二道街北首門牌第一號
中醫改進研究會

信實進取愛羣

一 意 注

本雜誌每兩月一冊全年六冊如承訂閱請寄現款郵票代價九五折扣以三分以下者為限

價 目		表 目	
全 年	半 年	零 售	目 半
六 年	三 年	一 冊	一 冊
冊 大洋 八角	冊 大洋 四角	冊 大洋 一角五分	冊 大洋 四角
郵 費 九 分	郵 費 四 分 半	郵 費 一 分 半	郵 費 一 分 半

二 意 注

本雜誌為提倡醫藥學起見凡有著名醫家及經驗良好藥品願登廣告者列表於下

廣 告		價 目	
全 頁	半 頁	頁 數	價 目
全 頁	半 頁	頁 數	價 目
大 洋 四 元	大 洋 二 元	兩 月	一 期
大 洋 十 元	大 洋 五 元	半 年	三 期
大 洋 十 八 元	大 洋 八 元	全 年	六 期
大 洋 一 元	大 洋 二 元	四 分 之 一	大 洋 一 元

中 山 西 太 原 省
醫 改 進 研 究 會

醫 學 雜 誌

民 國 十 五 年 二 月

中 華 郵 政 特 准 掛
號 認 爲 新 聞 紙 類

第 二 十 九 冊

本雜誌啟事

凡訂閱本雜誌者望先寄費空函訂購恕不作覆

代派本雜誌辦法

- (一) 凡個人或團體代派本雜誌十份者贈閱一份二十份贈閱二份以上類推
- (二) 凡代派本雜誌須先繳費一半餘按期遞繳若到期未清恕不續寄
- (三) 凡願代派本雜誌者須有妥實介紹人

外界投稿簡章

- 一 各界投稿凡有關於醫藥衛生等學術者本會極其歡迎
- 一 凡經本會編入雜誌之稿計每一稿奉贈雜誌一冊如一期之內登兩三稿亦祇寄送一冊
- 一 凡永久贊助本會特別熱心或贈送書籍諸君本會按期寄送一冊
- 一 投寄稿件務請繕寫清楚圈點句讀
- 一 收受各稿本編緝處可以酌量增刪如作者不願他人增刪亦請預先聲明
- 一 所投稿件未經登載者恕不奉還
- 一 各醫藥報界有願與本會雜誌互換者本會極表同情
- 一 會內外諸君有翻譯東西最近發明之醫藥學投刊者本會尤為感綴

醫學雜誌第二十九期

目錄

附設醫院十四年十二月中西醫診治

人數及比較表

專著門

靈素生理新論 續

楊百城

新攷正經脈俞穴記誦篇 續

張山雷

論說門

張仲景姓名事迹攷

郭象升

論三十三難肝沈肺浮之義

張山雷

論陰陽

楊煥文

前清醫學大家之概論

喬尙謙

纂述門

歷年中西醫藥親身閱歷談 前人

(生理類)

論營衛

楊百城

肝藏血解

沈仲圭

經脈卽血管之研究

前人

(衛生類)

張栗庵先生存書

(病理類)

纂輯中西解剖病理三則

楊星垣
沈仲圭

傷寒太陰證之研究

梁秉鈞

遺精症中西相通之我見

E 治華
胡齊璠

第二十九期 目錄

一

第二十九期 目錄

(診治類)

(診法)

色脈篇 續

楊百城

莫枚士研經言釋代脈書後張山雷

脈決闡微

楊星垣

(治法)

歷代名醫治療法彙錄 續

楊百城
趙意空

(治療各稿)

療身病莫若療心病說

劉前英

崇病醫案

沈仲圭

診治怪症五則

葛陰春

暑熱氣閉證治愈

劉蔚芝

春溫伏邪救誤

前人

二

溫邪逆傳心包絡証治

前人

脚氣之治療

楊星垣

誤服龍膽瀉肝湯救治

謝少昂

咯血治愈

陳蓮峯

婦女脾虛胃逆證治驗

張汝濟

(方劑類)

莫枚士研經言古方用法 書後 張山雷

莫枚士研經言玉屏風散方義解書

後

前人

研究五苓散

趙春谷

簡妙單方六則

沈仲圭

醫案門

8

醫 學 雜 誌

應用科學之理療病案 趙意空

報告門

研究遼縣發生喉疫症之治療

通訊門

王一仁君囑登雜誌原函 續上期

周小農君駁議二次部規

葉勁秋君致本會緘

奚子和君敬告醫界芻言

譯叢門

梅毒治療治之考察 續上期 楊永超譯

雜俎門

印度醫聖耆域傳

星期徵稿選刊

問煩燥症多見於太陽 少陰何故

栗樹屏

問伏暑肺燥治法

閻子俊

針灸討論會治法選刊

問刺期門穴

陶復泰

問針灸注痛法

劉 恕

第二十九期 目錄

三

4

醫 學 雜 誌

第二十九期 目錄

續聘理事

徐世長 山西應縣


續聘名譽會員

王治華 浙江中醫專校

胡齊瑞 同上

奚子和 吳縣婁門外五濠涇頤壽堂


四



奉會附設醫院中二月分內醫診治人數表

病名	男		女		總計
	診治	愈症	診治	愈症	
神經痛	1	3	1	2	2
肺炎	3	1	2	1	2
腦病	1	1	1	1	2
氣痛	1	1	1	1	2
脾病	3	1	2	1	2
肝病	2	4	1	1	2
腎病	4	5	1	1	2
肝病	2	7	1	1	2
心病	1	1	1	1	2
便秘	2	2	1	1	2
雜症	1	0	1	1	2
白喉症	1	1	1	1	2
咽喉痛	8	9	1	1	2
池瀉	3	4	3	3	2
痢症	5	4	1	1	2
痛症	1	1	1	1	2
淋症	3	3	1	1	2
痧症	2	3	1	1	2
癆症	2	2	1	1	2
痰症	2	1	1	1	2
傷寒	1	1	1	1	2
時疫	10	8	1	1	2
吐血	1	1	1	1	2
腹痛	2	1	1	1	2
嘔吐	4	3	1	1	2
嘔嗽	3	3	1	1	2
白濁	2	5	1	1	2

病名	男		女		總計
	診治	愈症	診治	愈症	
遺精	2	2	1	1	2
耳疾	3	2	1	1	2
目疾	2	1	1	1	2
癩疾	2	1	1	1	2
疔瘡	2	1	1	1	2
產後病	3	4	1	1	2
白帶	3	3	1	1	2
惡阻	2	2	1	1	2
經不調	4	4	1	1	2
驚風	6	4	1	1	2
夜啼	1	1	1	1	2
食熱	5	3	1	1	2
口瘡	1	1	1	1	2
腰痛	5	1	1	1	2
腿疼	3	1	1	1	2
臂疼	1	1	1	1	2
足腫	2	1	1	1	2
積塊	1	5	1	1	2
肩痛	2	1	1	1	2
牙疼	4	2	1	1	2
膝疼	2	1	1	1	2
癱瘓	1	1	1	1	2
癩毒	1	1	1	1	2
腮腫	1	1	1	1	2
疔瘡	1	1	1	1	2
梅毒	1	1	1	1	2



專著門

靈素生理新論

理事 楊百城

第二章 形氣篇

第十二節 論消化之原理

人之於飲食也。唇以攝收之。齒以咀嚼之。舌以轉掉之。使之往復周迴。然後嚥入。會厭居食管氣管之間。氣出則張。食入則掩。蓋氣門。使食橋渡而過。由此入嚙。傳送至胃之上口賁門。入胃。脾以磨之。肝以疏之。而後蒸化腐熟。由胃之津門泄出水分。其汁由幽門傳入小腸。經所謂小腸為受盛之官是也。至小腸之闌門。又分泌津液。其水分皆由三焦傳腎及膀胱。由溺孔而出。經所謂三焦為決瀆之官是也。是時穀已成糟粕。傳入大腸。經所謂大腸為傳導之官是也。至直腸則結為糞。由肛門而出。自古相傳腸胃之功用如此。洎西人消化作用之新理出。謂食物之

第二十九期 專著門

一

2

入於口中也。先由唾腺分泌唾液。通食道而入於胃中。又從胃壁分泌胃液。進至腸中。由脾臟分泌脾液。由肝臟分泌膽汁。由腸壁分泌腸液。凡體內各部特別機能。皆消化食物。此則西人所發明消化作用之新理也。又謂口中唾液主消化澱粉。胃液主消化蛋白質。膽汁主消化脂肪。腸液主消化澱粉。蛋白質。脂肪等質。此則西人所說明消化作用之新理也。凡此悉依化學作用。以推測食物消化之理。是理也。然乎否乎。吾謂唾液。胃液。腸液。脾液。膽汁。及某某液者。非某液之自爲作用也。是蓋有精神作用在焉。精神作用維何。人生之元氣是矣。此元氣足。則精神之作用強。而消化易。元氣不足。則精神之作用弱。而消化難。譬之釀酒。凡種種諸液。皆助穀發酵也。胃爲水穀之海。穀在胃中。猶穀在釜中。非有釜底之火。不足以蒸發之。氣海者元氣之府也。化水穀而生血氣。無此一點真火。磅礴鬱發。以造化爲鑑。以陰陽爲炭。其腐化穀食之能力。尤大且偉。速且強。西人言穀在腸胃之中。得種種諸液起酸化之作用。又謂有一種溫度起蠕動之作用。究之其熱力何自

醫 學 雜 誌

生乎。若曰由酸化之作用而生。則猶為科學固也。吾故推闡我古醫經真義說。明消化之原理。在乎元氣。

第十三節 論消化器所從出入淺深遠近長短之度

醫 昔越人論消化器。發七衝門之說。曰唇為飛門。齒為戶門。會厭為吸門。胃為賁門。太倉下口為幽門。大小腸會為闌門。下極為魄門。凡以明水穀出入所經之道徑。及乎關鍵之所在。曰門者。所以司啓閉之作用。而所以出入淺深遠近長短之度。數則詳在靈樞。爰述於左。

雜 唇至齒長九分。

口廣二寸半。

誌 齒以後至會厭深三寸半。大容五合。

舌重十兩。長七寸。廣二寸半。

咽門重十兩。廣二寸半。至胃長一尺六寸。

第二十九期專 著門

三

醫 學 雜 誌

第二十九期 專著門

四

胃紆曲屈伸之長二尺六寸。大一尺五寸。徑五寸。大容三斗五升。

小腸後附脊。左環迴周疊積。其注於迴腸者。外附於臍上迴運。環十六曲。大二寸半。徑八分分之少半。長三丈三尺。

迴腸當臍。左環迴周葉積而下迴運。環反十六曲。大四寸。徑一寸寸之少半。長二丈一尺。

廣腸傳脊。以受迴腸。左環葉脊上下辟。大八寸。徑二寸寸之大半。長二尺八寸。

按西人謂自口至肛門。長約三十英尺。名曰營養管。以管消化作用。食物入口。第一經口內咀嚼。與唾液混和而嚥下之。第二食物至胃。則胃液消化之。第三至腸。則膽液胰液及其他液體溶解之。第四胃腸吸收滋養分。送入血管。循環於全身。第五至肛門。則排泄渣滓。我國對於此等作用之處。自古越人發七衝門之論。正以見食物入口。其吸取也有自。其消化也有由。其排泄也有漸。重重關鍵。分泌清濁。而人體生活。正賴於此。

第十四節 論營衛二氣之行度

一營氣之行度。營者水穀之精粹。其清者爲營。奉心化血。命曰營氣。乃得獨行於經隧。以奉生身。莫貴於此。故曰營行脈中。脈者猶川河溪澗之道。營者猶川河溪澗之水。其始也。循脈自手太陰肺。肺注於手陽明大腸。大腸注足陽明胃。胃注足太陰脾。脾注手少陰心。心注手太陽小腸。小腸注足太陽膀胱。膀胱注足少陰腎。腎注手厥陰心包絡。心包絡注手少陽三焦。三焦注足少陽膽。膽注足厥陰肝。統人身經脈計長十六丈二尺。一呼脈行三寸。一吸脈行三寸。呼吸定爲一息。合計脈行六寸。二百七十息。脈行十六丈二尺。盡爲一周於體躬。一萬三千五百息。氣行五十營於身。漏下百刻而脈終。終而復始。如環無端。接近世每疑經言一晝夜一萬三千五百息爲不合。不知欲定經文息數。須先定脈行度數。脈行從中焦始。本手太陰肺呼吸之息頭。分歧貫注兩手足之經脈。兩手足各有陰脈陽脈。是以陰兩陽兩。相間而行。交通於中。而營周不休。則

第二十九期 專著門

五

非衛晝行陽只二十五度。夜行陰只二十五度矣。營行速。衛行遲。故盧子綵曰。一晝夜周行五十度者。衛行之紀也。水下百刻。漏盡脈終者。營行之紀也。此經於五十營篇發所謂交通者。並行一數之論。據此脈行度數應百刻。是脈行百度與衛大會也。脈度定。息數亦定矣。茲以脈行百度應百刻起算。以百乘脈長十六丈二尺。得一千六百二十丈。又按一息脈行六寸。以六寸除一千六百二十丈。得二萬七千息。卽一晝夜之息數。是知經所謂息數。因以平旦爲紀。衛行五十度適應之。遂於營亦曰五十營。實則營在陰。在陽。並行五十度。出入心臟兩次。經舉一概之也。

一衛氣之行度。衛者亦水穀之精粹。既以其清者爲營。因以其次者爲衛。遂云其濁者爲衛耳。衛氣出入形藏。分於晝夜。以固生身。莫秘於此。故曰衛行脈外。其始也。從中焦。平旦陰盡陽始生。而人寤。陽氣出於目。目張則氣上行於頭。循項下足太陽。循背。下至小指之端。其散者。別於目銳眦。下手太陽。下至小指之

間外側。其散者。別於目銳眥。下足少陽。注小指次指之間。以上循手少陽之分側下。至小指之間。別者以上至耳前。合於頷脈。注足陽明。以下行至跗上。入五指之間。其散者從耳下。下手陽明。入大指之間。入掌中。其至於足也。入足心出內踝。下行陰分。復合於目。此之謂衛行脈外。行身之陽道爲一周。非循行經隧之爲衛行脈外也。周而復始。合計二十五周於身。爲衛獨行陽二十五度。非合營並行陽二十五度也。陽盡於陰。陰受氣而人寐。其始入於陰。常從足少陰注於腎。腎注於心。心注於肺。肺注於肝。肝注於脾。脾復注於腎。此之謂衛行脈外藏舍之陰爲一周。亦非循行經隧之爲衛行脈外也。周而復始。合計二十五周於臟。爲衛獨行陰二十五度。亦非合營並行陰一十五度也。合計晝行陽二十五度。與夫夜行陰二十五度。斯之謂一周於身。

按瘡論篇有衛行周盡日下一節之文。以衛行一周身盡。日下脊骨之一節。二十一日至骶骨。上行九日出於缺盆。復會於大椎。斯之謂歷盡行身度之一周。

第二十九期 專著門

八

大會於體躬。此一篇爲他篇所未及。至此而義始完備。據此則衛行之始終起止可定矣。夫營衛生會行度及脈度。猶氣之有節。節之有候。衡平權度。無容暫失。但衛行遲。營行速。衛行遲者。終月始歷盡一周之體躬。猶日行遲。一年十二月巡行周天三百六十五度四分度之一。爲一年也。營行速者。非比衛晝行陽二十五度。夜行陰二十五度。營周不休。以應百刻。猶月行疾。一月三十日。日超天一十三度半有奇。一月一周。三百六十五度四分度之一。爲一月也。學者設未玩味靈素全文。不知衛行日下一節。二十一日窮歷髓骨。上行九日出於缺盆。歧伯補載瘡論。是祇知一晝一夜衛行度之始終起止。而不知一月衛行度之始終起止。則所論不備。故盧子繇遵經參訂。而後衛之行度。始無遺義。其開悟來學之功。豈淺渺哉。

新考正經脈俞穴記誦編

名醫
張壽頤

膽足少陽經脈循行經文

膽足少陽之脈。起於目兌眦。上抵頭角。下耳後。循頭行手少陽之前。至肩上。卻交手少陽之後。入缺盆。其支者。從耳後入耳中。出走耳前。至目兌眦後。其支者。別目兌眦下顙。合手少陽於頤。下加頰車。下頸合缺盆。以下胸中貫高絡肝屬胆。循脇裏。出氣街。繞毛際。橫入髀厭中。其直者。從缺盆下腋。循胸。過季脇。下合髀厭中。以下循髀陽。出膝外廉。下外輔骨之前。直下抵絕骨之端。下出外踝之前。循足跗上。出小指次指之端。其支者。別跗上。入大指之間。循大指歧骨內。出其端。還貫入爪甲。出三毛。

〔考正〕卻交手少陽之後。甲乙太素靈樞。手少陽上皆有出字。惟脈經無之。壽頤按上所謂下耳後。循頸。行手少陽之前者。蓋從耳後直下。循頸行於手少陽經。顙息癭脹翳風三穴之前。至肩上者。卽本經肩井穴之部位。與手少陽經會合。〔外台謂肩井手足少陽陽維之會。〕乃交過手少陽經之後。而會合於六陽齊會之脊骨大椎。未嘗出於肩頭。因無所謂出。且明言由手少陽之前。以交手

第二十九期 專著門

十

少陽之後。則必從此以會大椎。由外及中。更不能加一出字。脈經無之是也。甲乙太素靈樞皆誤。蓋淺者誤依三焦手少陽之經文。交出足少陽之後一句。而妄增之。所謂斷鶴讀鳧者矣。茲據脈經訂正。別目兌背下顙。各本顙字皆作大迎。惟王注素問立藏生成篇。過在足少陽厥陰節。引作別目銳背下顙。壽頤按。上言別目兌背。下言合手陽於顙。則此句正在目之下。顙之上。而大迎在頷。不得先言下之大迎。而後言合於顙。王注所引是也。甲乙太素脈經靈樞各本。無一不誤。又此句別目兌背。甲乙脈經靈樞皆無目字。惟太素有之。王注素問引亦有。茲據以刪補。合手少陽於顙。中乙靈樞陽下有抵字。太素脈經無之。壽頤案。手少陽經從耳上角以屈下頰至顙。而足少陽經自目兌背下行。以合手少陽於顙。此五字作一句讀。既有合字。而再加一抵字。於義爲複疊。而文亦不順。此淺人妄加者也。脈經太素是。茲據以刪。循胸甲乙經脈經俱作循胸中。壽頤按此言經脈之行於表者。自腋循胸脇而下。直至季脇。以及環跳。與入裏之

醫 學 雜 誌

11

一支。出氣街繞毛際者相合。非裏行之脈。不當稱胸中。且少陽行身之側。皆在兩旁。尤不可以言中。甲乙脈經誤衍。太素靈樞無之是也。茲從太素。出小指次指之端。各本出皆作入。靈樞太素端作間。惟脈經作出小指次指之端。甲乙經亦作端。壽頤按此句乃足少陽經之終。即足四指端之竅陰穴。若作小指次指之間。則未及指端。於文為不備矣。脈經是也。茲据以訂正。還貫入爪甲。靈樞太素無入字。甲乙脈經皆有之。壽頤按。上言出大指之端。而肝足厥陰之脈。起於大指。彙毛之上。此言兩經交接之部位。故曰還貫入爪甲。脈經甲乙經是也。茲据以增入字。

膽足少陽經脈循行歌

膽足少陽起兌背。上抵頭角向後迤。折入耳後直下行。手少陽前相維比。（去聲。讀如避。近也。）缺盆之上兩陽逢。（手足兩少陽經。即肩井穴。）轉達六陽大會中。交到缺盆乃入裏。一支耳後別尋蹤。此支入耳復折出。耳前聽會即其穴。過上關。

第二十九期 專著門

十一

12

前抵目旁。上關卽客主人。本經穴名。此無去路。蓋有缺。經文說在背之後。証以
俞穴乃不偶。本神陽白折上行。遶到風池。何處究。此支自過上關。以至目兌背。
經文遂無去。路蓋有闕文。且經文則謂至目兌背後。而本經俞穴有本神二穴。乃
在髮際。又自眉上陽白穴直上。環過頭頂兩旁。而至腦後之風池。一線直行。結文
皆莫可究結。說詳下文存疑。一支復自背邊別。二少陽經又會頰。頰輔之間到項
旁。自會缺盆合爲一。至此與前者入缺盆之本經相會。乃以一支合爲一支。從
茲行裏入胸中。屬膽絡肝臟腑通。行身之側。循脇裏。下趨少腹氣之衝。前陰分野
屬肝胆。環繞毛際是其範。過此橫開環跳中。髀樞大骨髀之厭。經文之所謂髀
厭中。卽髀樞。大骨之白。本經之環跳穴。此一支之行於脇裏者。自缺盆而入。至毛
際以橫出於環跳之部。直行原自缺。盆來腋下。循行側面排。脅肋都緣肝膽位。
直趨髀厭弗疑猜。此一支之行於脇肋表分者。卽從缺盆行於腋下。循胸側脇
肋下行。以至髀厭中環跳之位。而與行裏之本經復合爲一。此行直下髀之陽。

〔髀陽即髀外〕膝輔外廉脈道長。外踝之間抵絕骨。轉前跗面認平行。本經經處到足指。爪端井穴指之。白別支又自跗間。分拇指蒙毛厥陰至。

〔注〕足少陽脈起於目兌眦旁之童子髻穴。所以承接手少陽之經脈也。自此上抵於頭角。向後而行。即頷厭懸顛懸厘曲鬢率谷諸穴之部。乃環過耳上角。以下耳後。循頸行於手少陽經之前。即天衝浮白竅陰完骨諸穴。乃至肩之上。肩井穴。與手少陽經會合。而向後之柱骨。以共會於六陽大會之大椎第一節。乃左右兩經。交互相前。從缺盆入裏。此爲足少陽經脈之第一節。〔本經雖未言交會大椎。然手陽明經脈。已言上出於柱骨之會上。是指天柱大椎第一節而言。手足六陽之經皆曾於此。故曰會上。足少陽之脈。與大椎會合。必在此交於手少陽而即抵大椎。蓋手足六陽之經。惟膀胱足大陽經。以下項循肩髀內。天柱大杼之穴。密切大椎。則不言交會而出於會上。人所易知。其餘五陽之經。皆有入缺盆一句。即其經之交會大椎。而左右旁行以入缺盆也。惟諸經皆不

第二十九期 專著門

十四

明言出於柱骨會上。則以手陽明經一條。先舉其例。固無煩複贅耳。凡鍼灸家言足少陽經俞穴次序者。皆於童子膠穴之後。繼以聽會客主人二穴。而復及於頷厭諸穴。非是。經文明言起於目兌眇。卽上抵頭角。不當以聽會上關二穴。雜廁其間。其一支則自耳後而分。以入耳中。會於手太陽經之聽宮穴。又出於耳前。本經之聽會穴。乃上過客主人穴。以至目兌眇後。其又一支。則從目銳眇分而下行。以會手少陽之顛膠穴。於頰骨端。乃循頰車下頸。與前者入缺盆之本經相會。兩支合一。以行於胸脇之裏。下過鬲膜。達於本藏本府。絡肝屬膽。循裏身側之部。直下以至氣衝。又環遶毛際。乃橫開以達兩髀樞之環跳穴。故脇肋前陰。皆屬於肝膽分野。其直而行於外者。卽從缺盆下行過腋。循胸脇以達季脅。卽本經淵腋輒筋。日月京門帶脈五樞。維道居膠諸穴。至環跳而與裏行之一支。又合爲一。於是從髀外直下。過風市中續陽關三穴。循膝外輔骨之前。行於髌骨外廉之陽陵泉陽交。外丘光明陽輔懸鐘諸穴。經所謂抵絕骨之端。

者。卽此懸鐘穴之位。〔千金翼謂懸鐘一名絕骨〕乃至外踝之下。斜前陷中之丘墟穴。轉出跗而小指次指間之臨泣俠谿地五會三穴。以至第四指端之鈹陰穴。而本經已畢。其又一支。則自跗面而別。以出大指之端。所以交於足厥陰也。

（存疑 壽頤按足少陽經。一支自耳中出走耳前。至目兌眦。卽由本經之聽會上關二穴。以向上行。然經文此節。戛然而止。未有下落。亦不能與下文聯貫。考本經僉穴。有俠神庭旁三寸之本神穴。又有眉上一寸直目瞳子之陽白穴。復自陽白直上。有臨泣目窗。正營承靈諸穴。乃環過頂顛。以達腦後。有腦空風池諸穴。而經文循行。無此一段。按其次序。蓋經行客主人穴以後。當即循行於本神陽白臨泣諸穴。是經文此間。必有闕佚。而向來讀者。皆未注意及此。試以經文與僉穴。參互考証。脫節顯然可知。正如足大陰經。脫去府舍腹結以上各穴一節之例。而人皆未之悟也。

第二十八期 專著門

十五

第二十八期 專著門

十六

加足少陽經脈穴俞分寸歌

膽足少陽四十四。瞳子膠近目兌背。上趨頭角折後行。鬢骨之間諸穴至。曲角耳前號顛顛。頷厭懸顛記上隅。懸厘仍在耳前上。兩少陽明會此俱。乃從耳上入髮際。鼓頷有空曲鬢繼。直上相離寸五分。髮中率谷嚼牙試。率谷在耳上。入髮際一寸五分。嚼齒則此處自能鼓動。微微折後天之衝。入髮二寸弗朦朧。循行直下取浮白。下於耳後此其踪。浮白竅陰下及完骨。三穴皆在耳後。經文所謂下耳後循頸者。即指此三穴之部位也。枕骨下廉頭竅陰。仍從耳後細推尋。再下髮間是完骨。太陽足脈此同岑。經行到此又分析。直入耳中徑又闕。出走耳前聽會來。復折上行上關歷。上關即客主人。更到額顛問本神。太陽髮際曲差鄰。頭維胃脈神庭督。七穴橫開一例論。論平聲。中行督脈之神庭。神庭兩旁各一寸五分之足太陽經曲差。曲差兩旁各一寸五分之足少陽經本神。本神兩旁各一寸五分之足陽明經頭維。七穴皆在額前髮際。橫列平開。眉上一寸求陽白。正坐

端莊目瞳直。上行人髮五分量。(平聲)頭之臨泣此其宅。泣上一寸目窗逢復一寸分正營從又上寸半承靈續。更寸五分到腦空。直下耳後大筋外。髮際陷中風池在。轉出缺盆肩骨前。肩井諸陽陽維會。(肩井乃手足少陽足陽明陽維諸脈之會。腋下三寸號淵腋。折前一寸軋筋脈。蔽骨兩旁日月來。乳下肋間。離任中行三寸五分。隔腎募京門又俠脊。十五椎旁是季肋。先從齊上五分求。推算兩旁九寸五分直。帶脈發於季肋下。迴身一周近腰髀。齊上二分。旁開六寸椎。章門之下。此分野。下行三寸是五樞。又下五分維道俱。復三寸兮居膠到。躡維帶脈此相於。髀樞白骨取環跳。(跳字平聲。古音無作仄聲讀者。今吳中土語皆仄音非也。)太少兩陽足脈交。膝上外廉有風市。手垂著髀指之梢。(風市在膝上外廉兩筋中垂手著腿中指盡處是穴)膝上五寸間中瀆。股骨外廉認分肉。下三寸來扣陽關。犢鼻上隅陷中囑。膝下一寸陽陵泉。髌骨外廉一線綿。踝上七寸陽交至。斜欹寸許外丘聯。(自陽交向外斜欹下行。則爲外丘。在外踝上六寸)光明之穴少陽。

第二十九期 專著門

十七

絡。踝上五寸是付懷。下行一寸陽輔承。更一寸兮懸鐘著。〔入聲音直略切〕踝下丘墟微向前。四指之後臨泣聯。五會俠谿歧骨內。發陰爪角本經全。

膽足少陽經脈俞穴分寸考

瞳子膠。一名後曲。在目銳眥外。去眥五分。手太陽于足少陽三脈之會。頰厭。在曲角顛顛上廉。手足少陽足陽明三脈之會。〔廣韻。顛顛。髮骨。壽頰。按此即兩鬢之骨。在額之角。故古人謂之曲角。經脈篇所謂起目兌眥。上抵頭角者。即指此間諸穴。而各書之言經穴循行者。皆於童子膠穴之後。繼以聽會客主人商天商後及頰厭等穴者。與經脈篇循行次序不合。皆誤。曲角。今本甲乙千金皆作曲角。乃傳寫之誤。沈果堂形釋骨。已言之矣。〕懸顛。在曲角顛顛上廉。〔廣韻。曲角。顛顛。下廉。手足少陽陽明四脈之會。〕曲鬢。在耳上入髮際。曲鬢者。中其鬢有空。足太陽少陽之會。率谷。今本外台作蟀谷。在耳上入髮際一寸九分。鳴牙。在耳中。嚼牙取之。壽頰。案以齒嚼物。則此處自能鼓動。故曰嚼牙取之。天商。在耳

上如前三分。入髮際二寸。足太陽少陽二脈之會。浮白。在耳後曲頰後。入髮際一寸。翳風前。竅陰後。足太陽少陽二脈之會。〔翳風手少陽經穴〕。竅陰。在完骨上。枕骨下。搖動應手。手足太陽少陽之會。完骨。在耳後。入髮際四分。足太陽少陽之會。〔浮白竅陰完骨三穴。皆在耳後。此經文之所以於上抵頭角之後。即繼以下耳後者也〕。聽會。在耳門前陷者中。張口得之。動脈應手。〔壽頤案此從耳中會於手太陽之聽宮。而出於耳前是穴。經文所謂支者從耳後。入耳中。出走耳前者也。各本皆以為從瞳子膠穴而來。誤甚。上關。一名客主人。在耳前上廉起骨。開口有空。手足少陽陽明之會。本神。在曲差傍一寸半髮際。足少陽陽維之會。〔曲差足太陽經穴。壽頤按經文於出走耳前。至目兌背後。即曰支者別兌背。下顙。而無此本神陽白以上諸穴之部位。必有缺文。〕陽白。在眉上一寸。直目瞳子。手足少陽陽明陽維五脈之會。臨泣。在陽白直上。入髮際五分。陷者中。正睛取之。足太陽少陽陽維三脈之會。目窗。在臨泣後一寸。足少陽陽維之會。

第二十九期 專著門

十九

正營。在目窗後後寸。足少陽陽維之會。承靈。在正營後一寸半。足少陽陽維之會。腦空。在承靈後一寸半。俠枕骨後。枕骨上。陷者中。足少陽陽維之會。風池。在耳後俠至枕骨下。大筋外。髮際陷中。按之引於耳中。手足少陽陽維陽蹻之會。肩井。在肩缺盆上。大骨前。手足少陽足陽明陽維之會。淵腋。在腋下三寸宛宛中。舉臂取之。輒筋。在腋下三寸復前行一寸著脇直蔽骨傍。兩乳外。日月胆之券穴。在期門下五分。第三肋縫。乳下。直心蔽骨旁各三寸五分。足太陰少陽二脈之會。京門。腎之募穴。一名氣府。一名氣輸。在腰中季肋下。脊骨第十五椎旁。俠脊臍上二分。又兩旁開各九寸半。（季肋。肋骨之最短者。此節脊骨。即尾骶骨以上之第六節。）帶脈。在季肋下。臍上二分。又兩旁開各六寸。五樞。在帶脈下三寸。維道。在章門下五寸三分。足少陽帶脈之會。（壽頤按章門。足厥陰經穴。帶脈穴在章門下一寸八分。則維道即在五樞穴下五分。）居髀。在長平下八寸三分。監骨上陷者中。陽矯。足少陽之會。壽頤按長平。即足厥陰經之

章門穴。則居髀即在維道下三寸。監骨即腰髌骨。亦謂之髌骨。髌音枯。駕切。環跳。在髀樞中。側臥伸下足屈上足取之。足少陽太陽二脈之會。風市。在膝上外廉兩筋中。以手著腿。中指盡處是穴。中瀆。在膝上外廉五寸分肉間陷者中。陽關。在陽陵泉上三寸。犢鼻外陷者中。壽頤按陽陵泉在膝下一寸。則陽關在膝上二寸。即在中瀆下之三寸。犢鼻外廉之上隅。陽陵泉。在膝下一寸。外廉陷者中。陽交。一名別陽。一名足髀。陽維郄在外踝上七寸。外丘。足少陽郄。自陽交向外斜歛。下行一寸。在外踝上六寸。光明。足少陽絡。在外踝上五寸。陽輔。在外踝上四寸。懸鐘。足三陽大絡。在外踝上三寸動者中。壽頤按千金翼一名絕骨。丘墟。在足外廉踝下如前陷者中。去臨泣三寸。臨泣。在足小指次指本節後間。去俠谿一寸半陷者中。地五會。在足小指次指本節後陷者中。壽頤按馬氏謂在俠谿後一寸。故金鑿謂去臨泣五分。俠谿。在足小指次指岐骨間陷者中。壽頤按甲乙外台。謂在岐骨間本節前陷者中。然本節之前指已分岐。不能復言

第二十九期 專著門

二十二

岐骨。此穴蓋在第四指後外間之岐骨中。不當言本節前。故馬氏止謂在兩岐骨間。竅陰。在足小指次指之端。去爪甲如韭葉。

論說明

張仲景姓名事蹟攷

郭象升 允叔

醫聖張仲景。世傳其名曰機。南陽人。建安中。官至長沙太守。而後漢書無傳。生平行跡無所考。論者憾焉。元和陸懋修博探羣書。爲之補傳。余閒取觀之。亦未諦也。按范氏後漢書。陳氏三國志。靈帝中平四年。孫堅始爲長沙太守。獻帝初平三年。爲袁術攻劉表。戰死。袁術以蘇代領長沙。蘇代守長沙事無可考。蓋術敗與之俱去矣。范書劉表傳。建安三年。長沙太守張羨。率零陵桂陽二郡畔表。陳志劉表傳云。表圍之。連年不下。羨病死。長沙復立其子。懌。表遂攻并懌。史不言其在何年也。建安十三年表卒。子琮降曹操。操辟劉巴爲椽。使招納長沙零陵桂陽三郡。蜀志曹操兵敗北歸。先主征江南四郡。長沙太守韓玄降。蜀志先主傳則不知玄爲曹操新任歟。抑劉表舊屬也。蜀志黃忠傳。忠爲劉表中郎將。與表從子磐共守長沙攸

第二十九期 論說明

二十三

第二十九期 論說門

二十四

縣。及曹公克荊州。假行裨將軍。仍就故任。統屬長沙太守韓玄。然則玄與忠正。劉巴之所招納者也。其為表之舊屬明矣。表克張懌。當以玄繼守長沙。歟。廖立傳。先主領荊州牧。擢立為長沙太守。此則繼玄者也。時在建安十四年。及建安二十年。呂蒙奄襲南三郡。立脫身走。自此之後。凡六年。而漢亡。然六年中長沙太守。皆吳所委任。不復關漢也。由此觀之。仲景之守長沙。必在建安十三年。劉表未死以前。而考之於史。孫堅蘇代之後。張羨父子稱兵。歷年。仲景作守。竟在何時。耶。以余論之。則張羨者。實即仲景也。范書劉表傳李注。陳志劉表傳裴注。皆引英雄記曰。張羨南陽人。先作零陵桂陽長。甚得江湘間心。然性屈強不順。表薄其為人。不甚禮也。羨由是懷恨。遂叛表。籍則南陽官。則長沙太守。年則建安。其為仲景。何疑。仲景名機。而史以為羨者。羨非仲景本名。則必別名也。漢末人士。有別名者。多矣。裴松之注三國志。援證歷歷。余嘗悉心鉤稽。計得三十餘人。如曹操一名吉利。荀爽一名詡。韓遂一名約。邊章一名元。後漢書以王朗本名嚴。伍孚一名瓊。見董卓傳注裴注疑

人爲一潘勗一名芝。李恢一名義。見杜誠傳注裴注以爲一人華陀一名萁。鄧艾本名範。孫皓一

名彭祖。陸遜一名議。李嚴一名平。徐庶本名福。文鴛一名傲。郗正一名纂。程昱本

名立。賈逵一名衢。邯鄲淳一名竺。郭汜一名多。馬忠本名篤。滕密本名牧。丁固本

名蜜。孟仁一名宗。顧裕一名穆。閻行一名艷。令狐愚一名浚。曹幹一名良。諸王劉

梁一名恭。賦之劉闢一名緯。璋之子孫朗一名仁。庶之子劉輿一名方。孫之父而何定之爲

何布。爲孫皓所改。章曜之爲韋昭。爲史官所改者。尙不數也。凡屬卜子皆不數如曹操之阿瞞劉禪之

阿斗是是也。臧霸傅霸本名奴。寇其國黨。孫觀名嬰。子與敦名騏。奴尹。遺名盧。兒又魏志第十八卷引楊阿若改名豐。疑皆爲小字。又蜀志諸葛亮傳注引李與一

名安以其爲晉人亦不數之仲景有羨機二名。又何足疑。華陀與仲景並爲漢末名醫。陀固別名萁。

矣。夫羨之爲言慕也。文選思玄賦羨上都之郝戲今舊注羨慕也而景亦訓慕。後漢書劉愷傳景化前

也字仲景。而名羨。于義允協。機則與景義不相切附。抑南陽張氏之顯者。在漢之

東。莫如河朔相衡。機衡同物。後漢書李固傳注云機衡也或以機比迹于衡。寓高山仰止之意。

因是不廢仲景之字歟。(未完)

第二十八期 論說門

二十五

第二十九期 論說門

二十六

論三十三難肝沈肺浮之義

名譽理事 張山雷

肝位於下。故謂之沈。肺位於上。故謂之浮。即以五藏本體言之。浮沈之義。一言而決。無餘蘊矣。故診脈之法。肺應上寸而取之於浮。肝應在關而取之於沈。本乎天者親上。本乎地者親下。亦自然之理。至淺至顯。無待深求者也。即欲進一步而言。以陰陽消長之義爲說解。則肝應乎春。由陰而初出於陽。陽氣猶微。陰氣甚盛。經所謂肝爲陰中之少陽。通於春氣者是矣。肺應乎秋。由陽而乍入於陰。陰氣猶微。陽氣甚盛。經所謂肺爲陽中之少陰。通於秋氣者是矣。難經於此。更推本少陽少陰之義而申之曰。肝行陰道多。則肝爲陰而所以當沈。肺爲陽而所以當浮之理。愈其昭然若揭。何以三十三難發問之辭。則拘泥肝木肺金。而有疑於木不當沈。金不當浮。已未免膠柱刻舟。執而不化。而所以爲之答者。乃又以木金之故。勢不能直說木之可沈。金之可浮。則又遠別五行化曜。借乙庚丙辛強爲聯合。竟謂乙木化於庚金。辛金化於丙火。於是肝不爲木而爲金之沈。肺不爲

醫 學 雜 誌

27

金而爲火之浮。迂遠其辭。似未嘗不言之有物。然肝本肺金。盡人能知。乃一變而肝能樂金。肺龍就火。則金必克木。火必刑金。試以肝肺德性思之。將惡之惟恐不及。而顧能就而樂之。以從其化。仇敵也。而反能忘其本性。舍己從人。類乎不類。蓋化曜一說。雖亦出於古之五行家言。然其理究難推測。彼習子平學者。必以甲過己。以乙過庚。乃始有從化之法。若其有甲無己。有乙無庚。即不當化。是可說也。奈何醫家之言五運者。則曰甲己之年爲土運。乙庚之年爲金運。兩不相值。化從何來。所見己出子平之下。而難經是節。則肝本木也。而竟能從金。肺本金也。而竟能從火。離奇已甚。決非事理之當然。縱能粉飾其辭。附會陰陽夫婦。藉以自圓其說。究之穿鑿太過。斯未敢信。且所謂木得水而浮。金得水而沈。以木金之本質言之。可也。而乃曰肝得水而沈。肺得水而浮。己是多一水字。礙不於倫。肝肺爲藏。何待於得水而始知其沈。浮若曰取此二者置諸水中而實驗之。則盜跖行爲。肝人之肉。言生理學者。不當作如是想。而此節之末。又曰。肺熱而復沈。肝熱而復浮。則肝

第二十九期 論說門

二十七

醫 學 雜 誌

也。肺也。何由而熱。又是百思而不得其解。善乎徐洄溪作難經經釋。改作熱字。而解之曰。肺氣熱而清氣下墜。肝氣熱則相火上升。言明且清。庶為斬絕葛藤之唯一妙法。此蓋古人傳寫無心之訛。奈何向之注家。皆從熟字轉展附會。愈說愈難。而其義愈不可曉。豈將以此肝肺二藏。煮而熟之。作盤中羹乎。是黃巢闖獻之軼事。不圖醫學家言。駭人聽聞。乃至於此。然凡為難經作注者。偏能侃侃而談。竊附著作之林。亦焉往而不誤。盡天下後世耶。素問六節藏象論。肺為陽中之少陰。通於秋氣。今本王注素問。少陰誤作太陰。宋人校語引甲乙太素皆作少陰。此啓立本之誤。不可不改。

論陰陽

理學

楊煥文

我國醫經。動稱陰陽。又以人體之陰陽。應天地之陰陽。近人每非笑之。其實陰陽者。即兩性也。凡物莫不有兩性。同性相迎。異性相拒。而變化生焉。故醫經謂陰陽者。天地之道也。萬物之綱紀。變化之父母。生殺之本始。神明之府也。陰陽應象大論試就

29 誌 雜 學 醫

科學家試驗磁石之所得以說明之。以磁石埋鐵屑中。取出時。兩端滿吸鐵屑。中部則無。將此磁石斷而為二。復置鐵屑中。又復兩端吸鐵。中部仍無。夫此新斷磁石之一端。即原有磁石之中部。何以前無吸力。後則有之。雖斷之極細。現狀亦如是耶。科學家解之曰。磁石由無數合點而結合者也。此各合點之一端為正。別一端為負。正力同一方向。負力亦同一方向。中部相抵。兩端始現。故多數合點合成之磁石。兩端顯磁性。即合點之磁石。兩端亦顯磁性。我國之論陰陽。亦復如是。是以曰陰陽者數之可十。推之可百。數之可千。推之可萬。萬之大不可勝數。然其要一也。陰陽離合論一者何。即科學家所謂之一合點也。又曰。夫言人之陰陽。則外為陽內為陰。言人身之陰陽。則背為陽。腹為陰。言人身之藏府。中陰陽。則藏者為陰。府者為陽。金匱真言論雖然。豈獨身體藏府然哉。即一毛髮一細胞間。何莫不有陰陽二性存焉。再以電學之理證之。電之為物。與磁同。亦能使陰陽二性顯露者也。就天地言之。天空有電。地下有電。地面有電。天空之電。陽電多於陰電。地面之電。陰電

第二十九期 論說門

二十九

第二十九期 論說門

三十

多於陽電。我國醫經名天空之電為陽。地面之電為陰。故曰天為陽。地為陰。日為陽。月為陰。陰陽離合論又曰。積陽為天。積陰為地。陰陽應象大論至地面水分。因太陽之蒸發。則化為水氣。與空中之風磨擦而生電。故曰地氣上為雲。天氣下為雨。雨出地氣。雲出天氣。同上又當風雨之時。電氣最多。一有所阻。則發聲放光。故又曰陽之氣以天地之疾風名之。暴氣象雷。逆氣象陽。同上此天地間之陰陽。即天地間之電氣也。至吾人之身。質蓄有電氣。不僅蓄電。且能生電。以兩手足心相摩擦。即發生臭養氣。可以為証。故經稱。四肢為諸陽之本。陽明脈解篇蓋以其為人身生電機。而蓄電最富者也。且電能震人致死。則因人身為電之導體也。天地有電。人身有電。且天地之電。並藉人身而過。此所以以人之陰陽。應天地之陰陽也。試以電觸動物死體。尸即齒嚼唇張。眼睜鼻聳。甚至全尸起立。是為尸變。此由其人雖死。體中之陰電未離。感應天空之陽電而起之作用也。且尸變後。旁人畏懼却走。尸必追逐者。則因此尸感應天空之電。復與他人身上之電。又起一種感應作用也。陰陽之為用

如是非借科學之理。安能說明之耶。

前清醫學大家之概論

理事 喬尚謙

醫 有清醫學。勝于前朝。遺老如綺石青主。俱各震一時。綺石則書傳而名轉隱。青主則名傳而書無聞。一世傳傳氏男女科。乃原本石室秘錄辯症奇聞二書。坊賈駕名先生以欺世者也。余往年曾詳論之。二書俱有刻本。可覆按也。沿及乾嘉時代。文物之盛。當推此時。及醫學亦莫不然。前有薛葉。號稱大家。徐靈胎稍為晚出。而實極盛一時。道咸之際。陳修園尤首屈一指焉。此後如唐容川陸九芝與醫林改錯諸作。俱有所發明。而不能無偏。約畧分之。槩分兩派。曰復古派。曰維新派。如薛如葉。未嘗不沉甜古學。而實以治溫專門者也。如徐如陳如陸。未嘗不流連時派。而獨以復古為志者也。徐批臨症指南云。此老名震一時。臨症多年。夫豈無一二傷寒對手大症醫愈。足為後人師承者。乃編輯者不知出此聚無數相類可刪之方。雜湊成編。殊可惜也。此可證徐虛心服善。雖不滿意于葉。而肯研究其醫學。固

31

第二十九期 論說門

三十一

如是也。而其復古之心。已于言下概見矣。考徐氏醫書。如傷寒類方。如蘭臺軌範。如難經經釋。如神農本草。皆意在復古也。今考南雅堂集。如傷寒金匱各種淺註。如神農本草經讀。亦無不以復古為志者也。徐有醫貫砭之作。陳亦有新方八陣砭之作。是其名稱且祖述徐氏也。吾前謂陳氏之學。意在復古。其源實出於徐氏。蓋謂也也。此外諸家有偏于復古者。有偏於維新者。雖各有見地。要不足為大家。竊謂復古維新。不容偏廢。必須雙輪並進。庶幾醫學日就昌明。慨自歐風東漸。偏于維新者實繁有徒。而提倡中醫意在復古者。亦復不少。吾意殊不敢為左右袒。須知救人之術。惟醫是賴。無論復古。無論維新。惟求當病而已。中西何有哉。

歷年中西醫藥親身閱歷談

前人

僕少多病。中年苦沈疴。因留心醫學。嘗聞學貴虛心。從未敢傲然自足。自海禁大開。歐美醫學東來。見其手術之巧妙。醫藥器械之精良。尤所心折。然竊計平生經驗之效果。實與事實相反。此故證據確鑿。而無可諱言者也。余面有贅疣。時在部

供職。因倩同人醫院古大夫割去之。彼時恐受劇烈之疼痛。因用麻藥割治。治後授藥水一瓶。屬晚間服之。不知爲麻醉後振奮精神之劑。服後脈數至七八指無倫。彼亦未曾預告。致有此駭人之危險。割後延及百數十日。創口始合。此一事也。余手股間生一瘡。倩同鄉韓珍山醫之。韓固西醫也。創口時常流水。奇癢異常。韓云用顯微鏡看子之瘡。常有若干如玻璃之水管在焉。韓雖言其當然。而莫名其所以然。醫治四十餘日而無效。家姊偶取珍珠拔毒散糝之。頓覺瘡口清涼。痛癢較可。因覓一中醫外科治之。醫用乾糝藥。不二三日遂結痂而愈。此一事也。民國八年余骸間素有癬疾。因搔癢過度致翻花起肛。西醫見久不收口。不知爲癬蟲作。怪疑爲老年氣血衰。弱進以西藥助血之劑。不知余舊有血痔病。致使血熱妄行。每日便血數碗。延至年餘。後服黃上湯白公鷄等始獲全愈。而氣血亦自此衰矣。此又一事也。今歲偶因飲食不慎致患霍亂症病。後脈現促結。此亦老年常態。余與友人王君奉三商服復脈之類已見效。西醫諸友謂素經品驗此類現象。多

第二十九期 論說門

三十四

係胃病。彼指脈之停頓。緣心中發血管無力。擬進以毛地黃各劑。乃至服藥後反煩燥不安。繼仍改服復輩。並關東老山參。始大見效。山參他日當另爲論說明。此余歷次服西藥概未見效。或緣審病未確所致。亦未可知。而卒賴中藥收效。固歷歷不爽者也。然則吾人又烏可篤信西醫而遂弁髦中醫也哉。

纂述門

(生理類)

論營衛

理學 楊百城

人生受氣於穀而百穀之生也。皆具有與日光愛戰之力。含有陰電陽電兩性。人食之。經胃臟之消化。而兩性於以分解。一曰營。一曰衛。衛則含有陽電性。乃穀氣之慄悍者。由脈外行。先走四末。以濡肌肉。肥腠理。其功用則能撲滅蘊菌。故衛者衛也。所以衛外也。營則含有陰電性。乃穀氣之專精者。由脈中行。先榮四末。以潤五臟六腑。其功用則在滋養百骸。故營者營也。所以守內也。而營衛交流之域。則在人體谿谷之會。谿谷者何。謂毛管也。即西人所謂之細絲血管。此細絲血管。西人謂為物質交換之場所也。故營氣至此。則由脈中而滲出脈外矣。衛氣至此。則由脈外而滲入脈內矣。營氣滲入脈外。是能將所含之新物質。以補人體之所耗。故百體所賴以滋養者在此。衛氣滲入脈中。是能將人體中所含之舊物質。運至

第二十九期 纂述門

三十五

脈中。上至於肺。憑人呼吸之氣。呼出濁氣。吸入清氣。而與營大會焉。此經所謂營衛。生會也。變血之紫者爲赤。是舊物質去而新物質生焉。下至腎部。過腎臟。則漏出水分與鹽質。入子宮。則男子化精。女子化經。此經所謂營衛之所留止而生變化者。也是以舊物質去而新物質生焉。然則營也。衛也。所以營新陳代謝之事也。換言之。無非電氣之工作而已。

肝藏血解

名譽會員 沈仲圭

夫血流行全體。如環無端者也。肝乃臟器之一。謂爲血液經過之區則可。若目爲血液貯藏之所。無論血爲流動之物。不克中止其進行。卽或能之。亦屬死血。徒爲身害而已。是以肝藏血一語。粗視之頗覺費解。然細攷之。却有至理存乎其間。未可遽加訾短也。蓋飲食入胃。經胃腸之工作。化爲糜粥及乳狀。由血管乳糜管吸收之。以流行於全體。而彌補諸部之消耗。此讀生理學者類能道之。當新血經過肝臟。肝即攝取其中所含之糖分。變爲肝糖。貯於細胞。遇人體缺乏糖分之時。乃

將向日儲蓄之肝糖。復化成糖分。輸入血中。俾仍充足。蓋亦有備無患之意耳。余於以悟古人所謂肝藏血者。非藏血也。藏血中之糖分也。惟古人未諳化學。不知血液中更有糖分。且行文簡老。不事詳言。故概括其詞曰肝藏血。或曰肝為迴血之總匯處。血液較任何臟腑為多。錫以藏血之美名。又奚不可哉。答曰血液經過肝臟。不能認為貯於肝臟。吾於篇端已言之矣。

經脈即血管之研究

前人

客有問於余曰。西人言血管。中醫言經脈。經脈與血管。究為一物歟。二物歟。答曰。經脈與血管。實一物也。特名詞不侔耳。子如不信。可拈靈素之文證之。靈樞決氣篇『中焦受氣取汁。變化而赤。是謂血。壅遏營氣。令無所避。是謂脈。』此節釋血脈二字甚悉。曰壅遏營氣。令無所避。二語。非血行脈中而何。血既行脈中。則脈為血管矣。素問舉痛論曰。『經脈流行不止。環周不休。寒氣入經而稽遲。泣而不行。』夫脈中

第二十九期 靈樞門

三十七

無血。何能流行不止。更何至受寒凝泣哉。

素問脈要精微論曰。『夫脈者血之府也。』換言之。即血液行於脈中耳。

靈樞百病始生篇曰。『起居不節。用力過度。則絡脈傷。陽絡傷則血外溢。血外溢則衄血。陰絡傷則血內溢。血內溢則後血。』絡小於經。絡受損傷。血即外溢。血行脈中。尤覺瞭然。

醫學

靈素二經。若此類者不一而足。則脈為血管。又何疑哉。

雜

客曰。經脈之為血管。既聞命矣。但西人論血管有動脈、靜脈、毛細血管之分。中醫亦有之乎。

試

答曰。靈素論經脈。亦有大小之別。試舉二節如左。

素問調經論曰。『風雨之傷人也。先客於皮膚。傳入於孫脈。孫脈滿則傳入於絡脈。絡脈滿則輸於大經脈。』

靈樞脈度篇曰。『經脈為裏。支而橫者為絡。絡之別者為孫。』

觀此二條。可見脈有大小之分。大者爲經脈。小者曰孫脈。介乎其間者曰絡脈。且經言孫脈在皮膚之下。〔玩孫字之義。可知其爲微管。〕則細小繁多。又可想見。與生理學中之毛細管實無二致。蓋脈者。血管之總稱也。經脈絡脈孫脈。皆其分派耳。

客曰。西人言血液爲飲食所化。且循環全體。靡有已時。中醫亦有是說乎。

答曰。靈素何嘗無是說。請一讀營氣篇。即可瞭然矣。

其言曰。營氣之道。內穀爲寶。穀入於胃。乃傳於肺。〔西人謂血液係食物所化成。由腸胃之毛細管吸收之。以達於靜脈。夫靜脈入肺者也。故曰傳於肺。〕流溢於中。布散於外。〔流於中者。大血管也。散於外者。微絲血管也。〕精專者行於經隧。〔西人謂吸收精微之途有二。一曰毛細血管。二曰乳糜管。入於毛細管者曰血液。其色赤。入於乳糜管者曰淋巴液。其色白。寔即中醫所謂清者爲營。濁者爲衛。營行脈中。衛行脈外之義。此節專論營氣。故曰精專者行於經隧。然精專者。營氣既

行於經隧。血則慄悍者。衛之行於經外。淋又在不言中矣。常營無已。終而復始。（即西人所謂血環周身。晝夜不息。）

醫

客曰：任脈專主血。督脈專主氣。安得以經脈當血管之說哉。

學

答曰：奇經八脈。原非經脈。安得并爲一談。章太炎先生曰：「奇經有八。說亦不諦。惟衝脈當以脈名。督脈即中樞神經。任脈在男子即輸精管。在女子即輸卵管。與

雜

脈爲血管專名殊矣。帶脈舉世未見。陽蹻陰蹻陽維陰維。皆足膝中筋腱。亦名曰脈何哉。」蓋脈絡一氣貫通。詎有歧出。八脈不相連屬之理。至章氏名衝爲脈者。

誌

蓋因經有「衝脈爲十二經之海。」一語也。客曰：內經經脈篇論十二經之脈。條分縷析。各不相屬。子將何說。

答曰：人身之血管。參互錯綜。殊難僂指。經脈篇所言。特舉其大者耳。若微細如毛之孫脈。安能一一盡列。然經與經間。必有孫脈爲之連接。不然。何以解於「常營無已。周而復始」之文哉。

醫

學

雜

誌

41

〔注〕篇中第三節對於營即血液、衛即淋巴液之義因限於題旨，不暇詳言，讀者可參觀高思潛君之營衛解〔見三三醫報第一卷第一期第一篇〕。

（衛生類）

張栗庵先生存書

栗庵名學寬皖人仕於清清際此書其所著也原書不著姓名惟名為存書擬分期登之

屈子遠遊曰。壹氣孔神兮。於中夜存。司馬相如賦大人曰。超無友而獨存。蓋綿綿若存。以存吾身。參同以下諸書。旁暨佛氏台宗。不過明此意爾。莊子在右曰。吾與日月參光。與天地為常。當我緝乎。遠我昏乎。人其盡死。而我獨存乎。存之為義遠矣。故以名書。

孟子曰。其為人也寡欲。雖有不存焉者寡矣。其為人也多欲。雖有存焉者寡矣。此儒者省身克己之方。而內照凝神。亦不外是。

漢志有道家有神仙家。然谷神不死。質本柱下。虛極靜篤。數語。遂為坐忘遺照。先河。而管子之內業心術等篇。亦與魏張之書為近。故言神仙者。究以道家為初祖。

第二十九期 雜誌門

四十一

第二十九期 纂述門

四十二

焉。

修練之法。不外胎息通關采藥導引數端。各家所言。看似重複。然詳略相備。彼此相通。悉為甄采。以資通會。書中解說。多本舊註。其有未愜。別為按語。

甲子仲秋上旬編訖自識

存書谷神

谷神不死。是謂玄牝。玄牝之門。是謂天地根。綿綿若存。用之不勤。老子又列子引黃帝書

按此章之義。自以王弼張湛二家為最告。茲不具錄。迨方技家轉為丹訣。則其

說滋多。然都略示機緘。引而不發。惟董思靖老子集解引朱真人云。時人要識

真玄牝。不在心兮不在腎。窮取生身受氣初。莫怪天機都洩盡。此言極為明確。

悟真道光所注。其義亦同。蓋順則成人。逆則成仙。言順氣化醇之氣而施寫之則成胎而為人逆搆

精化生之用而固存之則成丹而為仙也原非二物。所用之異爾。無極之真。二五之精。妙合而凝結

丹之道如是而已。黃晦木曰。玄竅也。玄牝指人身命門兩腎空竅之處。氣之所由以生。是為祖氣。

涵虛生不著姓名自號紫霞洞主有道德經注釋曰。參同契云。乾坤者易之門戶。所謂兩孔穴法。金氣相腎。一作金水卽此玄牝之門也。陰陽往來於其內。坎離交媾於其中。地天交泰。不外乎此。故又稱爲天地根。言天地互藏之根也。天地之根。乃反本還原之地。煉神化氣之區。綿綿若存。卽是調養谷神之胎息。用之不勤。卽是外爐增減自然之符火。

九竅之邪。在乎三要。可以動靜。陰符經

李安溪曰。九竅者。目二耳二鼻二口一大小遺各一。三要者。耳目口也。九竅各有邪。而其感動之機。在乎三要。徇動則逐於邪矣。守靜則歸於性矣。

按參同契曰。耳目口三寶。閉塞勿發通。達生錄曰。精氣神爲內三寶。耳目口爲外三寶。常使內三寶不逐物而流。外三寶不誘中而擾。

心生於物。死於物。機在目。同上

李安溪曰。三要之中。目之感物最速。其所見者則心生。所不見者則心死。按謂心死謂心

第二十九期 卷述門

四十三

第二十九期 纂述門

四十四

定是此心之機。目爲之也。是故以心制目。以目制心。按程子謂制之於外。以安

亂心不

張紫陽曰。心能役神。神亦役心。眼者神遊之宅。神遊於眼而役於心。心欲求靜。必先制眼。抑之於眼。使歸於心。則心靜而神亦靜矣。

接近人謂繫念於兩目中間齊平處。或眉心。爲捷中捷訣。可與此互證。

自然之道靜。同上

按老子謂天法道。道法自然。而自然之道。不外乎靜。然則靜之時義大矣。

聖人知自然之道不可違。因而制之。至靜之道。律歷所不能契。同上

李安溪曰。聖人以靜爲本。是能制其心以體道者也。洗心退藏於密。非律歷之所能契。言其無形也。未完

(病理類)

纂輯中西解剖病理

孟河馬某治蛇傷

名譽理事 楊星垣選寄

前清孟河馬某。刀針手法。素有家傳。治一小童。年十五歲。因割草爲土灰蛇咬傷。手臂漫腫乾癢。皮皺肉黑。臭不可近。黑色漸近尺澤。踵馬門求治。馬某曰。肌肉已死。治亦無益。如再遲延。黑至肩腋。毒攻入心。必死無疑。不如去之。先用參一兩煎湯與服。待半日許。飲以麻藥。用紅帶兩條。一紮上白肉處。一紮下黑肉處。俱紮緊。中空一寸。乃黑白交界之處。以鋒刃將肉割開。上止血丹。割至露骨寸許。骨亦青黑。卽用銼將骨四圍銼斷。取下其手。以止血生肌藥敷之。包以玉紅膏。調理一月。其肉復長。此等手法。較之近日西醫。何多讓焉。

湯星甫治脫骹二則

名譽會員 沈仲圭選寄

一富翁傾跌傷臂。骹脫。護痛不許人動搖。人皆技窘。湯星甫令患者向隅立。卒取冷水潑其項。患者陡作寒噤。乘勢將臂一把。骨隨入骹。愈矣。
一人因跌而脊骨脫骹。下節錯向內。無可着手。湯星甫令其家密備栲栳一隻。中

第二十九期 醫述門

四十五

安棉絮置於旁。扶患者環柱走。走乏。卒推置栲栳間。上身直而下身彎環。所脫脊骨稍凸出。遂以按入而愈。

傷寒太陰症之研研

理學 梁秉鈞

夫太陰者。即裏寒寔症是也。蓋其人內有久寒。倘過邪客。雖初得陽症。及其入裡。遂從寒化。而胃氣猶有守故能搏實矣。其所受者。多自太陽病誤下而來。有雖不因誤下。或因誤藥而變成者。亦有自少陽來者。或氏曰太陰病者陽邪傳裏也。因太陰有桂枝法而發也。其曰自利。曰吐食不下。曰時腹痛。皆寒盛之徵。曰腹滿。曰下之心下結。鞭俱壅寔之驗。其初起滿寔。陽氣能持者。則桂枝加芍及加大黃湯。以為和泄瀉利之法。如其脈弱者。必須細加斟量。病既重者。則用四逆輩以瀉散之。不口渴即與少陰分別處。蓋寒寔之病。雖胃猶閉持。以寒固胃之所忌。其寔之極。中氣必敗。不似熱症之久寔。故初起雖用瀉利。至其重者。則當扶陽散寒耳。此太陰病之要領也。

遺精病理中西相通之我見

王治華 胡齊瑞

健康之體。氣盛精旺。淡色慾。節房勞。其有偶然一遺者。非病也。乃盈滿而遺也。若每夜一遺。或三五日一遺。致疲勞倦怠。耳鳴頭眩。則病矣。西醫有生理病理遺精之分。而病理遺精則又有有夢無夢之別。與中醫之說。實相吻合者也。

中醫之論遺精。不外有夢無夢濕熱三者。以有夢爲心病無夢爲腎病。濕熱爲肝經下注病。西醫則曰神經衰弱。脊髓中樞神經衰弱。局部疾患鄰近疾患三者。細釋其理中西醫可相通者。爰爲歷證如左。

一西醫之所謂神經衰弱。先後天神經衰弱。貧血而兼衰弱者。即中醫之所謂無夢屬腎而遺也。亦即虛勞症也。金匱曰。勞之爲病。其脈浮大。手足煩。春夏劇。秋冬瘥。陰寒精自出。又曰失精家。小腹弦急。陰頭寒。目眩髮落。脈極虛芤。爲清穀亡血失精是也。

一西醫之所謂脊髓神經衰弱而促其遺精者。多有髓病患。及中毒慢性後部尿道淋。即中醫之所謂有夢屬心而遺者也。然腎主骨髓。則此症應合腎矣。殊不知

脊隨神經中樞受傷者。蓋因房事手淫過度。或淫思所致。而房事手淫淫思。實由君火一動。相火隨之所致。心腎二藏。同時受病。特心爲主使。而腎受其傷。以主要原因言之。故曰合於心也。

一西醫謂思之主宰在腦。與心何關。抑知思屬於腦。中醫亦嘗經先賢丹溪論定曰。見人之思。每以手按腦而尋索。則可知思之在腦。其說較西醫尤簡括明確。但西醫亦嘗言腦筋有通於心者矣。大凡人見美色觸於目。卽入印於腦而起淫思。因腦筋通於心。而君火搖。相火遂因之而熾。吾之合思於心者。仍本西醫腦筋通心之說也。

一西醫之所謂局部疾患。鄰近器疾病。卽精囊炎腫瘍。尿道狹窄。龜頭炎。痔結核。及直腸炎等。在中醫卽屬肝經濕熱下注。乃濕邪入裏化熱傷陰所致也。蓋肝經濕熱下注。則小便短澇而成五淋。或前陰生濕瘡。且痛且癢。甚至腿腹交界之處。發生結核。若濕傷陰者。則多在後便血而成直腸炎者是也。

由上說觀之。中西醫於遺精病症。雖持論各異。而理則一也。惟名詞不同。說理因之而異耳。其學理相通。所謂異曲同工。殊途而同歸也。雖然。病理上之立論固難免無是是非非者。是當平心靜氣而研究之。以闡明學理。豈容存畛域之見。而互相攻訐。每笑淺見者流。學未窺徑。於異己者。則嘵嘵不休。妄肆批評。亦多見其不知量耳。

(診治類)

(診法)

色脈篇

續二十八期

理事 楊百城

論色脈合形氣之關係

經云。凡治病。察其形氣色澤。脈之盛衰。病之新故。乃治之。無後其時。

此言形氣色脈之當參合以治也。夫五臟相傳。有淺有深。所當察其形氣色脈。急治之。稍緩焉。則後時。以致不救者多矣。故經中明其義曰。形氣相得。謂之可

第二十九期 醫述門

四十九

第二十九期 靈述門

五十

治色澤以浮。謂之易已。形氣相失。謂之難治。色天不澤。謂之難已。一新病乘逆。淺。一久病乘傳深。此經合色與形氣而言之如此。又曰。形盛脈細。少氣不足以息者危。形瘦脈大。胸中多氣者死。一邪氣盛而正氣脫。形勝氣也。一正氣衰而病氣進。氣勝形也。此經合脈與形氣而言之如此。是故治病者。當於形氣色脈中參合求之。斯病無遁情矣。於以決吉凶。斷死生。雖謂扁鵲倉公至今存焉可也。

論色脈合尺之關係

經云。色脈之與尺相應也。猶桴鼓影響之相應也。不得相失也。

此言色脈之與尺相應也。夫天地之道。曰陰與陽。在人曰氣與血。氣衛於外。色者其氣之華也。血營於內。脈者其血之府也。人生氣血相資而行。行裏則通於五臟六腑十二經絡。行表則濡於九竅四肢百節毫毛。晝夜循行。如環無端。以成其度。會於寸口。寸口者。掌後腕骨之部也。經所謂色脈之與尺相應者。歸

指此部而言。謂脈外之氣血。循手陽明之絡。而變見尺膚。脈內之氣血。循手太陰之經。而變見尺寸。此皆胃腑五臟所生氣血之出候也。上工於此。按脈動靜。循尺滑濇寒溫之意。此二句見方盛衰論脈滑者尺之皮膚亦滑。脈濇者尺之皮膚亦濇。尺膚滑。其淖澤者風也。尺膚濇者。風痹也。尺膚粗者如枯魚之鱗者。水跌飲也。尺膚熱。其脈甚躁者。病溫也。其脈盛而滑。病且出也。尺膚寒。其脈小者。泄少氣。尺膚炬然。先熱後寒。寒熱也。尺膚先寒。久之而大熱者。亦寒熱也。故善調尺者。不待於寸。善調脈者。不待於色。此所以為上工也夫。

莫枚士研經言釋代脈篇書後

名器 理專 張山雷

壽頤案莫氏謂乍疏乍數。屬於代脈。因其疏數不勻。已有間斷疾遲之態。遂謂後人引申其意。乃專以為歇止之稱。立說甚新。自有意味。未嘗不可以備一解。惟壽頤之意。則謂脾脈代之代字。當從景岳四時禪代之說為允。惟脾土寄旺於四季。不主一時。故四季脈象。仍當有合於春弦夏洪秋毛冬石。不能獨自別成一種脈。

第二十九期 算述門

五十一

形。此脾脉必以代為平脉之正義。實於歇止之代脉。名同而義必不同。若以乍疎乍數。而謂為脾家平脈。又何解於乍疎乍數者死之一義。且觀素問但代無胃曰死一句。更可知雖隨四季為轉移。亦必以和緩有神為最要。如無胃氣。而春則但弦。夏則但洪。秋則但毛。冬則但石。又為真藏獨見之象。此非乍疎乍數。有類歇止之代。尤其顯而易見。合而參之。其義益明。今枚士必以脾脈之代。與歇止之代合而為一。終是未妥。

脈訣闡微

不知何人假託 鬼與區作

名醫 理事 楊星垣錄寄

第一篇

鬼真君曰。脈理甚微。原非一言可盡。人病多變。又豈一脈能包。論其陰陽。別其生死。察其臟腑。觀其症候。既上中下之宜分。必寸關尺之自定。左寸心。左關肝。心木寧無至性。右寸肺。右關脾。土金本有深情。惟兩尺為腎。水火實難分配。中間是命。左右還可同觀。三焦別上中下以相診。餘經合寸關尺而共視。蓋部位容倒置。辨

貴分明。而表裏何必細分。不宜拘執。雖按指以三部爲法。數息便悟。斷經。顧看脈以五臟爲主。知臟卽通治腑。察時令之節氣。春夏異於秋冬。審一日之晷時。寅卯殊于申酉。大約逢尅則凶。逢生可救。我生則緩。我尅難醫。因五行而推斷。舉一隅而可知。弦似乎緊。似乎微。浮與芤相反。沉與伏甯殊。洪全實狀。弱帶濡形。辨之既清。病將安遁。故急則爲痛。弦則爲風。緊則爲邪。緩則爲虛。微則爲冷。數則爲熱。滑則痰多。濇則鬱塞。洪爲火旺。大爲血乾。沉爲陰寒。遲爲困乏。小者氣衰。細者血涸。浮者氣升。伏者脈結。芤多失血。實多壅氣。弱是陰虧。濡是濕犯。長是正氣之和。短是邪氣之尅。代爲正氣之衰。革爲正氣之脫。結爲邪氣之搏。促爲正氣之耗。動有變動之機。靜有安寧之喜。毛主火之將旺。石乃水之極沉。軟是力薄。堅是邪深。鈎爲血之和。躁爲血之燥。搏擊指而有太過之虞。散去指而無可留之狀。脈嫌其絕。脈貴其平。既知各脈之異同。可斷諸證之常變。然而診脈必須得時。要在日之平旦。按指原無異法。貴取氣之甚清。自然虛實易明。盛衰易辨矣。

第二十九期 葛蓮門

五十三

第二篇

鬼真君曰。人身之病。變遷原非一致。人身之脈。紛紜必有殊形。故六部之中。每顯各異之狀。一經之內。常呈兼見之端。浮而弦。浮而數。多無定象。沉而細。沉而遲。不少同觀。必須統論其精微。始可獨斷其真偽。故浮而兼滑也。必是風痰之盛。浮而兼大也。決爲氣血之邪。浮而兼遲也。虛風之害。浮而兼濡也。濕氣之侵。浮而兼細也。血隨氣而上升。浮而兼洪也。火得氣而更旺。浮而兼芤。定爲血泛之虞。浮而兼緊。決至邪重之苦。浮而兼急。必疼痛於上焦。浮而兼弱。必萎靡於下部。浮而兼長。氣雖升而不傷其正。浮而兼短。氣欲結而難散其邪。浮而兼結。邪搏于經絡之間。浮而兼革。正脫於臟腑之內。浮而兼代。邪居於胸膈之處。浮而兼促。正傷於衛營之中。浮而兼動。氣有變遷。浮而兼靜。氣將寧息。浮而兼毛。氣得火而上騰。於頭目。浮而兼躁。火因氣而上炎于咽喉。浮而兼鈎。氣升之和。浮而兼搏。氣浮之極。浮而兼爽。氣虛之甚。浮而兼散。氣不可收。浮而兼平。氣乃無病。沉而兼遲也。寒虛之

至。沉而兼澀也。鬱滯之深。沉而兼滑也。寒痰之不舒。沉而兼小也。冷氣之難發。沉而兼質也。氣得寒而不揚。沉而兼微也。精因冷而欲脫。沉而兼細也。血逢陰凝之象。沉而兼緊也。邪乘寒冷之微。沉而兼急。小腹有寒邪之痛。沉而兼濡。兩足多水脹之侵。沉而兼長。氣陷而正尙未傷。沉而兼短。精冷而邪將不渙。沉而兼結。邪搏於至陰。沉而兼革。正脫于髓海。沉而兼代。命門將絕而可危。沉而兼促。元陽欲脫而可畏。沉而兼靜。陽寒能守。沉而兼石。陰固不遷。沉而兼奕。腹冷有痛楚之苦。沉而兼散。精寒有涸絕之危。○更有濡遲兼見。無非濕犯乎虛。濡滑同來。尤是痰成乎水。濡中兼大。濕因血耗以相侵。濡中兼小。水趁氣衰以相犯。濡而兼弦。風水之患深。濡而兼孔。痰血之症急。濡而兼長。水濕易散。濡而兼革。水濕難消。濡而兼動。水有泛濫之盛。濡而兼靜。濕多浸潤之微。濡而兼奕。水邪乘虛而相生。濡而兼散。正氣隨濕而欲脫。○遲而兼濇。鬱中以成弱。遲而兼滑。濕內以招虛。遲而兼大。氣血皆居乾燥。遲而兼小。精神必至伶。行遲而兼微。虛寒之氣遲而兼細。匱乏之身。

第二十九期 醫通門

五十五

醫

學

雜

誌

遲而兼弦。內傷之風。遲而兼芤。內傷之血。遲而兼長。病不足畏。遲而兼短。症實可
 愁。遲而兼代。必至損傷脾胃。遲而兼革。定然渙散精華。遲而兼石。氣寒將侵于骨。
 遲而兼喚。血衰少養乎心。遲而兼散。寒極而氣飛。遲而兼靜。陰微而精固。○數而
 兼滑。亢炎之痰。數而兼大。沸騰之火。數而兼實。氣壅於熱。數而兼弦。火助乎風。數
 而兼洪。熱有燎原之盛。數而兼緊。邪有烽火之傳。數而兼芤。吐血何狂。數而兼代。
 喪軀必速。數而兼革。走陽可許。數而兼促。消正堪憂。數而兼動。恐有發狂之變。數
 而兼毛。定多消渴之成。數而兼搏。火刑金而口舌無津。數而兼躁。火燒心而脾胃
 生焰。○瀉中兼小。氣血虧而鬱志莫伸。瀉中兼實。氣血壅而思想難遂。瀉中兼微。
 氣寒而滯。瀉中兼細。血少而愁。瀉中兼洪。鬱怒不解。瀉中兼急。鬱痛安禁。瀉中兼
 結。邪搏于兩脇之間。瀉中兼促。正虧于半表之際。瀉中兼革。氣欲脫于腎肝。瀉中
 兼代。氣將絕于脾胃。瀉中兼石。寒鬱不宣。瀉中兼促。風鬱難出。瀉中兼搏。鬱甚莫
 解。瀉中兼靜。鬱極安移。○滑而兼大。痰借血以爲災。滑而兼小。痰借氣而作祟。滑

而兼實。氣寒於痰中。滑而兼微。痰冷於胸次。滑而兼細。痰旺而血枯。滑而兼弦。水盛而風急。滑而兼洪。濕熱成黨。滑而兼扎。痰血為疴。滑而兼緊。邪得濕以助威。滑而兼急。邪乘濕而增痛。滑而兼濡。濕盛恐邪氣之添脹。滑而兼革。水多防正氣之難收。滑而兼動。水畜致腸腹之鳴。滑而兼毛。火沸召痰涎之吐。滑而兼軟。濕痰積而不消。滑而兼堅。濕邪留而不散。滑而兼搏。痰有傾盆之嘔。滑而兼散。水如走石之崩。餘脈俱可類推。各經正當細辨。總以脾胃之氣為要。更以平緩之脈為先。倘下指之時。均有寧靜之致。庶幾藥餌之用。可許康健之祥矣。未完

(治法)

歷代名醫治療法彙錄續

砭石

上古鍼法。垂布於天下。制砭石有大小者。乃隨病所宜。用石代鍼。一曰鍼石。二曰砭石。三曰鑱石。其實一也。破堅決肉。砭射腫熱者。則決之以砭石。良由邪氣暴戾。

理事揚子城輯
趙意空

第二十九期 纂述門

五十七

則微鍼不能及。况又病有氣血盛實。逆於肉理。蓄結癰腫之類。非砭石則不能射之。此所謂血實宜決之。又形樂志樂。病生於肉者。治之以砭石。東方之民。多病癰瘍。其治宜砭石。砭石之來。始自於此。扁鵲有云。病在血脈者。治以砭石。是故一切腫疾。悉宜鑱割。足小指下。橫文間。腫在左。則割左。在右。則割右。血少。出則差。以至丁腫癰瘍。丹毒瘰疽。代指癰病。氣痛流腫之類。皆須出血者。急以石砭之。大抵砭石之用。其法必瀉。若在冬時。人氣閉塞。則用藥而少鍼石。所謂少鍼石者。非癰疽之謂也。癰疽不得頃時回。苟緩於鍼石。則毒氣內攻。腐壞筋骨。穿通腑臟矣。治石丁瘡。則忌瓦礫。搏石之類。治刀鑱丁瘡。則忌鍼刃傷割。若是者。可以藥治也。素問又曰。人病頸癰。或石治之。或鍼灸治之。而皆已。此蓋同病異治也。夫癰疽之氣息者。宜鍼。開除去之。氣盛血聚者。宜石而瀉之。若然。則砭石九鍼之用。各有所利。善治血脈之變。癰腫之病者。當審輕重而制之。砭以上錄聖濟總錄

(治療各稿)

療身病莫若療心病說

名譽會員 劉前英

求木之長者必固其根本。欲流之遠者必浚其泉源。思國之安者必積其德義。斯誠迫本窮源之論也。治病亦然。欲治病之愈者。必先療其心。誠以無形之心病。仍當以心藥治之。非草木藥石所能奏效。反是則如源不深而望流之遠。根不固而求木之長。德不厚而思國之安。心不正而欲病之愈。雖至愚者亦知其必不可焉。夫人之受病。大抵分爲二種。外感與內傷。外感者。天之六氣。陰陽風雨晦明。陰淫寒疾。陽淫火疾。風淫風疾。雨淫濕疾。晦淫燥疾。明淫暑疾。此六氣致病。皆屬外感。所謂天刑之病是也。故必賴草木金石之藥治之。乃見功效。內傷者。人之七情。喜怒哀憂思悲恐驚。喜傷心。怒傷肝。憂思傷脾。悲傷肺。恐驚傷腎。此七情之病。皆屬內傷。所謂自戕之病是也。然此五臟七情之病。統皆由心而生。藥能治有形外感之六氣。不能治無形內傷之七情。能治無形內傷之七情。不能治動靜無端變幻無常之心病。此惟以本身心藥治之。最易奏效。心藥者何。有詩云。自身有病自心知。

第二十九期 藥理門

五十九

第二十九期 醫述門

六十

身病還將心藥醫。心境靜時身亦靜。心生還是病生時。此即心藥也。大學亦云心正而後身修。先賢已說明矣。近人偶抱小恙。鬱鬱於心。恐懼不已。延醫診治。設遇醫之庸者。金石雜投。是本無病。轉而致病。何若靜心寡慾。自然消弭於無形耶。所謂天下本無事。庸人自擾之。張汝偉先生之怯病論。辭意極端明晰。理由尤爲充足。換言之。怯病者即係心病之現象也。誠以心爲君主之官。神明出焉。心主無病。則臟腑即或有病。不難療治。獨此心一動。百病悉來。雖軒岐再世亦不易下藥矣。故昔之聖醫能療人心。預令不至於有病。今之醫者。惟知療人之病。而不知療人之心。捨本逐末。欲求病之速愈。則誠緣木而求魚也。

崇病醫案

錄泗溪醫案

名譽會員 沈仲圭

林家巷周宅看門人之妻縊死。遇救得甦。余適寓周氏。隨衆往看。急以紫金錠搗爛。水灌之而醒。明日又縊亦遇救。余仍以前藥灌之。因詢其求死之故。則曰。我患心疼甚。有老嫗勸我將繩擊頸。則痛除矣。故從之。非求死也。余曰。此嫗安在。則曰。

在床裏。視之無有。則曰相公來已去矣。余曰。此縊死鬼。汝痛亦由彼作祟。今後若來。汝即嚼余藥噴之。婦依余言。嫗至曰。爾口中何物。欲害我耶。詈罵而去。其自述如此。蓋紫金錠之辟邪神效若是。

(圭按)此即鬼病。鬼何以能病人。則以人有可乘之隙也。所謂可乘之隙者。或元氣衰憊。或心思邪淫。或迫於環境而厭世。或怒無可洩而覓死之類是也。苟無前世宿怨。咸可療治而愈。此等鬼病。余曾見之。師兄朱文瀾之次女患喉痧。數日後病勢增劇。伊姊蘭生附體為祟。卒致不起。惟姊妹至親。何以反相侵害。殆前世怨結為之耳。

診治怪證五則

名譽
理事 葛蔭春

四十年來鄙人所遇之怪證甚多。然有是病。必有是理。得其理。則順理而求治法。未有不愈者。茲將近來所診諸怪證畧陳於右。用備研究之材料。

德姓婦年五十三。經斷三載矣。忽然而崩作。下如屋漏水。中有如魚蝦形之蟲。隨

62

第二十九期 纂述門

六十二

水而下。蠕蠕然動病者駭然。醫家亦莫名其妙。愚細詢致病之由。因入廁而得。蓋風由陰戶襲入胞中。其理與腸風下血同義。蠕蠕然者。乃胞中之濁。因氣感化使然。譬如新雨後。風掃階除。蛭蚰遍生。同一義也。乃用古拜散二錢。以蛇床子卷柏炭煎湯沖服。一劑而止。

醫 學 雜 誌

弓姓婦人新產三日。惡露頗暢。偶因其夫披衣。而風襲其面。一驚遂寒熱眩冒。吐血成碗。舉家驚駭。延余至診其脈。兩寸浮數閃灼。面赤如醉。予斷之曰。此因風襲而驚。驚則氣上。風引火升。惡血上溢。乃爲處黑荆芳炭澤蘭合四物湯。大黃黃連瀉心湯煎成和入安宮牛黃丸一粒與服。一劑而神清熱退。惡露復下行。次日再進以四物加白薇硃蘗茯神丹參獲痊。

誌 金翁年七十矣。食已卽吐痰涎。水食交雜。吐後胸中奇痒如蟲行狀。搔之不作。已將一月。憊甚。乃延余。余診其脈。右關滑疾。此胃中有蟲與痰熱也。先試以烏梅丸。丸入卽吐出。大便常三五日一次。更爲處甘草粉蜜湯。加入戈製半夏末二錢。並

囑之曰。徐徐嚥之。或吐或瀉。任之。當有蟲出。病家如法盡劑。次日走告予曰。夜間上吐下瀉。挾紅黑蟲無數。大者如蛆。小者如蠅。現尙在吐利中。再處以烏梅丸。改煎。吐利遂止。其痒若失。進食不吐矣。

曹德海軍人也。得一證。皮中有物如蟹狀。走注上下四肢無定。所過處則肉凸起。或凝於一處。二三日不動。或一日游走無定。小有痛痒。食飲如常。醫皆莫測其故。從皖歸就余診。並謂西醫欲以刀割之。彼游疑而未果。愚一時亦未悟得其理由。即以大針刺入。其物卽欲動而不得。似作躑躅之狀。囑以一晝夜勿去針。其物遂殭而不動。乃爲去其針。嵌以降藥。肉乃潰腐。腥臭作膿。依潰瘍例治之。膿盡肌生。其患若失。病雖愈矣。何以至此。至今尙未悟得原委。據曹云。駐軍石埭縣。縣多石穴。有蟹如錢大。其色赤。初不敢食。土人常醃之以作饌。其味極羶美。余遂常食之。而購斯疾。豈此蟹之留毒歟。彼土人何以食而不病也。願高明研究焉。

同僚王英逸之子十二歲左腿從脛循腿外側而及於巔。痛不可忍。痛處其熱如

熾。日夜號叫。醫作風治不應。子爲處一方。用連藤金銀花五兩。當歸五錢。葛根五錢。天花粉五錢。牛蒡子三錢。紫花地丁一兩。黃酒二兩。同煎濃湯飲之。並囑之曰。夜若煩躁勿怪也。如有紅疹出則大妙。至夜果煩躁甚。晨起視之。遍身隱隱出紅疹矣。舌赤如朱。煩渴引飲。半月而疹鮮紅。間作紫。即用大劑化斑湯。加紫背天葵子。連藤金銀花。連翹。竹葉。鮮生地。元參。並用萬氏牛黃清心丸護其宮城。七日而諸證全退。大便未行再與增液承氣湯得更衣再與以增液湯加銀翹西洋參遂復原。

暑熱氣閉証治愈

名譽理事 劉蔚楚

姊丈韋潤生好客喜飲。盛暑游山。途中暈眩汗渴。回時飲豆腐漿一瓶。壯熱無汗。頭痛發煩。諸醫遵金匱者。與白虎湯。存津液者。與小承氣。犀角地黃。專溫熱家者。治以紫雪牛黃至寶丹。守傷寒論者。復救以少陰四逆諸湯。未十日垂危。家姊迎予。委以專醫。余電番出請黃君登雲共商。君來商得始病暑熱。爲冷物所壓。壯熱

醫 學 雜 誌 65

無汗。香薰飲加清疏藥。最是的方。暑與熱與喝。與西人日光病。名異實同。乃舍此而用寒用熱。無一不論與症違。方與病戾。今據脈沉伏。唇面色深紫。噴臥失語。汗出溺短。與食則拒。與水猶咽。似與黃太夫人之熱閉肺胃前案同。但暑與溫有異。此症不兼濕。漸且短。則治法與前案亦同中有異也。夫肺司開閏。胃主運輸。動力則皆發原於生氣。肺主聲。肺閉則失語矣。胃主痛。胃閉則噴臥矣。色深紫則營氣閉矣。西說物糜於胃。吸液管吸其精華。運化爲血。與迴管收回之藍血。必經肺下。賴肺氣吸清吐濁。其血始紅。作用正自相關。陳平伯謂衛氣皆肺胃所主。則衛氣閉而營氣亦閉。其理甚明。舍發舒肺胃。生氣其將何望。兼之舌尖現起小瘰。營熱閉結。當開泄氣分。以清熱通營。又初病即齒縫流血。其痛者爲胃火衝擊。時醫多用消滯攻治。使胃汁先涸。陰液劫傷。此葉天士之言。徐洞溪評爲正論者。籌治亦豈外舒達肺胃。清熱通營耶。彼此意同。則立方自有定向矣。

先擬通絡飲。取鮮蓮葉邊。絲瓜皮。西瓜翠衣。鮮銀花各二錢。加鮮菖蒲八分。鮮竹

第二十九期 雜論

六十五

茹、紫草茸、鬱金射干各二錢、鮮藿香葉三片。重用鮮蘆根四兩煎水煮藥。另用羚羊尖六分以清肺。犀角尖六分以清胃。磨汁和灌。蘆根形如肺管。甘清涼肺。生水中。縱橫條達。津液之闔隔生病者。能透膈膜使之通行。見鄒氏續疏。用之溺短赤者尤宜。此等藥用七日。熱先退。人略醒。此後如嫩稻秧。知母真建蘭葉、鮮杷葉、重樓、金線、丹參各三錢、雙鉤藤、白蓮瓣各錢半。與前方出入加減。約二十日後病漸已。再擬西洋參。不去心、麥冬、竹葉捲心各一錢、元參、沙參各二錢、鮮枸杞根、鮮茅根、苡仁、水浸百合、熟蕤仁肉各三錢。除泗溪治夜燥不眠用熟蕤仁肉。另以枇杷膏、銀花露、蓮花露、玫瑰露。取玫瑰花清暑降逆多泡茶飲可治噁氣。毛燕湯、鮮茅根每四兩熬水燉鴨助之。鴨以小野鴨全黑者尤佳。先一派清芳活利。再一派潤燥生津。總以通經絡、運樞機、調肺胃、舒衛通營為主。而成效收。脈有六陰六陽、斜飛反關、談太素者。謂六陽主壽。六陰主貴。黃師母脈乃六陽。韋姐丈脈乃六陰。診脈者不宜籠統。至此次藥甚平淡。辨症果真。用法果當。雖垂危已辦壽具。亦可倖痊。余何能。實余友主持之力也。

醫 學 雜 誌

春溫伏邪救誤

前 人

王君官法曹。性剛直。憂時之士也。辛酉春。京師大疫。君病甚。延余診治。察其唇而深赤。舌乾發熱。大汗淋漓。上氣狂喘。呆視不識人。脈浮數。其家人羅列醫方。余曰。現流行病。雖有白喉紅疹吐瀉霍亂發現。而君無疫狀。乃冬令伏邪乘春氣之升揚而發爲溫病也。藥初係達原飲。人散敗毒散。繼以柴葛檀菴諸藥。香燥升開。熱灼陰竭。連誤十日。危猶幸焉。內經謂冬傷於寒。春必病溫。冬不藏精。春必病溫。仲師亦有伏氣溫病篇。解經者謂上條是寒邪化熱。下條不藏精。不止淫慾。凡勞神苦形。搖其精爽者皆是。故生長化收藏。宜保養以豫防之。否則逆四時之氣。病發於他時。禮云君子春夏養陽。秋冬養陰。養其本也。余則謂精固是舉丸下精囊之精。而運諸上下內外以存養者。亦曰精。精足以存養。即曰藏。當寒威凜冽。外束肌表。自覺胸熱口乾。不必飲酒圍爐。體燥者已傷其精液。非一定外感於寒也。溫熱病家謂溫邪由外吸入。伏邪由內發出。俱主諸肺。鼻通於肺。肺者皮毛之合也。

第二十九期 專論門

六十七

第二十九期 癸通門

六十八

皮。應天爲萬物之大表也。君初病皮熱，頭刺乾咳微渴，并不嘔噎惡風，故命曰伏邪。仲師曰：若發汗已，身灼熱者，名曰風溫。本指內風，火升風擾，即使兼外風，亦祇可甘涼帶辛涼以導之。奈何全是燥涸，升開耶。今救陰止汗，但因其肩抬胸滿，發熱未退，不敢用沈膩藥，向腎陰浪圖壓寒。因擬清骨散加減。用銀州柴胡、布包旋覆花、紫苑茸、鮮杷葉各二錢，鮮枸杞根、生牡蠣、知母各三錢，鹽水泡透黃連一錢，柿蒂三枚一帖，汗少。去黃連加白薇錢半，三帖氣定熱退。至五日面色不純赤，脈轉洪大，汗多引飲。又用小劑白虎三帖，病退能行。汗渴俱止，口味淡，舌白脈濡。擬六君去陳朮，用高麗參錢半，雲苓法夏各三錢，甘草三分，加葳。淮山藥、胡桃肉、冬青子各二錢，製首烏三錢，砂仁四分，煎成和服珍珠母粉錢半。上調肺胃，下養肝腎。約十帖以善其後。此症治已兩旬，身始康復。

溫邪逆傳心包絡證治

前人

鮑德輝季春因公外出，回時熱甚，以冷水洗澡後，頭痛無汗，噎咳惡風，舌乾思飲。

醫 學 雜 誌 69

疊醫未愈。漸昏妄譫語。循衣摸床。病兩旬而勢幾不可爲矣。余到時。病者已移正寢。昏瞶不知人。不語如尸厥。唇及舌尖純絳色。肌微熱。脈細數。左寸較大。余曰。此真所謂溫邪逆傳心包絡也。醫者初不風溫兼治。甚則沈膩潛陽。不先顧上焦津液之竭。陳平伯引喻氏熱邪極盛。三焦相火。最易內竄心包。閉塞絡脈。惟駁其過用辛香開散。溫燥與熱鬪。立見其敗。且謂無形之心神。爲熱邪蒸圍。非有形閉塞。補引薛生白鍊雄黃牙硝一法。其法昉於游官紀聞。余謂有形閉塞。則西說心房停歇矣。此則熱邪走竄。煽亂神明。病在無形之熱氣。可無疑義。但此不兼痰。宜安宮牛黃丸研幼。以銀花薄荷水開灌。此方芳香化穢濁而利諸竅。以鹹寒保腎安心。苦寒通瀉火府。乃兼用法也。分次用三丸。次日用紫雪丹二服。共二錢。溫水候冷調下。用牛黃丸者。由外入內。用紫雪丹者。由內達外。另頻與以水磨犀角尖。膈中者。心主之宮城。正欲盡力解其圍困耳。三日病者神醒。脈數大。舌深絳。胸翳。肌乍寒乍熱。煩渴微汗。吳氏謂溫邪不解。每留戀膜原。卽係胸間膈膜。心肺又同居

第二十九期 第幾門

六十九

第二十九期 露逸門

七十

膈膜之上。去路即從來路也。傷寒論內外。而以少陽為中樞。溫熱論上下。而以膜

原為中樞。症與書對。何為卑之而別持高論耶。藥擬軟柴胡。知母。鮮蘆根各三錢。

鮮薄荷三片。射干。竹葉捲心。連菖心。鬱金。蘇梗。佩蘭葉。牡丹皮。衛茅各三錢。衛茅一名

鬼箭羽苦寒通經絡墮胎殺蟲祛風徐洄溪醫案用之以射鬼但北方者形似棕色樹根無效廣東者形似黑色樹鬚能逐血熱凡斑疔夾色等病用之殊佳

五日間熱先退。胸舒。煩渴未止。有汗。脈洪大。加入絲瓜絡。連心麥冬各二錢。石膏

亦能清肺。故用五錢。此類藥與前藥酌換。約半月病去其大半。乃以西洋參連心

麥冬各一錢。五味子五分。元參二錢。兼五汁飲。溫服以潤之。再鮮生地四錢。旱蓮

草女貞子各二錢。阿膠珠錢半。此時宜潤下以制上炎。約十餘日病痊。

脚氣之治療

名醫 楊星垣

脚氣一症。頑弱名緩風。疼痛名濕痺。二語本經 然有腫者。有不腫者。其腫者由風濕

毒氣搏於腎經。則腎氣不能宣通水液。使搏於小腸。反瀆於皮膚。故腫滿也。風毒

搏於經。風濕乘於血。故痺攣也。熱者治以冷藥。冷者治以熱藥。以意消息之。且脚

醫 學 雜 誌 71

氣皆感風毒所致。此乃要訣。小腹頑皮。後令人嘔吐者。名脚氣入心。如斯者難治。初得便速灸之。服竹瀝湯。灸訖服八風散。無不瘥者。但灸不服藥。但服藥不灸。後必更發而難治矣。今將灸脚氣按穴先後法。並治療各種方。畧具於左。

按穴灸法

- (初)風市 (次)伏兔 (次)犢鼻 (次)兩膝眼 (次)三里 (次)上廉 (次)下廉
- (次)絕骨

治脚氣初起方

千金竹瀝湯 竹瀝五升 麻黃一兩 升麻兩半 防風兩半 秦艽一兩

細辛一兩 杏仁五十粒 茯苓二兩 干姜一兩 附子二枚

黃芩一兩 葛根一兩 甘草一兩 桂心一兩 防己一兩

以水七升合竹瀝煎三升分三服取汗

治脚氣脇下有痞塊方

第二十九期 秦沈門

七十一

第二十九期 籌滿門

七十二

杉木湯 杉木節一升 橘皮一升 大腹皮檳榔合子碎之七分

童便三升煮一升半分二服以快利即止

治脚腫方

檳榔散 陳皮 握 沙木一握 童便一盃 酒半盃

煎數沸調檳榔末二錢食後服

木瓜散 大腹皮一枚 紫蘇一錢 木瓜一錢 木香五分 甘草一錢

羌活五分 水一盅半盅煎通口服

治脚氣冲心悶亂不識人方

茱萸木瓜湯 吳茱萸半兩 木瓜一兩 檳榔二兩 生姜五片 水煎服

治風虛脚痛痺攣不能行方

烏麻酒 烏麻五升微炒搗酒漬一宿隨量飲之

誤服龍胆瀉肝湯致脚筋攣急治愈 名醫會員謝少昂

顏飛熊讀書人也。體素薄弱。偶因小便不利。時醫以龍胆瀉汗湯與之。次日脚攣急。寸步難移。因服舒經活血之方。終無一效。就診於余。即擬檢前服方藥。始悉龍胆瀉肝湯一方。去當歸。以致如此。余曰。古人立方。原有深意。非鹵莽滅烈者比。該方雖非經方。在時方中亦錚錚有名者。立方之意。以瀉胆之中。監以當歸一味。滋血養筋。故用之無弊。今肆行撻伐。攻尅無過。以致血不榮筋。肝主筋而藏血。服後脚筋攣急也。固宜乃擬當歸四逆湯與之。一服而疾痛若失。古人用藥。君臣佐使。因證制宜。實有化學作用之理。夫如此則中醫之藥劑學。固然有科學方式也明矣。

咯血治愈

名醫 陳蓮峯

某君患咯血。據脈左關弦象顯著。右寸洪大而尺無力。而際微青。隱隱有焦黑之色。胸悶塞。中脘鬱結。故有時呼吸喘促。精神怔忡。且脇痛澈腰。肝火迫腎。小便赤而見濁。糞質兼黑。舌苔黃垢。晨起口苦燥臭。手足疲頓無力。審係肝經鬱火迫血。

第二十九期 醫雜門

七十三

第二十九期 醫論門

七十四

上干之証。蓋水陰之藏。不能培木以養肝。相火一動。遂致血隨火而上升於肺。血色如太陽之紅。是腎血也。此証原因房勞過耗真藏之水。更以怫鬱不舒。憤怒傷肝。致相火內動。靈犀外洩。夫血熱則行。冷則凝。見黑則止。理之必然。故止血之藥。而必用炒黑。乃水制火之義也。炭為火中之火。物極必反之道。同性相求。取其相制之意。故血証以黑止之。以蜜潤之。以酒行之。以薑發之。以鹽導之。以童便降之。治標治本。因經權衡。此治藥之大法也。病者云。初服生地炭黑芍黑藕蜜枇杷蜜桔梗生甘草等。為溫潤飲血之劑。是急則治標之意。雖可取效於一時。終不能揭潮湧之怒火。使陰陽調燮。而揆於衛生之道。爰擬加減六味地黃湯。滋陰益水。以鹽走腎。以苦洩火。取其補陰抑陽。夫如是氣降而血自歸經。根本之蒂已固。陰秘陽平。相火不播。血自無外越之患矣。尤宜清心寡慾。戒除嗜好。

附方

熟地三錢

當歸二錢

黃連錢半

懷山藥二錢

茯苓二錢

丹皮一錢

鹽澤瀉錢半 棗肉二錢 清水一盃八煎九分

婦女脾虛胃逆證治驗

會員

張汝濟

陳氏婦自迷病狀。肢體倦怠。精神短少。不思飲食。胸膈窒塞。乾嘔心煩。已月餘矣。經某醫以四物湯投之。病轉增劇。經水五旬餘不至。而並不覺脹痛。及診其脈。均遲而無力。惟右寸較大。並不見滑。自疑有孕。余曰。婦人有孕。雖亦肢體倦怠。飲食不思。然其脈象。應見平和。不宜沉弱。金鑑云。身雖有病。脈平和。是也。要之。診斷婦人有孕。總以人病脈不病。及經水素日調和為斷。此脾胃病也。而以治肝之四物湯投之。無怪乎增劇。胃主納食。又主降濁。脾主健運。又主四肢。肢體倦怠。飲食不思者。脾氣虛弱也。胸膈窒塞。食而不下者。胃氣上逆也。心煩乾嘔者。胃氣上逆。並迫相火亦上逆也。經水多日不見。並不作脹痛者。脾胃不得水穀之養。無以化生經水也。為擬以降逆健中湯。服一劑。病愈強半。又服一劑。諸症悉愈。方用

清半夏 二錢

代赭石 八錢
揭細

於潛白朮 二錢

潞黨 二錢

炙草 錢

第二十九期 醫述門

七十五

第二十九期 醫流門

七十六

乾薑 一錢
黃芩 一錢
梔子 五分

生薑三片伏龍肝一茶盃澄清水煎藥空腹溫服

(方劑類)

莫枚士研經言古方用法書後

名譽理事 張山雷

壽頤案方有主藥。有是主而後成是方。莫氏所稱理中桃花等湯是也。然古聖經方。又有同是主藥。而輔佐不同。或分量輕重不同。則其方之效用。即因之以大別者。如大小青龍二方。同以麻黃為主。然一乃麻黃獨重。而佐之以石膏。則為煩躁無汗大發汗劑。而名之以大青龍。一乃麻黃較輕。而佐之以薑夏辛味。則為肺家寒飲之開肺滌飲劑。而名之以小青龍。凡類是者。又不得僅用一二味主藥。而即可自附於古方者也。又如桂枝湯方。與小建中湯。藥味無別。但倍加芍藥。佐以膠飴。而調和榮衛之表藥。一變而為建立中氣之主方。此其同中之異。固不僅在乎桂枝芍藥之並行。更可知矣。六朝以後。成方乃繁。今可見者。即如千金外台兩家

所集。已覺重疊複累。十而八九。唐宋以降。方名愈夥。乃至恒河沙數。然若求其能自樹立。卓然可以獨成一方者。則千百之一二而已。生今之世。欲師古法。固不患無成方之可用。特所慮援用之方。仍是古方之附庸。則數典忘祖。適足以令通人齒冷耳。推而言之。不獨師法古人。不可不知君臣佐使之相配。卽治尋常之病。選用數味。亦不可隨手寫來。而無主宰之藥物。如果籠統無紀。卽其方亦必無用。猶憶二十年前。壽頤治南翔人封治平。初冬勞力受寒。猝患足痛。不可屈伸。病已經旬。服藥無應。甚至全身不能轉側。頤定方以桂枝附子爲主。餘則獨活寄生等。普通之和血宣絡而已。方固平平無奇。人盡能之。而定方之後。始見前者所服之方。亦是獨活寄生當歸川斷靈仙紅花等十一味。而頤方中竟同用其十。惟加桂枝附子而已。乃服是方三劑。而患已全瘳。始悟前醫之無效者。祇以方中無主藥耳。譬如治兵。軍中無主。則譁變堪虞。又安望其師出有功也耶。

莫枚士研經言玉屏風散方義解書後 前 人

第二十九期 藝述門

七十七

壽頤按玉屏風散一方。說者皆以爲止汗普通之劑。名曰屏風者。亦止謂得此藥以屏蔽肌腠。則外風自無從而入。然以方中藥物言之。芪專走表。方書每謂善於固表。用之止汗。人所知也。顧防風則爲發表祛風之猛將。今欲固護肌表。而反探用發表之藥。豈非自盾自矛。說不過去。所以向之爲是方作解者。無不模模糊糊。勉強敷衍。卒莫能說明其究竟。今枚士即以方下主治二語。斷定爲風留肌表。因而自汗之病。惟其表有風邪。故以防風祛之。原非表虛自汗者。所可混同主治。并以黃芪亦爲治風。非作補虛之計。引證切寔。推勘明確。斷推製是方者之第一知己。然則此散之所。以止汗者。在朮。而在芪。防。彰。彰。明。矣。雖似翻陳出新。却能鞭辟入裏。見解獨超。最是上乘。○枚士自注。耆字訓致。見於周頌。耆定爾功。毛傳。耆致也。又左氏宣十二年傳。耆昧也。注亦曰。耆致也。致討於昧。非本於皇矣詩之傳箋。此杖士蓋記得毛詩傳中有此訓詁。而誤以皇矣篇當之耳。○陳修園時方歌。謂玉屏風散主諸風。止汗先求藜藜通。發在芪。防。收在朮。云云。與枚士此說相得。

益彰。學者欲用古方。必須自有灼見。識得個中作用。斷不可於汪詛菴之湯頭歌訣。醫方集解中求生活也。

研究水逆證何以專用五苓散兩解表裏

會員 趙春谷

仲景五苓散。為利水化氣升津除熱發汗之劑。一見於傷寒太陽篇中。再見於痰飲咳嗽篇中。三見於消渴小便不利淋病篇中。其治痰飲咳嗽病曰。假令瘦人臍下有悸。吐涎沫而顛眩。此水也。五苓散主之。其治消渴小便不利病曰。脈浮。小便不利。微熱消渴。宜利小便。發汗。五苓散主之。其治傷寒病曰。太陽病發汗後。大汗出。胃中乾煩躁不得眠。欲得飲水者。少少與飲之。令胃氣和則愈。若脈浮。小便不利。微熱消渴者。與五苓散主之。又曰。發汗已。脈浮數煩渴者。五苓散主之。又曰。傷寒汗出而渴者。五苓散主之。又曰。中風發熱六七日不解而煩。有表裏證。渴欲飲水。水入則吐者。名曰水逆。五苓散主之。統觀諸病所見之狀。曰臍下有悸。吐涎沫水入則吐。是水邪逆於上也。曰小便不利。煩渴是水邪壅於下而津不升也。故用

第二十九期 醫通門

七十九

苓澤以行水。用白朮以建脾輸津。而水邪去矣。獨是苓澤固可行水。水行自無逆
 上壅下之害。而又用桂枝以化氣解肌者。其故何哉。仲景明言傷寒治法。無汗用
 麻黃湯。有汗用桂枝湯。桂枝爲解肌聖藥。入血搜風。唐容川謂能引心火直達勝
 胱化氣。是桂枝又太陽發表藥也。上盛者投之有大害。胡爲與苓澤並用哉。豈知
 五苓散爲表裏雙解之劑。非獨用以行水也。後醫不知。往往服五苓散而獨去桂
 豈不大誤哉。夫五苓散行水劑也。亦解表劑也。使無表症而獨見吐水小便不利
 者。去桂宜矣。若表症未退。而有吐水小便不利煩渴諸症者。豈可獨去桂枝哉。歷
 觀仲景五苓散所治各病。曰脈浮曰微熱曰脈浮數曰中風發熱曰有表裏症是
 外邪未解也。不獨水之逆上壅下也。故用桂枝以解表。引心火直入膀胱化氣。用
 苓澤以行水。用白朮以助脾輸津。水行氣化。則表解而水自行矣。又恐人泥守急
 則攻裏之訓。而獨列此症於傷寒發汗之後。欲使人於同中辨異。曰發汗後大汗
 出。曰發汗已。曰傷寒汗出而渴者。是謂汗雖出而邪仍留。醫者最易誤認。故於此

不易認者。特揭出脈浮發熱。邪未解之狀。以為表裏兩解之劑。仲景文法。豈可混讀哉。

簡妙單方六則

名醫會員 沈仲圭

治女子帶下屬濕盛者

松石豬肚丸每早淡豆腐漿送服三錢

治勞傷失血痿軟

十大功勞

去刺 數斤

紅棗 二三斤

熬膏蜜收

〔十大功勞一名貓兒刺正名枸骨

吾杭藥肆備售〕

治赤痢

白權花五六朵置瓦上灸研白砂糖湯調服

〔陸定圃在杭州學署時庭植此

花濟人甚衆〕

治月中起星

第二十九期 醫述門

第二十九期 雜述門

八十二

白蒺藜三錢水煎洗目日四五次〔陸定圃曰余二次目中起星皆用此獲效〕

〔惟宜初起卽洗〕

齒痛神方

青魚膽 風乾 生明礬二味研末擦之立止又可治喉風以上二味加入指中末燈

心灰吹之最妙

雪羹 凡肝經熱厥少腹攻衝作痛用以洩熱止痛捷如影響

海蛇 一兩 大地栗 四個 水二鐘煎八分

〔王孟英曰海蛇妙藥也宣氣化痰消痰行食而不傷正氣故哮喘痞痞腹痛
微癢脹滿便閉滯下等病皆可量用〕

醫案門

應用科學之治療病案

理事 趙意空

陶華，字尙文，號節庵，餘杭人。治病有奇效。一人偶病，因食羊肉涉水，結於胸中。其門人請曰：此病下之不能，吐之不出，當用何法？陶曰：宜食砒一錢。門人未之信也。乃以他藥試之，不效。卒依華言，一服而吐，遂愈。門人問之曰：砒性殺人，何能治病？陶曰：羊血大解砒毒，羊肉得砒而吐，而砒得羊肉則不能殺人。是以知其可愈。考物性分兩大類：一酸類，一鹼類。酸鹼化合，則成爲中立性。故砒霜之毒，不致殺人。羊肉之積，可以消去。人詆我國之醫，不知化學作用。此但可詆俗醫，不可並古人而概詆之。古人於物類相感之書，未嘗不及身研幾。如淮南子、抱朴子等篇，則卽我國化學之先導也。

第二十九期 醫案門

八十三

報告門

研究遼縣發生喉疫症之治療

本年一月十二日，接省公署緘開據遼縣電稱：該縣北鄉一帶發生喉疫。殷家村等村。五六歲小兒。因喉疫身死者已十七八口。其病初發頭痛。喉兩邊腫。紅紫色。胸膈氣短。乍寒乍熱。舌苔紅白或黃。飲食難下。延四五日即斃。成丁者染此尙不甚劇。各情。嗚會研究治法。查遼縣大兵之後。死屍徧地。穢氣薰蒸。兼以冬令無雪。天時亢燥。疫癘之氣。傳染劇烈。小兒純陽之體。尤易感受。此種疫毒。從口鼻吸入。首先犯肺。肺主皮毛。亦主咽喉。邪毒壅遏上焦。上攻頭面。故頭痛。邪氣不能外達。鬱結中焦。故胸滿不食。惡寒發熱。假令毒氣化爲痧疹。從皮毛而出。則爲順症。爲易治。若發於咽喉。其症最急最險。俗所謂爛喉痧是也。治法宜逐穢敗毒。活血透痧。開胸去痰。若喉已腫閉。飲食難入。尤宜刺去毒血。兼吹導痰之藥。使毒痰吐出。

始可望生。慎毋早用辛溫發散升提之劑。至世傳養陰清肺湯。一派涼遏之藥。亦不可服。服之則毒邪內陷。不可救治。

服方

連翹 三錢 炒僵蠶 二錢 金銀花 三錢 南薄荷 二錢 大青葉 二錢 板藍根 三錢 炒牛蒡 二錢 大瓜萎 四錢 桃仁 錢半 紅花 錢半 浙貝母 二錢 玉樞丹 三分 白蘿蔔 一個 連翹切細

鮮蘆根 一把 水煎溫服。胸膈開。痧點現。則喉痛當減矣。若大便不通。酌加大黃元明粉。若痧點隱隱不透。用芫荽三春柳煎水遍身擦洗。 只宜洗不宜服

吹喉散方

人指甲 一子 存性 上冰片 五分 老雄黃 二錢 牙硝 二錢 提淨 枯礬 二錢 青鹽 錢半 薄荷霜 一錢 壁錢 二十個 西牛黃 三分 青黛 六分 共研極細末。頻頻吹於喉內。若壁錢急切難於尋覓。即不必用。若痰涎壅塞不通。勢甚危急者。加甘遂末 五分 麪煨吹之。

初起用經霜白蘿蔔 一個 切碎 薄荷葉 二錢 煎水頻飲。並服玉樞丹。 新汲水研服

第二十九期 報傳門

八十五

第二十九期 通訊門

八十六

通訊門

王一仁君囑登雜誌原緘

續廿八期

爲中醫應列學校系統反詰余君雲岫

神農本草。黃帝內經。歷年既多。原難證實出於誰何之手筆。但就著述而論。說理可採者甚多。安可一例抹煞。陰陽五行之說。雖云空洞。但中醫之有識者。早以陰陽五行爲假借形容之字。而不列于學說之林矣。六氣爲天時之運行。令人致病者實繁。十二經絡之現症。確有可徵之理。蓋由前賢經驗考證而得。後人按尋而不爽者。又豈解剖陳死人可得而見。夫一學術之進化。本非朝夕之事。必經若干之遞嬗。幾許之實驗。然後漸入佳境。中醫之言。雖皆祖述神農黃帝。然自秦越人扁鵲漢華佗倉公張仲景。下逮宋唐千金外臺金元四大家。明清王肯堂李時珍葉天士諸家。其所演繹者何限。於本草藥物則增補之。於診病療治則因時變化。

何嘗專以黃帝內經爲本耶。學者善取其長。神明而用已。往之經驗。施之有效。卽爲實驗。雖無科學分析。此實時代使然。夫如是。則中醫之佳點正多。豈必效法歐西。而後謂之文明。而中華之國。竟舉無一顧之值乎。

余氏又引俞曲園廢醫之說。以爲中醫不能治病。愈者皆不藥可愈。而不愈者雖藥無功也。夫病之愈與不愈。本有其已然之勢。必不愈之症。而愈之。中醫固無此技。西醫亦何能爾。藥之不效。繼以解剖。如此死者。不一而足。然則西醫又何能生死人而肉白骨耶。醫者之功能。亦僅于不死之病。而使之迷愈而已。俞氏之言。原本閱見而來。豈專爲中醫而設。今日醫既不能起必死之症。則中醫固當廢。而西醫何嘗不可廢耶。余氏又舉力學。光學。聲學。動學。化學。生理學等說。以見科學分析之精。東西洋無二致。此語誠然。亦知力之于握。眼之于見。耳之于聽。與夫動作言笑之所以然。豈僅局部之故。抑另有主之者在耶。且舉西藥治國人病者爲證。夫中國藥材。每年出口者若干。而西人之就中醫治者。豈使無效。此爲細事。更何

醫學

值引駁。惟以西人尚肉食爲多。國人以菜類爲常。西藥多金石而性慄悍。中藥多草木而性柔和。異地用之。安能免弊。謂爲造作蜚語。故爲中傷。又豈其然。內經論治病之法。量天時。測地利。東南西北。氣候異宜。風物各殊。治法即不能一例。東西兩洋人情風土之殊異者。爲病必有差池。余氏亦能謂人之患病。純由其內身臟腑之變化。而謂與天時地利服食起居。絕無關涉耶。

雜誌

西醫得科學之助。以有今日。而中醫在無科學時期。已歷著治療之功能。苟加以整理之力。而漸臻于實際。則學術之演進。與西學溝通。原非難事。無如水火參商。各持其自是之見。故終於不能合也。惟其如是。則中醫應列學校系統。力圖振奮。尤不可緩已。一學術之興滅。劣者敗而優者勝。雖逃于天演之公例。以中醫舊有之術。經數千年之嬗蛻。以至今日。既非如星卜之神秘。確有理論實驗可尋。乃不加以整集而改進之。于外言爲不智。內反諸心。得毋太忍。

抑吾尤有言者。中醫既因歷史之習用。得社會之信任。在國家有倡導昌明之必

醫

學

雜

誌

89

要。無論西醫治療。是否已臻完善之域。可爲中土病者之保障。而內按國情。工商諸業。皆至幼稚。藥廠既非小規模。短時間所可辦。而關稅又爲列強所却持。漏危之說。原非過慮。不求于己。而仰給于人。恐吾民之貧病交迫。而國力亦日蹙矣。

周小農君駁議二次部規不列世醫師傳及將來警廳試醫繳照閉業手續章行嚴君有云。不有舊。決不可新。不近新之弊。止於不進化。不善保舊之弊。則幾於自殺。

漢醫承命之原因。本在承認官照。束縛於條例之內。不能發展。馴至執照收回。挽救莫及。

漢醫已矣。即有一二日人景仰前猷。咨嗟悔恨。徒以廢止已久。不得再習。

考內部規則。醫師醫士。形式顯示兩歧。自由盡爲束縛。影響之鉅。尤覺不能膜視。中醫流傳四千餘年。所以久而不致失傳。爲有家傳師傅耳。二次規則。最爲全國醫林致命傷者。卽是否認世醫師傳。禁醫不傳。雖未明令。兩頒部規。均不列入。卽

第二十九期 通孔門

八十九

不准許之微意。何異根本推翻。廢止家傳師傳耶。

復次。警廳試醫。亦防大弊。原來民國八年五月。內務部咨開。准教育部咨開。案查上年十月。本部召集全國專門以上各學校。開校長會議。〔中略〕有凡警察署衛生科人員。以醫學專校畢業生充之。如各縣署增設衛生科。錄用醫學專校畢業生等語。係爲用其所學起見。相應咨請查照等因。合行通令仰一體遵照。〔洛陽〕市政廳考醫。最爲嚴厲。先明令取消以前警廳已給之執照。由衛生科東西醫人員口試。用其所學。以試中醫之能答與否爲品衡。瀋陽明知留難。不發執照。輟業數月。後爲總商會長斡旋。張督特准無照營業。此繳照停業之實事。〕

試問警廳縣署衛生科。俱用西醫。徵以上海余雲岫抨擊中醫學理。此輩當權。安知其不排除異己耶。

全國中醫應有自決之能力。先明他人謀我目的之險難。及其結果。加以審慎之考慮。

舍是宜各省醫會自行檢定。以免授警察以擾亂之權。繳照之弊。〔開業以執照爲憑。閉業繳照。完全警察大權。壬戌內部令知警廳實施手續。可見一斑。〕

葉勁秋君致本會檄

讀提議書。仰見先生等識見宏大。不事瑣瑣。從最急要處著眼。提綱挈領。要言不煩。謀深慮遠。曷勝欽遲。尙祈迅速進行。俾早實現。尤爲欣幸。竊念中醫之衰落。並非學術本身問題。不過在行道者。不肯于學術上加功。祇求道之得行。計之得售。欲行其道者。不得不顧慮環境。我人處此無知識的社會之下。在勢又不得不逢迎人意。進其所好。于是病家悅服。雖死無怨言。不爾。既不足以糊口噉飯。又爲一般人士所齒冷。故醫者之喪德。實病家環境迫之使成也。普通醫生。一到懸牌治病之期。卽爲宣告學術止境之日。于此時期。則又不得不另闢新途徑。專事交際酬酢。每治一病。輒輕浮不切病情。以爲邀功卸過之地步。遇富貴家。在勢又不得不用珍貴藥品。否則卽給人以不滿。痰嗽者川貝珠黃。熱甚者犀角羚羊。最可笑

醫 學 雜 誌

者。病家服此等藥而無效者。則曰天之命也。不服此等藥而喪命者。則曰冤死。故處此舊勢力之下。而欲挽救頹風。整理舊學。頗非易事也。西醫之勃興。亦非西醫學術之優勝。足以壓倒中醫。蓋別有故也。服藥之簡便。一也。醫院之美辦。二也。創傷治法之特長。三也。注射法之補我所無。四也。此外之大原因。乃我國維新以來。盡量容納西洋學說。不特醫學一項。凡一舉一動。往往摹仿西人。一若西人所有者。皆無美不臻。不辨是非。一味盲從。即如我國拳技。亦爲固有之特長。不特禦敵。又可強身。鍊形鍊氣。與醫學有密切關係。誠如

先生等所言。然而

先前學堂中。祇有西洋派的體操。未聞有中華的拳技。音樂亦然。祇有獨來米勿的風琴。未聞有五音六律的今樂。現則不然。學校中早有拳技科的增加。滬上各處早有國技國樂等會社成立矣。以西洋式的。終不及中華式的有味而見功。拳技其最顯者也。鄙意音樂一科。亦可加入醫校中。既可暢適性情。又可解人沉悶。於醫學上不無關係。况亦爲中華國粹之一也。中醫之弊。在理想學說過分發達。

醫 學 雜 誌

93

往往與事實相違背。近頃偶閱某書。得悉蟬之生命。僅二十餘日。而深伏於地下。則有二年之人。我人所用之蟬衣。系初離地後。尙未能飛鳴而見下者。離地後惟吸樹脂。以維持其生命。而在解釋藥用者。莫不曰。飲風吸露。其氣清虛。故主療皆一切風熱症。以其善鳴。故謂其功能開肺開音。言之成理。無不動聽。然事實與理想。則完全相反。中醫之大錯處在是。爲人所詬病處亦在是。在現在研究新中醫者。當力闢此點。西醫之短。在故事推求。而少取巧之法。但內地的真西醫。什不得一。大概爲未畢業之看護生爲多。夫看護生本無看病之資格。而尙未畢業者乎。病家又不知真西醫之技能爲何。若遂以未畢業看護生冒充的西醫。概以代表真西醫。此真西醫之價值。於是因之而表。人之吐罵真西醫者。亦有故也。或有就診于西醫者。其因如下。(一)貪名目上之便宜。比如只取號金數枚銅元。中醫則起碼數角。然而西醫非真便宜也。其于藥品上。常數倍其值。病家不知也。(二)手續上之簡便。此誠中醫之大缺點。(三)以存姑試之心。因中醫治之而無效者。其

第二十九期 通訊門

九十三

餘則爲假時髦的盲從者。我故曰人之就診于西醫。非真信之堅也。故改進中醫第一步的計劃。即爲廣設中醫院。其利如下。(一)治療專一。可免用疲藥辜責之弊。(二)同院醫生。便于商酌討論。不致有攻訐推諉。爭功卸過之弊。(三)與西醫比較。以占優劣的實在。中醫之大病。又在孤獨而不肯合作。故紹興何廉臣先生曰。劣則劣在獨。而因。傷則優在羣。而創。學以獨而塞。塞故愚。學以羣而通。通則變。又曰。尙理想者。涉于虛。拘形質者。失之鑿。又曰。舉中醫所固有者。而闡明之。尤必舉中醫所本無者。而補益之。載籍中有。不磨之確論。務使意明理達。炳若日星。東西醫有新得之真詮。不妨兼蓄並搜。藉資攷鏡。無因陋就簡之思。有探隱索微之識。至理名言。所見獨到。我中醫界。而果能取人之長。補我之短。暴我之劣。顯我之優。則中醫其庶幾矣。以上種種。盡是一隅之見。不過憑最短淺之目光而言之也。容有未盡當處。尙祈先生等見宥云云。

奚子和君敬告醫界芻言

世事不經討論。則真理不明。不結團體。則進步不速。我華醫學。肇自黃農。迄今數千年於茲矣。而今日醫學。益形腐敗。蒙管推其腐敗之源。實由各分門戶。各存私見。無共同實習之觀念所致。一有學識經驗。往往守秘不言。甚至同視一症。同療一病。對於經過診斷。醫家輒極言詆譏。相傾相軋。不爲他人稍留餘地。此種惡習。實深痛恨。誠爲我華醫界前途之障礙。辛亥以來。政體共和。百事維新。凡具醫生資格。欲習醫業者。當本仁心仁術。稍具道德。有奇共賞。有凝共析。勿被病家窺破。夫人生最苦之境。莫如疾病。能出人水火而登之衽席。至賴醫界。近世東西各國。醫學之發達。如萬馬之騰驤。如百川之匯萃。磅礴浩瀚。駸駸乎隨大西之潮流。渡黃海岸。注入亞東大陸。我華醫士。已受無形之損失。幾至淘汰。如欲恢復原狀。仍爲有價值之中醫。非順世界潮流。節取西醫之所長。補中醫之所短。諒不能保存國粹。以達優美目的。幸有志士。慨中醫學術之不振。西醫方法之盛行。渙汗大號。聯合醫士。組織團體。研究學理。發刊醫報。闡明新穎理想。諒不如前之故步自封。不求進步。甘列淘汰也。願吾同道。群起而研究之。

第二十九期 通訊門

九十五

譯叢門

梅毒治療之考察

續二十八期

楊永超譯

由是言之。水銀之有效作用。可用以下之道理解釋之。即借其入體內之刺激。及於一定之組織細胞。此細胞在生理或化學之意義上。起一種狀態的變化。抑或在細胞中。起一種蛋白質改造之機轉。當斯時借體內之活潑變性。引出自衛之能力。是或一道也。應加入此範圍研究者。為水銀有操縱脂肪交換之可能性。B 氏曾以山羊證明之。患梅毒者之脂肪增加。已為吾人所公認。使以脂肪材料注射於 IV in 負反應之山羊體內。可即刻變為正反應。若再以水銀治療之。可仍見負反應。由此可悟借水銀之作用。細胞中之脂肪交換即起變性。借脂肪之變性。梅毒之生活及其進化之條件。即起障礙也。總之。水銀對於梅毒之作。用為間接的。此種理論。雖無的確之證明。但借 Revaditi 及 Necolan. 11

氏對於鉍劑之考查。大可補助是說之不謬。二氏曾以鉍劑加入於雞之梅毒而培養之。並無害於菌之生活。更以粥狀之有機物。加於前之試驗管中。則不日即死亡。更有較明瞭之試驗。吾人使鉍液及粥狀物質二種之混合液。彼此交換作用後。而再濾分之。則鉍鹽可完全透出濾器。其所餘之粥狀物質。在化學上並不能試其有鉍質存在。斯時以梅毒加入於已濾出之鉍液中。其生活自若也。反之。粥狀有機物中之殺菌作用。却甚明瞭。此可知非鉍劑具有殺菌之作用也。乃有機成分因鉍液入體之作用。起一定的變化。而發生一種能力。梅毒之不適於生存。蓋由於此。將以上所有之解釋。亦可適用於六〇六及其他之端梅毒劑。如 tinions, Silber Vanadium 等。自其結果上觀之。似具有一種混合作用。其特別作用含於化學的成分內。而非特別作用。具於組織中之材料也。又據 Levaditi 及 Nicolan 之試驗。吾人可得一印像。即固有之治療材料。有似乎從體內生成。而體內之所以能增加此種材料。由於化學物質之作

用。在此理想中 Felke 及 Lawenfeld 二氏亦曾證明六〇六之作用。謂體胞確因受此藥之刺激作用而起變動。梅毒之生活障礙。乃因此種間接之傷害而起。故吾人對於砒水銀鉍三種製劑。可認為完全相似之一種功能。但作用之強弱有分耳。三者之中。缺一不可。且更無他藥能出其右者。若然。現今鉍劑之加入治療。固宜深幸。可用之材料愈多。則驅除梅毒之方法愈富。即治療梅毒之進步愈有厚望焉。若更進而討論梅毒痊癒之問題。當以早期的為最易。更應注意者。為治療之時間。施治愈早者。其預候愈良。在第一禮拜以內之患者。六〇六之功效遠過於他劑。二期者推重水銀及鉍劑。三期時碘劑有充分之作用。其價值不亞於六〇六。如受傳染已隔數月或經年而始施治者。當慎重規定其預候。有時用六〇六與水銀。或六〇六與鉍劑合用。可得完全之治癒。但須嚴密的檢查其血清及髓液。亦有經充分之治療而不愈者。其中以中樞神經發現梅毒者為最甚。又據 Dreyfus 之學說。知早期梅毒在腦髓液起重大之病理

變動成爲腦膜梅毒病者有 80%。但此種變動。多半在短少時間。即行消滅。至後期時只餘 15%。此等病人之預候最不良。因其每成爲腦梅毒症或脊髓梅毒症。並在治療上無法措手也。〔未完〕

第二十九期 譯業門

九十九

雜俎門

印度醫聖耆域傳

耆域者、印度之羅耶梨國人。母名奈女。奈女生於奈樹。年十五。嫁七國之國王。生耆域。耆域生而右手握針。左手持藥囊。奈女以為不祥。包以白衣而棄之。王子名無畏者。入宮早朝。見而抱歸。雇乳母育之。尋為梵志。居土乞得。仍以還諸奈女。遂名之曰耆域。幼而岐嶷。然每與鄰里兒童游。輒譁然曰。此無父之子也。耆域心異之。歸而詢諸母。母曰。汝實有父。泮沙王也。王之國在距此五百里許。且出王葬日。所留金銀示之。耆域即懷金銀。走訪泮沙王。既見。立為太子。後二年。嫡子生。遂降為庶子。耆域故嗜醫。甘讓位於弟。有泰伯季札之風焉。賓迦羅者。德叉尸羅國之大醫也。耆域從之學。七年卒業。村童有負薪而過其門者。耆域遇之。則該童之臟腑經絡。悉呈目前。頗自驚疑。忽憶本草經有藥王樹。以之當人身外。立能洞見癥

醫 學 雜 誌

結。童所負薪。必此樹也。亟邀而市之。耆域自得藥王樹。醫術乃愈進。婆伽陀城一富室妻。患頭痛十二年。歷治無效。耆域治之。竟霍然愈。病家感戴靡已。立贈黃金四十三兩。媵以奴婢車馬。耆域悉奉諸無畏王子。報昔日養育之德。又拘睢彌國某長者之子。得腸結症。不食而死。舉喪之日。沿途奏樂。洋洋盈耳。耆域適遇諸途。聞樂聲。已得其死之故。乃排衆入。語長者曰。某能生之。幸啓視。既陳尸於途。耆域一手握藥王樹。察視其腸。一手執利刃。剖開其腹。將腸復其原位。繼紉其皮。塗以藥。少選創合。死者果躍然起。長者喜出望外。與金百六十萬兩酬之。耆域悉奉諸其師賓迦羅。答七年教誨之功。又某氏女年十五。忽患猛烈之頭痛而死。耆域聞其事。造廬謁其父。父一一告之。適尙未棺斂。耆域以藥王樹。透視其頭。則見頭蓋中有細蟲無數。爭嘬其腦。遂開其頭蓋骨。盡出其蟲。封諸甕中。又出三種膏藥塗敷創口。又諄囑其父。須靜養七日。必可復生。家人皆如命。越四日。其母情急。入視愛女。僵臥如故。泣告夫曰。耆域欺人也。夫力止之。謂彼醫聖。必不我欺。姑靜俟之。

第二十九期 雜俎門

一百〇二

至七日。女果如夢始覺。病亦爽然若失。合家乃幸喜無似。贈以金五百兩。耆城悉舉以奉母。充菽水之需。自是而後。耆城之名。洋溢諸外。方諸扁鵲。不是過也。

星期徵稿選刊

問煩躁症多見於太陽少陰何故

栗樹屏

邪之在外在內。病各不同。而太陽少陰亦各有判。然經有表裏。病有傳化。雖曰相隔。而實相連也。內經云。太陽之上。寒氣主之。中見少陰。少陰之上。熱氣主之。中見太陽。又云。太陽少陰。從本從標。觀此。雖煩躁六經皆有。而無疑乎太少獨多也。夫煩躁者。水火不交之象也。水不濟火則煩。火不交水則躁。水火既濟。則無煩躁。水火相離。煩躁生焉。是太陽膀胱水中化氣。上行外達為衛外之陽。故太陽本寒而標陽。膀胱之水。所以能化氣者。實借腎中陽氣。上合於心。如天之有日。故少陰本熱而標寒。太陽之本。即少陰之標。少陰之本。即太陽之標。二經關係相連如此。若一旦受病。不但不能相顧。亦且相傳也。太陽底面。即是少陰。如外受風寒。則太陽之氣不能運行出入。表邪不解。以致標陽不能外達。鬱於內而為熱。寒從熱化。同

第二十九期 星期徵稿選刊

一百〇三

第二十九期 星期微稿選刊

一百〇四

氣相求，合於心熱，則發煩矣。且少陰之表即是太陽。若始得病，邪從表入，合於太陽，必惡寒發熱。待其入裡，熱從寒化，水火之氣，頃刻離決，腎陽無賴，則發躁矣。斯則太陽少陰多見煩躁者，必在水火相關，表裡相係，中見相化也。故傷寒之煩躁，多見於太陽少陰者，此之謂也。

問伏暑肺燥治法

閻子俊

一人中氣素虛，形寒飲冷者，是平日中焦水穀之氣，虛少不足，不能養氣以榮血，肺氣不能下輸腸胃，燥滿不行，下之遂逼血下行，血既下脫，汗從外泄，上厥下竭，肺經獨受燥累，當用何方治之？

今病中氣素虛，形寒飲冷者，是平日中焦水穀之氣，虛少不足，不能養氣以榮血，氣既失養，安能衛外以禦邪？邪乘氣虛，客而侮之，所以有形寒飲冷之狀也。肺氣不能固外，著濕之火，因之遏伏於內，蘊於膈中。膈中者，宗氣所聚之處也。况暑濕之邪，客之始於上焦，膈中為邪所居，肺金失其升降之權，劫津耗液，勢所必然。火

灼肺金。津液傷耗。當是之時。一身之津液。悉爲燥熱所化。津液傷則肺氣不能行。清肅之令。下輸於腸胃。肺既失令。燥滿之禍。復依何經以滌腸蕩胃。除燥滿之害也。蓋肺與大腸相表裏。與胃相連屬。西醫云肺有二筋管。與腸胃相通。肺受傷則腸胃亦受其害矣。病現燥滿。於法當下。下之遂逼血下行。血既下脫。亦云竭矣。下之不可。不下奈何。惟有重與滋陰之藥。以潤其燥。不下而自下矣。陰者血也。陽者氣也。血以氣爲夫。爲家氣。以血爲婦。爲室血。脫而氣因之亦去。陰不配陽。故汗從外泄。陰陽既現離絕之象。卽爲上厥之症。生氣厥於上。血出竭於下。氣不得運。血不得內守。傷寒論云。經脈內傷。是爲難治。變症多端。根源獨在肺之一經。肺治則諸病悉除。故又曰肺經獨受燥累。當辛涼甘寒之法。清燥救肺湯。增液湯。玉女煎。去牛膝熟地。加細生地元參。善後則用灸甘草湯。小建中湯也。

清燥救肺湯方加減主之。元參知母人參杏仁麥冬阿膠胡麻仁炒石膏細生地霜桑葉枇杷葉。分兩臨症酌。

第二十九期 星期稿選刊

一〇五

第二十九期 針灸討論會治法選刊

一百〇六

針灸討論會治法選刊

問刺期門穴能治肝乘肺乘脾之縱橫症而熱入血室
何以刺之亦有特效

陶復泰

仲景之作傷寒也。既曰刺期門。治肝乘肺乘脾之縱橫症。何又曰婦人中風熱入血室。當刺期門。隨其質而瀉之。此誠莫之知而愈者神也。蓋脾病且見肝脈者。木行乘土也。經謂之曰縱。言縱勢而往。無所顧慮也。肺病兼見肝症者。木行乘金也。經謂之曰橫。言橫肆妄行無所忌憚也。推其縱橫之由。皆肝氣之盛使然也。是以刺期門。制其縱亦可平其橫。夫期門者。肝藏之募也。縱橫之症。皆係肝經。刺期門而愈者。理有固然。以其部位毗連也。以血室居於小腹之際。與期門之穴相距甚遠。何刺之亦有特效也。是不知肝經之脈。起於大敦。終於期門。其間有循股陰入毛中。過陰器。抵小腹。挾胃屬肝絡膽之說。雖未明言血室。則肝經之脈。循股陰。過

陰器。抵小腹。與血室能無關係乎。或謂血室者。上連兩肋之板油。與肝經有相通之絡。肝氣盛則移熱於血室。熱與血搏。神昏不清。故譫語也。不特乎此。且衝任厥陰之脈。皆起於血室。而血室卽下焦之油膜中一大夾室也。肝脈既起於血室。則血臟於肝。血室之熱。得非肝經移之乎。熱既由於肝移。則刺期門穴。正所以瀉血室之熱也。此仲景之所以刺期門。以代小柴胡之不及。豈非有道以來。有道以去之意乎。

問鍼灸之注痛方法不一。有進鍼時之注痛法。有行鍼時之注痛法。有退鍼後之注痛法。能舉其法歟。 劉 恕

却病之功。莫捷於鍼灸。故靈素諸書。首先詳之。然市醫行鍼。往往使病者大覺痛苦。故病者非不得已。未肯求醫鍼刺。甚至有病雖危急。而終不敢應鍼者。畏痛故也。夫刺而大痛。不成爲鍼家。刺而微痛。亦不稱爲高妙。能知致痛之因。卽知注痛之法。注痛之方法不一。有未進鍼時之注痛法。有進鍼時之注痛法。有進鍼後之

注痛法。有退鍼時之注痛法。進未鍼時之注痛法。卽取穴既定。用大指頭或食指頭切定是穴。指頭向內或向外推移。如行鍼之補瀉法。一起一落。一緊一鬆。頻頻推陷。使氣由外達內。或山內致外。並將此經所屬之上下穴。照法皆畧爲推按。以和其氣。謂之指鍼法。指鍼既畢。再用大指或食指切定其穴。搖而下之。四面推開。謂之切法。行此諸法。務使氣血開散。不至滯鍼是也。進鍼時之注痛法。則準照進鍼姿勢。以左手中指食指緊按穴邊。右手持鍼。一左一右。用平補平瀉法。徐徐搓入。靜聽病者呼吸。以爲輕重緩急之用是也。進鍼後之注痛法。則循按所鍼經絡之上下左右。遵脈道之行。而補瀉迎隨之。不住推切。使氣血流通。邪氣不至纏裹針頭是也。進退鍼時之注痛法。則仍用平補平瀉法。徐徐提起搓出是也。手鍼後之手數頗多。病者疼痛。瀉針甚於補鍼。邪盛故也。然痛雖甚。醫者不能因其言痛。驟行出鍼。故於病人言痛時。醫者必細加審查。善爲救濟。審係手法快而痛。則略爲較緩。審係手法重而痛。則略爲較輕。以指切其穴邊四旁。令邪氣稍爲退開。一

法也。病者言痛。令其吸氣一口。再爲轉鍼。二法也。先慢而輕施。使邪氣稍減。再快而重施。三法也。緊甚。碍鍼不行者。於所鍼是經下邊各穴。再進一鍼。先爲行瀉。氣稍退。而再行原鍼。四法也。如遇痛之太甚。偏施諸法不減者。必另有他故。宜改曰再鍼。凡此皆注痛之妙法。醫者果能得於心。而應於手。則行鍼時。多得病人之歡心。歧黃之絕學。可昌明之。不亦善乎。

第二十九期 針灸討論會治法選刊

一百〇九

第二十九期、廣告門

一百一十

編輯處啓事

啓者古今醫案充棟汗牛竊謂案者法也老吏斷獄鐵案如山熟於法耳若平平無奇或以病試藥偶然倖中者似未可以案稱本雜誌醫案門多選古人精粹良法畧別種類分期登載現仍資料無多凡我同人熟於前輩醫案醫界舊聞名醫歷史筆記瑣錄之類望祈隨時抄示俾便分登一俟哀集較多彙刊成帙定當奉酬若干冊以副雅贖不勝企盼之至

楊百城謹啓
趙意空

*楊如侯先生靈素生理新論出版廣告

是書原擬刷印

一千部嗣以不敷銷售特再加印五百部以公同好兼爲振興國學溝通中西起見將本書原價定爲實碼八折每部售洋三元二角其躉購十部者另贈一部送道並免去郵費以期普及郵票代洋九五折算書存無多購請從速

代售處山西省城

中醫改進研究會
橋頭街航慈醫院

中醫雜誌

上海中醫學會出版

〔一〕內容分專著學說醫案筆記藥物學驗方釋辯錄會務紀載等十餘欄皆屬近代名賢精心結撰之作已出至十七期

〔二〕定價每冊大洋二角五分購滿六冊者減售一元四角

〔三〕郵費國內每冊三分國外八分多則照加掛號另加五分

〔四〕函購郵局不能兌匯之處可以郵票代現惟須照九五折計算

〔五〕彙選第一至四期均已售罄特刊彙選發行上下二冊實價一元二角郵費八分

〔六〕附誌第五期已售盡本會員通信處詳載紀念冊以便互通消息每冊售洋五分

總發行所 上海西門內石皮弄中醫學會雜誌社發行部

張壽甫先生四期衷中參西錄每部定價一元郵費五分滄州立達醫院發售

第二十九期 廣告門

一百十一

第二十九期 廣告門

一百十二

介紹浙江紹興醫藥月報

紹興醫藥月報為浙紹何廉臣先生編輯內容精美每月一期定價一角全年一元半年五角五分郵費每期五釐全年六分民國十三年正月出版發行所紹城石門橋紹興醫藥月報社及紹城大街天芝堂藥號

三三醫書創刊啓

癸亥夏本社主任裘君吉生以歷年所獲醫家秘笈並同社投寄著述擬付刊傳世遂遷杭垣蓋為印刷便利計也詎醫報改組不數期而承印之武林印書館適遭鄰火稿亦破焚幸醫書尚在編輯中未見波及然因之遲誤半載現荷文化印書局倪君曼天與弘文印書局蔡君始最綏以最低工價許即承印今將第一集先由弘文代印仍本醫者須讀三世書求三艾方能三折肱之義名曰三三醫書以短篇不成卷冊之稿已刊三三醫報按旬發行而或卷專書自應單行印傳爰定每集三十三種每種一卷或數卷不等分訂洋裝本限一個月至少出版三種速則三個月出版一集以極廉之價收回成本三期分繳第一期洋三元三角惠到即將已出版者先行郵奉出書至三分之一再惠第二期洋三元三角出書至三分之一即將出版者先行郵奉出書至三分之一再惠第三期洋三元三角出書倘荷一次併惠兩期則第三期得以免繳以答高誼此舉成本浩大每集祇印三百三十部無論何種概不零售完以後亦不再版有人翻印無任歡迎對於稿主亦懇奉送一集決算苟有餘利誓必貼入二集多印大部書稿尚有第一集未及付刊之稿第二集自當編入第二集正在選輯稿愿行世者速行寄社

中華民國十三年三月三日三三醫社敬啓

113

醫學雜誌

三三醫報發行廣告

每旬一册 十二年七月三日第一期出版

編輯者 紹興裘吉生

發行者 三三醫報社

印刷者 武林印書館

寄售處 各省大書坊

定價表費須先惠

冊數一	冊全年三十三冊
定價一	角三元
郵本國五	厘一角六分五厘
日本五	厘一角六分五厘
發外國二	分六角六分

第二十九期 廣告門

中風斟詮發行廣告

全部三卷

定價官堆紙每部壹元伍角 實洋重太壹元

著作者 嘉定山雷張壽頤

總發行者 蘭谿中醫學校

印刷者 蘭谿福華石印所

一百十三

第二十九期 廣告門

一百十四

江蘇全省中醫聯合會 [出版月刊增刊]

月刊分常評言論專件專著筆記研究雜錄消息編輯課本等類以發揚國粹聯絡感情爲宗旨增刊分學說醫案筆記表解選方醫籍考驗方等類每期限一病以專研究合裝一册已出四十三期定價每期五分郵費一分全年連郵六角六分第一至二十期已售罄二十一期至四十期裝有彙編每册半元寄費五分總發行所上海西門內廣益中醫院

贈送醫醫醫病集

醫醫醫病集爲上海黃社出版一二兩集風行海內現因戰爭關係致第三集不能出版(按所有定款通知退回)今該集賸餘尙多請附郵票十分寄上海王信義濱醫藥圖書館黃社善後辦事處立刻奉上

嚴氏金匱廣義出版廣告

是書為慈谿嚴鴻志先生所著內容精美外觀雋雅洋裝兩巨冊定價大洋壹元貳角現售照碼九折十部以上八折連郵費在內以十三年舊曆十二月為限限滿不折不扣發行處在甯波慈谿東鄉費家市嚴氏養正學校遠地如以郵票代洋准三分以下之郵票為合格按九五折計算書印無多購請從速

慈谿中醫學會同人公啓

張贊臣徵集驗方啟

敬啓者贊臣每念病家疾若纏綿硤求其速愈而不得者深為憫惜竊之不才擬集古今驗方彙纂成冊貢獻於世俾抱病者得以按方治病可無採薪之憂也如荷熱心同志惠賜驗方須以經驗實效信而有證者無任感禱惠賜諸君請於方後一一說明如何實效如何試驗因古今以來名為驗方而充棟汗牛其效者鮮驗者寡也凡我同志隨時抄示一俟裒集較多即行彙刊成帙定當奉酬若干冊以副雅贖不勝企盼姓字住址務乞另紙書明以便函候教）贊臣常寓上海二馬路雲南路口安康里第二百二十七號內如荷賜教無不達到

第二十九期 廣告門

一百十五

東亞醫學

月刊

定價 { 每月一冊大洋二角五分
 全年十二冊大洋二元五角

郵票代用作九折算

內容 分學說及實驗, 診療寶函, 綜說
 ; 臨診講話, 處方彙, 技術, 篇, 最
 近文獻, 藥物療法, 釋疑, 雜纂,
 調查及統計, 新書及新藥, 介紹
 , 雜報等, 內容之豐富, 請以函索
 當呈樣本。

上海東寶興路三十八號

總發行所 東亞醫學社

分售處 上海商務印書館及地
 方分館
 其他在中國著名書局

第二十九期 廣告門

一百十六

繪圖鍼灸傳真全書出版廣告

本會理事趙緝菴、孫祥麟、王郁文合著鍼灸傳真全書八卷, 援引靈樞素問之精華加以詳切
 註解, 內經刺法兩卷, 採擇古代名醫鍼法, 慎其從違, 日名醫刺法兩卷, 辨經絡繪圖形, 更正

171

醫 學 雜 誌

他書錯誤，以求分明清切，曰考正穴法兩卷，本歷年心得經驗之術，講真理，求實效，闡明岐黃秘訣，曰鍼灸傳真兩卷，共成八卷，卷各成本，現已脫稿出版，凡有志針學者，請速購閱是盼。

價目

每部 八本 定價大洋二圓三角

如買廿部以上者

按九扣核算

十部以上者

按九五扣核算

總發行所山西代縣亨利石印局
分發行所山西中醫改進研究會

剪子巷成文齋書局

印刷所山西代縣亨利石印局

常熱中醫張汝偉特設通函論診科廣告

問

(甲)

敘述現病之狀態 凡寒熱咳不咳小便大便口渴不渴有汗無汗

及諸痛苦脈象苔色聲音所喜惡等

有者填寫 無者不必

病

(乙)

敘述病人之狀況 凡年歲業務男女育向信何種宗教素性急緩

第二十九期 廣告門

一百十七

者 須 知

第二十九期 廣告門
等逐一填明以資參考

一百十八

(丙) 叙述經過之情形 凡始起如何會服何藥一切變態
(丁) 通函診治之取價 紙墨掛號費大洋壹角診費大洋六角
共計七角快信答復(即隨到隨復)連郵壹元空函不復

通信常熟顏港

無錫王旭高名書六種出版廣告

先生醫案柳君寶詒已選入四家醫案。尚有退思集穎方歌註。醫方證治彙編歌訣。增訂醫方歌訣。醫方歌括。薛氏濕熱論歌訣。西溪書屋夜話錄治肝秘訣。六種於傷寒濕溫雜證肝病。闡解詳明。思路新穎。凡在醫林。尤堪研究。醫校學生。尤便誦習。茲由吳縣陸晉笙君重訂。小無錫周農君精校。交上海千頃堂石印。每部六角。八折掛號郵費一角。各省大書坊均有寄售。

分售處無錫西門外棉花卷周小農醫室

介紹學道新書金丹真傳

學道必須修養修養端重師傳。奈今之道家稍有承述。皆秘為奇貨。故作艱深多立層次。使學者望而却步。似非大道為公之旨。茲有漱石生者。本其師傳。悟澈元

山西官民 海內外
日日必需 處處爭購

晉民快覽

Popular guide book of Shansi

之

第二十九期 廣告門

外 妙掃除秘密居奇之習將道家修養工夫合盤托出著書一卷名曰金丹真傳有志學道者但手此編自入終南捷徑現此書本會寄售每部實折八角郵費在

呂聯奎 楊百城 全啟

↓ 為 家庭 社會 個人 事業建設上惟一之參攷書良因山西百政維新

諸可借鏡做社萃英擷華年刊一編數年以來荷承
海內外賢達推為山西之寫真晉政之年鑑做社至為榮
幸十五年的新出版了每册仍售四角寄費七分合購前三
期祇售一元五角寄費在內所費有限不啻遊歷山西一
週如承
函購請詳開姓氏地址送函本社李炳衛君照寄不悞郵
票代現不扣

山西晉民快覽社謹啟

社址省垣
新址街

一百十九

誌 雜 學 醫 1020

上海同德醫學專門學校新同德社
NEW DUNG-DAI ASSOCIATION
DUNG-DAI MEDICAL COLLEGE
MARKHAM ROAD, SHANGHAI, CHINA.

第二十八號 廣告刊

新 同 德

醫 藥 月 刊

Neue DUNG DAI

Medizinische Monatschrift

本誌為指導民衆衛生。介紹德國醫藥之刊物。
內容豐富。印刷精美。定價全年十二冊。一元
五角。郵費加一。茲將二卷一期要目列后——

「論壇」萬惡的舊式婚姻與醫學。醫生的道德論。改革我國醫學的徹底辦法。學說 返老還童之說明。女性美。衛生概論。男性生殖器虛弱。結婚與肺癆。醫藥 白濁何時認為危。中毒概要。新醫治療之種種。梅毒△療法時之副現象及其處理法。問答 買客一束。常識 打破親善政策。廣的自述。文藝 月下吟三章。雲際恨。雜詩數首。尚有「專載」及「新聞」兩欄不備錄。

定報處

上海同德醫學專門學校新同德社

一頁二七

1021

誌

雜

學

醫

醫學雜誌 出版廣告 介紹人周小農 楊百城 趙意空

性道真學 慈翁費家市張生甫君著內外兩編內編係李君手著新發明醫理外編係纂集前賢經驗每部八角特別優待醫林每部大洋六角六分掛號五分性道實學圖明性理之道每本大洋一角五分郵費加一毫購郵匯為妥郵票以一分至三分油帶夾襯封固掛號寄空函不復 總發行所浙江慈谿費家市張生甫醫室

山 膠縣良心救國社全體公啓

敬啓者同人因宣傳救國事件組織良心救國社期以努力進行永久不懈凡我名聞體各機關各界人士如有關於此類期刊或書籍等等之出版品務望每種賜下一份俾作南針而資進行是為至感至盼再者敝者自進行以來深感於吾國人民程度太低毫無國家觀念雖以五卅之悲痛似仍不關彼事漠然無動於中而敝社同人進行之艱難實出意料之外是以敝社現在決定一方努力宣傳演講愛國救國之旨一方極謀提倡鄉間社會教育之普及敝社以為國家之強盛非保全國民性及提高國民程度不可而此社之入手辦法又非由普及鄉村教育倡大本國及世界之學術文化不可故敝社同人不揣愚昧不避艱難決定創辦圖書館數處敢請以數十年為期自全縣而全省至全國普及為止凡本社社員均志願畢生從事於此以資補助今蒙敝社員途卓如君捐其所存中文書籍貳萬餘冊報章雜誌數十種價值共約六萬圓業經本社公決定為本社第一圖書館即以逢氏圖書館為名以資獎勵此後如有捐書者所捐書籍之價值足五萬圓之數者即另立第二圖書館而以捐書人之名或姓為圖書館之名

第二十九期 廣告門

一百二十一

第二十九期 廣告門

一百二十二

焉至於其他登報鳴謝等一切詳細辦法另有詳則可閱茲不贅述惟敝社同人
 心有餘而力不足滋特徵求鼎力特別贊助如蒙加以書籍或期刊等出版品之
 捐助則更為敝社所企盼而敢代表無數受惠者表示萬分叩謝者也至於各大
 書局各大報社各出版團體各界人士其有熱心社會事業而願將其出版品捐
 助者務乞賜以介紹以便接洽則敝社更感德不盡矣臨書企盼不勝懇切待命
 之至如蒙回件請直寄山東省膠縣城良心想救國社逢氏圖書館收即可特此奉
 達敬頌台祺

再啓者敝社此次徵求之範圍極廣毫無限制無論所捐助者為何類何種及新
 舊完缺雖片紙隻字破報殘簡亦一概竭誠歡迎而萬分感謝者也久仰先生熱
 心社會事業素以指導後學領袖輿論為國人所敬佩務乞不吝珠璣賜以特別
 贊助並盼廣如介紹期收集腋成裘眾志成城之功此則惟鼎力是賴矣敝社同
 人久耳鴻名識荊無自臨風翹企仰止曷勝倘蒙不棄加以提携則豈只敝社同
 人應刻骨銘心凡此後之受賜者無不感激大德於無窮也專此奉達不勝迫切
 待命之至肅此敬頌

勸捐新書 周筱農君來誠囑登

馬克司為最高學說哀多益寡稱物平施井田主義大同可期宜乎學界風靡抵
 掌研究也諸君有有共產黨執行委員會宣言書一切共產書籍乞郵寄以下三
 處詳細地址當有收據回奉或以相當書籍回贈
 北京總商會正陽門外西珠市口奉天總商會潘陽城內鐘樓南大街上海總商
 會圖書館上海鐵大橋北天后宮間壁永久保存共同研究也

崇德醫科大學
新同德社出版
新同德

醫
一名「崇德醫藥月刊」

學
宗旨
專門介紹德國最新醫藥知識指導民衆衛生

雜
內容
分評論學說醫學新藥介紹常識衛生醫事新聞文藝專載等欄多七萬餘言

誌
定價
本利用道林紙精印每月一冊實售大洋二角全年十二冊兩元郵費加一

123
（總發行所）上海麥根路
崇德醫科大學
新同德社

第二十九期 廣告

二五二七三

第二十九期 廣告門

一百二十四

中華民國十五年二月出版

編輯兼發行所

山西太原省城新民街即精營東二道街北首門牌第一號
中醫改進研究會

信實進取愛羣

一 意 注

本雜誌每兩月一册全年六册如承訂閱請寄現款郵真代價九五折扣以三分以下者爲限但郵票必須開以蠟紙如無蠟紙致不能揭開者不收

表 目	價	
	全	年
零	年三	年六
售一	册	册
册	大洋四角	大洋八角
册	大洋一角五分	大洋八角
費郵	費郵	費郵
一分半	四分半	九分

二 意 注

本雜誌爲提倡醫藥學起見凡有著名醫家及經驗良好藥品願登廣告者列表於下

目 價	告 廣	
	全	頁數
半	頁	價目
四分之一	頁	兩月一期
大	大洋二元	半年三期
洋	大洋二元	全年六期
一	大洋二元	全年六期
元	大洋二元	全年六期
大	大洋二元	全年六期
洋	大洋二元	全年六期
二	大洋二元	全年六期
元	大洋二元	全年六期
大	大洋二元	全年六期
洋	大洋二元	全年六期
三	大洋二元	全年六期
元	大洋二元	全年六期

中 山 西 太 原 省
醫 改 進 研 究 會

醫 學 雜 誌

民 國 十 五 年 四 月

中 華 郵 政 特 准 掛 號 認 爲 新 聞 紙 類

第 三 十 冊

本雜誌啟事

凡訂閱本雜誌者望先寄費空函訂購恕不作覆

代派本雜誌辦法

- (一) 凡個人或團體代派本雜誌十份者贈閱一份二十份贈閱二份以上類推
- (二) 凡代派本雜誌須先繳費一半餘按期遞繳若到期未清恕不續寄
- (三) 凡願代派本雜誌者須有妥實介紹人

外界投稿簡章

- 一 各界投稿凡有關於醫藥衛生等學術者本會極其歡迎
- 一 凡經本會編入雜誌之稿計每一稿奉贈雜誌一册如一期之內登兩三稿亦祇寄送一册
- 一 凡永久贊助本會特別熱心或贈送書籍諸君本會按期寄送一册
- 一 投寄稿件務請繕寫清楚圈點句讀
- 一 收受各稿本編緝處可以酌量增刪如作者不願他人增刪亦請預先聲明
- 一 所投稿件未經登載者恕不奉還
- 一 各醫藥報界有願與本會雜誌互換者本會極表同情
- 一 會內外諸君有翻譯東西最近發明之醫藥學投刊者本會尤為感佩

醫學雜誌第三十期

目錄

附設醫院十五年二月中西醫診治人

數及比較表

專著門

靈素生理新論 續

楊百城

新攷正經脈俞穴記誦篇 續 張壽頤

論說門

張仲景姓名事迹攷 續

郭象升

古代腦學之闡明

楊百城

研究醫書之私意

時逸人

論 任脈為病其內苦結
男子七疝女子癆聚

張壽頤

第三十期目錄

論方宜

纂述門

翟冷仙

(生理類)

腦之生成

楊百城

天癸末義

周禹錫

(衛生類)

張果庵先生存書 續

(病理類)

纂輯中西解剖病理

楊百城 輯
趙意空

莫枚士研經言下利解書後張山雷

(診治類)

(診法)

—

第三十期 目錄

色脈篇 續

楊百城

脉訣闡微 續

楊星垣錄

(治法)

治病序例

楊百城 輯
趙意空

(治療各稿)

治傷寒營氣虛弱症

佚名

通外竅而利內竅

謝少昂 陳蓮峯 錄

伏氣春溫之治法

沈仲圭

熱噦治驗

前人

溼瀰似瘡治愈

劉蔚楚

腦漏證治愈

錢文廣

氣虛呃症厥逆治驗

胡大宗

(藥物類)

早服金雞納霜之害

楊志一

甘草宜重用說

沈仲圭

蚌殼粉治胃病之研究

黃國材

(方劑類)

莫枚士研經言桂枝加芍藥生薑人

參新加湯解書後

張山雷

莫枚士研經言天雄散解書後 前人

醫案門

中醫關於化學病因上之治療案

砒毒

通訊門

楊百城 輯
趙意空

醫 學 雜 誌

全國教育聯會議決請教育部明定

中醫課程並列入醫學校規程案

徐相宸君上教育部力爭國醫加入

學校系統電

時逸人君上教育部力爭中醫加入

學校系統緘

周小農君奮全國中醫學會

楚劉君

周小農駁內部中醫營業領照暫行

規則

劉蔚楚君答周小農論醫者宜審類

症之異同

譯叢門

第三十期目錄

胃潰瘍之治療

楊永超譯

雜俎門

診斷禍福二則

楊星垣錄

星期徵稿選刊

問經閉兼患暑溫

石泰峨

赤白痢戒酒說

趙一齋

針灸討論會選刊

針灸功用與藥餌等

徐世長

針刺赤遊風之經驗

李樾平

三

4

第三十期目錄

續聘名譽會員

錢文廣

安徽廣德縣城內一區區立第二國民學校

陳益生

江蘇常州縣學旁

翟冷仙

江蘇東臺縣何垛鎮火星廟巷陳寬甫轉

周顯霆

河南醫藥研究會會長

王合三

河南醫藥研究會副會長

陳益生

江蘇武進

周純嘏


松江西門外黑魚街

更正二十七期第四頁第六行

許士彬

誤刊為許紹武

四



醫

學

雜

誌

1

專著門

靈素生理新論 續二十九期

理事 楊百城

第二章 形氣篇

第十五節 論營衛之生會

經云。人受氣於穀。其清者為營。濁者為衛。營在脈中。衛在脈外。營周不休。五十度而復大會。此所謂五十度指下衛盡行陽二十五度。陰陽相貫如環無端。衛氣行於陰二十五度。行於陽二十五度。分爲晝夜太陽主外。太陰主內。各行二十五度。平旦陰盡而陽受傷矣。謹釋經旨。闡明人生氣血生化之源。蓋以胃者水穀之海也。水穀入胃。氣海真氣蒸發之而變化生穀氣。變化清者為營。濁者為衛。其始渾合穀氣。至此而分。氣海者。是不啻穀氣化分之所也。及其化分。營由脈中行。溢於諸絡。為陽之守。衛由脈外行。達於膚表。為陰之衛。各走其道。上行積於臆中。與宗

第三十期 專著門

一

2

第十三編 專著門

二

啓

學

雜

誌

氣並居。宗氣積於膻中。搏而不行。其動也應衣。貫肺循喉以司呼吸者也。一呼一吸。宣五穀味。吐濁氣而吸清氣。於時營也衛也。大會於肺中。津液合。化經所謂中焦受氣取汁。變化而赤。謂之血。是也。營衛歷一晝一夜。大會於手太陰肺。宣五穀味。變化爲血。以奉心臟。是又不啻以手太陰肺臟爲營衛二氣化合之所也。難經云。肺主氣屬衛。心主血屬營。陰陽相貫。相隨上下。如環無端。觀此則換氣轉血之理。內經詳之。難經復申述之。我國古昔時代。已闡發無遺。明萬歷二十四年。西人有哈佛氏者。發明血液循環之理。醫界爲之一變。其說曰。心內分左右四房。皆有管竅爲生血迴血之用。血受炭氣則紫。回行至心右上房。有一總管接回血入心中。落右下房。又有一總管運血出而過肺。被肺吹去紫色。遂變純赤。還入心之左上房。落左下房。又有一總管運血出行。遍於周身。復迴於心。其云心上三總管及心內四房。即中國所謂三毛七孔是也。而所論血液循環之理。亦卽內經營衛交會於手太陰肺及心主血脈之說也。

第十六節 論先天真氣及後天精氣變化氣血之原因及種類

人稟先天之真氣。得後天之精氣。滋養發育。而變化以生。後天之精氣。本於穀氣。尤賴先天真氣之原動力。發生真火。蒸氣四佈。而五臟六腑。遂如雨露之溉。水穀之氣。化分爲二。曰營曰衛。爲人生生化之原。衛氣內走臟腑。外達皮毛。其上出之氣。出於口鼻。著於漆石。則爲水焉。其在口舌。則爲唾焉。其在於目。則爲淚焉。其在於鼻。則爲涕焉。其在於耳。則爲垢焉。其在臟腑外層。則爲涎焉。其熏膚潤肌。出於皮毛。則爲汗焉。其下出者。則爲溲焉。凡此皆衛氣之所變化也。營氣一晝一夜。與衛氣大會於手太陰肺。陽津陰汁。交相感觸。變而爲血。其理已詳於營衛生會篇。無庸贅述。若夫精則含於血者也。髓則生於精者也。皆腎主之。腎中天一之陽氣。化而爲癸水。男女皆有之。女子之乳。亦由於天一之水。故女子乳子。而癸水不行。凡此無非先天之真氣。及後天之精氣所變化也。


如圖

第三十期 專著門

三

第三十期 專著門

四



第十七節 論血之功用

血者水穀之精氣所生也。生化於脾。總統於心。藏受於肝。宣佈於肺。施泄於腎。灌溉一身。目得之而能視。耳得之而能聽。手得之而能攝。掌得之而能握。足得之而能步。臟得之而能液。腑得之而能傳。注於脈。少則澁。充則實。常以飲食日滋。故能陽生陰長。取汁變化而赤為血也。是故血足則形盛。血貧則形衰。吾嘗論之。血譬則水也。氣譬則風也。風行水上。有血氣之象焉。血為氣配。故氣者血之帥也。氣行

則血行。氣止則血止。氣溫則血滑。氣寒則血澀。氣有一息之不運。則血有一息之不行。故人之一身。血以滯之。氣以煦之。兩者不相失也。

第十八節 論血行之動力

人身有三大要經。曰呼吸。曰消化。曰循環。其在人身。出入心臟。而循環不已。無一刻或停者。則血是也。西人謂血流有定向。心臟以排之。動脈以輸之。靜脈以承之。還流而迴於心臟。畧需二十秒時。即血行遍及全體一週。又謂心壁肌肉。自能伸縮。謂之心動。殆以此為血行動力之所緣起也。我國學說則異於斯。經曰。呼出心與肺。吸入肝與腎。蓋以氣之出入與血之轉換。惟呼吸之力是賴。故不主心壁。肌肉之伸縮力。而主胸中大氣之搏擊力。經曰。其大氣之搏而不行者。積於胸中。命曰氣海。出於肺。循喉嚨。呼則出。吸則入。是謂呼吸為大氣所司。呼吸之行。實由大氣行之。大氣在胸中。積而不行。而呼吸無一刻停者。其動力使之然也。所謂搏者。正以見大氣之搏力。即吸呼之動力矣。且更進而論之。大氣亦謂之宗氣。經曰。

宗氣積於胸中。出於喉嚨。以貫心脈而行呼吸。此又見大氣在胸中。且以貫心脈焉。是則心之發血。脈之輸血。其與大氣更有莫大之關係者在。蓋人一呼則脈行三寸。一吸則脈行三寸。呼吸定息。脈行六寸。考訂息數及脈之至數詳見脈搏節合時亦脈者血之道也。脈行即謂血行。而呼吸實所以行之。呼吸之動力為大氣所司。斯血行之動力亦必大氣所司矣。譬如電機。此動彼應。經以一搏字形容大氣。其曲盡大氣之妙用如此。據此則前所謂氣行血行者。非謂大氣以氣帥血而行。實以力運血而行也。可知矣。是不可以不辨。

第十九節 論血有輕重之區別

人之所以生也。氣為主。血為輔。氣為重。血為輕。血有不足。可以漸生。若氣不立。則人即死。然考人周身毛竅之內。有孫絡。西人謂之毛細管孫絡之內。有橫絡。西人謂之脈管橫絡之內。則有經焉。西人謂之動脈管經與絡皆有血也。是又有輕重之別焉。孫絡橫絡之血。起於胞中之血海。其血熱肉充。滲滲皮毛。皮毛之外。肺氣主之。皮毛之內。肝

醫 學 雜 誌

7

血主之。若經脈之血，則主於手厥陰心包。乃中焦取汁，奉心化赤之血也。血海之血，行於絡脈，男子絡唇口，而生鬚鬚，女子月事以時下，皆此血也。心包之血，行於經隧，內養其筋，外榮於脈，皆奉心化赤之血也。血海之血，多出不死，心包之血，多出即死。西人謂靜脈管中之血多出不致是又絡脈之血為輕，而經脈之血為重也。經云：陽絡傷則吐血，陰絡傷則便血，此血海之血也。一息不運，則機鉞窮，一絲不續，則霄壤判。此經脈之血也。血氣二者，乃醫之大綱，學者不可不察也。

新考正經脈俞穴記誦編

續

名醫 張壽頤

肝足厥陰經脈循行經文

肝足厥陰之脈，起於大指巛毛之際，上循足跗上廉，去內踝一寸，上踝八寸，交出太陰之後，上膈內廉，循陰股，入毛中，環陰器，抵少腹，俠胃，屬肝，絡胆，上貫膈，布脇肋，循喉嚨之後，上入頰頰，連目系，上出額，與督脈會於顛，其支者，從目系下頰裏，環唇內，其支者，復從肝別貫膈，上注肺。

第三十期 醫學門

七

〔考正〕聚毛之際。今甲乙靈樞聚皆作叢。壽頤按說文雖有叢無聚。玉篇雖以爲叢字之俗。然許叔重以聚訓叢。知叢字本以聚爲正義。則聚字從艸從聚會意。不可謂爲俗字。况叔重且謂叢字從取得聲。則聚字形義聲三者皆備。更非俗字之無理無義者可比。玉篇之說。或出於後人附會。恐非梁時顧氏舊本。至康熙字典。則引唐韻謂聚乃叢之俗。然唐韻久佚。非康熙時所得見。蓋亦本於廣韻。漢書息夫躬傳聚棘棧棧。已有此字。更不得與六朝北魏之俚俗譌體同日而語。此何可以說文所無而鄙之。脈經太素皆作聚毛。是皆古時舊本之一証。茲据以訂正。王本素問陰陽離合論篇。厥陰之表名曰少陽之注。又作聚毛。則卽聚字之譌耳。是可証啓玄所見亦作聚字也。際字太素本無。則以下句之上字。連上句讀。義亦兩通。環陰器各本皆同。惟靈樞環作過。壽頤按環有環遶之義。亦猶胆足少陽之脈繞毛際。過則但經過之耳。字義不同。靈樞非也。茲据中乙太素脈經千金訂正。上注師太素靈樞如此。甲乙脈經千金肺

下皆有中字。壽頤按此足厥陰脈之所以交接手太陰脈者。但注於肺而已。與屬肺之太陰脈會。固不必注入肺中也。茲依太素訂正。

肝足厥陰經脈循行歌

肝足厥陰在大指。爪甲羆毛脉所起。循依足跗上之廉。拇指內邊骨縫是。踝前一寸折上延。此經本走兩陰前。上踝八寸有交互。讓出太陰退後邊。上膈內廉復循股。環繞前陰少腹部。從茲夾輔胃之旁。肝胃相依木與土。此處屬肝又絡胆。藏府經脈統色涵。〔叶上聲音菌〕上過膈膜行身旁。脇肋部居非泛泛。復行自上到喉嚨。顛顛相連目系通。出額達巔會督脈。肝陽易動此其蹤。一支從目下頰裏。遶行唇內亦其係。歧支又自肝間分。交手太陰周復始。

〔注〕肝足厥陰之脈。起於足拇指爪甲後羆毛之際。其井穴即在羆毛間甲乙經外台所謂三毛中者是也。直行足跗上廉。即大指內側筋骨間。本經之行間太衝穴也。又向後至內踝骨前一寸之中封穴。乃折而上行於脛骨前廉在

第三十期 專著門

九

第三十期 專著門

十

太陰少陰兩經之前。迨上過足太陰之三陰交穴。又至踝上八寸。乃交出太陰之後。以上至膝膕內廉。卽本經之曲泉穴。又上循陰股內廉。卽本經陰包五里二穴。乃出於氣衝下之陰廉。過足太陰之府舍。循本經之兌脈。環繞前陰。上抵少腹。會合任脈之曲骨中極關元。從此內行。俠胃而上。此胃病所以易與肝病相因。木土關係。誠非無故。卽於此間屬肝絡胆。以與本藏本府相爲聯屬。其外行者。則布脇肋。以出於本經之章門期門。故兩脇肋同爲肝膽分野。其內行之直上者。則上貫膈膜。由肺胃二系之後。上入喉間。一喉嚨卽肺系頰頰亦作吭嚨。是卽胃管。又直上以連目系。復出於額。上達頂巔而會於督脈。此又足厥陰脈一綫直上之道路。宜乎木火不藏之時。肝巖上凌。爲病極厲。惟此爲行裏之脈。不在肌肉之間。故無俞穴可言。又其一支。則從目系分別。以下頰裏而環於脣內。此亦無俞穴者。又其一支。則卽從屬肝之處。分別上高。直接肺手太陰經。而十二經脈。如環無端。周而復始矣。

醫 學 雜 誌 11

肝足厥陰經脈俞穴分寸歌

足之厥陰起大敦。拇指甲後叢毛真。此亦陰經所出井。太陰隱白與爲鄰。循指內邊骨節縫。所流爲榮行間動。本節之後太衝來。踝前一寸中封踵。〔中封在內踝前一寸。踵音種接也。〕蠡溝絡穴少陽通。踝上相離五寸中。上到中都又二寸。更行一寸太陰逢。〔中都。在內踝上七寸。又上一寸。乃交過足太陰經。經脈篇所謂上踝八寸。交出太陰之後者也。〕膝關之俞蓋骨近。犢鼻下端有二寸。膝內橫紋是曲泉。厥陰脈入屈膝診。〔章忍切。音軫視也。〕膝上四寸陰之包。股內筋間隱有槽。五里股陰導動脈。摺紋之下試推敲。〔五里。在股陰橫紋下一寸。〕股內紋頭斜向裏。陰廉之穴近羊矢。氣衝直下二寸離。去中二寸動脈是。〔羊矢非穴名。在胃足陽明經氣衝穴下一寸。卽股陰摺縫之上。肉中隱隱有核者是。謂之羊矢者。蓋以象肉核之形得名。亦卽足陽明經氣衝穴條中之所謂鼠竅也。〕從莖斜上氣衝外。旁出五分急脈在厥陰。大絡按之堅。引係臬丸此鍼芥。〔急脈爲臬丸

第三十期 專者門

十一

第三十期 專著門

十二

之係。與皋丸相引。如磁之引鍼。珀之拾芥。」上尋急肋訪章門。側臥肘尖盡處捫。臍上旁開有六寸。少陽脈會是其垠。期門肋縫肝之募。巨闕兩旁三寸五。〔巨闕中行任脈穴。在鳩尾下一寸。〕厥陰俞穴此爲終。一十有四從頭數。

肝足厥陰經脈俞穴分寸考

大敦。在足大指端。去爪甲如韭葉。及三毛中。壽頤案甲乙經外台原文皆如此。然既云去爪甲角如韭葉。又曰及三毛中。則此穴究在爪甲之角。抑亦在爪甲後之鰲毛中。殊不分明。惟據足少陽經之終。曰貫爪甲出三毛。而足厥陰經之始。亦曰起於大指鰲毛之際。則此穴蓋不在爪甲之兩側。而卽在爪甲後如韭葉之鰲毛中。故甲乙經外台。皆不言其任爪甲內角或外角。甲乙經及三毛之及字。蓋是衍文。或謂非穴多在指端爪甲之角。此穴不當獨在甲後。然腎足少陰之井涌泉。亦不在指端。已開一例。且陰經之井。多在指端內側。惟足之拇指。已有太陰之隱白。在爪甲內側。則厥陰井穴。退後一步。庶不重複。足之三陰。厥陰居前。太陰居中。少

陰在後。則大敦起於甲後毛際。從此向後。以至內踝骨前一寸。轉而上行。正是太陰經。隱白大都太白諸穴一系之上。路徑亦自可想。而自明以來。乃謂大敦之穴。出於爪甲外側之角。殊屬無據。考刺腰痛論。少腹滿刺足厥陰。王啓玄注謂太衝主之。在足大指本節後內間同身寸之二寸陷者中。脈動應手。則是經行於大指內間。古有明文。可証馬玄台謂大指內側爲隱白。外側爲大敦之說。直是杜撰。而醫宗金鑑亦承其誤。不可信矣。行間。在足大指間動脈應手。陷者中。壽頤案外台原文如此。甲乙經則無應手二字。言之皆不甚分明。今尋核拇指本節骨節縫間內側。自有動脈。按之應手。極爲清析。再証以王啓玄所謂太衝穴在本節後內間。則本節骨縫內側之動脈。即是行間之穴無疑。馬玄台乃謂在兩指歧縫中。而金鑑承之。亦謂在大指次指歧骨縫間。俱認作大指外側者非是。太衝。在足大指本節後二寸。或曰一寸五分。陷者中。壽頤按甲乙經原文如此。外台則本作本節後二寸半。今證以王注素問刺腰痛論。謂在足大指本節後內間二寸。則二寸

第三十期 專著門

十三

是也。賴有啓玄此注內間二字。而藉以糾正近五百年大指外側之誤。此古書之所以大可寶也。中封在足內踝前一寸。仰足取之。陷者中。伸足乃得之。蠡溝足厥陰絡。在內踝上五寸。別走少陽者。中都足厥陰郄。在內踝上七寸。筋中與少陰相直。壽頤案甲乙經文如此。外台則作中郄。一名中都。膝關在犢鼻下二寸陷者中。壽頤按此在膝內側犢鼻之下。非指胃足陽明經之犢鼻穴。曲泉在膝內輔骨下陷者中。屈膝乃得之。壽頤按金鑑謂在屈膝橫紋頭。陰色在膝上四寸。股內廉兩筋間。壽頤按金鑑謂股內廉有槽中。五里在陰廉下。去氣衝三寸。陰股中動脈。壽頤按王啓玄謂在毛際外。羊矢下一寸半陷中。臥而取之。動脈應手。陰廉在羊矢下。去氣衝二寸。勤脈中。壽頤按金鑑謂在羊矢下。斜裏三分急脈。壽頤按甲乙外台皆無此穴。惟素問氣府論。謂衝脈氣所發者。厥陰毛中急脈各一。王啓玄注。急脈在陰髦中。壽頤按髦當作毛。以前明顧氏仿宋嘉祐刻本如是。姑仍其舊。此蓋宋刻之誤字。陰上兩傍。相去同身寸之二寸半。按之

隱指堅。〔壽頤按隱指當作應指。蓋亦舊刻之誤字。〕然甚按則痛引上下也。其左者中寒。則上引少腹。下引陰丸。善爲痛。爲少腹急。中寒。厥陰之大絡。通行其中。故曰厥陰。急脈卽舉之系也。〔其左者中寒五字疑有誤。〕蓋出於中誥圖經諸書。考太素亦言厥陰毛中急脈各一。但上文無衝脈氣所發一句。楊氏亦無注語。醫宗金鑑卽据王注素問。以補入足厥陰穴俞中。茲仍金鑑。章門脾募也。一名長平。一名脇膠。在大橫外。直臍季肋端。足厥陰少陰之會。側臥屈上足。伸下足。舉臂取之。壽頤按明堂圖。比穴在臍上二寸。兩旁各六寸。金鑑仍之。李瀕湖奇經考。謂在季肋骨端肘尖盡處。帶脈所起。故金鑑亦謂側臥取肘尖盡處是穴。〔大橫足太陰經穴。〕期門。肝募也。在第二肋端。不容傍一寸五分。足太陰厥陰陰維之會。舉臂取之。壽頤按甲乙外台皆言此穴上直兩乳。然不容爲足陽明經穴。去中行任脈二寸。期門二穴。既言在不容旁一寸五分。則去任脈爲三寸五分。與兩乳之去中行四寸者。不相直矣。各本多以爲上直兩乳。非是。

論說門

張仲景名姓事跡考續

郭象升允叔

仲景自叙傷寒論云。余宗族素多。向餘二百。建安紀元以來。猶未十稔。其死亡者三分有二。據此。知傷寒論之作。在建安十年之內。范書稱張羨以建安三年叛表。陳志稱表攻羨。連年不下。羨病死。長沙復立其子懌。所謂連年不下者。約畧建安三年至建安十年內外也。范書稱表遣兵攻圍破羨。平之。無連年不下。及長沙年叛表。則又使仲景非羨。則其官長沙太守。當在建安三年以前。而傷寒論一書不究其始也。使仲景非羨。則其官長沙太守。當在建安三年以前。而傷寒論一書既系銜長沙太守。又叙中自言建安紀元。猶未十稔。明其為將近十年之語。而非建安三年以前可知。若謂陳志連年不下一語。為期固長。然不能斷定羨懌父子之亡。確為何年。安知張懌之後。韓玄之前。不別有張機其人耶。此則余更有說矣。按魏志桓階傳。張羨叛表。階實勸之。所以應曹操也。階傳稱太祖與袁氏連戰。車

醫 學 雜 誌

醫 學 雜 誌

未得南。而表急攻陷羨。羨病死。城陷。階遂自匿。此傳不立長沙人復立羨子惲。史文固時有詳略耳。袁紹以建安七年死。其子譚尙等與曹氏連戰。又二年。建安九年。操始破鄴。又後二年。始斬譚尙。以階傳所載揣度之。羨之死。正在此數年中。傷寒論叙所云建安紀元。猶未十稔。確然爲張羨之語。羨即機。機卽羨。不容建安十年之前。別有一張機者。作長沙太守也。劉表雖外貌儒雅。而心多疑忌。語見陳志新去一南陽人之張羨。又用一南陽之張機。有是理哉。羨之所以書叛者。以其初本表所著置也。建安紀元之初。羨當在荊州牧幕府。何以知之。陸氏所補張仲景傳。稱仲景少時。見知于何顛。既至京師。爲名醫。於當時稱上手。見侍中王仲宣。時年二十餘。曰君有病。四十當眉落。半年而殞。今服五石湯可免。仲宣不用其言。後二十年。果眉落。一百八十七日而死。王仲宣者。粲也。其官侍中。在建安二十一年。曹魏建國之初。次年從征吳。道病卒。仲景見仲宣于漢京師乎。則不爲侍中。見仲宣于魏京師乎。則年非二十餘。且去其死期。亦無二十年。皆紀事之不審也。考陳志粲傳。粲年十七。司徒府辟不

第三十期 說門

十七

第三十期 論說門

十八

就乃之荆州依劉表。建安二十二年卒。年四十一。就建安二十二年。倒除去二十一年。則建安二年。仲宣年二十一。正居荆州依劉表時也。仲景相見。當在此時。使仲景不作劉表之客。固無由與二十一歲之王仲宣相見。使張羨非仲景。則與劉表本無宿蓄。謂之叛。何歟。抑張羨之爲南陽人也。官長沙太守也。當建安時也。古今讀史之人。誰不見之。而卒無一人疑其即是仲景者。豈非病羨之叛亂。謂仲景不至此耶。以余論之。羨之叛。特表耳。非叛漢也。豈惟不叛漢。又且以叛表者。忠於漢。桓階傳曰。太祖與袁紹相拒於官渡。表舉州以應紹。階說其太守張羨曰。夫舉事而不本於義。未有不敗者也。故齊桓率諸侯以尊周。晉文遂叔帶以納王。今袁氏反此。而劉牧應之。明府必欲立功明義。全福遠禍。不宜與之同也。羨曰。然則何向而可。階曰。曹公雖弱。仗義而起。救朝廷之危。奉王命而討有罪。孰敢不服。今若舉四郡。保三江。以待其來。而爲之內應。不亦可乎。羨曰。善。乃舉長沙及旁三郡。

升按他傳但言谷陵桂陽。而此云三郡者。疑有武陵。以拒表。遣使詣太祖。太祖大悅。夫曹操雖爲漢賊。而建

安初年。未有逆迹。叛劉應曹。未為非也。仲景有道之士。何必不出此乎。晉之殷仲文。唐之許敬宗。宋之高若訥。皆奸邪小人。而醫術皆精絕。人品與技能。從來固不相掩矣。假使仲景。屈。疆。不。順。懷。恨。而。叛。如。英。雄。記。之。所。言。亦。不。足。為。其。醫。學。之。累。况乎。乃。心。王。室。大。義。昭。然。哉。晉。代。名。醫。王。叔。和。有。字。無。名。千。載。味。味。今。儒。餘。杭。章。太炎始從他書展轉考求。知其名曰熙。見所著 漢微言 余撰此篇。其亦醫林千載未發之覆也夫。

陸懋修所作張仲景傳。又載華佗讀傷寒論善之曰。此真活人書也。華佗之死。史不言及年月。本傳稱魏太祖愛子倉舒病困。太祖歎曰。吾悔殺華佗。今此兒強死也。考鄧哀王冲舒也傳。冲以建安十三年歿。則佗之死。必在十三年之前。傷寒論成於十年以前。佗庸當見之。自記

古代腦學之闡明

理事

楊百城

我國內經靈蘭秘典篇。分臟腑為十二官。而各臟各腑之配合定。然當時實。分兩

第三十期 論說門

十九

派。故五藏別論。又傳二腑之名。斯固有於十二官外。別樹旗幟。而獨成一家者也。顧吾嘗論之。由前之說。所謂十二官者。心也。肝也。脾也。肺也。腎也。心包絡也。大小腸也。胃也。膽也。三焦也。膀胱也。而以心爲君。歷古之醫士從之。而後一說遂廢。由後之說。所謂二府者。腦也。髓也。骨也。脈也。胆也。女子胞也。是奇恒之府也。胃也。大腸也。小腸也。三焦也。膀胱也。是傳化之府也。而以腦居首。近今之醫士然之。而前之說幾翻。溯自道咸而後。西醫輸入。而腦氣筋之說。遂盛傳於中土。海內之士。溫故知新。羣然欲通古時之兩派。融中西於一爐。改進醫學。此其時矣。况解剖之術。今則圖書爛然。他山之石。何非攻玉之資。是我所闕者。不妨以彼說補之。彼所略者。不妨以我說參之。欲通其郵。先從腦始。方今二十世紀。正文化交通之時。學術本不分國界。又何中西之有。

五德循環。迭爲終始。豈非運會使然歟。人事有然。其在醫事。何莫不然。中醫所以不言腦者。亦以疾病之關於腦者。固已該括於十二經之中。則凡各經各臟各腑。

之病。其感觸於腦者。從各經各臟各腑治之。卽所以治腦。試就仲景傷寒一書言之。以太陽經始。以厥陰經終。太陽之經脈。交巔絡腦。厥陰之經脈。從巔入腦。何一不與腦關涉者。惜乎治傷寒者。自成無已之後。百十餘家。無一人發其秘焉。此腦病說所由知者寡矣。今取古今學說。疏而證之。而腦病學理。庶幾晦而復顯乎。

研究醫書之私意

名譽理事 時逸人

吾國古今來之醫書雖多。以鄙人之私意衡之。大約可分四派。〔一〕爲發明派。如本經、內經、難經、傷寒、金匱等書是。〔二〕爲編集派。彙集成章。如千金、外台、聖濟準繩、集成、類按綱目、金鑑等書是。〔三〕爲學生派。編訂一書。原供自己參考之用。如必讀、心悟、淺註、指掌、說約等書。以及近今出版之醫書。大半類是。〔四〕爲言論派。一孔之明。千慮之得。予智自雄。滔滔辨論。前之金元四家。後之明清八家。皆是之類也。若黃坤載、張隱菴、喻嘉言、葉香岩、徐靈胎之徒。觀其遺著者。皆知有鼓吹之作用也。而香岩得章虛谷、王孟英、吳鞠通輩。竭力揄揚。故呼聲尤高。折背叟曰。學

22

醫

學

雜

誌

生派之書。可供初學入門之研究。而言論派之書。繼之。必能啓悟心得之發明。廣之以編集派之書。以資其參攷。進之以發明派之書。俾得其指歸。此學醫之能事畢矣。倘前後之次序錯亂。必致以錯傳訛。是非莫辨。奴主之見。冰炭不投。中國醫學之調劑難。職是故耳。至於此外。尚有二派之書籍。不可不知。〔一〕爲經驗派。是書多質真無文。惟言用方治病而已。間有效如桴鼓者。亦有毫無效驗者。蓋古人有金匱石室之藏。非真秘藏之也。即真假夾雜云爾。視人之學識如何。自探其虛山真面。世多俗子。慧眼何來。金玉棄如砂石。識者惜焉。〔二〕爲鼓吹派之書。詭譎而談。詞多枝葉。如有一得之明。尤可說也。乃竟或以捕風捉影之空談。作嚮壁虛造之讖語。其詞之工。其文之暢。持之有故。言之成理。可以惑人。可以眩世。若究其實用。洵覆瓿之不足。世間流傳如是之書籍。豈少也哉。願吾同志者。一選擇之。

論任脈爲病其內苦結男子七疝女子癥聚

名譽
理事 張壽頤

素尚骨空論。謂任脉爲病。男子內結七疝。女子帶下寢聚。難經二十九難。亦曰任之爲病。其內苦結。男子爲七疝。女子爲寢聚。立言雖不必盡同。而大旨約略相似。壽氏竊謂難經言簡而賅。標示病理。實出素問之右。良以任脈發源於下。循腹上行。以升舉爲担任之職。故任得其宜。則升發元陽。布護大氣。而任失其職。則升其所不當升。氣血循行。有乘故道。結滯窒塞。卽升非所升之咎。廿九難以其病苦結四字。爲任病之大綱。見得其先之結。尙在氣分。則疝痛。猶屬無形。繼而并及血分。則寢聚。乃爲有象。疝與寢聚。無非氣血結塞爲之厲階。爰以結字爲之總括。以視素問之七疝言結。而寢聚獨不言結者何如。日帶下爲病。乃帶脈之不能約束。開而不合。正與結之爲病。兩得其反。本不可相提並論。難經於此畧去不言。尤爲有條不紊。此雖同爲中古經文。或各有所受之。而參互以觀。讀古人書。正不可不自具隻眼。惟疝之與寢。一淺一深。在氣在血。病固不同。而經文以男女分析言之。似猶未確。徐氏洄溪難經釋。竟爲男屬陽。女屬陰。故病之氣血有殊。則以氣血分

說是矣。若以氣陽血陰。而為經文男女一字作確詰。則膠柱鼓瑟。殊嫌拘執。尙未
 詳繹古人論病之真旨。豈男子不當有血病。而女子不當有氣病耶。未之思耳。須
 知疝以氣言。古人本非專指男子。舉丸為病。巢氏病源。詳列疝病諸候。凡十一論。
 無一字及於男子之陰丸。是。可為男女同病之確據。而金匱婦人雜篇。則曰婦人
 之病。在中盤結。繞臍寒疝云云。且為婦女病疝之明文。若夫男子之癥瘕積聚。則
 固時有所見者。夫人而能言之矣。洎乎宋元以降。七疝名稱。乃始有癧疝狐疝兩
 種。專為男子陰丸之病。近世俗子。遂因此而誤認疝病為男子所獨有。然隋唐以
 上。固未聞有所謂癧疝狐疝也。洄溪號稱淵博者。何以等於里巷之所見。蓋望文
 生義。信手揮毫。而不自知之其誤會耳。然今之鄉曲醫生。固無不知疝為男子之
 病名。若告以女子亦多疝病。當未有不譁然狂笑者。亦可見醫學荒蕪。無而能讀古
 書者難其選也。

論方宜

名醫 翟冷仙

近來世界交通。五方雜處。而五方之人。水土之剛柔。風氣之強弱。資稟之偏勝。各有不同。未可一律施治也。故客遊治病。與治遊客之病。其法懸殊。設遊藝他方。須察其地之風土習慣。方始合宜。故經有一病而治各不同。地勢使然之語。圓機之士。能於是觸類旁推。匪特行之方內。雖廣諸異域。可以無間然矣。

東方發育之地。土膏氣澤。冬鮮凜冽之寒。四序常行春令。俗尚華而少寔。病多熱中。疎理而無真中風寒。即使外感內傷。總由理疎邪入中。熱氣傷所致。詳熱中疎理四字。已道盡東方元氣病情矣。按吳越皆居東方。而江南亢氣最薄。病則虛熱居多。溫順爲宜。苦寒切禁。江北則接壤東魯。其間元氣虛實兼半。寒熱補瀉隨宜。江左地氣稍厚。畧覺奈病勝。江右則南近閩粵。內連荆楚。得火土之餘。是以不任溫補。然亦不勝峻攻。惟清理中外爲宜。大抵東方所稟孱弱。其宗東垣復菴。而丹溪則守於江之左右。新甫則偏宜江南。若河間戴人之法。非西北資稟剛厚人。斷斷不效也。

南方長養之處。陽盛氣泄。第冬恒服絺衣。四序常行夏令。繆仲淳云。陽燠既泄。則使人本氣不堅。民雖緻理。而霧露不時蒸發。人觸之者。未免多瘧瘵之患。其稍不緻者。則有瘧癘之虞矣。卽居恒無病之人。氣多上壅而少下降。以故時嚼檳榔。唾皆赤色。故有天蠻不下雪。地蠻不落葉。人蠻口唾血之諺。其患瘧癘之證亦發熱。顛脹胸滿嘔逆。與傷寒相似。但治法與傷寒迥異。感之輕者。但食檳榔。祛散滯氣。胸膈寬舒卽愈。重則必需芳香正氣。虛則開發中氣爲主。若誤發表。則陽氣感泄。表氣愈虛。邪乘虛擾。熱愈無底止矣。凡嶺南瘴癘之鄉。恒多霧露。罕見日色。嵐淫蟲毒。感之必內應溼土。中氣先傷。故瘧癘之治與疫氣彷彿。但廣粵正向離明。黔滇斜臨坤位。咸多濕熱氣蒸。崗雖未逾梅嶺。已得南方氣候。水土皆泄而不收。縱有大頭瘟蝦蟇瘟等疫。悉屬陽邪。其毒亦易解散。非若北方之地脈堅厚。陰邪積而不發。發則且發夕死。如疔瘡疽黑骨瘟等症之暴絕也。

西方收引之界金沙之地。地高土厚多風。四序常行秋令。其俗剛毅而不阿。其民

不衣而褐。薦華食而脂肥。則知西蜀稟賦。與關西無異。然蜀直指兌澤。元氣與人。文俱厚。有三峽倒流之勢。關西正當北斗。地氣與人材俱偉。有倚劍崆峒之槩。以其材質俱備。表裏俱充。故邪非能傷之也。惟是內氣壅盛。故病宜毒藥。如西域倒倉。子和涌下等法。觀內經病生於內。治宜毒藥。一方風氣。主治了無餘蘊矣。

北方閉藏之境。陰盛氣沉。春夏草木不生。四序常行冬令。民稟坎水而生。故常以水爲事。且性好乳食。所以臟寒生滿。則內因之證也。至於樂野處。冒風沙。歷冰雪。其寒可以斷指裂膚。反不言傷寒之病者。以緻理慣拒嚴寒。雖有大風苛毒。弗之能害。即得傷之。其氣堅固。不能侵入於裏。故感之輕者。但需鷄湯麩食。助其肝質。其胃自能祛邪作汗。若傷之重者。竟行辛熱表散。裏氣壅滯者。使與峻攻。非若東南之元氣瘠薄。投劑稍重。即變證叢起也。其有腎氣素勞之人。邪乘虛入。而爲卒中之患者。是必峻用溫補。然煤火內蘊。須兼苦降之味。以防火炎竭澤之虞。蓋煤爲水土之精。人食其爨。長氣於陰中之陽。所以力能壯火傷陰。不可不預爲調制。

第三十期 論說門

二十八

復有車塵馬足之勞。不內外因之候。又宜導氣和中。不宜升發溫補。若以南方內傷勞倦例治之。愈益其壅滿矣。然燕與晉魯皆北。燕則左河右岱。地氣最厚。魯雖偏居良宮。風氣已北。晉抵關西。惟一河之限。元氣之充實。大率相類。其治亦相類。中央正中之位。水土平濕。萬類各得其和。四序各行其令。民雖食雜不勞。而多痿厥寒熱者。良由水土平溼使然。以其食雜不勞。元氣平治。所傷亦輕。故導引按蹻。便可愈之。不必毒藥內治。鍼石外治也。然此言平氣所致。若傷寒卒病。亦不可拘於此例。蓋中央雖居正位。四維八埏之氣。皆得干之。所以仲景有寒熱補瀉之不同。立法皆隨病制宜。以爲天下萬世則。而於中州更宜。按仲景爲南陽聖醫。更治長沙。皆不離洛楚之地。夫洛與楚皆居中央。而楚則交界江右。稍偏於南。所以一切溫補。皆爲掣肘。以其地氣渾厚。民多溫飽。是以不須補益。洛則水土平濕。平濕則氣柔。氣柔則受補矣。經言治所以異而病皆愈者。得病之情。知治之大體也。

纂述門

(生理學)

腦之生成

理學 楊百城

欲言病理。須先究生理。腦之生成。我國在軒歧時代。業已闡明之矣。經脈篇。人始
 生。先成精。精成而後腦髓生。蓋以人之始生。由於父母之兩精相搏而成。決氣篇
 所謂兩精相搏謂之神也。及其成也。腦髓即隨之而生。先構成人身主要部分之
 骨幹。脊骨成所以為輸髓之徑道。頭骨成所以為臟腦之器官。於是五官百骸以
 次生成。而人體悉備矣。以西說證之。胚胎之成也。卵細胞與精絲會合。遂呈分裂
 現象。一裂為二。而四而八而十六。如是倍數分裂。愈裂愈多。凝成球形。稱曰胚球。
 胚球陷入。成為壺狀之體。名曰胚囊。其周壁分內胚葉。中胚葉。外胚葉三層。中樞
 神經系統之根源。即發生於外胚葉之深部。因絞榨而不與外胚葉相連續。遂成

第三十期 纂述門

二十九

第三十期 醫述門

三千

兩端閉塞之管名曰髓管。髓管之上端膨大。下方成圓柱形。上端之膨大部遂發育而成腦。下方之圓柱形遂發育而成骨髓。「爲成人之中心管」繇此觀之。中西論腦之生成與由來固相同也。而中醫推本窮源。又以命門爲重。命門在十四省椎之下。逆數之則第七節脊椎也。內經曰。七節之旁。中有小心。其重視命門可知矣。蓋以命門者。乃人生臟精系胞之所。腎生精而腎系繫於此。胞藏精而胞蒂結於此。三焦主周身之膜而焦源根於此。豈非人生生命之本乎。命門屬腎。難經闡明腎間動氣曰。此五臟六腑之本。十二經之根。呼吸之門。三焦之源。一名守邪之神。所謂神者。即元神也。與身俱來。在元氣元精之先。即生元也。此神胎於腎。舍於心。游於腦。而人之壽夭死生。皆於此驗之。生元足則壽而生。身體健康。百邪退。聽生元不足。則夭且死。身體萎弱。百邪來侵。所以曰守邪之神也。

按胎生初期。髓管上端之發育。先生三腦胞。畧爲腦之分界。曰前腦胞。中腦胞。後腦胞。繼則前腦胞兩側漸生大腦胞。後腦胞上部亦生最後腦胞。又漸向前

成彎。曰頭彎。項彎。僑彎。茲將腦胞變化列表如左。

腦胞變化表

腦胞	胞壁	胞壁	胞壁
大腦胞	側腦室	大腦半球	大腦胞
前腦胞	第三腦室	視神經床	前腦胞
中腦胞	大腦導水管	四疊體 大腦脚	中腦胞
後腦胞	第四腦室	小腦橋腦	後腦胞
最後腦胞	第四腦室後部	延髓	最後腦胞

天癸末義

名心 周禹錫

讀費君澤堯著天癸原義。指天癸為男女分泌之精。旋著天癸真義。又指天癸為生補腺。換言之。為男子之精液。女子之濾胞液。更詳述生理上病理上之種種作用。種種徵象。其義已詳備無遺。而細參之。似猶有未盡之餘蘊。存焉。僑就管見。所及用質高明何如。

素問上古天真論曰。女子二七而天癸至。任脈通。太衝脈盛。月事以時下。故有子。

第三十期 專述門

三十一

丈夫二八而天癸至。精氣溢瀉。陰陽和。故能有子。此至字爲分泌開始作用之義。已詳天癸新義中。無庸贅述。今就天癸之字義解之。

癸。水也。在地固爲有象之水。在天當爲無形之炁。此炁乃父母所界。靈樞本神篇曰。初生之來謂之精。〔卽指精蟲與卵珠〕兩精相搏謂之神。〔卽指男女天癸〕兩神相搏。〔卽天癸作用〕合而成形。此神字喻天癸作用。何等明顯。當其兩神相合受炁之後。此炁即潛伏於兩腎之間。所謂天一生水。在人爲腎。難經又謂七節之旁。中有小心是也。自有生以來。得後天水穀之精氣。日以資生充長。男子十六。女子十四歲時。此炁長養方足。且有發生愛情之良能。故易爲情欲所牽動。天癸勃然。遂呈反應作用。下注男子。羣丸。女子。卵巢中。鼓溢精液。合化爲水而溢瀉。故曰精氣溢瀉。此精字卽指男子。羣丸中製造之精液。氣字卽是天癸。恐後世不明此義。特得精氣二字並用。是精被天癸鼓溢而溢瀉之義。又天癸爲陽炁。精爲陰液。炁液化合。則氤氳而發生萬物。故曰陰陽和而能有子。至女子則天癸到此

時強。盛鼓動胞。中貫通任脈。任脈既通。太衝脈亦盛。盛滿則溢。故月事以時下。岐黃聖人。洞觀內景。知此炁爲天一真炁。未動則爲氣。既動則爲水。虛後人猶或未明其真象。假借天癸二字。形容備至而代表之。古人取義會神。字精意允。可謂造乎其極矣。茲恐仍懷疑點。試取西人最新學理以證之。

男女生殖器中。含有兩種性。男子第一性。卽由睪丸產造精液。以道其交媾之目的。女子第一性。自卵巢產出卵珠。以完其受胎之大職。〔費君指生殖腺爲天癸。蓋卽男女第一性。不知尙有第二性。方爲天癸作用之確據也。〕至於第二性。如男有男子之氣概。女有女子之神情。男生鬚。女長乳。男聲低而粗。女聲高而細。以及男女身體構造之不同。兩性發生愛情慾念等皆屬之。但男女之第二性何由而來。蓋男子睪丸除造精外。還有一種內分泌腺。〔此腺卽承受天癸化真炁爲水液者。〕此腺液直接輸入血中。以分布於全體。而發達男子之第二性。如變鬚生鬚是也。〔老年鬚白面焦情慾滅絕。此天癸竭盡無真炁化生第二性腺液故。〕

也。女子卵巢除每月產卵外，更將遺物另行組織之，而成一種黃體。此黃體中含有一種內分泌腺，此腺中黃液即天癸爲真炁所化者。女子十六七歲，生殖腺猶未發動時，取此液注入血中，立即發育，即大癸分泌作用之效也。腺液入血周行全身，於是卽有女子第二性之表現，如長乳等是也。此種男女之內分泌腺，司胆那氏名曰青春腺。此腺必待男子二八女子二七之時，始得發展其作用。〔西人有講長生不老術者，待男女春機發展時，用手術將此腺割去，使天癸不能下注腺中，而生慾念永爲混元不洩之體，雖有精液已冷而無情，此天癸爲男女第二性之鐵案也。〕此卽男女天癸至此始發生作用也。奈西人只據形而下者之科學，以求形質之作用，而不知氣化之由來，所以僅能發明天癸已動之情，而不能探尋天癸未動之性，終不及我國哲學形而上者之謂道。既精且密，蓋由科學進步甚稚，烏待與歧黃並駕齊驅哉。然用以參證中學，未始不善也。今再用人情上實事以證之。

未完

(衛生類)

張稟庵先生存書

續二十九期

恬淡虛無。真氣從之。精神內守。病安從來。素問

道貴長存。補神固根。精氣不散。神守不分。然即神守而雖不去。亦全真。人神不守。

非達至真。至真之要。在乎天玄。神守天息。復入本元。命曰歸宗。素問遺篇

劉溫舒曰。內三寶即神氣精。一失其位。三者皆傷。三者同守。故曰元神也。神如去則死矣。然雖在其體中。而守位者亦非守位而全真也。神不守即光明不足。故要守真而聚神光。乃可以修真。真勿令泄。方為知要。人在母腹。先通天玄之息。是為玄牝。名曰谷神之門。一名胎息之門。人能忘嗜欲。定喜怒。又能所動隨。夫玄牝之息。絕其想念。如在母腹之時。命曰返天息而歸命。迴入寂滅。反太初。還元胎息之道者也。人有諸疾。守位之神。可入玄中之息。而歸命之真。全神之道。可久觀耳。

第三十期 雜通門

三十五

自來腎有久病者。可以寅時面向南。神不亂思。閉氣不息。七徧後。餌舌下津令無數。同上

劉溫舒曰。仙家嚙氣。可以深根固蒂。以子腎受母肺氣也。嚙下氣令腹中鳴至臍下。子氣見母元氣。故曰反本還元也。久餌之。令深根以固蒂也。故嚙氣津者。此名天池之水。可久餌之。資精氣血。滋滌五藏。洗溉玄海。一名離宮之水。一名玉池。一名神水。不可唾之。但可餌之。以補精血。可益元海也。

張景岳曰。此即養氣還精之法。閉氣者。即所以養氣。餌津者。即所以益精也。

按黃庭經曰。華池清水灌靈根。根者腎。水者津也。

肝藏血。血舍魂。脾藏榮。榮舍意。心藏脈。脈舍神。肺藏氣。氣舍魄。腎藏精。精舍志。靈樞生之來謂之精。兩精相搏謂之神。隨神往來者謂之魂。並精而出入者謂之魄。所以任物者謂之心。心有所憶謂之意。意之所存謂之志。因志而存變謂之思。因思而遠慕謂之慮。因慮而處物謂之智。故智者之養生也。必順四時而通寒暑。和喜

怒而安居處。節陰陽而調剛柔。如是則邪僻不至。長生久視。同上

天之在我者德也。地之在我者氣也。同上

兩神相搏。合而成形。常先身生。是謂精。同上

醫 按此即朱真人所謂領取生身受氣初者是也。

學 虛其欲。神將來舍。掃除不潔。神乃留處。管子

思之而不捨。內困外薄。不早為圖。生將巽舍。食莫若無飽。思莫若勿致。節通之齊。

雜 彼將自至。同上

聖人與時變而不化。行物而不移。能正能靜。然後能定。定心在中。耳目聰明。四肢

誌 堅固。可以為精舍。同上

形不正者德不來。中不精者心不治。正形飭德。萬物畢得。翼然自來。神莫知其極。

昭知天下。通乎四極。是故曰無以物亂官。無以官亂心。此之謂內德。同上

凡心之形。自充自盈。自生自成。其所以失之。必以憂樂喜怒欲利。能去憂樂喜怒

欲利。心乃反濟。彼心之情。利安以寧。勿煩勿亂。和乃自成。折折乎如在其側。忽忽乎如將不得。渺渺乎如窮無極。此稽不遠。日用其德。同上

其往不復。其來不舍。謀乎莫聞其音。卒乎乃在其心。冥冥乎不見其形。淫淫乎與

我俱生。不見其形。不聞其聲。而序其成。謂之道。同上

凡道無所。善心安處。心靜氣裡。道乃可止。同上

彼道之情。惡音與聲。修理靜意。道乃可得。同上

按長沙張百靈云。靜坐宜堅木榻。若身體轉動聞響。則傷神。見所著補天髓

敬除其舍。神將自來。精想思之。牢念治之。嚴容畏敬。精將至定。同上

按凡立家皆內思存想。初無真物。迨久久神息凝定。則惟恍惟惚之中。自覺其

中有物矣。精想二句。發盡秘諦。

察和之道。其精不見。其微不醜。平正擅胸。論治在心。此以長壽。忿怒之失度。乃為之圖。節其五欲。去其二凶。不喜不怒。平正擅胸。凡人之生也。必以平正。所以失之。

醫 學 雜 誌

必以喜怒憂思是故止怒莫如詩。去憂莫若樂。節樂莫若禮。守禮莫若敬。守敬莫若靜。內靜外敬。能反其性。性將大定。同上

尹注。二凶過度之喜怒。

按管子此節。精純粹美。本末俱該。兼有備釋之奧。

凡人之生也。必以其歡。憂則失紀。怒則失端。憂悲喜怒。道乃無處。愛慾靜之。遇亂正之。勿引勿推。福將自歸。同上

按聰訓齋語云。人常和悅。則心氣冲而五臟安。昔人所謂養欲喜神。實宜。過百歲。或叩其術。答曰。予鄉村人。無所知。但一生只是喜歡。從不知憂。豈名利中人所能哉。

第三十期 醫述門

四十

又偉人修養錄曰。人生世間。不可一日無樂。無樂則不能生活。然樂可分爲二種。一爲肉體之樂。一爲精神之樂。精神之樂。邵子所謂寤。未嘗憂。快不至醉。收天下春。歸之肝肺。佛氏所謂一切俱空。物來不受。無愛憎。無喜怒。一切平等。得大解脫。乃能得之。若役役於境。總爲肉體。未有能樂者也。

(病理類)

纂輯中西解剖病理

理事 馮百城 輯

中國醫士解剖上之手術

脫疽

續名醫類案云。一芻蕘左足指患一泡。麻木色赤。次日指黑。五日足黑。冷不知疼。痛脈沉細。此脾胃受毒所致。以飛龍奪命丹一服。翌日令割去。足上死黑肉。割後骨始痛可救。遂以十全大補湯治之而愈。蓋黑肉乃毒氣之盛。而拒截營氣所致。况至陰之下。氣血難達。經云風淫末疾。卽此是也。向若攻伐之。則邪氣愈盛。乘虛

醫 學 雜 誌 41

上侵。必不救。

續名醫類案云。海山驕淫無度。強併民居田宅婦女。竟占山東之半。陸宣子者。山東名醫也。有一富室妾。忽足小指間生瘡。狀類細米。瘡頭早白。根如熟棗。臟腑挈挈欲墜。聞平湖名。延之視曰。此粟米瘡也。與人面瘡等。七日毒上升。遍體腐爛。成黑水死矣。君欲生之。當急斷其指。斷之愈。海山亦生是瘡。屬宣子視。宣子仍前言。海山大怒欲殺之。楚人丁維章以外科有名。出入禁內。海山邀之至。告以宣子語。且曰。公視我瘡無恙。吾必殺之。維章熟視曰。殺我可也。何尤宣子。今已過三日。毒上升矣。公欲活也。斷捺尙可。海山瞋目曰。其然。三問應聲如響。海山喟然曰。我命在公矣。顧左右取戣刀。伸足曰。斬。左右戰慄。海怒罵使斬。遂斷一腿。維章手提海山髮。倚柱坐。海山而黃氣絕。維章曰。可速召前醫者。宣子至。視其地。一腿尙自起跳躍。黑血淋漓。命取人參一斤。濃煎灌其口。少頃海山甦。顧其足曰。嗟呼。別足腐已重矣。何辜而別膝。幸公治我。我自今後庶幾可以無後患。因四十九日而右膝

第三十期 醫學門

四十一

毒發復生。人而瘡醫曰不可再活矣。海山不數日死。凡所奪氏家產皆散去。其兄乃乞食如初。

按上二則為脫疽之症。毒氣最盛。肉變黑色。或謂之黑病。醫者以割肉剔足為治。以防其毒上延。採真人云。在指則截。在肉則割。即此意也。又醫案載隔蒜灸亦有效。蓋施之於毒之輕者。並初起時或可耳。

莫枚士研經言下利解書後

名譽理事 張山雷

壽頤按利字。本義原以通利滑利為主。凡靈素所謂下利。固無一非泄利之利。皆今人之所謂泄瀉水瀉也。後乃加以疒旁。製為痢字。玉篇廣韻皆曰瀉也。則其字雖殊。義猶未別。此與濕熱積滯之類。類登圍。欲下而不能暢下者。症情霄壤。在肉經中。一稱利下。一稱腸澼。顯有區別。今王注本素問。雖多作腸澼。而袁爽秋氏新刻海外傳抄之太素尚皆作辟。未有水旁。考定海黃元同。舊鈔太素經校本叙言。謂是日本舊鈔。每卷後署云。仁安二年某月日以同本寫移點校。其時即宋孝宗

之乾道三年。可知舊本留貽。其來有自。壽頤因此悟到腸辟之辟。蓋即變積之義。古人以此命名。正以與滑利泄利之利。分清畛域。吾吳俗語。皆知此病爲積。其義甚古。枚士此篇。謂腸澼下白沫。腸澼下膿血。腸澼下血三種。即今之白積紅積腸紅三者。分晰猶爲近是。然白積紅積之爲病。雖日下數十次。而皆不能爽利。豈莫氏猶未能辨其狀態。顧何以誤認快泄洞泄澼泄三者爲同等之病。此其一通一滯。雖婦人小子皆知其情狀之皎然不侔。惟莫氏乃能比而同之。逞一時之意興。而未深思。乃又引王注素問。謂腸澼爲腸門開闢。以爲澼古作辟。啓玄借讀作闢。信爲通利快利之確証。顧案王注此句。今尙未詳出於何卷。然即使王氏果有此注。亦是不識變積之義。而強作解事。誤認開闢。此公慣於隨意杜撰而不顧其理者。全部素問注中。謬戾鄙陋之處。胡可勝數。啓玄之言。安能徵信。且素問更有心肝澼亦下血一句。假令啓去依腸澼之例爲之注解。亦可云心肝之門開闢耶。此必不能通之說也。〔心肝澼亦下血者。蓋言心肝之氣。有所積滯。則血瘀在絡。乃

有下血之患。此亦當讀爲裝積之變。必不可作開闢解。自宋以後始以痢字認作滯下之病。幾與泄利分道而馳。此乃後人不講字學之過。然今世所見古本醫書。凡言下利尙止作利。猶無痢字。〔據黃氏士禮居所藏宋本許叔微本事方重刻於吳門者。凡下利皆作利。且滯下亦不作痢。則以積滯之腸辟。名爲痢疾。其謬猶在元明以降矣。〕枚士謂今之痢異於古之利。其說甚是。此不可不爲庸俗正其謬者。然謂古之下。咳今之痢。則立說猶嫌未允。要之下字可咳滯下。而泄利字必不可咳腸辟。難經之所大謂寢泄者。則以寢有假物成形之義。是與積滯同意。當卽古之所謂腸辟。亦卽今之所謂下積。所以有名曰後重一句。然難經竟以後重爲五泄之一。置之於自利除中。此與內經自利腸辟分清兩症之例。不相符合。恐後人已有竄改。周秦文字。決不當如是之不辨菽麥。且難經此節全文。頗多可疑。不獨此之一句。頤軒難經箋注。已詳言之。惟仲景書中。乃止言利下之利。而無腸澼之名。但以下重及便膿血二者。以別於爽利之利。此亦讀古人書之所當留

意者不可誤以為一例之下利也。

(診治類)

(診法)

色脈篇續二十九期

理事 楊百城

論經以肝臟之色脈起例。

經云。假令色青。其脈浮濇而短。若大而緩。為相勝。浮大而散。若小而滑。為相生也。此經舉色青為例。以明相勝相生也。青者肝之色。浮濇而短。肺脈也。為金尅木。大而緩。脾脈也。為木尅土。此相勝也。浮大而散。心脈也。為木生火。小而滑。腎脈也。為水生木。此相生也。經以五色當與五脈相應。特舉一以明生尅之候。使人隅反耳。準此例而推演之。赤色見而脈小而滑。腎脈也。為水尅火。浮濇而短。肺脈也。為火尅金。此相勝也。若弦而急。肝脈也。為木生火。大而緩。脾脈也。為火生土。此相生也。白色見而脈浮大而散。心脈也。為火尅金。弦而急。肝脈也。為金尅

第三十期 醫通門

四十五

第三十期 纂述門

四十六

木。此相勝也。若緩而大。脾脈也。為土生金。小而滑。腎脈也。為金生水。此相生也。黑色見而脈緩而大。脾脈也。為土剋水。浮大而散。心脈也。為水剋火。此相勝也。若浮濇而短。肺脈也。為金生水。弦而急。肝脈也。為水生木。此相生也。黃為中土。色而脈弦而急。肝脈也。為木剋土。小而滑。腎脈也。為土剋水。此相勝也。苦浮大而散。心脈也。為火生土。浮濇而短。肺脈也。為土生金。此相生也。經曰。見其色而不得其脈。反得其相勝之脈。則死矣。得其相生之脈。則病已矣。其斯之謂歟。

論肝腎色脈當病之徵候。

經云。肝與腎脈並至。其色蒼赤。當病毀。不見血。已見血。濕若中水也。

此言色與脈反。而詳診病之不同也。試舉一例言之。如肝之脈弦。腎之脈沉。則肝與腎脈並至。宜乎肝之色青。腎之色黑。其二色當並見也。今則見其蒼。不見其黑。而見其赤。赤者。心臟發生之色。象也。心生血。斯有見血之症兆焉。何者。肝脈而見肝色。必曾有悲怒。當病毀傷。然見腎之沉脈。色雖赤而必見血也。若赤

不徒見而已。曾見血。或口有所吐。或傷處亦有所出。則腎脈亦必不徒見。是當病濕。若中水狀也正。以沉脈屬水故耳。否則色與脈反。當無諸經之病。互見於中耶。

脈訣闡微

名公 楊星垣 錄寄
理事

第三篇

鬼真君曰。五臟之病。必以寸關尺爲憑。七腑之症。亦以寸關尺爲據。然不分晰其精微。又何能盡知玄妙。試觀其寸口也。左寸見浮。風熱上越而頭疼。右寸見浮。咽喉中燥而鼻塞。左寸見芤。胸難藏血而嘔吐。右寸見芤。胃多瘀血而痛疼。左寸見滑。熱痰入心而舌強。右寸見滑。熱痰侵肺而皮折。左寸見實。火焚心而面赤。右寸見實。火生胃而唾乾。左寸見弦。風入體必多頭痛。右寸見弦。風入腸定有筋變。左寸見緊。邪盛而心痛。右寸見緊。氣嗽而肺傷。左寸見洪。心胸起熱悶之燒。右寸見洪。頭腦生炎蒸之楚。左寸見微。心寒而虛弱何辭。右寸見微。氣冷而崩陷難免。左

第三十期 彙流門

四十七

第三十期 醫通門

四十八

寸見沉。心君失相火之助。右寸見沉。肺金召寒氣之侵。左寸見瀉。心脈火鬱而未舒。右寸見瀉。肺金鬱而莫達。左寸見遲。膈中虛乏而難以衛心。右寸見遲。上焦損傷而難以生氣。氣匿于脇間。右寸見伏。氣積於腕內。左寸見濡。膀胱水蓄而不消。右寸見濡。皮毛汗泄而未止。右寸見乳。無血以養心。右寸見弱。乏氣以生胃。左寸見大。心經血燥而怔忡。右寸見大。肺經血乾而閉結。左寸見小。驚悸時生。右寸見小。怯弱日甚。左寸見虛。心中恍惚。右寸見虛。胃內衰微。左寸見細。運行乏力。右寸見細。言語無神。左寸見微。包絡有寒邪之入。右寸見微。胸腕有陰風之招。左寸見急。心疼不免。右寸見急。喉痛安辭。左寸見短。三焦之氣自怯。右寸見短。再宿之食難消。左寸見代。心痛則右寸見代。痰寒則左寸見結。邪搏于心包。右寸見結。邪蟠于胃腕。左寸見促。積聚有煩悶之苦。右寸見促。留滯與痞滿之憂。左寸見革。心氣散漫而不收。右寸見革。肺氣飛越而不返。左寸見動。歡娛姪子之祥。右寸見動。飲食傷氣之兆。左寸見毛。心火動而將刑肺金。右寸見毛。肺火起而將尅肝木。左

醫 學 雜 誌

寸見鈎。心氣安而夢魂適。右寸見鈎。肺氣肅而膀胱通。左寸見堅。邪犯心而呼號。右寸見堅。邪侵肺而咳嗽。左寸見燥。無血養神。右寸見燥。無精定魄。左寸見搏。火太過而焚心。右寸見搏。火太過而燦肺。左寸見石。陰寒直搗于膻中。右寸見石。冷氣逼居于腕內。左寸見散。心有無可奈何之象。右寸見散。肺有但出無入之悲。○試觀其關中也。左關見浮。肝犯風而眼赤。右關見浮。胃入風而渴生。左關見乳。必肝傷而失血。右關見乳。必腸毒而便膿。左關見滑。頭目踵痛堪嗟。右關見滑。脾胃熱焚甚苦。左關見質。痰癖可徵。右關見質。心腹多痛。左關見弦。肝旺生風。右關見弦。脾崩不食。左關見緊。筋脈急拘。右關見緊。嘈雜嘔吐。左關見洪。眼目生花。右關見洪。心腹結痛。左關見沉。必陰寒之癖積。右關見沉。定冷氣之難安。左關見瀉。風邪寒閉。因氣鬱而有餘。右關見瀉。飲食傷殘。實血虛之不足。左關見遲。兩脇多寒。右關見遲。中焦微冷。左關見伏。關格收藏。右關見伏。霍亂吐瀉。左關見濡。瘴疰將成。右關見濡。水臌可畏。左關見弱。筋痿宜防。右關見弱。氣短須補。左關見數。肝

第三十期 醫道行

四十九

醫

學

雜

誌

火盛而目紅。右關見數。胃火旺而口渴。左關見大。怒氣傷肝。右關見大。狂陽傷胃。左關見小。肝胆氣衰。右關見小。脾胃血少。左關見虛。必益其血。右關見虛。須補其津。左關見微。溫其下元之憊。右關見微。煖其氣滯之寒。左關見細。虛脚膝之痠。右關見細。恐肚腹之瀉。左關見急。肝病而不能眠。右關見急。脾傷而自難臥。左關見代。肝絕而痛則無妨。右關見代。肝絕而安則無救。左關見結。胸滿而痰結于中。右關見結。脾傷而滯氣于下。左關見促。肝無腎水之滋。右關見促。脾無腎水之養。左關見革。氣脫于木旺之時。右關見革。氣脫于土崩之候。左關見動。兩脇有氣痛之愁。右關見動。中焦有火焚之懼。左關見毛。肝木旺而生風。右關見毛。胃土盛而動火。左關見軟。無病之人。右關見軟。加餐之客。左關見鈎。肝血之足。右關見鈎。肺氣之安。左關見靜。優遊享無事之福。右關見靜。舒暢享強食之愉。左關見石。筋得寒而拘攣。右關見石。胃因冷而泄瀉。左關見堅。邪必留戀于經絡。右關見堅。邪必會聚于臟腑。左關見燥。必苦血乾而多恐。右關見燥。必苦液涸而善嘔。左關見搏。防

61

誌

雜

學

醫

太盛之中風。右關見搏。虛過旺之狂病。左關見散。筋弛而不能收。右關見散。肢解而不可舉。○試觀其尺下也。浮見尺左。水虧而雙耳齊聾。浮見尺右。火旺而大腸自秘。芤見尺左。小遺多濃血之災。芤見尺右。大便下赤紅之歎。滑見尺左。水入腰而作楚。滑見尺右。痰流足以成痺。實見尺左。膀胱水蓄而不通。實見尺右。溺瀝火澁而難出。弦見尺左。小腹重滯生疼。弦見尺右。腎臟風邪作耗。緊見尺左。耳似彈鳴。緊見尺右。臍同虫蛟。洪見尺左。水熬乾而消渴。洪見尺右。火炎上而夢遺。微見尺左。盜汗淋漓。微見尺右。腸鳴泄瀉。沉見尺左。精冷如冰。沉見尺右。腰寒若水。瀉見尺左。陰寒疝結。瀉見尺右。逆冷腸崩。遲見尺左。下焦寒冷。遲見尺右。小腹陰凝。伏見尺左。陽氣不升。伏見尺右。陰氣更閉。濡見尺左。寒濕浸骨。濡見尺右。冷痿中腰。弱見尺左。雙足骨痠。弱見尺右。兩腿氣乏。大見尺左。腎涸於遺精。大見尺右。命殘于斷喪。小見尺左。水耗無多。小見尺右。火衰不旺。虛見尺左。心腎不交。虛見尺右。水火皆乏。微見尺左。冷入關元。微見尺右。寒通腹裏。細見尺左。體冷脛枯。細見

第三十期 醫通門

五十一

尺右。命寒精洩。數見尺左。水少而火沸爲痰。數見尺右。火炎而水隨作喘。急見尺左。痛入陰丸。急見尺右。疼添小腹。短見尺左。自無延齡之福。短見尺右。定含怯戰之羞。代見尺左。精敗欲絕。代見尺右。火燎將亡。結見尺左。邪襲水而不散。結見尺右。邪乘火而不離。促見尺左。髓耗而足難行步。促見尺右。火衰而氣不通心。革見尺左。玉關不閉。革見尺右。河車俱焚。動見尺左。定然魂夢多遺。動見尺右。定然陽強不倒。毛見尺左。精耗而龍火將興。毛見尺右。焰騰而命門自熱。軟見尺左。腎弱相宜。軟見尺右。火衰當助。鈎見尺左。陰平之士。鈎見尺右。陽秘之徒。靜見尺左。閉關可信。靜見尺右。守真無疑。石見尺左。精無傾失之慨。石見尺右。陽有退藏之慶。堅見尺左。邪入于骨體。堅見尺右。邪居于腰膝。躁見尺左。腎難上交于心。躁見尺右。陽且高越于高。搏見尺左。膀胱越熱閉之淋。搏見尺右。咽喉長瘡蛾之腫。散見尺左。腎水欲絕于須臾。散見尺右。元陽將逃于頃刻。此皆六部之端主。亦即各脈之旁通。然而各脈之中。緩急爲要。六部之內。長脈爲宗。脈長而命根深。脈緩而胃

氣在。故上中下必取其緩。而寸關見必尙其長也。

(治法)

前篇所錄。係關於治療法之種類。此篇所錄。係關於治療法之條目。治療法之網要有二。一鑑別病之虛實。一審定藥之宜忌。昔繆氏仲淳會創爲治病序例。由吳世鎧纂輯成之。葉天士得此。視爲枕中鴻寶。斯誠足爲治療家之規律焉。爰錄出之以貢瀏覽。編輯者識

治病序例

陰陽表裏虛實門

陽虛卽真氣虛。其證惡寒。或發熱。自汗。汗多亡陽。陽虛不發熱。單惡寒者居多。

〔忌〕破氣。降泄。利水。苦寒。又忌辛熱發散。如青皮枳殼厚朴牽牛

檳榔已上破氣大黃石膏山梔知母天冬生地黃括樓已上降泄澤瀉木通瞿麥柏根皮

漢防已葶藶豬苓滑石海金沙商陸已上利水黃芩黃連黃蘗元參槐花已上苦寒芍藥

第三十期 醫述門

五十三

烏梅酸。已上 吳茱萸苦。辛。溫。已上 羌活辛。溫。已上 獨活辛。溫。已上 秦艽辛。溫。已上 桑寄生甘。平。已上 杜仲甘。平。已上 續斷苦。溫。已上 骨膠甘。平。已上 鹿角膠甘。平。已上 龜板膠甘。平。已上 虎骨膠甘。平。已上 狗骨膠甘。平。已上 羊骨膠甘。平。已上 狗脊苦。溫。已上 狗寶甘。平。已上 狗寶甘。平。已上 狗寶甘。平。已上

〔宜〕補 甘 溫 熱 知人參黃耆等藥不與官草官膠同用鹿角膠溫經散

補骨脂巴戟天肉桂附子仙茅鹿茸火靈智陽透石羊肉從肉之類。

陰、腫、即、精、血、虛。其說為欬嗽、多痰、吐血、咯血、鼻衄、齒齦、盜汗、自汗、發熱、寒熱、

潮熱、骨乏、無力、不眠、氣急、腰背痛。

〔忌〕補氣 復忌破氣 燥熱辛溫 又忌大寒大苦傷胃 并升提發散利

水。如人參黃耆曰朮茅朮人胞已上 南星半夏附子官桂桂枝仙茅鹿茸乾

薑硫黃陽起石海狗腎丁香胡椒烏頭火酒吳茱萸烏藥生薑已上 山柰黃

芩黃連大黃芒硝元明粉已上 大黃已上 厚朴已上 麻黃升麻柴胡羌活獨活藟本川芎防風

已上 升 提發散 破氣利水藥見前。

〔宜〕生精補血兼清虛熱 欽攝。 酸寒。 甘寒。 甘平。 鹹寒。 畧兼苦寒。

如地黃柏子仁人乳沙苑蒺藜枸杞子牛膝麋角膠阿膠沙參酸棗仁白芍五

味子山茱萸石斛麥冬山藥丹皮續斷地骨皮車前子溺白堊鼈甲黃蘗知母
青蒿之類
未完

(治療各稿)

治傷寒營氣虛弱証

佚名

前在中州有病傷寒者。外則頭痛發熱。心煩。口渴。舌之下牽強。大便秘結。不能食。數日矣。診得六脈浮數。然皆無力。尺部以下。弱兼遲象。細審之下。却係麻黃証。但尺之下遲而弱。似不宜遽用麻黃湯。蓋邪之得人於人也。大抵因虛所致。仲景有云。尺中遲者。營氣不足。水可驟以汗之。况大腸之脈散於舌本下。舌之下牽強。大便結。此為大腸血虛風熱之所致也。遂用建中湯。加以黃芪當歸。試與服之。越日其脈仍未有進。病家均主以汗藥為請。意且堅。未應其請。仍以建中調營。如是者三日。尺部之脈漸為應手。始以麻黃湯連進二貼。服後稍現狂形。其家方驚恐。而須臾即定。畧安睡片時。汗已得矣。信乎調治傷寒。其要着先明表裏虛實四者再

第三十期 雜論

五十五

審以時日大法備矣。如不講次第。漫以取效快一時。則五臟隱受其損。雖未必促其壽限。而精神意氣之間。真氣不克復元矣。曷云快哉。何以言之。仲景三百九十七法。均不外表裏虛實。麻黃湯之類。為表實而設也。桂枝湯之類。為裏虛而設也。承氣等湯。裏實之謂。四逆等湯。裏虛之謂。所云陽盛陰虛。表裏俱實者。下之則愈。所謂陽虛陰盛。表裏俱虛者。汗之則愈。此大概治傷寒之情形也。又有所謂急下急汗之病。有未可以時日計之者。此則吾人尤當研究之。

通外竅而利內竅

附少昂

名醫會員 陳蓮峰錄寄

正合成王塗者。冬月外感風寒。少有痛苦。堅不服藥。久之邪亦漸解。頭眩身痛之證悉除矣。詎三旬餘。忽小便不利。小腹暴脹。塗性本慳吝。自覓車前草搗汁沖服。服後點滴毫無。始急而求醫。醫以八正散。猪苓湯之類與之。如石投井。就商於余。據詢其遠因及近狀。始悉外邪塞皮腠。肺主皮毛。金為生水之源。不通。肺氣水道無由宣達也。因以麻黃二錢。杏仁二錢。桑皮錢半與之。次日即已通利矣。此亦開

醫

學

雜

錄

57

鬼門而利小便之一法也。按太陽為寒水之經。冬月冒邪。正傷寒之本病。雖持不藥之戒。然外證雖退。寒邪已內伏膀胱。而為閉矣。蓋亦膀胱氣結之證也。宜辛溫法。以麻黃湯加桑皮。為導邪達表水從汗化。是宣肺金外達。提膀胱之水而熱化。此正治之妙諦也。

伏氣春溫之治療法

名譽會員 沈仲圭

余前艸「春溫之病源」〔中醫雜誌十四冊〕謂伏氣之春溫與暴感之春溫。病源各別。蓋伏氣之春溫。由冬受寒邪。蘊伏少陰。歷久化熱。值春陽上升之際。或隨陽氣外出。或由新邪引動。其病自內出外。暴感之春溫。乃溫邪客於皮毛。內應肺金。其病自外入內。源既不侔。治乃迥異。暴感春溫之證。治。香岩先生言之綦詳。學者按法施治。已能得心應手。若夫伏氣發為溫病。見身熱口渴。骨節煩疼。少汗不惡風之裏證。而無形寒。頭痛脈浮滑。舌薄白之表象。是故治法宜以清熱益陰為旨。不得仍襲葉氏辛涼解表之套法。柳寶貽主以黃芩湯加元參豆豉。〔黃芩湯清

第三十期 專論門

五十七

泄內熱。元參滋補腎陰。豆豉宣發伏邪。一洵屬藥症相對。惟外感重者。宜加宣發之品。或先祛感邪。繼清內熱。陰分虧者。常用滋腎之味。以托邪外出。此初步治法也。若欲詳知病機。曲應變化。宜將溫熱逢源下卷細加玩味。蓋本書詳論伏氣與「溫熱論治」之發明。暴感相為表裏。不容偏廢。然葉氏之書。經章虛谷王夢隱諸賢之表彰。久已不脛而走。柳氏之逢源。知者極鮮。設非裘君採入三三醫書。不且為廣陵散耶。信夫著述之流播。誠有幸與不幸也。

熱嘔治驗

嘔說文氣隔也。玉諸逆氣也。辭源氣逆而口發聲也。定即俗語所謂吃忒耳。

前人

醇工某役於李氏翹院。與翹生為緣。乙丑桂秋中。忽病嘔。呃呃連聲。數日不已。來寓求治。按其脉右手沈數。察其苔舌心黃色。詢其症食後呃甚。午後身有寒熱。脈症相參。斷為熱嘔。為擬竹茹二錢。橘皮一錢。法半夏二錢。白茯苓四錢。小川連六分。生赭石五錢。柿蒂一錢。以清火降逆。蓋仿橘皮竹茹湯意。去參。加苓連。赭石。柿蒂。四味耳。閱日來謝云。先生之方真靈驗哉。一劑服完。呃逆遂止。吾恐其復

發。因再啜一劑以刈根株。按噦有虛實寒熱之殊。內經僅有外治古方。單用柿蒂。濟生加丁香生薑。後人宗之。凡見 呃逆。必用柿丁。究之柿性寒澀。伍藥得宜。猶可。施於熱噦。若丁香之辛燥暖胃。斷不可雜入也。

濕溫似瘧治愈

名醫 劉蔚楚

梁卣銘幣於案牘。赴友人宴歸。不三日遂病。余往診。時在初秋。病人臥床。頭重不能舉。渴不欲飲。乍寒乍熱。有微汗。頻作吐。大便溏。舌苔黃白相兼。脈弦滑。余曰。此濕溫。非瘧也。王士雄論濕溫。引薛生白說。此病中氣實則在陽明。中氣虛則在太陰。邪在二經之表。多兼少陽三焦。邪在二經之裏。每兼厥陰風木。病先因食滯。加以奔走公事。外感於風。論濕病。或雨霧濛襲。或地氣蒸騰。本有由外而受者。在有。不盡由於外受者。胃滯而水穀不能盡化。留即成濕。現外受風熱。與內濕相引。肺胃不和。故頻欲作吐。濕下溜。故大便溏。濕熱交蒸。故舌苔黃白。濕內留。故渴不欲飲。胆胃同處胸膈中部。運化功用。相需而成。故中氣滯。而少陽經氣。亦不能條達。

第三十期 醫雜

五十九

第三十期 專述門

六十

自如。鬱甚而上逆。乘之以風。故頭重如石也。似瘧非瘧。宜疏風兼肅達陽。明少陽之閉鬱。以甘露消毒丹改作湯劑。滑石綿茵陳各四錢。藿香梗射干連苔木通各錢半。石菖蒲范志神麴各一錢。白蔻仁薄荷各七分。去苓貝加法夏三錢。白芷厚朴各錢半。佩蘭葉二錢。又軟柴胡三錢。知母二錢。以疏運陽明少陽。服一劑病減。次日能起坐於床。乃以舊稻穀三錢易神麴。第三劑去軟柴胡白芷。加竹茹二錢。大腹皮三錢。甘艸三分。芒菓核二枚。金釵斛苡仁各三錢。荷梗五寸。西瓜翠衣錢半等。服下至第三日。能會余於客座。至第四五日能會余公所。至六日便不用服藥。告余曰。公事正忙。經中西藥未愈。阻擱月餘。幸公愈之甚速也。但當時有疑用柴胡升動少陽。雖愈必發喉症者。余知其過泥於溫熱禁例。因辨明柴胡有三。北柴胡形似老樹根。轉樞直升。軟柴胡形似竹葉。亦入陽明少陽二經。而性止輕揚。配知母治似瘧非瘧甚效。銀州柴胡形似黨參片。清降近於石斛。不過微有疏性耳。君愈幸他患。論者始喟然無疑。

腦漏證治愈

名譽會員 錢文廣

萬春向年近四旬。秉賦素弱。數年前曾患頭痛。時發時止。茲因喪子憂慮過度。舊恙復作。連痛三日。頭部腫大。延醫診治。有云胃火上衝。施以苦寒者。有云肝風上眩。施以香燥者。藥餌雜投。其腫雖消而痛轉劇。腦遂因之以漏矣。余診之時。頭痛喜按。面額色赤。日珠昏翳。四肢厥逆。鼻流白濁。其味腥臭。咽乾口燥。熱飲不多。穀食鮮進。小便短赤。大便自調。牙齒半開。午前稍減。午後則劇。六脈弦滑而浮。舌苔膩厚而燥。綜病因脈象度之。蓋素患頭痛之人。多清陽不濟。濁陰上干。其腦必虛。加之抑鬱。則心氣不暢。心氣不暢則脾氣不舒。脾氣不舒則精華不佈。血液不生。而肝木失養。復感外邪。觸動厥陰。經云厥陰主風木。其經上達巔頂。夫厥陰之中。見卽是少陽。邪中厥陰。從少陽火化。則風火相招。風因火勢。火借風威。風又善行空竅。上干腦海。故有以上見証。醫者不溯病源。而徒以苦寒香燥治之。不知苦寒化陽。香燥竭陰。宜其無濟也。夫頭痛喜按。面額色赤。四肢厥逆者。虛陽上泛之徵。

第三十期 醫述門

六十一

也。咽乾口燥。熱飲不多。小便短赤者。陰液消耗之徵也。脈弦滑而浮。苔膩厚而燥者。風邪未解之徵也。牙齒半開者。陽明經虛也。早輕晚重者。陽虛得旺而解也。治宜鎮納浮陽。填竅熄風。扶土抑肝。而症自愈。方用當歸五錢。白芍三錢。養肝。於朮三錢。扶土。赤白石脂。寒水石。紫石英。等各一兩。取石藥之潛。以堵其肝風上衝之路。龍骨牡蠣各一兩。取其潛藏。以收斂其浮越之陽。佐附子二錢。以直達命門。乾薑二錢。從中以接之。葱白三根。上達巔頂。領諸藥達于至高之地。而下入於至陰。尤取鹿茸三分。純陽之物。以固其腦。加甘草一錢。以緩其中。斯即風引湯加白通之意也。原方進二劑。已有轉機。復診去葱白。加潞黨三錢。又進五帖。其恙霍然。乃改用人棧養營湯數帖。以善其後。

氣虛呃症厥逆治驗

名 理 事 胡天宗

汪國雄君之夫人孫氏。年三旬有七。昔因產後月事漸枯。經斷數年矣。歷年常發呃氣。今夏因翁病故。侍奉憂勞。呃發醫治。變為嘔逆昏厥。不飲不語。體僵昏迷。脈

虛沉微。周身肌冷如冰。間或仰臥。嘔水。雙目無光。兩手蠕動。循衣。狀若寢屍。診畢。索視前數醫方案。所服皆一派辛溫燥烈。攻破消導之劑。陰虛之體。陽火亢極。消導過甚。陰氣愈消。宗氣下陷。而成虛象。痰熱壅塞。而成昏厥。蓋胃與二腸上下相連。胃之上口曰賁門。下口曰幽門。二腸分別處曰闕門。下極曰魄門。燥熱隨氣上升。無處不到。斯時痰濁凝滯。腸胃充滿。門路壅塞。三焦之氣。不得流行。以致病險若此。且々堪虞。殊難著手。重以注君力請。遂書案云。月事幾載弗潮。固知心脾氣鬱。肝木不舒。呃逆常興。今發更劇。腎水既虧。木燥侮土。衝氣上升。而爲呃逆。侍奉勞倦。悲泣神傷。大耗肺氣。內經曰。勞則氣耗。悲則氣消。今宗氣下陷。胸悶不舒。服藥辛溫。降消尅伐。素尚平人氣象。謂曰。胃之大絡名虛里。大氣爲生命之宗。主貫膈絡肺於胸中。原屬上焦陽氣。下陷立變凶危。如是心無所主。不能上達於膈。則人事昏沉。大氣不潮於舌本。則舌乾唇燥。齒噤不語。氣陷不能宣佈於營衛。則膚冷如冰。氣虛燥甚。木無所制。反致侮土作嘔。經云。諸逆沖上。皆屬於熱。瞳神無光。

視不見影。經謂氣脫者目不鳴。眼瞤尤多。火灼脾土。重按脈虛沉微。氣耗元神頹敗。當仿時賢張氏衷中參西錄。有升陷湯之議。急圖提氣。參以抑木平嘔。和中益土。主治肌滯。再商加減。并着另煎別直。冬濃汁灌之。方用台參。黨。斛。赭。石。各一兩。土炒。祁。木。野。茯。神。川。貝。母。清。半。夏。六。月。雪。各。三。錢。山。萸。肉。杭。白。芍。白。扁。豆。各。四。錢。柴。胡。桔。梗。鷄。內。金。各。二。錢。黃。土。地。漿。水。煎。藥。令。先。煎。好。頭。渣。用。小。茶。匙。徐。徐。滴。入。緩緩下行。多進恐嘔不及。反致氣塞也。藥灌後。夜暮轉溫。二煎灌入。嘔定。脚能屈伸。身能轉側。黎明開口。語言清白。次日復診脈起。狂舟挽轉。危症轉機。二診書案曰。昨視症情。勉爲立案。斷爲宗氣下陷。元神將塌。有下脫氣竭之險。故議別直台參。培元固脫。蠶斛養液生津。祁朮止嘔益脾。扁豆升清降濁。赭石白芍斂肝鎮衝。生血。半夏川貝化痰宣竅清心。加以萸肉溫腎救脫。茯神月雪鷄純安神調氣清熱。柴枯載藥上升。地漿水止嘔和中。服後頗中病機。神清嘔定脈起。脾肺腎三經有來復之象。惟視目光無神。腎陰氣弱。原方加熟地四錢。肉桂烏附各三分。同煎。

醫

溫泉上承。仍用地漿水煎藥。着服兩帖。再覘病之進退。服後神氣大振。納食漸增。人能坐起。三次赴診書案云。輕按脈象和平。搏指有力。氣機和洽。可無反變之虞。乘此調和營衛。重議癸水問題。况年餘三旬。月事久斷。緣由心肝脾之氣鬱結。內經云癸水出於腎。癸干所化。是至陰之精。而有至陽之氣。故色赤似血。名曰癸水。

學

即天乙生水地六成之。若心肝脾有一經之鬱。則地道閉塞而天癸不通。素問曰。亢則害承乃制。當舒心肝脾之氣。則地脈融和。升降轉還。地氣自得潤澤。再擬乙

雜

癸同源主治。必冀重見紅潮。原方加減連診七次。不越補中六君歸脾範圍而收效果。初治此症。如埋亂絲。但實火宜瀉虛火宜補。辨別分清。庶無差誤。如斯險症。

誌

又非大劑不可挽回。叮嚀徐徐進藥。最為緊要關鍵。倘以滿盪灌之。則危矣。

(藥物類)

早服金鷄納霜之害

名醫 楊志一

金鷄納霜為今日普通治瘧之藥品。其發明之歷史。極有研究之價值。當十七世

第三十期 醫藥門

六十五

紀（即明末時）有印度人某患熱病。渴甚不得水。見樹下水溜中有水。強飲之。無何體暢神怡霍然而愈。後患者聞之皆踵至就飲。病亦愈。於是詫為神水。西人究其故。知此水能治熱病。必與樹有關係。迺採其皮。沸煎而分析之。得發明金鷄那霜藥品。惟其治療。有藥到病除之能。故為一般人士所樂用。然服之太早。往往流弊百出。如某病家患瘧疾。寒熱往來。口苦胸悶。本就中醫某氏診治。以見效太緩。乃購服金鷄納霜急截之。果一服大見效驗。再服其病若失。家人歡欣拜為妙藥。奈何未逾旬日。腹部漸漸作脹。日甚一日。上氣喘急。竟致不起。嗚呼妙藥固可活人。誤用反足殺人。蓋瘧之為疾。因痰濕之邪阻于少陽之經。治法宜宣利。不宜截遏。今痰濕未盡去。早用金鷄納霜之截遏。痰濕無所從出。充滿于腹中。故雖見感于暫時。終必作脹而殆也。余因得而斷之曰。斯藥用於痰濕盡去之後。以收全功則可。用於痰濕未盡之前。以事截遏則不可。

甘草宜重用說

名醫 沈仲圭

甘草味甘氣平。中黃皮赤。甘者脾之味。黃者脾之色。赤者心之色。故爲心脾二經之藥。脾爲後天之本。甘乃土吐之正。故能培補脾土。而他藏府咸蒙其利焉。又能瀉心藏之火。解百藥之毒。而爲瘍科重要之藥品。惟性極和平。少量難見功效。吳鞠通曰。甘草之性最爲和平。有國老之稱。坐鎮有餘。施爲不足。設不假之以重權。烏能爲功。故愚意一次常量必須二錢。恒見醫生所用祇數分耳。盃水車薪。奚濟於事。或畏其味甘。甘令人滿。不敢多用者。吾謂功用所在。正因其甘。獲益蒙害亦視用之者何如耳。豈得歸咎於甘艸耶。矧甘草與茯苓并用。微特不資滿。反能瀉滿。此陶隱居所以謂其有健脾除滿之能也。

蚌殼粉治胃痛之研究

名 會
員 黃國材

自來慢性胃神經痛及慢性腸神經痛。均無根治之法。惟以麻醉劑。僅能遏止一時耳。愚曾診治多人。能受溫補者。按症調治。亦能吉痊。然間有復發者。必二三年後。因體質衰弱而然。若不受溫補者。雖如法調治。僅愈於一時。難免復發。近見患

是症者。往往以蚌殼燒灰服之。立可止痛。然初不解其理由。及查牡蠣成分。為碳酸石灰。能中和鹽酸。則知蚌為牡蠣類。其成分自相同。嗣有是病者。命服牡蠣。亦收同一之效。可見患是病者。為鹽酸過多症。又見患是病者。服重碳酸曹達亦驗。蓋以其善解酸汁及胃中粘液。蚌亦有此性。是以見效。山是以觀。蚌灰可代重碳酸曹達之用。可無疑義矣。

(方劑類)

莫枚士研經言桂枝加芍約生薑人參新加湯解書

後

名張山雷

壽頤案聊攝之解人參新加湯症云。汗後身痛。表邪未盡。所以仍用桂枝湯方。以解未盡之邪。惟脈沉遲。則為榮血不足。故加芍藥生薑人參。以益不足之血。其說以桂枝湯本方。與新加之三物。分作兩而主治。貌視之似乎無甚悖謬。惟以太陽病例詳釋其旨。邪果在表未盡。脈當仍見浮緊。而身猶疼痛。則為表症確據。今在

得汗之後。脈之浮者轉而爲沉。緊者轉而爲遲。可知表症已解。是成氏所說。殊有未允。故成又自謂脈沉。遲爲榮血不足。且引仲景書中。其脈沉者榮氣微也。及遲者榮氣不足血少故也兩條。以証此之身痛爲汗後血液受傷。則聊攝意中。亦知此症不當仍用桂枝解肌之法。豈不與前一說自相矛盾。枚士此論。獨以身痛屬之血痺。惟其汗後津傷。血液失所榮養。以致周流遲滯。而身爲之痛。不當復與表症之身痛。渾作一例。其用桂枝原方而加重芍藥。既以滋助陰液。卽能監制桂枝之辛。使不走散。而桂枝生薑。且皆爲和血之用。方見得脈症藥物。溶治一鑪。絕無扞格。并可見桂枝元方一經點染。則止以調和榮衛。而與元方之解肌作用。毫不相涉。說理極爲精析。能令藥物分量。一一顯出切實效用。絲絲入筭。是爲解釋藥劑學之無等等咒。凡欲研究古人方劑。固不可不具有此精銳之目光也。仲師本論。此條之脈沉遲。各本無異。而枚士此篇乃作沉細。未詳所本。俟更考之。

莫枚士研經言天雄散解書後

前人

第三十期 醫道門

六十九

壽頤按同是一病。而古今病情。甚至有寒熱兩得其反者。讀唐人以上醫書。此類不一。而其最爲明顯易知者。尤莫如虛損勞瘵一門。古之虛勞多屬虛寒。金匱病源千金外台。同爲一例。用藥多生溫熱。而今之虛勞。則孰不知是陰虛生熱。此非獨時世變遷。民病亦爲之遞嬗。蓋古者地廣人稀。肅殺之氣較盛。抑且古之醫家。皆非南人。宜乎所見所聞。與今之大江以南。不可同日語也。仲師金匱。以桂枝湯加龍牡治淫夢失精。而天雄散又以天雄爲主藥。此必不可與今之相火不藏。肝腎無攝納之權者相提並論。枚士斷爲陽虛失精之祖方。誠是確論。又以病源所引之經文一條。謂王氏外台。卽以天雄散方係於其下。皆其讀書之得間處。惟以夢遺爲因於風邪。故用桂枝。則於古無徵。抑亦於今不信。蓋拘泥本論桂枝之主治太陽中風耳。此則枚士之奇悟。殊不可訓。存而不論可也。

醫 學 雜 誌 71

醫案門

中醫關於化學病因上之治療案

理事 趙君 空 輯

砒毒

醫牘云。秋燈叢話載萊郡劉某。遇僧授海上方多効。其解砒毒。尤為神驗。戚某屢求不與。啣之。乃置酒延劉。食畢。扃其戶。謂曰。爾已中砒毒矣。速語我方。為爾療。劉不信。頃覺腹中潰動。乃曰。何惡作劇如是。可疾取白礬三錢。來。戚如言取至。調水飲之。立解。因惡其吝也。榜其方於通衢。享和中東都木挽街有醫西良菴製。截瘡丸。子入砒者。盛裝携出而行醫百餘里外。數十日後歸家。搬移之際。丸子滾轉。雜於煙中。西不知之。一日解裝出煙飲之。忽覺口中異常。妻及兒子亦飲之。復然。少選三人心腹大痛。苦楚不可名。因開煙檢之。見有丸子。大駭。急服解毒藥數種。並無寸效。遽呼鄰家仙臺醫官永井元菴而議之。元菴無計可出。偶記叢話用白礬。

第三十冊 醫案門

七十一

72

第三十期 醫藥門

七十二

事。如法用之。三人便云。藥下。胸頓覺。心腹一。道開。豁矣。竟得救三人之命。予親聞之。永井氏。實神驗方也。時輯救急選方。因收其方。嗚呼。為醫者。小說雜記。亦安可不寓目哉。

醫 學 雜 誌

通訊門

全國教育聯會議決請教育部明定中醫課程並列入

醫學校規程案

理由 查我國醫學已歷數千年。人類繁殖。為世界魁。未始非此項醫學所維持。前此日本亦宗中醫。謂之漢醫。近日本市政廳長尾藻城氏。著和漢醫學與科學的研究云。明治維新時。改用西醫。將我邦古來醫家所研究之多數成績。全然截斷。此偉大之損失。千古恨事。倘將和漢醫藥。安於科學之上。而為科學的研究。則其所獲。必有出人意外者。夫日本之於中醫。以言語文字之隔。且不過間接國粹。乃當今西醫昌明。佔世界第二位置時。而由後溯前。尚不勝其追悔慨歎。况我固有國粹。經千年之研究。而可忍與淪胥乎。學校根本培養。誠要圖矣。此中醫應加醫學規程之理由一。今西醫行。而信仰中醫

第三十期 通訊門

七十三

第三十期 通訊門

七十四

者仍不稍減。蓋以中西氣候習慣體質之不同。而治療優劣得失因之各異。我國地大民衆。人殊秉賦。正宜集聰穎之學子。彙歷代之著作。從事整理。精密研求。使中醫成爲有系統之科學。蔚爲專科。用資闡揚。此中醫應加醫學規程之理由二。查我國富有天產藥品。百倍泰西。全國商民之業業者。何止億萬。而每年貿銷價值。更不可以數計。倘中醫以科學方法研究之。而日加發皇。則中藥之效用。自亦因科學方法之研究。而日有進步。增不可數計之財源。關係國富。實非淺鮮。方今我國貧弱已極。愛國之士。無論朝野。莫不日維持國貨。維持國貨。獨於醫藥之大宗國貨。而可拋棄乎。此中醫加入醫學規程之理由三。查教育部學校課程。有西醫而無中醫。致令辦此項學校者。無矩矱可遵。入此項學校者。無學位可望。是不啻以法律限制學術。爲自滅文化之政策。故欲振興中醫。非辦學校不可。欲辦學校。非明定課程。列入學校規程不可。茲擬辦法如左。

〔辦法〕(一)陳請教育部聘請中醫專家。議定中醫學科課程。

(二)醫學校內。應設中醫一科。遇需要時。亦得設立單科中醫學校。

右項議決案係浙鄂兩省教育會代表鄭以貞姚兆貞根據鄂浙兩醫校之提案。用折衷方法整理修正。

徐相宸君上教育部力爭國醫加入學校系統電

乙丑年冬

山西中醫改進研究會上海神州醫學總會各省神州醫藥分會中華醫藥聯合會江蘇全省中醫聯合會浙江中醫專門學校杭州三三醫報社紹興醫報社南通醫學專門學校奉天醫士公會暨全國中華醫藥團體同志均鑒。頃上北京教育部力爭國醫加入學校系統快郵代電一書。文曰。北京教育部鈞鑒。吾國方以生活不平。政治不平。釀成相殺無己之慘局。若更益以學術不平。治絲已棼。吾民尙有瞧類乎。國學何負於吾人。吾人實自負國學。欲加之罪。何患無辭。使衰衰諸公。有病而盡爲中藥所誤乎。吾國醫甘受其淘汰。若猶未也。不如中西並存。使之

第三十期 通訊門

七十五

雙方競爭。而學術互有進步之爲愈矣。國醫未必劣。西醫未必優。與其爲學理之強辯。無甯爲事實之證明。中山之病。無川手術之必要。而西醫遽用手術。卒至不起。已至絕地。而委諸吾國醫。吾國醫之能者。斷爲不治而謝絕之。相宸遠在數千里外。僅據報紙所載懸揣。亦復不謬。診斷事實如此。即一可概其餘。所謂中不如西者。果安在耶。貴部之議。斥吾國醫爲不合學理。所謂學理者。爲科學學理耶。爲國學學理耶。如猶科學。則吾國醫本非科學之產物。當然不受其限制。如謂國學。則國醫亦國學之一種。與經史文學無以大異也。必謂國學不合學理。科學始合學理。將舉吾國一切國學而悉數吐棄之乎。爲問吾國之現政府。與現行政治何事何處。盡合科學學理乎。卅亦曰。過渡時代不得已耳。政治不合學理。可以承認。區區小道不合學理。卽不能承認乎。相宸之愚。以科學方法整理國學。以國學精神。運用科學。實爲吾國學者此後一定不易之途徑。今以堂堂中國教育部。動輒與國學爲難。隱然爲外國科學出死力。不幾乎亡國主義。自殺政策乎。諸公是否

中國人。蓋亦平心思之。山西中醫改進研究會名譽理事上海神州醫藥總會評議員中華醫藥聯合會名譽會員徐相宸叩。

國醫自強重大提案

一機體之生存。一學術之進化。不在外界之扶助與抑遏。而在自身之能否發憤圖強。通力合作。吾國醫界。自辛亥迄今。未嘗不與外界奮鬥。而所得結果。僅不合學理四字。已被當道輕輕抹殺。以留學生之目光鑒別國學。固無往不在吐棄之中。區區國醫。特一小部分而已。吾國政治。杌隉。自保弗遑。蜉蝣蟻蛄。何足與語數千年之國粹。以吾視之。加入與否。得不足喜。失不足患。患在吾國醫無澈底覺悟。積極進行耳。不揣其本。而齊其末。無源之水。涸可立待。縱幸而得請。亦適足以長吾虛僞之氣。轉恐得不償失。非吾所謂先務之急矣。大好光陰。蹉跎不已。自身問題。渺無解決。十四年中。所爲何事耶。春秋責備。吾不能復爲賢者寬已。當仁不讓。舊事重提。姑息之愛。非不佞所敢知也。

第三十期 通訊附

七十七

第三十期 通訊門

七十八

重定科目。學問之道。分科愈細。進步愈速。吾國醫學。舊號十三科。按之時勢。諸多未協。謂宜速由全國同志。將此第一根本問題。先求圓滿解決。後再從事編輯。庶有一定標準。

實行編書。編書之意。不佞於神州醫會初辦時。即已竭力主張。自求多福。策無善於此者。乃不意蹉跎復蹉跎。仍不免以空言無實。爲當道所鄙棄。設此時已有成書。內力自充。豈外界所能抑遏哉。及今不圖。不知又俟何日矣。噫。更有進者。凡百學術。公開爲尙。茲事體大。斷不容一人一黨。壟斷專利。示人以不廣。貽誤於求學。謂宜徵集海內外國醫人才。通力合作。普選公決。另組一審編團體。尅期自効。庶足昭大信於天下。謹擬審編委員資格如下。〔一〕學識高超。〔二〕思想敏銳。〔三〕實驗豐富。〔四〕去取正確。〔五〕文筆透闢。〔六〕夙有著述。〔七〕担任到底。依上列資格。請全國同道普及公選。約以二三十人爲度。甯缺毋濫。是爲國醫審編委員。議定大綱子目。卽日實行編輯。務於最短期中。全體告成。

程度不可遷就。醫藥爲高深精微之學。非國文已有根底。卽不容輕於嘗試。况修學年限無多。若以國醫與國文雙方並進。如何能及。教而弗成。寧非誤人子弟。自喪信用。非愛國醫。乃害國醫。非昌大國醫。乃破壞國醫也。至現用課本之因陋就簡。貽笑大方。不編書而臨渴掘井之過也。夫設立學校。爲其能勝於豕自爲教耳。若其結果。反出私人之下。毫無經驗。不能實行。又曷貴有學校乎。

承認整頓條例。吾國無論何種事業學術皆有整頓之必要。社會進化之原則固當如是爾。必曰吾學至是。吾道至正。不容他人置喙干涉。是求進而反却焉。烏乎可。謂宜自動的公擬條例。務得權利義務之平。呈請審定頒布。卽以爲加入學校系統之交換條件可也。

一律改稱國醫。名正言順。聖人所貴。吾儕呼馬馬應。呼牛牛應。初無堅決表示。然同一不合學理字樣。設於上文綴以國醫云云。卽覺不成文理。一字千鈞。關係願不鉅哉。

論孫中山之病

第三十期 孫凱門

八十

孫中山奮鬥一生。憂患畢世。雖享大名。未伸大志。因氣血之衰。爲疾病所乘。意中事也。前以西醫主政。吾儕未便冒昧論列。今當絕望之後。委之於吾中醫。有陸君之正式公布。陸君一人之成績如何。實繫中醫全體之信用。不佞雖欲避嫌。言不可得矣。蓋以中山之病。既由奮鬥憂患而得。其爲勞苦拂逆所傷。老年正不勝邪可知。益以解剖。氣血散失已極。見症神倦食少。足腫形削。舌乾苔脫。脈大無根。縱爲壯年。猶難倖免。而况中山高年乎。木賊土敗。當旺無氣。春分一關。無術可以飛渡。以素未服過中藥之人。暫得中藥養氣之助。一有機植物養氣最富。神農藥故曰本草。蓋中醫治病以草木植物爲本也。未必不稍見起色。亦理之應有者也。惟生理幾於剝盡。藥物豈能無中生有。如謂從此可以保全。則吾未之敢信。但得曰治法當如是耳。不佞之意。與陸君大同而小異。擬以生脈散合甘麥紅棗。加原洋參風霍斛杭白芍爲之主。如見心跳氣短汗洩。純乎虛象。則加黃芪棗仁龍骨。

以固脫。心不跳氣不短汗不洩。而反好發牢騷。喜太息。善怒。語音沈實有力者。鬱結不開也。畧參綠梅合歡鬱金川貝解其鬱。

附記 此論作於乙丑夏正二月四日。見一月五日商報第一張。是年春分。爲夏正二月二十七日。中山之死。則爲陽歷三月十二。夏正二月十八。去吾論發表之日。僅得十月四日耳。不幸言而中矣。

時逸人君上教育部力爭中醫加入學校系統緘

北京教育部總長鈞鑒。敬啓者。自大部明定學校系統中醫學說。不允加入。滅棄國粹。舉國震驚。竊中國醫學發明爲最古。學理精深。爲世界冠。因歷代以來有賢君良相。提倡發明於上。才人智士。精研探討於下。歷四千七百餘年之經驗。始能成此大觀。比年來。因潮流趨勢。競尚維新。不惜犧牲。歷世相傳固有之國粹。以遂少數人私意之熱狂。墮喪國權。蔑視民命。莫此爲甚。蓋中醫治病。其神明變化。實有研究之價值。非西洋簡單治療者可比。公論自在人間。真理終難磨滅。大部試

第三十冊 通訊門

八十一

平心論之。中醫果在可廢之列。全國人民當倡議廢之。奚必待西醫之嗷嗷爲中。醫如有存立之地位。自宜加入學校系統之必要。彼西醫挾排擠之見。爲妬業競爭。蚊口成雷。鑠金毀骨。在大部當以燃犀之照。燭彼陰私。何能聽其譏語。夫中醫之缺點。乃書籍體例之不良。假借名詞之羅列。今古異宜。四方異俗。故學說之意見。微有不同。然融爐共冶。翻陳出新。以彼之長。濟此之短。各科學說之講義。體例從新。莫不如是也。醫學獨根本推翻而後快。是誠何心哉。是故編輯醫書。責在吾輩。維持醫學。端資大部。特此迫叩陳情。務祈將中國醫學列入學校系統。准予施行。不勝迫切待命之至。

周小農君 龔全國中醫學會暨劉蔚楚君

〔上畧〕京津閩粵已行執照。詎不知之。惟乙丑部規不列世醫師傳儒醫三項中醫資格。實以此二項爲主體。又年限較西醫差遲十年。如教部已將中醫加入系統。規定課程。勉領照。祇有請將規則改定。於第三條加「中醫資格。爲世醫師

傳儒醫三項。有中醫學會證明文件者。年限二十歲以上。與西醫同。方屬公允。乙丑規則。加遲至三歲以上。令人不平。執照費改定二元。中醫貧寒者多。取費多不能普及。〔加則〕此為永久實行規則。原則取消。保證規定三人。與西醫同。〔理由〕無師涉獵者。藉照醜禍。滿布危險。均在醫術智識經驗六字。今查廣東癸亥規則。於此條下加註云。兩年後取消此條。中醫即不能領照。是即日本限制漢醫消滅之策。非由學校出身不得領照。而況中醫本無部轄之醫校乎。藉曰有之。醫校何能每省縣均設。故不能不爭到列入世醫師。傳固有資格。且永久不准再發加則。防原則復行也。然否。應請各省中醫學會公決。

周小農君駁內部中醫營業領照暫行規則

第一條 在醫士考試未舉行以前。關於中醫之開業。暫適用本規則。

駁 暫行者伏嚴詰之日。例於後日續行歟。教部不立中醫課程。內部乃欲收受照費。非獎勵。乃限制也。

第二條 凡醫士業醫。應照本規則之規定。呈由本部發給開業執照。

駁 內部採用日本消滅漢醫條例。不在教育。惟在執照。彼日本固以執照取消漢醫也。不可不防。

醫 第三條 凡年在三十歲以上。具有左列資格之一者。得呈核給醫士執照。

駁 醫授子弟門生。不到三十歲。雖畢業不得領照。轍業之下。事蓄何出。此絕妙限制中醫之例。上海醫校多有青年學子。勢必改弦易轍歟。

學 『一』在各省區曾經立案之公私立中醫藥學校。或傳習所畢業。領有證書。或在本部立案之醫藥學會員。有著作論文。經學會准許。並有學會之證明書者。『二』

曾經各該地方警察廳考試及格。領有證明文件者。

駁 憑照擾亂。營業寒心。奉天醫士。經警廳核准給照後。市政廳又明令取消。醫轍業以俟者數月。不領執照。即無此束縛。『三』曾任官公立各機關醫員。及官

公立醫學校醫科教員。或官公立之醫院醫士。三年以上。確有成績及證明文件。

並取其醫士三人以上之保證者。

駁 已任醫員。亦有勞績。尚須三人連環保結。以爲繳照之地。一有攻訐。三人輟業候訊。消滅漢醫之舊例。全在此一照予奪。『四』有醫術智識經驗。在本規則施行前。行醫三年以上。有確實證明。並取具給照醫士五人以上之保證者。駁 捐一部照。要五人連環保結。損失人格。何人敢領。萬一攻訐。連累至五家。如此束縛。顯有限制中醫之意。引蔓摘瓜。久後之累。

第四條 凡請領醫士執照。應備執照費六元。半身像片一張。履歷書一張。印花費二元。連同資格證明文件及保證等。呈請本部核發。

駁 有印花費二元。又何須照費至六元之多。且以相片留質。抑若攻訐一至有相片在。各處警署可按圖索驥者。一經暫行考試後。捐照必倍。或如日本之作難漢醫。捐不給照。至今漢醫何在。不可不防。

第五條 執照毀損或遺失時。呈請補發。但須繳照費三元。印花費二元。

駁 無照不能開業。此日本消滅漢醫之舊例。執照遺失。輟業以俟。如措勒不發。

又為漢醫之續。

劉蔚楚君答周小農論醫者宜審類症之異同

啓 周小農諸君於楊公救我虛損垂危。許正因便結。故大陽藥中。不忌歸芍之滑。次口得大解。即減白芍。加附子鹿茸。胃絕故以茯苓活動諸補品。不忌其利水。玉桂協熟地五味子。故用以引火歸元。麝香偶用三四厘。借以通腦。用在治病七八月後。故不忌其走竄。且當日凡味太過酸苦甘鹹。到喉必吐。苟非以陽運陰。次日無大解。三日不納食。藥到吐出。誰其肯信楊公乎。非楊公遵越人俞陳大法。斷難救此虛損無陽。如係虛勞之宜陰陽兩補重補。病未如此垂危者。則歸芍之能開後門。茯苓之能開前門。玉桂之辛動。與麝香之走竄。明者自知參酌。類症總有分別。何至含渾等語。此真持平之議。我因而深有感慨焉。余病初誤疏散。後誤滋斂。虛損無陽。命似遊絲。甯能姑試。甯堪再誤。楊公良工心苦。日月同懸。而病愈經年。仍

常吐清涎左腹如長挾一瓶冷水。搖動有聲。又甚不喜飲湯。食稍近寒膩。即胃悶作吐。明是脾腎之陽不能蒸化。胃腸蓄水。雖黑錫丹漸用至二十兩餘。尙難去此。除服大陽藥外。兼習拳術家所授二十四行功。行之又經年乃效。使其初稍偏陰。藥微命不立隨以傾乎。此瞭然如視諸掌者也。使請西醫再診。將謂胃腸發腐。又要倍劑。亦未可知。凡診病。病情萬變。活法在人。譬之宗師命題。應考者對題作文。方能命中。醫者之題何在。即在望聞問切中耳。按其現狀。推其原理。斷症處方。對症用藥。猶之作文對題。病症尤非印板文字。苟藥未對症。效從何取。無效。漫講楊公。即自比名垂百世之大賢。其孰能信之。拙記甚詳。此病已持標題。自古大經大法。醫者應知而臨症。仍要化裁通變。即治愈重大危病。亦無所奇。醫之責任在活人。無論如何艱鉅。皆義所應勉。分所當爲。旁人見此。醫能醫他醫所難醫之症。遂奇其所自奇。果醫者而好奇。正是一罪。余幸續命有湯。廿年八十有二矣。遵師教者三十餘年矣。學醫方二十六歲。最初出診。即去冬所著八案等症。臨床必悉。

第三十期 羅凱門

八十七

心體認。竭其綿力所能爲。對於貧富窮通。毫無畛域。藥雖貴品有則不吝於取求。此無他。當時倖賴先君。衣食無缺。苟以名傳。以利傳。弗以誠求。將何以對吾師。吾父至誠其求而不得。差亦無憾於吾心。竊束髮受書。於古嘗聞矣。窮則變。變則通。通則久。易之理也。濬哲文明。溫恭允塞。書之典也。惟此文王。小心翼翼。昭事上帝。聿求多福。詩之教也。強恕而行。求仁莫大近焉。愛人者人恆愛之。敬人者人恆敬之。孔孟之學也。苟能愈病。師巫何害。苟不愈病。盧扁奚爲。君之說也。勿偏一派。我之言寔君之意也。留心四診。罔敢執着死書。不問其他。祇竭吾才。自憐者輒復憐人。不過自憐飽嘗之痛苦。非盡泥於喻公仁厚之言也。溯十一年到滬。君卽長勸箸述。奈因學淺。鮮暇多病。十二年冬始勉下筆。十三年夏陳濯江兄力勸印刷。代送廣東道志館始成。此急就章。何敢見天下士。耶不意海內諸大君子。反過許之。自是善善從長。獎之過分。而受君德愛。與楊公臨床曲救之苦心。故生平所經歷。絲毫皆自視。欲然又是恐負父師良友。人誰不愛其所尊所親所友。等於生命視之。吁。言至此。衷心惻然。而亦憂然。不能再下一語矣。請君試代下一轉語。

譯 叢 門

胃潰瘍之治療

譯 編 文 學 醫 學 週 刊

楊永超譯

目下胃潰瘍診斷日見其多。其在醫院受診者。能佔住院病人一大部份。所以此病日見加多者。並非此病較前增加。乃因以前診斷常錯。近年來藉哀可斯光之力。更加以外科上之經驗。於是以前不知其為胃潰瘍者。近亦可以確鑿證明矣。二十年前吾人認為胃酸過多症者。現亦知其為胃潰瘍。有人且認胃潰瘍近年增多。歸咎於大戰後生計困難所致。吾殊以為不然。以前胃潰瘍必不較少於今日。不過經驗太少。苦不能識耳。胃潰瘍既為數甚多。故此病之治療於公眾生活有莫大關係。試思患胃潰瘍者。大半不能作工。少一個作工的人。國家即多一份損失。近年醫界討論胃潰瘍治療之聲浪。日見增高者。正以此故。吾雅不欲詳述胃潰瘍之歷史。及前人對於胃潰瘍之觀察。吾此篇所述者。不過

第三十期 醫學門

八十九

近年吾所經驗過之病人而已。自一九一八年至一九二五年。共經四百六十二人。至於應用外科手術治療或純用內治之法。須視病之程度而定。其非用手術不可者。如胃幽門或十二指腸已窄狹不能通過食物。其窄狹較輕者。未嘗不可以內科手續治之。蓋吾之經驗。內治未必不能癒。外治未必全能癒也。第二非用手術不可者。即流血之胃潰瘍。蓋不急施手術。則危險即在頃刻。第三非用手術不可者。即穿通胃壁之潰瘍。此時須急施手術。不然胃內容物。出腹膜發炎。益發不可收拾矣。就吾所舉之四六二名。其中用外科治者。計二零五人。治療結果。手術治癒者。計百分之八十五。內治獲愈者。僅百分之六十。就此數觀之。似外治優於內治。其實不然。蓋胃部施外科手術之後。時常遺留一種極不快之痛苦。此等痛苦。其因手術不佳而生者。實居少數。多數患者。食物經過胃部。通行無阻。毫無遲慢現象。雖然如此。而疼痛依然。近兩年吾經過兩次胃潰瘍患者。於外治之後。發生腐敗性消化不良於其腸部。其主要病狀為劇烈之瀉肚。以哀可斯光照

之。則見食物由胃入腸。毫不停留。所謂胃消化者。直接等於虛設。以上所述之痛苦。於胃潰瘍手術之後則甚多。而於胃癌手術之後則絕少。同在胃部而相異如是。實一大疑問也。

欲明白手術後所以仍有痛苦之原因。須先知胃潰瘍因何而起。其發生之原因。雖各名家解釋。畧有不同。而實際總不外乎胃壁平滑肌起痙攣性收縮。無痙攣性收縮。胃潰瘍無由而起。胃疼亦無由而生。痙攣性收縮。乃一種神經作用。以外科手術治胃潰瘍。祇能除去胃潰瘍。而屬於神經作用之痙攣性收縮。又依然存在。絕不能隨外科手術而消滅。故胃潰瘍用手術之後。不但常遺留一種痛苦。且常因痙攣性收縮不改之故。繼續起新潰瘍。明乎此。則知胃潰瘍手術後痛苦之來歷矣。

外科手術後結果不大美滿。既如上所述。故吾輩漸漸傾向內治。內治以何法為最妥。亦吾輩所急應研究者。

現時最常用者有三種內治法〔一〕勞伯〔Leube〕氏治法〔二〕爲冷和慈〔Leubnitz〕氏治法〔三〕塞俾〔Sippy〕氏治法。第一第三兩法。吾輩用之最多。故經驗亦頗宏富。第二法不大多用。故經驗頗少。不敢指其優劣。茲將第一第三兩法之同異點述之於下。兩法所同者。爲輕鬆的資養料。胃部施溫卷。十四天不許離床。其不同之處。勞伯氏雖亦用阿耳加里。但爲數寥寥。塞俾氏則專用阿耳加里。其主要宗旨。在能恆久的中和胃酸。每小時給服下兩種藥一茶匙 *Nasr. bicarbon. + magn. Nssa aa* 或 *Nasr. bicarbon. + Oalz. C arbon. aa* 大便太硬用上。方大便太稀用。次方。此外病者每小時須吃牛奶數口。

病者營養按勞伯氏與塞俾氏規定如下

第一星期 牛奶一立特、咖啡、麥湯、燕麥羹、大米漿、大米粥、麥粥、小米粥、五十至六十瓦牛奶油、雞蛋兩個。

第二星期○除第一星期所許可者外。再加烤過之白麵包。烘過二次之餅乾。刮

皮之火腿肉。糖。山芋。菠菜。蘿苣。軟蛋。

第三星期○各種肉。各種魚。地蛋。白菜。椰子。奶餅。

第四星期○飲食可隨意。但生水果之類。鹹肉之類。脂肪太多及一切難消化之物。尚須戒絕。

除以上營養法外。應令患者加服阿透勞。則疼更易止。故吾輩認此為治胃潰瘍之一大進步。

此篇可作研究材料。不可認其中論說為皆正確。蓋此篇公佈後。尚有許多名醫力陳其非。總之關於胃潰瘍之治療法。尚未統一。譯者附識

第三十期 雜俎門

雜俎門

九十四

診斷禍福二則

名譽理事 楊星垣選寄

袁顥精醫。每診輒以太素脈懸斷禍福。有王氏子素不孝。顥診之曰。心脈為己身。肝脈為父母。今心脈弦急凌肝。子未能順親乎。急改之。非然者。將有火災。心火也。後三日果驗。某詣門謝。淚潛潛下。後卒為孝子。

蘇州胡司理能吏也。居官不廉。一日易服。親求袁顥先生診。顥曰。心脈圓而清。公殆貴人。非尋常流俗比也。胡曰否之。吾曰。肺金為財。脾土生之。脾脈又浮又沈。公得母有羨心耶。胡面赤。默不語。敬奉教而退。卒為廉吏。

編者曰。近人方以中醫等諸卜相堪輿。今錄此二則。不更貽人口實耶。要之世未必果有是術。而不得謂必無其理。

星期徵稿選刊

問經閉兼患暑溫

石泰峨

有一及笄女素稟怯弱春間經事不行脇腹聚氣如癢減餐飢削屢服溫通之藥無效至孟秋始發壯熱大汗此病當何法治之

夫婦女之病以經為主。經脈有期則病却而體康。經脈閉塞則形削而病至。經之所以閉塞者源不一致。內經謂二陽之病發於心脾。有不得隱曲。大抵由是致者居多。蓋人有隱情曲意。難以舒其衷者。則氣鬱不暢。而心氣不開。脾氣不化。水穀日少。不能變化氣血以入二陽之血海。故不月也。今女子年既及笄而未出室。思慮致傷心脾也明矣。而况素稟怯弱氣血不充者乎。是以心脾傷則血虛。血虛則肝木弗榮。故於春月木氣司令之時。轉鬱結而不得遂其條達之性。而脇腹聚氣如癢矣。且水穀入胃。全藉脾為之轉輸。是以脾職有權。則飲食進而肌肉充。脾若

第三十期 星期徵稿選刊門

九十五

第三十期 星期徵稿選粹

九十六

失職。則飲食減而肌肉削。王節齋曰。婦人女子經脈不行。多因脾胃傷損所致。當用清熱解鬱之藥。斷不可認作經閉。而用通經破血之品。今觀其用藥。不以滋而以溫。不先解鬱而屢通經。豈知溫熱之劑。大助陽火。攻通之品。多傷氣血。是以屢通而血愈虛。屢溫而火愈熾。故於酷暑之後。秋涼漸至。燥金乃動。而人身之氣化。亦與時而俱燥矣。中外俱熱。安見其不大汗淋漓而壯熱也。則是前者之經閉不行之症。猶未愈。而暑邪燥熱之溫病。因之以起。若不急施治療。則怯弱之體。安能逃此一關乎。然則當以何藥治之。愚以爲舍白虎加桂湯。更加蒼朮半夏。不爲功。夫夏熱秋涼。名曰處暑。是湯以白虎名之。謂能止熱也。內經曰。熱淫所勝。治以苦甘。又曰。欲撤表熱。必以苦爲主。知母苦寒。用以爲君。經又曰。熱則傷氣。寒以勝之。甘以緩之。石膏甘寒。用以爲君。熱氣內餘。逼灼汗液。而脾必燥。故用甘草粳米甘平之物。以緩其中。用桂枝者。是熱因熱用。爲諸藥之向導。且桂枝安表和裏。爲自汗之要藥。用蒼朮半夏者。以長夏之時。濕熱相雜。故但熱而不渴。用之以燥其濕。

也。合同共濟。一鼓必克。後再以解鬱滋補之品以調其經。則庶乎怯弱起而諸病悉除矣。此証因治失法。釀成暑溫。故用白虎加減以治其標。調經解鬱以治其本。循次治療。是為得之。

赤白痢戒酒說

趙一齋

夫痢之為病。每發於夏秋之交。推其原因。多由濕熱蘊釀而成者也。古人雖有赤傷血分。白傷氣分。氣血並傷而成赤白下痢之分。然以六經言之。實不外太陰少陰二經之所主耳。經所謂太陰之上濕氣主之。少陰之上熱氣主之是也。蓋脾不得行其轉輸之用。則胃有蓄積。肺不得行其通調之功。則大腸每多不快。此太陰之為病也。濕滯小腸。心火有阻。則生熱。熱積膀胱。腎水不利而停濕。此又少陰之為病者矣。故濕熱相搏。血絡乃傷。輕則赤白相兼。重則純赤無白。裏急後重者有之。熱盛而氣不行也。口淡無味者亦有之。濕盛而津呈腐氣也。以臟與腑之作。用本自相互而為功。所以病之權此而害彼者亦莫不如桴之應鼓耳。夫酒之為

第三十期 星期徵稿選刊

九十七

第三十期 星期徵稿選刊

九十八

物。性本濕熱。盡人所知。顧痢症既爲濕熱蘊釀而成。無論其果爲濕熱之孰偏孰盛。何堪復予此濕熱之品。負薪救火以激之乎。吾故曰患斯疾而不知戒酒。必有服藥無功之弊。且必增其腸腹之煩熱。而額上汗出。顏面微黃者。雖痢疾暫愈。而酒疸之病。復旋踵而至矣。近之對於臨症實驗上。比比發見者已不乏人。爰貢一得之愚。以廣節患者之戒慎云。

針灸討論會治法選刊

針灸之功用與藥餌等

許世長

夫針灸之功用。不減藥力。奈世人每惡針灸而喜藥餌。設遇暴急之症。藥有不及者。舍針灸何能收起死回生之效哉。故我輩研究斯道。首當注重也。若能專心此道。朝夕琢磨。行之既久。自有豁然貫通之日。得其奧理。自能手到病除。所可惜者。病家畏其暫時之痛苦。惡而不用。致使良醫雖有妙術。無所設施。言之增人悵嘆。故內經有云。拘于鬼神者不可與言至德。惡於針石者不可與言至巧。觀此言則知古聖亦為之感嘆。非僅茲時耳。夫針灸之功用。與藥力相等也。而藥之治病。一服其病不去。必須再服。再服不盡。繼之三服。針灸之治病。亦猶是也。一刺不愈。繼之再刺三刺。總期病去則已。故岐伯有云。病九日者。三刺而已。病一月者。十刺而已。其多少遠近。以此衰之。此古聖之明訓。刺法之標本。不使太過。不使不及。太過

第三十期 針灸討論會治法選刊

九十九

則傷其正氣。不及則邪氣逗留。故經云無盛盛。無虛虛。而遣人夭殃。無致邪。無失正。而絕人長命。學者將此言奉為金科玉律也可。

針刺赤遊風之經驗

李櫟平

曾治一十五歲幼子。一日偶感外邪。臂腿起發癢痞。色紅浮腫。焮熱。癢而兼痛。醫人俱作痧症治之。用開藥表藥未愈。邀余診之。脈現浮緩。乃風濕客皮膚。因曰此赤遊風。非痧也。脾肺燥熱而兼表虛。腠理不密。風邪襲入。怫鬱日久。與熱相搏。則化熱而成。今滯於血分。故色赤也。於是針刺百會及委中二穴。尋按抓彈。俾氣散而風解。隨與服四物消風飲一劑。病稍減輕。次日復刺一次。進藥一劑。至三日病獲全愈。總使氣血調和。針功收效。西醫之刺神經。中醫之刺經穴。名雖殊而實則一也。穴與藥方列後。

百會部位在前頂後一寸五分適當頭之正中
委中部位在腘窩之正中
四物消風飲 生地三錢 當歸二錢 荆芥錢半 防風錢半 赤芍 川芎

白鮮皮 蠅脫 薄荷各
紅棗二枚 水二盅 煎八分去滓服
獨活七分 柴胡七分

醫 學 雜 誌

101

學 雜 誌

編輯處啓事

啓者古今醫案充棟汗牛竊謂案者法也老吏斷獄鐵案如山熟於法耳若平平無奇或以病試藥偶然倖中者似未可以案稱本雜誌醫案門多選古人精粹良法畧別種類分期登載現仍資料無多凡我同人熟於前輩醫案醫界舊聞名醫歷史筆記瑣錄之類望祈隨時抄示俾便分登一俟彙集較多彙刊成帙定當奉酬若干冊以副雅贖不勝企盼之至

趙百城謹啓
趙意空

*楊如侯先生靈素生理新論出版廣告 是書原擬刷印

一千部嗣以不敷銷售特再加印五百部以公同好兼爲振興國學溝通中西起見將本書原價定爲實碼八折每部售洋三元二角其整購十部者另贈一部遠道並免去郵費以期普及郵票代洋九五折算書存無多購請從速

代售處山西省城

中醫改進研究會
德順街航慈醫院

第三十期 廣告刊

一頁零一

中醫雜誌

上海中醫學會出版

〔一〕(內容)分專著學說醫案筆記藥物學驗方釋辯錄會務紀載等十餘欄皆屬近代名賢精心結撰之作已出至十七期

〔二〕(定價)每册大洋二角五分購滿六册者減售一元四角

〔三〕(郵費)國內每册三分國外八分多則照加掛號另加五分

〔四〕(函購)郵局不能兌匯之處可以郵票代現惟須照九五折計算

〔五〕(彙選)第一至四期均已售罄特刊彙選發行上下二册實價一元二角郵費八分

〔六〕(附誌)第五期已售盡本會員通信處詳載紀念册以便互通消息每册售洋五分

醫 學 雜 誌

總發行所 上海西門內石皮弄中醫學會雜誌社發行部

張壽甫先生四期衷中參西錄每部定價一元郵費五分滄
州立達醫院發售

報告醫界同人書

張錫純

敬啓者鄙人因滄州屢經兵燹實難寧居准於仲春月底移居天津醫界同人
寄函及購拙著者乞寄天津法界廣德里張氏施診所鄙人收可也此敬告即
頌公安

介紹浙江紹興醫藥月報

紹興醫藥月報為浙紹何廉臣先生編輯內容精美每月一期定價一角全年一元半年五角五分郵費每期五釐全年六分民國十三年正月出版發行所紹城石門橋紹興醫藥月報社及紹城大街天芝堂藥號

三三醫書創刊啓

癸亥夏本社主理張君吉生以歷年所獲醫家秘笈並同社投寄著述擬付刊傳世遂遷杭垣蓋為印刷便利計也詎醫報改組不數期而承印之武林印書館適遭鄰火稿亦破焚幸醫書尚在編輯中未見波及然因之遲誤半載現荷文化印書局倪君慶天與弘文印書局蔡君貽最緩以最低工價許即承印今將第一集先由弘文代印仍本醫者須讀三世書求三十艾方能三折肱之義名曰三三醫書以短篇不成卷冊之稿已刊三三醫報按旬發行而成卷專書自應單行印傳爰定每集三十三種每種一卷或數卷不等分訂洋裝本限一個月至少出版三種速則三個月出版一集以極廉之價收回成本三期分繳第一期洋三元三角惠到即將已出版者先行郵奉出書至三分之一再惠第二期洋三元三角出書至三分之二即將第三期三元三角惠清除面取外每次加郵費三角三分其洋倘荷一次併惠兩期則第三期得以免繳以答高誼此舉成本浩大唯冀祇印三百三十部無論何種概不零售售完以後亦不再版有人翻印無任歡迎對於未主亦恕奉送一集決算尚有餘利誓必貼入二集多印大部書稿尚有第一集稿及付刊之稿第二集自當編入第二集正拓運稿願行世者速行寄社

中華民國十三年三月三日三三醫社敬啓

第三十期 廣告門

150M

第三十期 廣告門

三三醫報發行廣告

每旬 一册 十二年七月三日第一期出版

編輯者 紹興裘吉生

發行者 三三醫報社

印刷者 武林印書館

寄售處 各省大書坊

定價表費須先惠

冊數	冊全年三十三冊
定價	角三元
郵費	本國五 角六分五厘 日本五 厘一角六分五厘 外國二 分六角六分

一百〇四

中風辨證發行廣告

全部三卷

定價官堆紙每部壹元伍角 實洋重太壹元

著者 嘉定山雷張壽頤

總發行者 蘭谿中醫學校

印刷者 蘭谿福華石印所

江蘇全省中醫聯合會 [出版月刊增刊]

月刊分常評言論專件專著筆記研究雜錄消息編輯課本等類以發揚國粹聯絡感情爲宗旨增刊分學說醫案筆記表解選方醫籍考驗方等類每期限一病以專研究合裝一冊已出四十三期定價每期五分郵費一分全年連郵六角六分第一至二十期已售罄二十一期至四十期裝有彙編每冊半元寄費五分總發行所上海西門內廣益中醫院

贈送醫醫醫病集

醫醫醫病集爲上海黃社出版一二兩集風行海內現因戰爭關係致第三集不克出版按所有定款通知退回今該集版餘尙多請附郵票十分寄上海王信義滋醫藥圖書館黃社善後辦事處立刻奉上

第二十九期 廣告門

一百〇五

第二十九期 廣告門

一百〇六

嚴氏金匱廣義出版廣告

是書為慈谿嚴鴻志先生所著內容精美外觀雋雅洋裝兩巨冊定價大洋壹元貳角現俾照碼九折十部以上八折連郵費在內以十三年舊曆十二月為限限滿不折不扣發行處在甯波慈谿東鄉費家市嚴氏養正學校遠地如以郵票代洋准三分以下之郵票為合格按九五折計算書印無多購請從速

慈谿中醫學會同人公啓

張贊臣徵集驗方啟

敬啓者贊臣每念病家疾若纏綿欲求其速愈而不得者深為憫惜竊之不才擬集古今驗方彙纂成冊貢獻於世俾抱病者得以按方治病可無採薪之憂也如荷熱心同志惠賜驗方須以經驗實效信而有證者無任感禱惠賜諸君請於方後一一說明如何實效如何試驗因古今以來名為驗方而充棟汗牛其效者鮮驗者寡也凡我同志隨時抄示一俟彙集較多即行彙刊成帙定當奉酬若干冊以副雅贖不勝企盼姓字住址務乞另紙書明以便函候教）贊臣常寓上海二馬路雲南路口安康里第二百二十七號內如荷賜教無不達到

月刊 東亞醫學

定價 { 每月一冊大洋二角五分
 全年十二冊大洋二元五角

郵票代用作九折算

內容 分學說及實驗, 診療寶函, 綜說, 隨診講話, 處方集, 技術, 篇, 最近文獻, 藥物療法, 釋疑, 雜纂, 調查及統計, 新書及新藥, 介紹, 雜報等, 內容之豐富, 請以函索當呈樣本。

上海東寶興路三十八號

總發行所

東亞醫學社

分售處

上海商務印書館及地方分館

其他在中國著名書局

繪圖鍼灸傳真全書出版廣告

本會理事趙緝菴、孫祥麟、王郁文合著鍼灸傳真全書八卷, 援引靈樞素問之精華加以詳切註解, 曰內經刺法兩卷, 採擇古代名醫鍼法, 慎其從違, 曰名醫刺法兩卷, 辨經絡繪圖形, 更正

第三十期 廣告門

一〇七

第三十卷 廣告門

一百〇八

他書錯誤以求分明清也曰考正穴法兩卷本歷年心得經驗之術講真理求實效開明岐黃秘訣曰鍼灸傳真兩卷共成八卷卷各成本現已脫稿出版凡有志針學者請速購閱是盼

價目

每部 八本 定價大洋二圓三角

如買廿部以上者 按九扣核算 十部以上者 按九五扣核算

繪圖鍼灸傳真價目發行表

總發行所山西代縣亨利石印局
分發行所山西中醫改進研究會

剪子巷成文齋書局
印刷所山西代縣亨利石印局

常熱中醫張汝偉特設通函論診科廣告

問 (甲)

敘述現病之狀態 凡寒熱咳不咳小便大便口渴不渴有汗無汗

及諸痛苦脈象苔色聲音所喜惡等

有者填寫 無者不必

病 (乙)

敘述病人之狀況 凡年歲業務男女育向信何種宗教素性急緩

者 須 知

等逐一填明以資參考

(丙) 叙述經過之情形 凡始起如何曾服何藥一切變態

(丁) 通函診治之取價 紙墨掛號費大洋壹角診費大洋六角

共計七角快信答復(即隨到隨復)連郵壹元空函不復

通信常熟顏港

無錫王旭高名書六種出版廣告

先生醫案。柳君寶詒。已選入四家醫案。尚有退思集。穎方歌註。醫方證治彙編。歌訣。增訂醫方歌訣。醫方歌括。薛氏濕熱論。歌訣。西溪書屋夜話錄。治肝秘訣。六種。於傷寒濕溫雜證肝病。闡解詳明。思路新穎。凡在醫林。尤堪研究。醫校學生。尤便誦習。茲由吳縣陸晉笙君重訂。小無錫周農君精校。交上海千頃堂石印。每部六角。八折掛號郵費一角。各省大書坊均有寄售。

分售處無錫西門外棉花卷周小農醫室

介紹學道新書金丹真傳

學道必須修養。修養端重。師傳奈今之道家。稍有承述。皆秘為奇貨。故作艱深多立層次。使學者望而却步。似非大道為公之旨。茲有漱石生者。本其師傳。悟徹元

第三十期 廣告附

二頁〇九

山西官民 日必日 海內外 處處爭購

晉民快覽
Popular guide book of Shansi

← 之

妙掃除秘密居奇之習將遺家修養工夫合盤托出著書一卷名曰金丹真傳有志學道者但手此編自入終南捷徑現此書本會寄售每部實折八角郵費在外

第三十期 廣告門

一百一十

呂聯奎 楊百城 仝啟

↓ 為 國家 社會 個人 事業建設上惟一之參攷書良因山西百政維新

諸可借鏡 社萃英擷華年刊一編數年以來荷承 海內外賢達推為山西之寫真晉政之年鑑 幸十五年的新出版了每册仍售四角 寄費七分 合購前三 期祇售一元五角寄費在內所費有限不啻遊歷山西一 週如承 函購請詳開姓氏地址逕函本社李炳衡君照寄不悞郵 票代現不扣

山西晉民快覽社謹啟
社址當垣 新城街

上海同德醫學專門學校新同德社
NEW DUNG-DAI ASSOCIATION
DUNG-DAI MEDICAL COLLEGE
MARKHAM ROAD, SHANGHAI, CHINA.

第二十八期 廣告門

新 同 德

醫 藥 月 刊

Neue Dung DRI

Medizinische Monatschrift

本誌為指導民衆衛生。介紹德國醫藥之刊物。

內容豐富。印刷精美。定價全年十二冊。一元

五角。郵費加一。茲將二卷一期要目列后——

「論壇」萬惡的舊式婚姻與醫學。醫生的道德論。改革我國醫學的徹底辦法。「學說」返老還童之說明。女性美。衛生概論

男性生殖器虛弱。結婚與肺癆。「醫藥」白濁何時認為痊○。中毒概要。新醫治療之種種。梅毒△療法時之副現象及其處置

法。「問答」問答一束。「常識」打破親善政策。○廣的自述。「文藝」月下吟三章。雲階恨。雜詩數首。尚有「專載」

及「新聞」兩欄不備錄。

定報處 上海同德醫學專門學校新同德社

一五十一

第二十九期 廣告門 一百十二

慈谿醫學進修會 出版廣告 介紹人周小農 楊百城 趙意空

前賢經驗每部八角特別優待醫林每部大洋六角六分掛號五分性道實學闡
 明性理大道每本大洋一角五分郵費加一總購郵匯爲妥郵票以一分至三分
 油帛夾襯封固掛號寄空函不復 總發行所浙江慈谿費家市張生甫醫室

山東 膠縣良心救國社全體公啓

敬啓者同人因宣傳救國事件組織良心救國社以期以勞力進行永久不懈凡我
 各團體各機關各界人士如有關於此類期內或書籍等等之出版品務望每種
 賜下一份俾作南針而資進行是爲至感至盼再者敝者自進行以來深感於吾
 國人民程度太低毫無國家觀念雖以五卅之悲痛似仍不關彼事漠然無動於
 中而敝社同人進行之艱難實出意料之外是以敝社現在決定一方努力宣傳
 演講愛國教育之旨一方極力提倡鄉村社會教育之普及及非由國家之
 強盛非保全國民性之提高國民程度不可而此社之入手辦法又非由普及鄉
 村教育倡導大國民性之提高國民程度不可而此社之入手辦法又非由普及鄉
 定創辦圖書館數處敢請以數十年爲期自全縣而全省至全國普及爲止凡本
 社社員均志願畢生從事於此以資補救今蒙敝社同人全手辦法又非由普及鄉
 文書籍貳萬餘冊報章雜誌數十種價值共約六萬圓業經本社公決定爲本社
 第一圖書館即以達氏圖書館爲名以資獎勵此後如有捐書者所捐書籍之價
 值足五萬圓之數者即另立第二圖書館而以捐書人之名或姓爲圖書館之名

為至於其他登報鳴謝等一切詳細辦法另有詳則可閱茲不贅述惟敝社同人
 心有餘而力不足茲特徵求鼎力特別贊助如蒙加以書籍或期刊等出版品之
 捐助則更為敝社所企盼而敢代表無數受惠者表示萬分叩謝者也至於各大
 書局各大報社各出版團體各界人士其有熱心社會事業而願將其出版品捐
 助者務乞賜以介紹以便接洽則敝社更感德不盡矣臨書企盼不勝懇切待命
 之至如蒙回件請直寄山東省膠縣城良心救國社逢氏圖書館收即可特此奉
 達敬頌台祺

再啓者敝社此次徵求之範圍極廣毫無限制無論所捐助者為何類何種及新
 舊完缺雖片紙隻字破報殘簡亦一概竭誠歡迎而萬分感謝者也久仰先生熱
 心社會事業素以指導後學領袖輿論為國人所敬佩務乞不吝珠璣賜以特別
 贊助並盼廣如介紹期收集腋成裘衆志成城之功此則惟鼎力是賴矣敝社同
 人久耳鴻名識荆無自臨風翹企仰止曷勝倘蒙不棄加以提携則豈只敝社同
 人應刻骨銘心凡此後之受賜者無不感激大德於無窮也專此奉達不勝迫切
 待命之至肅此敬頌

勸捐新書 周筱農君來緘閱登

馬克司為最高學說哀多益寡稱物平施井田主義大同可期宜乎學界風靡抵
 掌研究也諸君有有共產黨執行委員會宣言書一切共產書籍乞郵寄以下三
 處詳細地址當有收據回奉或以相當書籍回贈
 北京總商會正陽門外西珠市口奉天總商會潘陽城內鐘樓南大街上海總商
 會圖書館上海鐵大橋北天后宮間壁永久保存共同研究也

第二十九期 廣告門

一百十三

114

醫 學 雜 誌

第二十九期 廣告門

崇德醫科大學
新同德社出版 新同德

一名「崇德醫藥月刊」

一百十四

宗旨 專門介紹德國最新醫藥知識指導民衆衛生

內容 分評論學說醫學新藥介紹常識衛生醫事新聞文藝專載等欄多七萬餘言

定價 本利用道林紙精印每月一冊實售大洋二角全年十二冊兩元郵費加一

總發行所 上海 麥根路 崇德醫科大學 新同德社

中華民國十五年四月出版

編輯兼發行所

山西太原省城新民街即精營東二道街北首門牌第一號
中醫改進研究會

信實進取愛羣

一 意 注

本雜誌每兩月一册全年六册如承訂閱請寄現款郵真代價九五折扣以三分以下者爲限但郵票必須開以蠟紙如無蠟紙致不能揭開者不收

表	目	價
零	半	全
售	年	年
一	三	六
册	册	册
大洋一角五分	大洋四角	大洋八角
費郵	費郵	費郵
一分半	四分半	九分

二 意 注

本雜誌爲提倡醫藥學起見凡有著名醫家及經驗良好藥品願登廣告者列表於下

日	價	告 廣	
		全	頁數
四	半	頁	價目
分		大	兩月一期
之		洋	半年三期
一		四	全年六期
大	頁	元	
洋	大	大	
一	洋	洋	
元	二	十	
大	元	元	
洋	大	大	
二	洋	洋	
元	五	八	
大	元	元	
洋	大	元	
三	洋	元	
元	八	元	

中 山 西 太 原 省
醫 改 進 研 究 會

民國十五年六月

中華郵政特准掛號
認爲新聞紙類

醫學雜誌

第三十一册

醫學雜誌第六年繼續出版感言

人亦有言。古今中外。智愚賢否。終日營營者。名利而已。愚以爲斯言也。未可概施於我中醫醫界中之仁人君子。夫醫界中人。抑豈不欲享盛名。計衣食耶。特仁人君子。其博濟之心篤。則名利之念輕。斯皆由於平日讀書見道而來。故與操術謀利者迥異。其治愈一病也。以爲不過吾人分內之事。設遇難治之證。則痛若切膚。忘食廢寢。獲一靈方。悟一妙諦。恨不立時揭藥。宣告同人。即如近年來我醫界諸君子。不憚遠道。不惜心力。紛紛以著作經驗相餉。果何爲哉。以云名耶。則諸公盛名早布遐邇矣。以云利耶。本會並無薄酬。而諸公紙墨郵費。亦頗不貲。無他。值此茫茫浩劫。人類摧殘之際。多活一人。卽造一分之福。治愈一病。聊盡一分之心而已。所憾者。道途多梗。郵書往還。遲滯遺失。皆所不免。深望

諸君子始終不棄。惠寄源源。豈惟本會之幸。寰宇同胞。實利賴之。謹布數言。登諸簡端。藉伸謝悃云。

本雜誌啟事

凡訂閱本雜誌者望先寄費空函訂購恕不作覆

代派本雜誌辦法

- (一) 凡個人或團體代派本雜誌十份者贈閱一份二十份贈閱二份以上類推
- (二) 凡代派本雜誌須先繳費一半餘按期遞繳若到期未清恕不續寄
- (三) 凡願代派本雜誌者須有妥實介紹人

外界投稿簡章

- 一 各界投稿凡有關於醫藥衛生等學術者本會極其歡迎
- 一 凡經本會編入雜誌之稿件每一稿奉贈雜誌一冊如一期之內登兩三稿亦奉寄送一冊
- 一 凡永久贊助本會特別熱心或贈送書籍諸君本會按期寄送一冊
- 一 投寄稿件務請繕寫清楚圈點句讀
- 一 收受各稿本編緝處可以酌量增刪如作者不願他人增刪亦請預先聲明
- 一 所投稿件未經登載者恕不奉還
- 一 各醫藥報界有願與本會雜誌互換者本會極表同情
- 一 會內外諸君有翻譯東西最近發明之醫藥學投刊者本會尤為感綴

第三十一期 目錄

一

醫學雜誌第三十一期

目錄

附設醫院十五年^四三月中西醫診治人

數及比較表

專著門

靈素生理新論 續

楊百城

新攷正經脈俞穴記誦篇 續張壽頤

論說門

論神經

楊百城

論陽明病在經在府之證治張壽頤

駁貴陽抑陰論

張錫純

補之意義及治法

壽守型

纂述門

(生理類)

論中國五形生人與西國四質生人

說異而理同

楊煥文

天癸末義 續

周禹錫

(衛生類)

張栗庵先生存書 續

水與長壽

沈仲圭

胃欲寒飲說

前人

(病理類)

纂輯中西解剖病理

瘡病之研究

楊百城
趙意空輯

程哲

醫 學 雜 誌

(診治類)

(診法)

色脈篇續

脈訣圖微續

臨診鈞脈說

臨診左外以候肝說

[治法]

治病序例

[治療各稿]

秋燥吐血兼伏暑証治愈

亡陽寒厥治驗

陰水証治驗

楊百城

楊星垣選寄

陳益生

前人

楊百城輯
趙意空

劉蔚楚

胡天宗

錢文宗

第三十一期目錄

涇溫治法一得

治療肺癆病之新發明

[方劑類]

方劑講義汗劑書後

婦科簡易彙方

醫案門

先賢醫案二則

肝葉倒豎治療

血証治療

榕葉催生之心理作用

通訊門

河南醫藥研究會致本會誠

沈仲圭錄

楊星垣

趙意空

楊星垣

張錫純錄

楊星垣錄

沈仲圭錄

張治河

三

醫 學 雜 誌 4

第三十一期 目錄

本會覆河南醫藥研究會緘

蔡維望君致張壽甫書

徐相宸君鄭重宣言

周小農君撰擬全國中醫學會檢定

資格條例

陳昌五君閱余雲岫駁議感言

譯叢門

癩腫癰疽大背之保存療法康浩譯

雜俎門

冬蟲夏草攷

星期徵稿選刊

問傷寒與熱病究竟是一是二郭大猷

四

問太陽症有用四逆少陰症有


用承氣者其理安在 鄭承業

針灸討論會治法選刊

跌打損傷刺法 趙緝菴

靈樞動輸篇氣之過於寸口也上十

焉息下八焉伏其理安在衛允如



專著門

靈素生理新論 (續三十期)

第二十節 論天癸非精血之謂

天癸之義，諸家俱以精血為解。是不詳內經之旨也。玩經云：女子二七天癸至，月事以時下。男子二八天癸至，精氣溢瀉，則是天癸在先，而後精血繼之。天癸非即精血之謂也。明矣。天癸者，天一所生之真水。在人身是謂元陰，即曰元氣。人之未生，此氣蘊於父母，謂之先天元氣。人之既生，此氣化於吾身，謂之後天元氣。但氣之初生，真陰甚微。及其既盛，精血乃壯。然必真陰足而後精血化，是真陰在精血之先。精血在真陰之後。不然，女子四十九，男子六十四，而天癸俱絕。其周身之精血，何以仍運行於營衛之中，而未見其涸竭也。則知天癸非精血明矣。其以精血為天癸者，王太僕陳良甫以下之謬論也。

中國古無細胞之名，故曰元陰元氣。

第三十一期 專著門

一

第二十一節 論男子成熟期精氣之源委

經云。男子二八

二八為男子成熟之年

而天癸至。八為少陰之數。老陰之數極於十。少陰之

數次於八也。

西人云在未成熟之童男。斷無精蟲。但不盡然。有十歲小兒精蟲已完全發育者。有年已弱冠尚無精蟲者。此非常例。二八者男子成熟

期之常例也。

男子本陽體而得陰數者。陽與陰互為根也。故於卦為坎。坎為男。男子八

歲腎氣始實。二八腎氣始盛。腎中天一所生陽氣之水。於是化成。是為癸水。所化

癸水。從腎系出於胞中。男子之胞名丹田。名氣海。又名精室。西人所謂精囊是也。

精囊者。輸出精蟲之所也。精蟲即精細胞。如蝌蚪形。精細胞為含液體。即先天督

脈腎場所化之水而成。中人所謂天癸水也。既從腎系至於胞中。則後天衝任奉

心所化之血。與水相應。亦至胞中。惟男子屬陽主氣。秉督脈精氣之化。則氣勝於

血。不為經而為精。經云。男子二八精氣溢瀉。故有子者。以精氣中含有天癸水也。

且既化為精。此精游溢形骸之內。蘊含血液之中。循督脈入脊上腦。是生骨髓。循

任脈上頰繞唇。是生鬚鬚。出於皮膚生毛。故男子之骨較女堅。毛較女重者。以得

醫
大本。

督脈之陽化也。及男女交媾。命門火熾。遂從血液中攝取而聚集於胞中。癸水藉此由精道注射女體中。而與女子癸水即卵細胞凝合。是為生人之種子。即為生命之大本。

考精在人身最貴而甚少。統計通有一升二合。此男子二八未洩之成數也。稱得一斤。積而滿者至三升。人生十六歲則精泄。凡交一次則喪半合。有喪無益。則精衰身憊。若耗損不及一升。則真精散失。疾病叢生。死亡隨之矣。

第二十二節 論女子成熟期經水之源委

經云。女子二七而天癸至。七為少陽之數。老陽之數極於九。少陽之數次於七也。此常例也。男二八。女二七。此就人類平均之數。若成熟期之早遲。亦有關於風土。視其體質者。不在此例。女本陰體而得陽數者。陰與陽互為根也。故於卦為離。離為女。女子七歲腎氣盛。至二七任脈通。太衝脈盛。腎中天一陽氣所生之水。所謂癸水者。即發於腎系之中。而至胞中。女子之胞名血海。名子宮。西人亦謂之子宮。輸進卵細胞之所也。卵細胞有卵巢。釀生卵種。卵種

第三十一期 專著門

三

4

第三十一期 專著門

四

既繁。而後由輸卵管輸入經所。謂任脈通者。蓋指此而言。其卵細胞爲含蛋白質黃液體。則所謂天癸水也。此屬先天督脈所司。若衝脈麗於陽明。屬後天。主奉心化血。陽明飲食所化之精汁。既化爲血。則由衝脈導引下行。以入胞宮。與天癸之水會合。惟女子屬陰。主血。乘衝脈血氣之化。則血勝於氣。不爲精而爲經。經云女子二七月事以時下。故有子者。以經水中含有天癸水也。即卵細胞與男子遇則成胎。否則從精道泄出。及至年衰癸水消滅之歲。卽爲經水斷絕之時。以腎氣既衰。則後天衝任二脈血氣。亦不爲之潮也。少壯女子。每月經行一次。其色赤者。以本衝脈血氣之化也。應時而下。每月有事。故曰月事。又以其如潮汐之有信也。日月信。其行止之有常也。曰月經。督脈癸水之陽不足。則經遲而滯。衝任之陰血不足。則經淡而枯。

考經水初潮。色作淡紅。量亦不多。漸行漸多。色變殷紅。至將淨時。仍還淡色。一次之量。自三錢至八兩不等。各隨其體質而殊。經少者日數短。一二日已淨。多

則日數長。八九日始止。

第二十三節 論乳汁之生化

醫 婦人經水。每月一至。應時而下。其候不愆。及乎懷妊以後。經水不至。所以養胎也。分娩以後。經水仍不至者。非以生乳乎。乳汁之與經水。固大有關係矣。然經水色赤而乳汁色白。乳汁果由於經水乎。試一究乳汁生化之所以然。其源委不可不詳也。凡人受氣於穀。穀主化汁。人身一切之汁。皆本穀氣所生。匪獨乳汁然也。經云。食入於胃。脈道乃行。此言胃中穀汁。上歸於心。化血以行脈也。而爲血之始。又曰。水入於經。其血乃成。此言胃中穀汁。奉心所化之血。由衝任二脈。導引而下。與癸水會合。男子化精。女子化經。皆本乎此。而爲血之終。女子血有餘。以血爲主。而血生於穀。穀氣歸心而化血。是以行經。及其乳子。穀氣奉心化血者少。而散精於左右乳房者多。是以血不足而經不行。當乳子期間。穀氣上行。不得心火之化爲血。而得肺金之化爲乳。及兒斷乳後。穀氣歸心。淫精於脈。脈氣流經。是以乳斷而

第三十一期 專著門

五

血旺。則經水行矣。

第三十一期 專著門

六

附錄

男子屬陽。陽極則必自上而下垂。故陰物垂而乳房縮。女子屬陰。陰極則必自下而上衝。故乳房大而陰戶縮。此其上下伸縮凸凹異用。殆造化之玄機也。

新考正經脈俞穴記誦編(續三十期)

名譽理事 張壽頤

督脈循行經文

〔素問骨空論〕督脈者。起於少腹以下骨中央。女子入繫廷孔。其孔溺孔之端也。其絡循陰器。合篡間。繞篡後。別繞臀。至少陰。與巨陽中絡者合。少陰上股內後廉。貫脊屬腎。與太陽起於目內眥。上額交頤上。入絡腦。還出。別下項。循肩膊內。俠脊。抵腰中。入循膂。絡腎。其男子循莖下至篡。與女子等。其少腹直上者。貫齊中央。上貫心。入喉。上頤。環脣。上繫兩目之下中央。

〔注〕督任衝脈。皆發源於下。如木之有本。水之有源。故督脈起於少腹以下

之骨中央。〔王啓玄注謂卽腰橫骨圍之中央。壽頤按此在腰下髌髀骨之中間。即兩陰之內部。此間前有橫骨。後有尾骶骨。左右有髌髀大骨。四周皆骨。其形宛如井欄。所以素問謂之骨中央。今西學家亦名之爲骨盤。〕其正經隧之直行者。〔向後而循脊直上。則循前陰而合纂間。以繞過纂後。〕〔王啓玄注。所謂間者。謂在前陰後陰之兩間也。〕壽頤按纂字此義。字書所無。蓋讀爲纂組之纂。纂組有集合之義。故兩陰之間。名之爲纂。今甲乙經奇經八脈篇。正作纂間纂後。乃貫脊而上。徑達頂顛。又環過前顛。而循鼻柱下行。以至上唇正中之水溝穴。又行於唇內上齒斷縫中之斷交穴而終。骨空論之所謂合少陰。上股內後廉。貫脊屬腎。又謂與太陽起於目內眥。上額交顛。絡腦還出。別下項。循肩髀內。俠脊。抵腰中。又謂少腹直上貫齊中央。上貫心入喉。上頤環唇。上繫兩目之下中央。則督脈之支絡也。

〔素問氣府論〕督脈氣所發者二十八穴。項中央二。髮際後中八。面中三。大椎以

第三十一期 專著門

八

下至尻尾及傍十五穴。至骶下凡二十一節。脊椎法也。

〔注〕此則督脈循行之正經隧。二十八穴。皆督脈氣之所發。項中央二者。啓玄謂是風府瘖門二穴。髮際後中八者。啓玄謂是神庭上星。顛會前頂。百會後頂。強間腦戶八穴。面中三者。啓玄謂是素膠水溝斷交三穴。大椎以下至尻尾及旁十五穴者。啓玄謂是大椎陶道。身柱神道。靈台至陽。筋縮中樞。脊中懸樞。命門陽關。腰俞長強會陽十五俞也。壽頤案啓玄所指諸穴。與經文督脈氣所發者二十八穴之數符合。惟會陽在尻尾兩旁。左右有穴。則經文二十八穴。當作二十九。八乃九字之訛。不得以經文總稱二十八。而不數會陽之有兩也。壽頤又按唐後明堂孔穴各圖。督脈中皆有兌端一穴。而無會陽。以會陽列於膀胱足太陽經之俞穴中。考甲乙經外台。皆曰兌端在膺上端。手陽明脈氣所發。會陽在陰尾骨兩旁。督脈氣所發。并不言兌端爲手陽明督脈之會。會陽爲足太陽督脈之會。則兌端專屬於手陽明經。會陽當專

屬於督脈。皆無疑義。而自宋以後。移兌端以入督脈。移會陽以入足太陽經者。蓋以兌端在上脣尖端正中。爲單獨之穴。會陽在尻尾兩旁。爲左右偶穴之故。究之唐前各書。皆不如是。氣府論此節。言督脈二十八穴。有尻尾傍一句。則明指會陽在二十八穴之中。王注列督脈二十八穴之名。而獨無兌端。又一確證。則宋以後之明堂孔穴諸書。未免師心自用。必不可從。頤輯是編於手陽明經穴。補入兌端。以存唐前之舊。而於督脈諸穴。并錄會陽。則卽本於氣府論之尻尾旁一句。且又甲乙外台啓玄之所同。非臆說也。

〔甲乙經二卷絡脈支別篇〕督脈之別。名曰長強。俠脊上項。散頭上。下當肩胛左右。別走太陽。入貫膂。〔靈樞經脈篇同〕

〔注〕此言督脈之別絡。則由長強之穴。分爲左右二支。俠脊以上。所謂散頭上者。與骨空論交頤上絡腦相合。所謂下當肩胛左右。別走太陽。入貫膂。亦與骨空論別下項。循肩膊內。俠脊。抵腰中。入循膂絡腎相合。蓋其分支。卽由

第三十一期 專著門

十

長強而俠脊上行。與足太陽經會合。故長強之穴。為督脈之別絡也。

〔難經二十八難〕督脈者。起於下極之俞。並於脊裏。上至風府。入屬於腦。

〔注〕此亦言督脈之別絡。並於脊裏。蓋其左右分支。相並上行。即骨空論之所謂俠脊。非貫脊正中之經脈。又言入屬於腦。亦即骨空論之所謂交頤絡。腦也。滑伯仁難經本義。乃謂督脈起下極之俞。由會陰歷長強。循脊中行。至大椎穴。與手足三陽之脈交會上。

〔壽頭案三陽當作六陽。六陽之脈。無一不交於大椎。名曰會上者。猶言諸陽經之大會也。〕至瘖門與陽維會。至百會與太陽交會。下至鼻柱人中。與陽明交會云云。則以督脈之正經隧言之。與二十八難之經文本旨。不甚符合。

督脈俞穴分寸歌

督脈所發二十九。會陽之穴獨有偶。水源木本尾閭旁。移入太陽殊失舊。中央

正脈始長強。骶骨尖端記直行。〔音杭〕廿一椎下腰俞出。再離五節陽關量。〔平聲〕命門記取十有四。十三之節懸樞次。脊中十一中樞。第九脊椎筋縮。是七下至陽六靈台。第五節椎神道開。三椎身柱一陶道。大椎節上六陽來。瘖門項後髮際準。宛宛中央繫舌本。上尋風府會陽椎。入髮距離又一寸。至枕骨間腦之戶。強間後頂各寸五。頂顛百會旋毛中。惟前之頂又同數。顛門有會陷容豆。髮上寸許上星覲。額中髮際到神庭。鼻部素膠準頭候。鼻下人中即水溝。手陽明會上脣頭。斷交乃在上斷縫。督任相交此處求。

督脈俞穴分寸攷

會陽。一名利機。在陰尾骨兩傍。督脈氣所發。〔今本甲乙經尾作毛譌壽頤按督脈之俞。其名則二十有八。惟會陽在尻尾骨尖兩旁。乃是偶穴。則有二十九穴。甲乙外台皆以此穴廁於足太陽經上次中下四膠之後。蓋甲乙經之例。本以穴俞之上下相直者。並列一處。取其易於推測。初不以經絡爲次。而後之以

第三十一期 專著門

十二

經脈分條者。仍列會陽於足太陽經中。終屬誤會。茲據素問氣府論。及甲乙外台。仍以會陽歸之督脈。所以存古人之舊。長強一名氣之陰郄。督脈別絡。在脊骶。少陰所結。腰俞一名背解。一名髓空。空外台作孔古今字。一名腰戶。〔外台又曰一名腰柱〕在第二十一椎節下間。督脈氣所發。陽關。甲乙外台無此穴。啓玄注氣府論有之。云在第十六椎節下間。督脈氣所發。蓋本於中誥圖經。茲據以補。命門一名屬累。在第十四椎節下間。督脈氣所發。伏而取之。懸樞。在第十三椎節下間。督脈氣所發。伏而取之。脊中。在第十一椎節下間。督脈氣所發。俛而取之。中樞。甲乙外台無此穴。啓玄注氣府論有之。云在第十椎節下間。督脈氣所發。俛而取之。至陽。在第七椎節下間。督脈氣所發。俛而取之。靈台。甲乙外台無此穴。啓玄注氣府論有之。云在第六椎節下間。督脈氣所發。俛而取之。神道。在第五椎節下間。督脈氣所發。俛而取之。陶道。在項大椎節下間。督脈

足太陽之會。俛而取之。大椎在第一椎上陷者中。三陽督脈之會。壽。頤按甲乙無上字。蓋奪佚。外台有之。啓立注氣府論亦有上字。此不可省。三陽當作六陽。瘖門一名舌橫。〔甲乙作橫舌〕一名舌厭。在後髮際宛宛中。〔後外台作項〕入繫舌本督脈陽維之會。仰頭取之。風府一名舌本。在項上入髮際一寸。大筋肉宛宛中。疾言其肉立起。言休其肉立下。督脈陽維之會。〔李瀕湖奇經考謂督脈足太陽陽維之會〕腦戶一名匝風。一名合顛。〔甲乙合顛作會額。疑傳寫之譌。茲從外台〕在枕骨上強間後一寸五分。督脈足太陽之會。強間一名大羽。在後頂後一寸五分。督脈氣所發。後頂一名交衝。在百會後一寸五分。枕骨上督脈氣所發。百會一名三陽五會。在前頂後一寸五分。頂中央旋毛中。陷可容豆。〔豆甲乙外台皆作指。茲從明堂圖。於形爲近。蓋雖有微陷。然不能如一指大也。〕督脈足太陽之會。前頂。在顛會後一寸五分。骨間陷者中。督脈氣所發。顛會。在上星後一寸。骨間陷者中。督脈氣所發。〔

第三十一期 專著門

十四

聖濟曰容豆陷中。李瀕湖奇經攷云即顛門。上星在顛上直鼻中央。入髮際一寸陷者中。可容豆。督脈氣所發。壽頤按此在顛門之下。顛骨平正無陷。不能容豆。其有陷而似能容豆者。即顛門也。今本甲乙外台皆謂此穴容豆。而於顛會則無之。蓋後人傳寫之誤。當依聖濟訂正。神庭在髮際直鼻。督脈足太陽陽明之會。素膠一名面王。在鼻柱上端。督脈氣所發。壽頤按明堂圖云在準頭是也。水溝在鼻柱下人中。督脈手陽明之會。直唇取之。斷交在唇內齒上斷縫中。啓玄氣府論注云。督脈任脈二經之會。瀕湖奇經攷云。督任足陽明之會。(未完)

論說明

論神經

理學 楊百城

神經舊譯作腦氣筋。有動物性神經。與植物性神經二種。動物性神經。又分腦神經。及省髓神經。以腦及脊髓為中樞。其末梢部自腦髓發出者凡十二對。大部分佈於耳目鼻舌顏面口腔咽喉食道胃臟心臟喉頭氣管肺臟諸部。自脊髓發出者凡三十一對。分佈於頸及骨幹四肢之皮膚筋肉間。此等神經。概為白色之絲狀。粗者如針。細者非顯微鏡不能辨之。皆司傳導及反射作用。反射外界之刺激於中樞而起知覺。又傳導中樞之命令而起肢體之運動者也。

植物性神經為交感神經。在脊柱兩側之神經幹中。以交感神經節為中樞。有二十四對之神經節。所以連絡全體。俾互知狀況。協同運動。自各神經節發出之神經。集成網狀。謂之神經叢。分佈於內臟。凡內臟之自動作用。如消化循環分泌等。

第三十一期 論說明

十五

皆由交感神經叢主之。

第三十一期 論說門

十六

綜此以觀。凡人之智識運動及內臟各部之作用。均爲神經司之。神經之爲用大矣。我國醫經。及無神經之名何也。試詳考之。內經氣府論言脈氣之所發。是神經之末梢部也。骨空篇論髓氣之所經。是神經之中樞部與末梢部也。經筋篇論經筋之徑道與病態。是神經之纖維體與病理也。而督脈爲陽經之總司。起於胞中。由會陰行於背。與太陽會於巔。是脊髓神經也。任脈起於胞中。由會陰行於腹。與督脈交於人中。是交感神經也。而太陽經行身之背。從巔入絡腦。其爲病也。則頭痛。由腦後及巔頂。又太陽經起於目內眥。其爲病也。則頭痛。目珠痛。是太陽經卽神經之在表者也。陽明行身之前。其脈循眼系入絡腦。其爲病也。則額顙脹痛。目痛而煩渴。是陽明經卽神經之在裏者也。少陽行身之側。其脈循髮際至額顙。其爲病也。兩額角及眉稜骨痛。是少陽經卽神經之在半表半裏者也。况經云。肌肉之精爲約束。裹擷筋骨血氣之精。而與脈并爲系。上屬於腦。而營於目。又無一非

說。明。腦。膜。中。髓。液。津。液。血。液。之。關。係。也。且。經。云。上。氣。不。足。則。善。忘。又。云。上。氣。不。足。則。腦。爲。之。不。滿。耳。爲。之。苦。鳴。頭。爲。之。苦。傾。目。爲。之。眩。此。又。說。明。心。病。肺。病。腎。病。與。腦。之。關。係。也。又。如。所。謂。陽。並。於。上。則。狂。風。氣。循。風。府。而。上。則。爲。腦。風。又。謂。真。頭。痛。頭。痛。甚。腦。盡。痛。手。足。寒。至。節。死。不。治。又。謂。有。所。犯。大。寒。內。至。骨。髓。髓。以。腦。爲。主。腦。逆。故。全。頭。痛。齒。亦。痛。又。謂。其。受。病。之。深。則。隨。目。系。亦。入。腦。腦。轉。則。引。目。系。急。急。則。目。眩。以。轉。矣。凡。此。諸。條。其。闡。明。腦。膜。病。腦。質。病。也。甚。詳。而。又。爲。之。辨。真。假。分。虛。實。明。淺。深。別。其。在。後。腦。前。腦。是。神。經。之。病。在。我。國。三。千。年。前。殆。闡。發。無。遺。矣。

論陽明病在經在府之證治

名醫 張壽頤
理事

凡百病證。輕者皆在經絡。重者則入府藏。所以自古良醫。無不分別經絡藏府。辨證論治。雜病且然。固不獨傷寒溫熱。不能不守仲師六經之範圍也。惟六經之中。其在經在府之證。確而可據。顯而易分者。莫如陽明一經。四時外感。不問春溫夏暑。秋濕冬寒。其病在陽明者。尤爲最多而最要。蓋仲師傷寒之論。必以太陽始者。止

第三十一期 論說門

十七

以太陽爲寒水之經。故傷寒初起。同氣相感。必在太陽。而溫熱暑濕之病。其勢皆熱。則太陽症少。而陽明少陽症多者。亦固其所宜。且陽明居中屬土。萬物所歸。無所復傳。所以病在陽明。而治之得當。可收一鼓盪平之績。尤其鑿鑿有據。其爲證也。不惡寒但惡熱。而脈大者。陽明在經之熱也。其大煩熱。大汗大渴而脈洪大者。陽明經熱之甚也。若至腹滿便難脈實。則熱入府矣。尤其甚者。腹大滿大實痛。轉矢氣。不大便。則胃腸燥結。灼津燥液之大實證矣。在經之熱。輕則芩連。重則白虎。在府之熱。輕則和胃。重則急下。寒涼所以退陽。蕩滌即以存陰。聖訓昭然。班班可考。其有痰熱互結。蒙蔽清靈。微則胸院閉塞。甚則神迷言糊。助其陽邪。則爲怒罵發狂。踰垣上屋。擾及陰分。則爲嘻笑譁語。循衣撮空。凡此諸候。在素問及仲師本論。無不以陽明爲病。揭藥天下。則當用之藥。瀉心陷胸。大小承氣。古聖賢本爲此症而設。自漢及唐。心傳一貫。初無異議。卽下逮宋金元明。新方繼出。而大旨尙不甚相背。所最可怪者。不知何人。創爲傷寒傳足不傳手。溫熱傳手不傳足之論。而

醫 學 雜 誌 19

葉天士之溫熱論宗之。又杜撰溫邪上受。首先犯肺。逆傳心包十二字。於是溫熱爲病。非肺卽心。非心卽肺。竟將最多最重要之陽明胃家一層抹煞不提。甚意蓋欲區別溫熱於傷寒之外。跳出仲聖樊籠自成一局。謬謂樹此異幟。卽可自命爲開山祖師。居然與仲師分道揚鑣。對壘角逐。抱負不可謂其不大。意氣不可謂其不豪。然竟忘素問有熱病者皆傷寒之類一句。及難經傷寒有五一條。又僞撰河間溫熱先究三焦二語。假託古籍。厚誣前賢。厥後吳氏鞠通。依傍此論。作溫病條辨。遂以三焦分篇。破壞六經條例。意將陽明痰熱諸證。一例誤認心包絡病。或則玄參地麥粘膩助邪。或則犀角牛黃。引熱內陷。貌似養陰。而反以助其壅塞。名爲清火。而卽以速其昏迷。皆以抹煞陽明。鑄此大錯。而其書且風靡一世。徒慕葉氏大名。竟至毒痛四海。且望餘風而附末光者。至今未已。凡是溫病熱病。無不輕病變重。重病告危。近惟九芝封公。注重陽明。揭開黑幕。而滋膩助桀。引邪內竄之禍。或可消滌大害。然業氏吳氏之書。久已誤盡醫林。卽入腦筋。師師相授。而陸氏世

第三十一期 論說門

十九

第三十一期 論說門

二十

補齋中謙論。似乎猶未大昌。尙不知悔禍天心。果在何日。頃也不敏。竊願爲吾黨正告之曰。欲治溫熱。必辨陽明。欲識陽明。則世補齋前集。不可不深思而尋繹之也。

駁貴陽抑陰論

名譽理事 張錫純

嘗思一陰一陽互爲之根。天地之氣化也。人稟天地之氣化以生。即人身各具一小天地。其氣化何獨不然。是以人之全身。陰陽參半。亦陰陽互相維繫。上焦之陽藏於心血之中。中焦之陽。涵於胃液之內。下焦之陽。存於腎水之間。凡心血胃液腎水之類皆陰也。充類言之。凡全身津液脂膏脉腺存在之處。即元陽留蓄之處。陽無陰則飛越。陰無陽則凝滯。陽盛於陰則熱。陰盛於陽則冷。由斯知陰陽偏盛則人病。陰陽平均則人安。陰陽相維則人生。陰陽相離則人死。彼爲貴陽抑陰之論者。竟謂陽一分未盡。則人不死。陰一分未盡。則人不仙。斯何異夢中說夢耶。然此則論未病。陰陽關於人身之緊要。原無軒輊也。若論已病。又恒陽常有餘。陰常

醫

學

雜

誌

21

不足。此朱丹溪之名言誠萬古不磨也。醫者欲調劑其陰陽使之歸於和平。或滋陰以化陽。或瀉陽以保陰。其宜如此治者。又恒居十之八九。藉曰不然。試卽諸病徵之。

病有內傷外感之殊。而外感實居三分之二。今先以外感言之。傷寒溫病疫病皆外感也。而傷寒中於陰經宜用熱藥者。百中無二三也。溫病無論春溫風溫。則純乎溫熱無他議。疫病雖間有寒者。亦百中之一二也。他如或瘡或疹或痧證。或霍亂亦皆熱者居多。而暑暈之病更無論矣。

試再以內傷言之。內傷之病。虛勞者居其半。而勞字從火。其證大抵皆陰虛陽盛。究之亦非真陽盛。乃陰獨虛致陽偏盛耳。他如或吐衄或淋痢。或肺病喉病眼病。或黃疸。或水病腫脹。二便不利。或喘或嗽。或各種瘡毒。以上諸證。已爲內傷之大凡。而陽盛陰虛者。實爲十之八九也。世之業醫者。能無於臨證之際。以急保其真陰爲先務乎。卽其病真屬陽虛。當用補陽之藥者。亦宜少佐以滋陰之品。蓋上焦

陰分不虛。而後能受參芪。下焦陰分不虛。而後可受桂附也。

此稿甫成。適有客至。閱一過而問曰。方書貴陽抑陰之說。誠爲差謬。原可直斥其非。至陰一分未盡不仙之說。亦並斥之。而仙家有號紫陽號純陽者。又作何解耶。答曰。所謂仙者。乃凝鍊其神明。使之終不磨滅也。內經謂兩精相搏謂之神。道書謂鍊精化氣。鍊氣化神。所謂精者。果陰耶陽耶。蓋仙家修成內丹。神明洞徹。如日麗中天。光景長新。而自號爲紫陽純陽者。欲取法乎懸象也。然日爲太陽。在地爲火。火之燃燒。必資養氣。〔火非養氣不着〕火之上炎。具有輕氣。〔爐心有輕氣〕輕養相合。卽爲水素。〔輕一養一卽化水〕火中既含有水素。火原非純陽也。且日於卦爲離。離之象外陽而內陰。是以日之體外明而內暗。其暗處猶火之有燃燒料也。更徵之日月相望之時。月若正對日之暗處。其光明卽立減。由斯知日中含有真陰。日亦非純陽也。况天干中之甲乙。皆爲東方之生氣。甲爲陽而乙爲陰。人之所知也。乃仙家內丹修成之後。不曰太甲金丹。而曰太乙金丹者。因道書約皆爲

男子說法。若為女子說法。自當名為太甲金丹。陰資於陽也。為恒為男子說法。所以如為太乙金丹。陽資於陰也。究之仍不外陰陽互根之理也。自太極朕兆以來。兩儀攸分。而陽儀陰儀之中。即互藏有少陰少陽。「陽儀中有少陰陰儀中有少陽」以生生不息。生天地此理。生人物此理。醫學仙學亦皆本乎此理。彼謂陰一分不盡不仙者。亦知太乙金丹之命名。作何解乎。愚向者曾論醫士當兼用靜坐之功。以悟哲學。登於本志第二十四期。是以今論醫學。而兼及仙學。仙學亦哲學也。

補之意義及法則

本校 壽守型
教員

甲〔意義〕

〔一〕補給體內缺乏之成分。〔二〕補助臟器生活之官能。前者屬於有形。吾國醫學上所謂形不足者。補之以味。補血補陰是也。後者屬於無形。即精不足者。溫之以氣。補氣補陽是也。無論補氣補血補陽補陰。醫者用補之目的。總思以藥物之

氣味形質補助體內之物質官能。而復其生理健康之常態。雖然此未盡補之能事也。吾人生理健康之最要條件。實借乎新陳代謝。道家曰吐故納新。烏鵲流水不腐。蓋組成百骸之細胞。必先排出老廢物。方克吸收營養品。譬諸爐火添煤。宜先去其渣滓。此理淺而易見。不憚繁引古今中外之說以爲徵也。知乎此。則補之意義。亦必須有直接或間接。以促進此新陳代謝之機能者始可。徒事於補。昔人有日服參地而天亡者矣。靈樞經曰。虛與實爲隣。古人微言大旨。引而不發。可以深悟。此補法中所以又有調補之名焉。調補云者。一方補助其物質或機能。一方則流通其氣機而使之排泄。夫然後新者得養。陳者被除。斯得補之要旨。乃近之從事於補者。莫不以形之羸瘦也。氣之虛弱也。脈之細弱也。色之憔悴也。大聲疾呼曰。非補不可。非補不可。是固然矣。孰知補劑纔投。而壅塞踵見。俗醫無可名之名之曰虛不受補。夫虛則竟可補矣。抑何至不受補耶。此景岳補陣之陋。而脩園所以痛砭之歟。未完

纂述門

(生理類)

論中國五形生人與西國四質生人說異而理同

理序 楊煥文

人體之組織與性質。至有關係。故軒歧有陰陽二十五人之論。以五形分之。希臘醫學家黑卜克拉德司等亦均研究討論。以四質分之。一曰神經質。其人皮質蒼白。目光銳利。身瘦而細長。性質沉默。無決斷。多憂慮。此與經所謂木形之人。蒼色小頭。長面大肩。背直身小。手足好。有才。勞心少力。多憂勞於事者相似。二月膽汁。質。其人血色佳。目光銳。牙齒長而大。顏面多稜角。性強堅。喜怒不現於色。言語明晰。不憂慮。能決斷。此與經所謂水形之人。黑色。面不平。大頭廉頤。小肩大腹。下尻長。背延延。不敬畏。善欺給人者相似。三曰多血質。其人血色佳。肌肉豐滿。牙齒形

第三十一期 纂述門

二十五

第三十一期 彙選門

二十六

圓。性質愛活動。喜交際。雖時時激怒。並無存心。成爲樂天派。此與經所謂火形之人。赤色廣胸。脫面小頭。好肩背脾腹。小手足。肩背肉滿。輕財少信。見事明者相似。四曰淋巴質。其人皮質蒼白。肥如水泡。或赤黑暗曇無光。舉動遲鈍。牙齒不整。性質忍耐節儉。善良從順。此與經所謂金形之人。方面白色。小頭。小肩背。小腹。小手足。如骨發踵外。骨輕身清廉。急心。靜悍善爲吏者相似。此四質之說。與我國金木水火四形。既一一可證矣。而土形之人。缺焉。則吾日於彼二質。新加說中。求之。膽汁之人。新加神經質。便成膽大心細。智力優美。固持穩健。終成爲政治家。或事業家。則與經所謂土形之人。黃色圓面。大頭美肩。背大腹美。腹脰小。手足多肉。上下相稱。行安地。善附人。好利人。不喜權勢者相似。但人所乘之質。不能純一。或具有二質三質者。類別甚多。故我國又分之爲二十五人。總之五形四質。均由身體上之組織。推究性情上之個別。說異而理實同也。

天癸末義

續三十期

名譽會員 周禹錫

當青年男子。苟被情慾牽動。陽氣勃興時。陰頭上必有少許清水溢出。此水似精而不濃稠。似溺而帶黏滑。此非天癸化水而溢瀉耶。推之女子情慾發動。何獨不然。其腔中氤氳。幾淫淫欲洩。是亦非天癸反應而何。

若謂天癸爲男子精蟲。女子卵珠。則亦非是。嘗取年踰七旬老叟之精液數滴。用強倍顯微鏡窺視。仍有無數精蟲含混其間。但不甚活潑耳。

由此觀之。天癸爲腎中之真炁明矣。大凡男女媾精時。全仗天癸之原動力。以鼓動畢丸之精液。卵巢之黃液。男炁注入。女炁承接。二炁感觸。如針鋒相對。遂合而成胎。即兩神相搏合而成形也。若男女天癸先後而至。雖兩性之精液交泌。形雖合而神未合。天癸未曾接觸。縱屬游泳活潑之精蟲。亦難以成胎也。

或問西洋有一種人造種子機器。取男子之精液。注射於女子之子宮中。形未接合。亦能成胎。顯係精蟲與卵珠之作用。子認爲腎中真炁。指作天癸。殆注射機中能保存此炁。遂能使其種子歟。曰然。緣西人製造此器。甚屬精良。不容外界物侵

入些許。常用之時。先行消毒。考定體溫。其一端與男子之陽具接觸。用手法使精液注入器中。此用手法時。全體之神氣精力。俱貫注於淫根之際。始得充分射出。故手淫一次。較交合五次。猶未止。實因腎中真炁洩漏過多。「凡人每夜交合二三次。頭不覺眩。腰不覺脹。若手淫一次。旋即頭昏目脹。腰痠腹脹。怔忡等狀作矣。故青年子弟。寧使早婚一二年。尚無大害。若使痴情怫鬱。手淫自遺。戕害身體之禍。較甚之也。」迨精液注入器中。迅即封閉機關。再以器之一端。納入女子腔內。用陰道反射鏡窺準其目的。而注入之。此時精液中所含天癸。尙未盡化變洩。因其手術極快。且勉強洩出之精液。其真炁較平時居多。未易化洩。故仍得成胎。「試觀好手淫之人。精神疲憊。形容憔悴。即戕伐天癸過甚。真炁不能化液以榮之也。」况女子亦望子心切。始作此爲。其見男子作術時。慾念早已勃動。精氣神凝注胞中。每見行此術時。瞳間不無浸溢。故稍假人力。即達目的。予因涉獵西法。所見固多。是以深知耳。

醫 學 雜 誌 29

雖然。必先考查其精蟲之健全與否。若精蟲萎憊。縱具巧奪天工之手段。亦難發生效力也。常見八旬老叟與少婦交合。所生之子必多孱弱畏寒。此無他。卽因精蟲乏天癸培養。雖經少女育成。亦不能如壯年種子之健全耳。世僅知高年氣血衰弱。不知氣血既衰。焉能御女。所以然者。因其稟賦素厚。或頤養天和。雖天癸已竭。精蟲得後天水穀之精氣培養。氣血仍得調勻。精神亦以強健。舉丸中之生殖力仍未歇息。春機受穀氣培養。仍然發育。故年雖老。仍能御女生子。但不及少壯時。有天癸培養之精蟲所種之子較強健耳。

然則此理非熟悉丹經。深明內景者。不易窺探也。近賢高思潛君所著中國胎生學。畧亦悟及其指。天癸就是腎中一陽之氣。這一陽之氣於何徵之。精血中含有。一點溫度。就是一陽之氣。這氣在初起時。藏伏腎中。寂然不動。後來得着後天培養。就漸漸發達。待到一定時期。就起他的作用了。

綜觀此理。惜仍未發明天癸之實象。使見者不免仍生疑竇。予讀費君澤堯之天

第三十一期 雜通門

二十九

第三十一期 專號門

三十

癸原義與新義二篇。因感各家之得失。聊據管見。尙未敢自以爲是。用附諸公之末。而發揮天癸之義云。

(衛生類)

張栗庵先生存書 續三十期

靜則得之。躁則失之。靈氣在心。一來一逝。其細無內。其大無外。所以失之。以躁爲害。心能執靜。道將自定。同上

致虛極。守靜篤。萬物並作。吾以觀其復。夫物芸芸。各歸其根。歸根曰靜。靜曰復命。老子

董思靖曰。虛靜兼忘。是謂篤極。虛乃實之根。靜乃動之根。夫靜天性也。萬物皆作於性。皆復於性。

涵虛生曰。修真之士。委置元神於空氣之中。則得其道。既得其道。當居閒靜無事之所。謹慎而不失其道。俟空氣之生物。而吾又待其返本也。故一往一來而

生變化神明焉。知此則七返之道備矣。

按邵子詩曰。冬至子之半。天心無改移。一陽初動處。萬物未生時。玄酒味方淡。太音聲正希。此言如不信。更請問庖犧。其發明靜中來復之旨。與此若合符節。邵子本道家之易。故於老易相通之故。尤爲宣洩盡致也。

彭尺木與人書曰。督任交通。只是命功初步。若論函關要旨。須是致虛守靜。到得功窮力極。元炁自生。始可幾於復命。屈子云。壹氣孔神兮。於中夜存。虛以待之兮。毋爲之先。此真善發伯陽之旨。參玄人所急當致力者也。

吾所以有大患者。爲吾有身。及吾無身。吾有何患。同上

按心經謂。無眼耳鼻舌身意。無無明乃至無老死。無苦集滅道。無智亦無得。蓋此皆有身之爲累也。一無身而諸患盡矣。有何之有。讀若又。蘇子由曰。達人知性之無壞。而身之非實。忽然忘身。而天下之患盡去。然後可以涉世而無累矣。及古本作苟。

第三十一期 葛述門

三十二

江仲長曰。人之有生。形色外具。心意內知。必使之無者何哉。蓋無者萬善之所歸。萬法之所宗。人能外息諸緣。冥心於無。則與道俱矣。其歸一致。若所謂坐忘息氣面壁。果殊塗哉。

後其身而身先。外其身而身存。同上

吳氏草廬曰。外。謂清淨無爲。不求益生。

按人之勤而之死地者。十有三。夫何故。以其生生之厚。凡世閒之聲色貨利。甘肥膿。衆人所恃爲厚生之具。皆死機耳。故至人者。絕聖棄智。少私寡欲。而養生之主在是矣。

爲學日益。爲道日損。損之又損。以至於無爲。無爲而無不爲矣。同上

鳩摩羅什曰。損之者。無粗而不遺。遺之至乎忘惡。然後無細而不去。去之至乎忘善。惡者非也。善者是也。既損其非。又損其是。故曰。損之又損。是非俱忘。情欲既斷。德與道合。至於無爲。王輔嗣曰。有爲則有所失。故無爲乃所無不爲也。

按道法自然。爲者敗之。故火候玄要歌曰。有作有爲皆是病也。

天下有始。以爲天下母。既得其母。以知其子。既知其子。復守其母。沒身不殆。衆其兌。閉其門。終身不勤。開其兌。濟其事。終身不救。見小曰明。守柔曰強。復歸其明。無遺身殃。是爲襲常。使我介然有知。行於大道。惟施是畏。同上

董思靖曰。人愛氣以生。氣爲母。神寓於氣。故爲子。守母則氣專神安。吳草廬曰。兌從八從口。象口上氣出。塞其兌。謂杜口不言。使氣不從口出。門。氣所出入之門。謂鼻也。先塞兌而後可閉門。由不言而漸調息滅息。而至於無息也。如此則氣專於內。終身不因勞而至耗矣。凡人有事。必須有言。每日開口而言。以成其應接之事。則氣耗而至於匱。終身不救也。此守母之法。小猶微也。所知見者。微茫不欲其明。則不過用其神以傷明。而日進於明矣。所執守者。輕脆而不欲其強。則不暴使其氣以害強。而日進於強矣。見小者育子也。守柔者守母也。光之體謂之明。用其照外之光。回光照內。復返而歸其內體之明也。按太乙金華宗旨謂於萬

第三十一期 雜地門

三十三

第三十一期 纂述門

三十四

緣放下時兩目神光注於眉心繫心緣中即回光也。此言育子之法。姚惜抱曰。施者不塞其兌而遺身殃者也。按施謂施寫施寫不但房室凡大言極視傾聽苦思皆足耗洩真氣亦施寫也見小如佛氏之視鼻端白守柔謂專氣致柔與氏所謂專氣於內蒸肌骨極其軟脆如母腹之嬰兒也

涵虛生曰。天下之道。終必有始。金丹者有始出之地。始行之事。始復之物。產藥川源。始出之地也。致虛守靜以觀其復。濁以止。靜之徐清。安以久。動之徐生。始行之事也。窈窈冥冥。其中有信。其中有精。始復之物也。故曰有始。陰汞是後天子氣。陽鉛是先天母氣。以陽鉛伏陰汞。是母與子見。故曰知其子。但此陽鉛之來。須得火功妙用。蓋鉛生坎宮。伏而不起。欲其擒制離宮之真汞。當用武火猛烹。然後飛騰而上。及與真汞相見之後。則宜守城沐浴。不可加以武火也。始則母戀子而來。繼則子戀母而往。故曰。既知其子。復守其母。子母相戀。終身不殆。則大丹成矣。然後陰陽符火。運用抽添。形化爲氣。氣化爲神。形神俱妙。與道合真。故當塞其兌。閉其門。溫養兩般。內文火而外符火。保全十月。去有爲而證無

爲參同契云。固塞其際會。務令致完堅。候視加謹慎。審察調寒溫。周旋十二節。節盡更須親。即溫養功夫也。若開兌濟事。則動於外應。必致口開神氣散。意亂火功寒。而終身不救矣。見小者。丹之金光。形如黍米。故曰小。守柔者。身之壬水。氣本和平。故曰柔光即金光也。光明藏裏。神氣相依。故曰用其光復歸其明。襲常守其真常也。按朱子曰。汞精他節氣也。又按意即火也。

按老子深遠矣。涵虛之注。專言丹學。此猶易之廣大悉備。而魏伯陽乃依之以作參同也。此鈔專明攝生。故所錄大都丹學。至老之真蘊。當俟異日別爲發揮。茲不兼及也。

水與長壽

名譽會員 沈仲圭

法國韋氏。謂動物之壽命。爲該動物身體完全發育之六倍或七倍。人類至十四歲而身體完成。故其壽命大抵爲九十或百歲。伍秩庸博士謂人壽可至二百歲。則今世之人。大都未老先衰。未衰先死。人生七十已稱古稀者。此其間蓋有故

矣。雖七情六慾之戕。風寒暑濕之侵。在在足以短促人之壽命。要非主要之原因。主要之原因奈何。人體之毛細管。爲土質所窒塞耳。蓋食物中含有土質。土質入於人身。積於血內。致纖若蛛網。密佈全體之毛細管。咸爲淤塞。則血不流行。皮膚乾縐。未登大年。遽爾物化。此理之易明也。使當少壯之時。能使土質永不增加。並徐徐減少之。雖人之身體。月更而歲屢易。而缺者補之。積者除之。〔除身內之土質也〕。謂不能壽至期頤者。吾不信也。致水之爲物。與土愛力甚濃。特普通之水。其中含有多量雜質。故不能復與土質融化。今以純潔無渣之汽水。日日飲之。則身內土質漸與融化。而日見其少矣。〔說本丁仲祐氏○節拙著說水篇〕

胃欲寒飲說

前人

西人謂苦寒之藥。有開胃之效。如黃連大黃龍胆草之屬。僉入消化劑。以其能刺激胃機。能使分泌液增多也。僕初閱藥物學。雖避其言。但衡以中說。則上舉諸品。大苦大寒。非有實熱。詎容輕試。終不得其會通。嗣讀靈樞。見師傳篇有胃欲寒

飲之訓。於是疇昔疑團。渙然冰釋。蓋胃為陽土。受盛水穀而主消化。其性喜寒惡熱。與脾為陰土。性喜溫燥者。迥然不同。故補胃之藥。以寒降。培脾之味。以溫升。視其人之胃弱或脾虛。而分途用藥。庶合治療之正軌。故肉桂。薑根。丁香等類。西人亦列入消化劑者。正為脾虛而設也。不然。寒熱天淵之品。庸可以治一症乎。特當鄭重聲明者。施用此類藥品。其分量宜極少耳。

(病理類)

纂輯中西解剖病理

理事 楊百城 趙意空 輯

姚應鳳

二十三期本志所載尙不完備。茲於他書檢出。並全錄之。

姚應鳳。明仁和人。以瘍醫顯。割皮刮骨。一見洞然。知表裏。疲癢委頓。呼號欲絕。旁觀股慄者。應鳳入觀病。即已。人皆以為神。崇禎時。撫軍喻思恂。駐溫州。拒海賊劉香。毒發背間。劇甚。召應鳳至。剖腐肉。二大器。敷以丹藥。越二日。癰平。嚴州施盛宇。頭痛不可忍。應鳳乃割額探首骨。出瘀血數升。頓除。鄭孝廉尙友。痛流注。應鳳視

第三十一期 醫述門

三十七

第三十一期 雜述門

三十八

之曰。氣從下洩。乃取藥作糜。周身封以敗楮。隙肩井穴治之。遂愈。某叟患脹滿。諸醫多云膈證。應鳳曰。此肺癰耳。取一大盂水。向病者頂上傾之。病者陡驚。急舉刀刺心。瀉濃數碗而愈。人問之。應鳳曰。人心下垂。水潑而驚。驚則心系提。我刀可入也。沈氏嗽不休。應鳳曰。肺貴潰第二葉。然尙可生。先投洗肺湯已。令食豬肺數十片。遂愈。嘗有人患發背。視之曰。可無恙矣。旁有人左唇有紅痣。其人無他病苦。謂之曰。此齒齲也。三年必死。其人怒不應。三年齒潰。詣求救。謝曰。君天譴也。不能過期矣。有人患左臂痛。似有係之者。應鳳曰。君食肉中鼠毒。左臂生鼠。懸刀擬之。有鼠墜地。

瘡病之研究

理學 程 哲

內經論瘡。多以風寒暑濕爲言。是注重於得病之由也。丹溪論瘡。復有水倉痰飲敗血之別。是細別其瘡之兼症而言也。本經則有寒溫痺瘡及六經五臟之分。是就瘡邪之所在。分別深淺輕重而言也。再瘡瘡者。惟出嶺南瘴濕之地。牝瘡者。多

生陽氣不足之人。勞瘡者。表裏氣虛。因勞所發。鬼瘡者。本無瘡。鬼邪氣亂神。大抵得病之原有二。一爲伏邪所發之瘡。多因夏傷於暑。汗大泄。腠理開發。又因遇夏氣悽愴之水寒。邪先伏於皮膚。及遇秋令而新涼束之。則表邪不能外越。於是乎陰欲入而陽拒之。陽欲出而陰遏之。陰陽相搏而病作矣。一爲驟感。即成之瘡。偶患外感。邪羈少陽。或婦女適逢經產之期。以致熱入血室。邪陷厥陰。表裏之氣不通。因而邪正交爭。陰陽相搏而病作矣。其證大抵多熱多寒。或單寒不熱。或單熱不寒。或先寒後熱。或先熱後寒。或有汗無汗。或汗多汗少。或頭疼骨痛。大渴引飲。或嘔吐不思食。或煩躁不得眠。或大便燥結。或腸滿瀉利。其淺者病在三陽。能隨衛氣以爲出入。而一日一作。其深者病在三陰。則邪氣不能與衛氣並出。故或間日一作。或三四日一作。作愈遲者其病愈深。是以瘡之輕重。惟在陰陽淺深也。故治瘡之法。當察其邪之深淺。證之陰陽。必令其自臟而腑。自裏而表。由陰而陽。由晏而蚤。引而散之。升而舉之。使邪氣得出。自然和矣。至於痰食血氣內寒內熱等

第三十一期 醫道門

四十

症。不過隨其甚者而兼治之。弗得以此爲主。久瘧形虛者。非兼補不足以托邪。元陽虛敗者。非灸氣海關元不足以重建命根而挽救於垂危之候也。然邪在陽者。取汗易。邪在陰者。取汗難。又熱多者。涼藥爲靈。寒多者。溫藥爲主。神而明之。存乎其人。方書治瘧之方甚多。是在臨症者。檢得對症之藥方而用之。則庶乎近焉。

(診治類)

(診法)

色脈篇

理事 楊百城

論肝、胃、脾、腎、色脈當病之徵候。

經云。肝脈搏堅而長。色不青。當病墜。若搏。因血在脅下。令人喘逆。其奕而散。色澤者。當病溢飲。溢飲者。渴。暴多飲。而易入肌皮腸胃之外也。胃脈搏堅而長。其色赤。當病折髀。其奕而散者。當病食痺。脾脈搏堅而長。其色黃。當病少氣。其奕而散。色不澤者。當病足胠腫。若水狀也。腎脈搏堅而長。其色黃而赤者。當

病折腰。其奕而散者。當病少血。至今不復也。

此言諸脈。見本經之氣。而色不應者。皆非病。從内生。是外病。夾病也。病以脈有剛柔而異。而以色徵之。如肝脈搏指。堅而長。色當青。而不青者。血蓄於下也。當病墜傷。或為手搏所傷。因血凝脅下。令人喘逆不止也。若奕而散。而色澤者。當病溢飲。蓋面色浮澤。是為中濕。血虛中濕。水液不消。故病溢飲。溢飲者。當渴之時。暴多飲水。肝失疏泄。是以水溢入肌皮。腸胃之外也。胃脈搏指。堅而長。是胃氣虛極。母氣乘之。其色赤。若是當病折髀。蓋足陽明之脈。從氣衝下髀。抵伏兔。故病則髀如折也。其奕而散者。當病食痺。何者。飲食入胃。由中焦之腐化。胃氣不足。則消化力弱。是以為痺也。脾脈搏指。堅而長。是脾氣虛極。虛極其色之黃赤見。脾為肺母。脾虛則肺無所養。是當病少氣。其軟而散。色不澤者。當病足胛。若水腫狀。蓋色澤乃水腫之候。今色不澤。而若水狀者。非真水也。足太陰之脈所循。故如是也。腎脈搏指。堅而長。其色黃赤。外應

第三十一期 醫案門

四十二

於肌膚間者。心脾干腎也。腎受客傷。是當病腰如折。腰為腎府也。其脈奕而散者。當病少血。蓋腎為牝臟。受五臟之精而藏之。而復上入心而為血。精虛則至今不復化赤而為血也。

脈訣闡微

名譽理事 楊星垣錄寄

第四篇

鬼真君曰。診脈宜分生死。決日當定時辰。傷寒熱病。洪大生而沉細死。產後熱病。緩滑吉而弦急凶。頭痛之疴。生于浮滑而死于短澹。腹脹之症。死于虛小而生于大浮。下痢活于微小微洪。反有難療之難。癩狂全於實大沉細。轉輿莫救之憂。消渴數大有生機。虛小愁其陰盡。霍亂浮洪無死法。微遲慮彼陽亡。中風最喜遲浮。急實者何能起死。中惡偏宜緊細。浮大者不易回生。心疼沉細。非比浮大之難醫。水氣大浮。不似沉細之莫療。吐血鼻衄。沉弱沉細者生。實大浮大。俱為亡兆。中毒腸澀。洪大滑大者吉。微細滑細。各是危徵。喘急宜浮滑。短澹云亡。咳嗽尚浮濡。沉

伏決斃。久瀉反宜微細。浮洪者多致歸陰。新產切忌大弦。緩滑者寧憂辭世。嘔吐虛細者吉。實大則艱于奏功。癆瘵浮滑者佳。細數則難以取效。盜汗惟嫌緊數。虛小無愁。失血止慮浮洪。細弱可喜。內實者結在浮洪。沉細有變遷之禍。內虛者結在沉細。浮大無存活之祥。痺症尤嫌浮大。細濇長延。厥病更忌緊弦。洪數即解。癥瘕見細微而可喜。弦滑者危。眩冒見浮滑而相宜。沉濇者重。黃疸不宜急數。遲滑易于分消。白淋偏貴濡遲。濇弱艱于止遏。便閉生于微細。洪大有陰盡之傷。發汗生于虛小。弦洪有陽亡之失。腹痛沉伏。多入泉台。脅痛芤大。定趨死路。脫症結代。難留人世。喘症促革。易走冥途。關格濇伏。常登鬼籙。癰疽滑大。轉慶生緣。結胸現沉緊。半寄于死亡。臟結現浮滑。速痊于淹滯。直中陰經。喪淪代結。忽成熟病。全活浮洪。發斑洪大。未是死徵。噎隔數細。實非生氣。偏枯之症。弦滑何愁。歪斜之疴。數大可治。禁口之痢。結濇不易療。中暑之症。沉伏不須驚。循衣摸床。細小尤堪救援。遺尿撒手。促革必至喪捐。筋青囊縮。微短殞歿。舌黑髮直。數大焦枯。臍突唇裂。結

第三十一期 墓述門

四十四

代應歿。口張足腫。短促何延。呃逆不止。短散就木。懊懣無休。微弱加餐。血量散促。頃刻歸陰。腸結搏堅。但夕歌露。○更有帶鈎之象。心死可定于九日。彈石之狀。腎死必絕于七朝。弓弦之張。肝死定亡于十八。釜沸之亂。脾死可決于四三。浮水之景。肺死應喪于十二也。尚有秘法。可以聲傳于萬年。如見前形。不必問現于何臟。見蝦遊而斷八日之必死。見雀啄而決七日之必亡。見吹毛而言四日之必危。見奪索而許一日之必逝。見屋漏而定五日之必隕。其餘死亡。可據推斷。

臨診鈎脈說

名譽
會員 陳益生

玉機真藏論曰。夏脈如鈎。何如而鈎。歧伯曰。夏脈者心也。南方火也。萬物之所盛長也。故其氣來盛去衰。故曰鈎。四難曰。心肺俱浮。何以別之。然。浮而大散者心也。浮而短澀者肺也。十五難曰。夏脈鈎者心。南方火也。萬物之所茂。垂枝布葉。皆下曲。如鈎。故其脈之來疾去遲。故曰鈎。又曰。脈來累累如環。如循狼玕曰平。來而益數。如雞舉足者曰病。前曲後居。如操帶鈎曰死。

以上云云。驟讀之茫然。雖曰診法可意會而不可言傳。亦幾無所適從矣。竊思吾國醫學。言簡義賅。語無泛設。管見鈞乃病脈。非常脈也。且寓陰陽相乘之意焉。說文鈞。曲形也。既曰如鈞。必有鈞形可尋。但從跡象以求真鈞。歷數十年而不可得。誠以心君宵小不易凌犯也。歲壬戌。就館錫邑。有同事洞庭朱君問楚內眷至錫游覽。悉余知醫。便道就診。據述新產感鬱。必每旦吐瀉一次。體肥豪飲。居恒無苦。惟不生育。易醫十稔矣。脈之。右短澀。左細弦。關內起半圈寸關尺形。其急數狀若風火。此半圈形。豈非鈞形乎。所謂陰陽相乘之脈者非耶。蓋亦僅見而不恒見者矣。大抵怒氣動心。着暑僉肝。橫阻中樞。窒碍升降。肝濁上逆。則吐。下注則瀉。氣粗肩息。氣輪青塊。乃少陽挾君火之威。而侮其所不勝者也。病者言產在四月。天氣頗熱也。遂與黃芪白虎溫胆。桑菊銀翹懷藥秫米枯草丹參丹皮連芩梔棟芍等味。出入爲方。清暑益氣。化鬱調中。服二十劑。鈞脈化而病愈強半。後從西法驗謂子宮偏。撥正即可懷妊。尋卽彼此解職。未通音問。

第三十一期 專述門

四十六

殊不知子宮頭。卽屬肝經。肝調雖偏亦正矣。經此實驗。恍悟經旨精詳。後人憚於探討。未能法外求理耳。然心肺主呼。故脈俱浮。心爲陽之陽。故夏令南方象火。脈浮而大散者。心胃之氣正壯。雖有賊邪。弗能害也。夫下曲如鈎云云者。乃盛陽微弱之漸。故其脈亦來疾去遲。以意度之。來疾者上浮。去遲者下入。殆累累如環之義歟。如循狼玃者。以狼玃類於珠玉。滑而流利。是形容其脈。但有鈎意。未顯鈎形。喻心陽向弱。微易着感。恃胃平調。故曰平也。着重胃氣平字。讀者不可忽諸。如脈來益數如鷄舉足者。鈎形漸著。胃餒不勝。故曰病也。若前曲後居。鈎形著矣。有胃氣而不居甚。尙可治也。如操帶鈎。胃氣絕矣。故死。故四時皆以胃氣爲本。

按平人氣象論有云。夏胃微鈎曰平。鈎多胃少曰心病。但鈎无胃曰死。可知鈎之病脈常脈也。又曰。胃而有石曰冬病。石甚曰今病。乃復示人當知相乘之脈法矣。夏胃鈎而石者。冬感之微而緩持者乎。石甚曰今病者。着時之戾。而速且

暴矣。分此壯弱病死。今古六層解釋。內難精義。無微不顯。蓋經旨着重胃氣與平字。非不佞之臆說。觀十五難上文。問弦鈎毛石四脈。時之王耶。將病之耶。至四時皆以胃氣為本云云。自可了然。總之內難所言氣化色脈。道其變非道其常。道其僅見。非道其常見也。若以五藏五脈相乘之理。揆度時因病因。尤在讀者善悟之耳。

益生曰。右案左關鈎脈。卽玉機真藏論下文。氣舍於其所生之義。故可治。若傳至其所不勝。則難治矣。憑臨診體察而得之心脈。在右關細數急促如風火形者。每從心熱論治。輒隨手奏效。所謂受氣於其所生。最易治也。以上所述。係正虛而感時。令正氣邪微。緩持。若犯時行戾氣。暴而急速。臨症者一有失察。立見傾危。故上文有揆度奇恒。道在於一。神轉不回。回而不轉。至數之要。迫近以微之訓。明乎此。四診之能事畢矣。

臨診左外以候肝說

前 人

第三十二期 醫述門

四十七

第三十一期 藥論門

四十八

脈要精微論曰。附上左外以候肝。內以候鬲。右外以候胃。內以候脾。

有扞丁苗升者。患脾虛黃疸。醫治稍可。轉倩余診。藥之良愈。失於調理。越數月。忽腹脹泛噁。不能安穀。診之左關現脈兩條。寸關尺憶及左外以候肝之旨。問勁怒而口苦乎。謂索債不遂。氣忿。口苦甚。以中陰溜府。中陽溜經。右外候胃。內候脾之義。參酌變通。溫胆湯從少陽論治。一劑知。二劑已。後因乏力培補。反覆不起。惜哉。

(治法)

治病序例

理事 楊百城 輯 趙意空

陰陽表裏虛實門

表虛其證自汗惡風。洒淅寒熱。喜就溫。煖脈浮無力。

忌破氣。升發。辛熱。如麻黃、升麻、防風、柴胡、羌活、獨活、前胡、乾葛、紫蘇、薄荷、白芷、生薑、荆芥。已上 吳茱萸、桂枝。表虛而中 乾薑。已上 破氣藥見前。

宜補。欽。益氣實表。甘。酸。如人參、黃耆、白芍、甘草、桂枝、有熱者勿用、五味子之類。

裏虛其證洞泄。或完穀不化。心腹痛。按之即止。或腹脹。或傷寒下後痞滿。

忌破氣。下。苦寒。如大黃、芒硝、巴豆、元明粉、牽牛、已上、黃芩、黃連、山梔、知

母、黃蘗、天冬、茗、已上、苦寒、破氣藥見前。

宜溫補。甘。佐以辛熱。如人參、灸甘草、白朮、大棗、糯米、肉桂、附子、有熱者勿用

乾薑之類。

陽實即表邪熱盛。其證頭痛、寒熱、偏身骨痛、無汗。

忌補。欽。下。大熱。如黃耆、人參、白朮、茅朮、桂枝、芍藥、五味子、米麴、麥、猪、羊

犬肉、醋、已上、補。欽。附子、胡椒、乾薑、肉桂、蒜、吳茱萸、已上、大熱、下藥見前。

宜辛寒發散。天寒暑加辛熱辛溫佐之。如石膏、知母、葛根、麥冬、前胡、柴胡、黃

芩、柴蘇、薄荷、升麻、防風、葱白、荆芥、羌活、麻黃。冬月可用 春夏忌之

第三十一期 雜論門

四十九

第三十一期 寒濕門

五十

陰實。即裏實。外感證屬邪熱內結者。其證胸腹硬痛。手不可近。大便七八日不行。或挾熱下痢。

忌辛溫發散。補。諸藥俱見前。

宜下。苦寒。鹹寒。甘辛。如大黃、厚朴、枳實、滑石、山梔、黃芩、黃連、藍茵陳、

芒硝、桃仁之類。

陽厥。即熱厥。其證四肢厥逆。身熱面赤。唇燥。大渴。口乾。舌苦。目閉或不閉。小便赤澀。短少。大便燥結。不省人事。

忌升發。補。鹹。燥。熱。辛。溫。諸藥俱見前。

宜下。清熱。甘寒。鹹寒。如大黃、芒硝、石膏、黃連、黃芩、山梔、知母、童便之類。

如挾虛有痰者。宜麥冬、竹瀝、蘆根、梨汁、牛黃、童便之類。如婦人熱入血

室因而厥者。藥中以童便為君。加赤芍、生地、牛膝、丹皮、桃仁。甚者大便結燥。加芒硝、大黃下之。通即止。勿盡劑。

陰厥即寒厥。其證四肢厥逆。身冷。面青。蹠臥。手指爪青。黯。腹痛。大便溏。或完穀不化。小便自利。不渴。不省人事。

忌下。破氣。苦寒。鹹寒。酸寒。如食鹽、元精石、童便。已上鹹寒芍藥、醋。已上酸寒

破氣苦寒諸藥俱見前。

宜補氣。溫中。甘溫。辛熱。如人參、乾薑、附子、肉桂、吳茱萸之類。

上盛下虛屬陽盛陰虛。

忌升散。下。助陽補氣。復忌破氣。燥熱辛。諸藥俱見陰虛條下。

宜降。益陰。甘寒。酸寒。佐以鹹寒。苦寒。如蘇子、枇杷葉、麥冬、枸杞

子、生地、沙參、白芍、山茱萸、五味子、牛膝、童便、元參、黃蘗、天冬之類。

(治療各稿)

秋燥吐血兼伏暑症治愈

名醫 劉蔚楚

孔麗川盛暑因商務逾月奔馳。季秋病發。余往診則在秋末矣。病者壯熱煩渴。微

第三十一期 雜述門

五十一

喘不食。吐血盈盤。舌乾紅。因臥而不能起。目張而不能合。時或似睡非睡。則盜汗出。溺短便結。脈洪數。余曰。此燥甚傷其肺胃津液。中西藥或太澀。或太散。未當也。喻嘉言引內經秋傷於燥。上逆而咳。發爲痿厥。著秋燥論。訂正秋傷於濕。一濕字。豕亥之訛。費伯雄謂解經者多濕燥混淆。推喻公獨具隻眼。惟論中拘定秋不分不燥。未得圓相。因仲明燥者乾也。對濕言之也。立秋後濕氣去。燥氣來。初秋尙熱。則燥而熱。深秋既涼。則燥而涼。以燥爲全體。而以熱與涼爲之用。須兼此兩義。誠精核之言。余謂天氣有變化。燥病須察熱與涼。亦不必拘定初秋深秋也。秋云暮矣。而脈症純熱。肅降肺胃。宜清金保肺飲。金釵斛南杏仁瓜萸仁各三錢。茜草沙參各二錢。去二冬蛤粉玉竹芩貝加鮮杷葉鮮枸杞根冬桑葉茅根熟蕤仁肉側柏炭各三錢。布包旋復花舊管仲炭二錢煎服。另多與以生梨藕汁。又以汁下舊十灰散二服。每服錢半。三劑喘定熱退。血減盜汗止。仍不寐不食不能起。詢得冒暑勞苦。已覺時有不適。其爲先伏暑熱。發於秋燥。熱燥合傷其營液。亦可診而知。

者也。擬玉女煎去牛膝用生石膏一兩知母四錢麥冬二錢粳米一小杯和服鮮生地一杯。奈舌赤退。次日復赤。余曰葉天士謂熱病初不甚燒。有清導之而反大燒者。燒退再燒者。舌忽變色者。是伏邪外達。甚則肢冷寒戰。是正邪相爭。脈無變象。則不必多疑。余仍前方三劑。溺漸長。大便秘。未思食。以潤腸丸法。導其下以通其中上。是導出伏邪。滋生營液之法。蜜浸麻仁秦艽各三錢大黃二錢桃仁一錢皂角二錢半。去歸尾羌活加甘草八分。大便得下。舌色退。次日復純赤如硃砂。計已三次。治病亦已九日矣。雖納粥。盜汗早止而熱多。血由唾中帶出。神志默默。不能起坐。藥效頗遲。余心焦亟。乃決意以重劑白虎與之。生石膏八兩知母一兩。蒼稻穀五錢甘草八分另煎管仲炭生地炭各三錢水磨犀角與數分和服。越日始能起坐。不大渴。而血未全止。脈右寸關沈數。應從滋降不膩立法也。鮮茅根八錢重樓金線金釵斛真建蘭葉知母各三錢紫苑鬱金茜草生龍骨牡蠣各二錢。舊百草霜鹽泡黃柏各一錢。藕汁已連日必用。即以此汁送下舊十灰散每次一

錢。十服血全止。脈轉濡數。此時宜滋水制火養腎。敗龜板酥炙大生地知母各三錢。鹽水泡黃柏一錢。加熟蕤仁肉川續斷杜仲瑣陽各三錢。女貞子沙參桑葢百合麥冬合歡皮鹿銜草各二錢。牛膝錢半。此大補陰丸加降潤法。共治月餘。乃瘳。

亡陽寒厥治驗

如案 理事 胡天宗

魚山吳友生室。年逾四旬。於仲夏忽發寒熱。頭暈。延醫投以羌防等疎表之劑。旋出大汗。午後發冷昏厥。繼服白虎湯。服後肌冷如冰。胸中遏閉。汗泄床褥皆濕。厥逆愈劇。症極危險。延宗赴診。重按脈形沉伏。指甲色淡唇白。遺溺不知。斷為氣虛亡陽之候。此症誤投疎散。繼服涼寒。一誤再誤。致有險象。為書案曰。質本陽虛。強發其汗。疎表不固。汗多亡陽。變為痙症。殊不知熱厥身熱。汗必熱。寒厥身涼。汗必涼。所謂寒厥者。以陰中陽微。陰無所主。汗隨氣泄。經以陽氣者。精則養神。柔則養精。今陽氣竭。血無所附。以養筋。陽氣盡泄於外。陰盛身冷。汗厥也。仲景云。極寒反汗出。身體戰慄。為陰汗。腠理不密。以汗為心之液。又曰。腎主五液。皆因心腎陽虛。

不能衛外。故如是溇溇自汗遺溺也。唇白舌淡。指無榮色。六脈沉伏。斷內之元陽將盡。為外之亡陽將脫。議以急救垂絕之陽。投理中參六君子主治。遂用野台參一兩。土炒白朮。山萸肉。煨龍骨各五錢。野苳薑。夏各三錢。附片。灸草各一錢。桂枝。炮薑各八分。陳皮二錢。頭渣服下。胸閉豁開舒暢。半夜肌溫。收二渣服之。次日能坐進食。厥冷俱無。加減去夏陳龍骨。加黃芪。防風。白芍。當歸。五味。仿建中湯用意。不偏於欽。亦不偏於補。接服四劑。體健如常。

陰水症治驗

名醫 錢文廣

民國壬子年六月末旬。診視堂兄錢光樾水腫證。年四十餘。秉賦強盛。原因客冬操作過勞。徹夜不眠。倦則露宿。交春發生膿疥。未曾調治。延迄長夏。四肢先腫。漸及於腹。其症面色黧黑。目暗珠昏。眼胞浮腫。狀若臥蠶。周身腫脹。按之則起。小便不通。精神疲憊。舌薄無苔。色白如紙。味淡不渴。六脈弦緊。重按細而有力。脈證合參。此陰水也。夫勞倦露宿。多受風濕。邪逼腠理。則生膿疥。既生膿疥。須以疎風利

第三十一期 藥城門

五十五

濕敗毒法治之。諒無他變。乃因循失治。一交長夏。濕土用事。則內濕與外濕相從。脾弱不能運輸。以致肺氣不降。水道不利。三焦失職。陽光不濟。陰氣彌漫。週身血液悉化爲水。泛濫橫溢。而腫脹起矣。此證重在膀胱。經云膀胱者州都之官。津液藏焉。化氣則能出矣。故治斯證。宜化膀胱之氣。使決瀆通行。陽光下濟。陰氣收藏。再以真武坐鎮北方。則海不揚波。而天下安然矣。方用桂枝五錢。開太陽之氣。佐附子三錢。煖下焦之陽。茯苓於朮各二錢。半以扶土。防已木通各二錢。以利水。生薑三片。紅棗三枚。以化氣。甘草錢半。以中和。少加細辛。領諸藥通行經絡。即苓桂朮甘湯加真武之意也。原方進三帖。小便以通。腫脹漸消。轉增微欬。乃去木通。加五味乾薑各一錢。煖胃降逆。桂枝減去三錢。只用二錢。蓋恐多則辛散也。又進二劑。欬止腫消。惜不戒於口。誤食油膩。致胸腹板悶。舌苔變膩。乃去五味細辛薑附等。加厚樸枳實麥芽各二錢。寬胸利氣。燒豬骨三寸。以消油膩。服二帖。諸恙咸瘳。遂改用六君子湯調理脾胃。以收全功。

濕溫治法一得

名醫 沈仲圭錄寄

仲夏霉雨霖霖。受濕不覺。迨季夏天氣漸熱。起居不謹。復感時邪。於是新溫引動。伏濕而濕溫成矣。溫宜辛涼。濕當溫化。顧此礙彼。用藥相背。此昔人所以有如油入麪之喻。而日為最淹纏之病也。

吾友某君別創一法。以鮮青蒿一握。大冬瓜半個。用甌先煎半小時。再入連翹。桔梗。象貝。牛蒡。豆豉。紫蘇。柴胡。葛根。川朴。廣皮等。再煮一小時。徐徐飲之。盡劑為度。〔如一日不能盡。次日再飲〕無不覆盃而愈。重症不過二劑。亦奏膚功。蓋冬瓜淡寒清利。既通肺氣。復調水道。有利濕之功。無壅滯之患。合青蒿之解暑清熱。芬芳醒脾。誠為濕溫善中之善藥。復益連翹以透熱。廣朴以燥濕。桔蒡以宣肺。〔肺氣宣通則小便暢利而濕自下洩〕柴葛以升陽。〔柴胡本經謂去腸胃中結氣。葛根升脾中之清陽以杜熱迫之便瀆〕蘇豉以解肌。表裏兼籌。寒溫平均。有祛邪之路。無灼津之憂。宜乎一劑知。二劑已也。

第三十一期 醫學門

五十七

若濕已化熱。津液灼傷。舌焦或黃黑者。以連翹西瓜（無西瓜時以梨代之）川貝元參玉竹清熱存陰。仍以冬瓜青蒿二味為主。斯方不唯為濕溫專藥。即夏日之暑溫。秋令之伏暑。亦可化裁措治也。

〔附記〕論中二方。係吾友年來治濕溫暑溫伏暑屢試屢驗之方。讀者勿忽視之。

療治肺癆病之新發明

名譽理事 楊星垣

全球人類患肺癆病者。幾占十之八九。患肺癆病而死者。又占十之七八。豈知患此病者。不死於病。不死於醫。而復死於藥不對症者之比比也。近有德國著名醫生惠爾斯。在柏林醫藥週刊中。發表一文。畧謂鄙人（惠爾斯）根據醫學界老前輩法利孟氏之遺方。敢信髓血係治肺癆病之第一妙劑。渠（法利孟氏）生前在動物園中。見有患肺癆病之猩猩四十隻。即以髓血治之。均獲全愈。夫猩猩與人同種同類也。倘以醫治猩猩之髓血。醫治人類之患肺癆病者。定能獲美滿之效果云。

（方劑類）

方劑講義汗劑書後

理事 趙意空

右選汗劑四十方。首列麻黃湯。凡經方中麻黃證治備列之。皆用以發汗也。麻黃味辛性熱。爲傷寒及浮痺風水寒喘寒飲等症要藥。自仲景以至千金外臺。法皆先煮去上浮沫。至宋朱肱活人書。其用麻黃。始有泡去黃水。然後入藥之法。力薄多矣。後人又有炙麻黃法。金元諸家。漸漸以羌防等藥代之。豈非以麻黃過於辛熱。不適於後世之病不得已而泡之炙之代之歟。至黃坤載又本沈氏尊生書旨。以浮萍代麻黃。而立一寒疫之名。介在傷寒溫病之間。期以汗解。而又不取用麻黃。其用心亦苦矣。葉香岩治溫。則得力於薄荷。薄荷辛涼解表。遠勝浮萍。後人靡不宗之。吳氏銀翹散一方。遂與桂枝湯並列。而訾議之者亦復不少。夫藥取治病而已。麻桂用於漢唐而效。羌防用於金元而效。薄荷蘇葉之類。用於有清及今亦效。同一取汗。而一代有一代之藥說者。以爲關於氣運。理或然歟。總之辨證宜確。果係傷寒無汗。則麻桂辛熱。在所必用。易以辛溫之羌防且無效。况辛涼之浮

第三十一期 雜述門

五十九

第三十一期 寒透門

六十

泮薄荷乎。惟以愚數十年之經驗細心察之。近年來雖北方寒地。真傷寒病亦十不獲一。而溫病則十居其九。風溫痧疹初起。亦有必須微汗始解者。慎毋誤為傷寒而妄投麻桂也。

婦科簡易彙方

名譽
理事 楊星垣

治胎前腹痛方

用大紅棗十四枚，燒焦為末，以童便化服。

治胎前腰痛方

用大黑豆一碗，酒三碗同煎，每日空心隨量飯之。又方，用牛屎燒為末，水

調服一茶匙。

治傷胎結血心腹痛方

用童便每日服二三杯。

治胎前每食作嘔方

用法半夏白茯苓厚朴蘇葉川芎當歸白芍共七味水煎二三服即止
治胎動安胎方

用乾荷葉蒂一枚焙研爲末以糯米淘出濃泔水一鍾調服即安 又方用
硃砂末一錢和鷄蛋白三枚攪勻酒服胎死即出未死即安 又方用紋銀
五兩苧麻根二兩清酒一杯水一碗煎八分溫服即安名銀苧酒

治胎上衝心方

用葡萄煎湯飲之即安 又方用弓絃繫腰上亦安

治胎漏方

受胎後漏下黃汁或如豆汁用黃耆二兩糯米一合水煎服神效

治難產方

用佛手散服之立產卽川芎當歸水煎服 又方用鑿柄木燒爲末酒服
又方用蓮花一瓣書上寫人字吞之易產 又方用鱉甲燒存性研末酒服

第三十一期 藥通門

六十一

第三十一期 雜論門

六十二

一茶匙立產

治橫產方

用蜜糖芝麻油各半碗，共一碗煎至半碗，服之立下。又方，用鐵器如鐵鎖秤錘之類，燒紅淬酒飲之自順，此方並治胞衣不下者。

治子死腹中胞衣不下方

取本婦鞋底炙熱熨腹上下二七次即下。又方，用土狗一個，水煮二十沸灌入下喉即出。

治兒下胞衣不下方

急用沒藥血竭二味各一錢煎服自下，免致上攻心胸。又方，用皂莢刺燒灰服一錢酒引。

治產後腸出不收方

用麻油二觔，煉熟，盆盛，令婦坐盆中，再炙皂角去皮研末，吹少許入鼻，隨即

立上、

治產門不閉方

用石灰二升炒黃以水一盆投之澄清乘熱燻之自閉

治產後血昏方

宜急取破損漆器燒羽燻之或用鐵秤錘燒熟以醋淬燻鼻 又方用荆

芥穗研末每用二錢以童便一杯調勻熱服立效如口閉即灌鼻中皆效

又方用韭菜切碎安壺中灌以熱醋令氣入鼻中即醒

治產後筋攣名雞爪風方

用四物湯加柴胡木瓜桂枝鈎藤煎服

治產後血不止方

用黑母鷄蛋三個醋一盃老酒一盃和攪煮取一盃分作二服

治產後尿閉不通方

第三十一期 寒暄門

六十三

第三十一期 雜述門

六十四

用陳皮一兩去白爲末，空心酒引服二錢，即通。

治產後遺尿不止方

用鷄屎燒灰酒引服一大匙。又方，用雉窠草燒灰酒引服一錢七分。又方，用豬尿胞一個，豬肚一個，米一茶盃，先入尿胞內，再將尿胞入肚內，全五味子三錢煮食，併治尿床。

治乳汁清少方

用死鼠一個，燒灰爲末，酒服一匙，勿令婦知。又方，用芝麻炒研，入鹽少許食之。又方，用豬母蹄一隻，水煮湯飲之，加通草更妙。

治乳汁自流方

自流乃氣血太虛，宜服十全大補湯。若乳汁太多，欲回其乳者，用紅花歸尾赤芍牛膝四味服之。若無兒吃乳，欲斷其乳者，用麥芽炒熟，熬水作茶吃，自止。

65

醫 學 雜 誌

治乳腫方

用馬屎塗之立愈

治乳瘡腫痛方

用芝麻炒焦研末以燈盞內油調塗即安

治乳癰初起方

用牛屎和酒敷之即消 又方用葱汁一碗頓服效

第三十一期 第幾頁

六十五

第三十一期 醫案門

六十六

醫案門

先賢醫案兩則 僕弱冠後在客中偶見居停案頭有舊書一帙取閱之
 載有醫案兩則甚新奇至其書係何書醫係何人皆不記憶爰將其案
 詳錄於左醫界同人若有知其書名與其醫名乞登於本誌相示

第一則

張錫純錄

一人患頭項不能左轉。〔實不能自左向右轉〕屢次服藥無效。偶與一名醫相遇。
 言此病易治。單用金銀花一味煎服即愈矣。後按其言服之果愈。或問其故。答曰。
 凡蔓生之類。其蔓皆右旋。獨金銀花之蔓左旋。故又名左纏藤。此病頭項不能左
 轉。即不能左旋也。所以服蔓左旋之金銀花可愈。取其氣類相感也。按左旋右
 旋。古書之說與近時名詞相反。古時歷家謂經星著天不動。天帶之左旋。而仰觀
 周天十二次。實自東而南。自南而西而北。如此旋轉不已也。謂日月與五緯星右

旋。細推其躔度。實由娶訾〔亥〕而降婁〔戌〕。由降婁而大梁〔酉〕。實沈〔申〕以及鶉首〔未〕鶉火〔午〕鶉尾〔巳〕。自西北迤而西南東南。如此旋轉不已也。由此言之。所謂頭項不能左轉者。實不能向右顧也。而金銀花名爲左纏藤。實自左向右纏也。且僕曾實驗金銀花之蔓。洵自左向右纏不誤。爲所謂左旋右旋。與今科學之書不同。故詳辨之。

第二則

有名醫某出行過一處。見一巨第。因歇其旁。其家中人出入甚忙。迫詢之。言其家止有少年公子一人。患喉證。奄奄一息。危在目前。急爲備其身後事。故忙迫也。醫者謂此證我善治。雖至危亦能挽救。可爲傳達。其人聞言而入。須臾宅主出。肅容內視病人。見其頸項腫甚劇。閉目昏昏似睡。呼之不應。牙關緊閉。水漿亦不能入。詢其家人。知不食將周旬矣。醫者遂俾其家人急煮稠粥一盆。晾半溫。待病人愈服之。又令備木棍粗細不等者數條。及斧鋸之屬。其家人皆竊笑。以爲斯人其瘋。

癩乎。醫者畧不顧瞻。惟用鋸與斧。將諸本棍皆截短。一端削作鴨嘴形。且催將所煮之粥盛來。視其涼熱可食否。遂自嘗之。曰猶熱。可少待。乃徐用所製鴨嘴之最細薄者。擺病人齒。齒少啓。將鴨嘴填入。須臾。又將略租畧厚之鴨嘴填入。即將初次所填者抽出。須臾。又填以畧粗略厚之鴨嘴。又將二次所填者抽出。如此換至五次。其口可進食矣。而驟以製鴨嘴所餘之木。投病人喉中。其家人見之大驚。欲加惡聲。病人遂大欬連連。須臾。吐出膿血碗餘。吐完。即能發言。曰我餓甚。速取食物來。而所瞭之粥涼熱正適口。連食數碗。病若失。舉家歡喜非常。深謝救命之恩。因問曰。病至如此垂危。先生何以知其可救。答曰。病者六脈有根。惟現洪緊之象。夫洪者爲熱。緊者爲毒。且視其項腫甚。知爲截喉癰毒。爲日已多。又確知其癰已潰膿。然咽喉腫滿。藥不能進。以針透膿。亦所出有限。不能救眼前之急。故深思而得此法。嘗見欬之劇者。能將肺欬破而吐血。况喉中已熟之瘡瘍乎。此所謂醫者意也。惟仁人君子。始可以學醫。爲其能費盡苦心以救人也。病家乃大歎服。按。

醫

學

雜

誌

69

此案用法甚奇。又若甚險。若預先明言之。病家未必敢用。然斷證能確實。用之自險而能穩也。

肝葉倒豎治療

楊星垣錄寄

顧某因忿怒爭氣。忽然直立不能臥。李冠仙診之曰。此肝葉倒豎也。用小溫膽湯。加龍膽草金器同煎。另以猪胆一個。懸之爐上。針一小孔。令膽汁滴入。爐鍋候膽汁滴下大半。則藥亦煎成。如法一服。病果全愈。或問肝葉倒豎。何專治膽。不用肝經藥耶。冠仙曰。膽為甲木。肝為乙木。膽附肝葉之下。互為陰庇。情同夫婦。凡有肝氣上逆。膽火未有不隨之而上者。故平肝不及不如瀉胆。胆氣平則肝火自熄也。

血症治療

名譽理事 沈仲圭

徐靈胎案 洞庭張姓。素有血症。是年為女辦粧。過費心力。其女方登輿。張忽冒血升許。昏不知人。醫者濃煎參湯服之。命懸一息。邀余診視。六脈似有如無。血已脫盡。急加阿膠三七和人棧以進。脈乃漸復。目開能言。手足展動。然後純用補血。

第三十一期 醫案門

六十九

第三十一期 醫案門

七十

之劑以填之。月餘而起。蓋人生不外氣血兩端。血脫則氣亦脫。用人參以接其氣。氣稍接。即當用血藥。否則孤陽獨旺。而陰愈虧矣。

主按先用阿膠以益陰。三七以化痰。〔一味兼能止血〕則雖續進滋補之劑。而無後患。至案末之論。開血症無限法門。

梧葉催生之心理作用

名醫 張治河

葉天士遇難產者。時當立秋。乃以梧葉治之神驗。後他醫亦用其法。則無效矣。考本草梧葉並無催生之說。而此老用之。竟獲大效。豈真得立秋下降之氣所助耶。恐不盡然。其中質力。似當歸功於心理作用。蓋人之肉體。每為心靈所支配。內經云。心為君主之官。黃帝亦早知心靈有使用全體之力矣。試觀吾人思及悲傷之事。則目中流淚。思及美味。則口中垂涎。心有恐懼。則不寒而慄。心有忿怒。則面目發紅。種種生理現象。莫不受心理影響。葉天士名醫也。一般民衆信仰若神。得伊一滴清水。不啻上池甘露。一莖枯草。不啻仙境靈芝。當梧葉未進口時。其心靈已將子宮撐開。胞胎下逼。待藥一入腹。則嬰孩落地矣。他醫用此無效者。信仰不足也。

通訊門

河南醫藥研究會致本會函

敬啓者國醫不競。日甚一日。任人唾棄。騰笑全球。而青年學子。每震於外醫之說。理新穎。遂視我中國內難。仲景四千年之精微奧旨。等於糞土。不知我國醫理。精。滿異常。治療方法。尤有不可思議之妙。是原因的而非對症的。是積極的而非消極的。服麻黃則必汗。服承氣則必瀉。似此直殺病菌的治法。以視外醫之血清注射。僅能增加抗毒素。奚啻霄壤。徒以我國研究無人。致令退化。反使我特長之技。爲世詬病。爲可浩歎。故^敝會糾合同人組織一國體購辦儀器書籍等物。朝夕研究。擬更進一步。與海內之醫藥同人聯爲一體。久仰貴會開辦有年。組織完備。將來對於提倡我國醫藥事業。務懇互相提携。進行一致。則^敝會同人願附驥尾。如蒙贊同。請賜回玉云云。

第三十一期 通訊門

七十一

第三十一期 通訊門

七十二

本會覆河南醫藥研究會緘

逕覆者。頃讀大函。備悉種切。正言讜論。喚醒愚蒙。佩甚佩甚。慨自歐學盛興。吾國醫學日形晦黯。憂時之士。靡不奮起直追。以冀挽狂瀾於萬一。於是設立醫會。以研究病症。組織醫校。以傳授生徒。現時上海杭州紹興武昌等處。俱先後成立。况中州會八方之風雨。貴會憫大道之沈淪。聯合同人。研究醫藥。會校一幷成立。萃後進之英才。授先聖之絕學。發揮國粹。康濟衆生。遠跂良規。無任嚮往。敝會創設以來。於茲八載。心勞力絀。成績無多。何幸聲應氣求。東鄰密邇。所有貴會校章程醫報等件。務希見示。借助他山。敝會雜誌現出至三十期。茲先將首三期三冊奉寄。拋磚引玉。望希正之。云云。

蔡維望君致張壽甫書

〔上畧〕前蒙賜教。恍然悟會。繼得先生大著。益能心領神會。回憶畢業中學時。勞心過度。致患吐血。雖家祖父世醫。終難療治。徧求名醫診治。亦時止時吐。及肄業

大學時吐血更甚。醫者多勸輟學靜養。方可望痊。乃爲性命計。遂強抑壯志。輟學家居。服藥靜養。亦旋止。旋吐。計無所施。自取數世所藏醫書。徧閱之。又汗牛充棟。渺茫無涯。况玉石混雜。瑜瑕莫辨。徒增望洋之歎也。幸今秋自周小農處購得衷中參西錄三期。閱至吐衄門補絡補管湯。知爲對證的方。抄出以呈家祖父。命將藥劑減半煎服。頗見效驗。遂放膽照原方。且遵先生所囑。加赭石六錢。連服三劑全瘳。從前半月之間。必然反覆。今已月餘。安然無恙。自覺身體漸強。精神倍加。不禁欣喜若狂。而言曰。苦海浮沉。六度春秋。自顧殘軀。靈丹莫救。熟意得此妙方。滿腔沉疴。頓消無留。從此前途餘生。皆先生之所賜也。惜關山遠隔。難報洪恩。惟深印腦海。神明常照而已。僕今奉尊著若圭臬。日夜披讀。始知敝處〔江蘇崇明〕風氣畏石膏如虎。而燬用不過一錢。卽用之對證。亦何能愈病。今季秋敝處張氏女得瘟病甚劇。藥服無效。醫言不治。病家以爲無望。僕適在家叔經理之同德公司內。與爲比鄰。其母乞求強僕往視。見其神昏如睡。高呼不覺。脈甚洪實。用先生所

第三十一期 通訊門

七十四

擬之石膏粳米湯〔方載衷中參西錄第五卷〕生石膏用三兩。粳米用五錢。見者莫不驚訝誹笑。且有一老醫揚言於人曰。蔡某年僅二十。看醫醫不過年餘。竟大膽若此。石膏重用三兩。縱煨透用之亦不可。况生用乎。此藥下咽。人即死矣。有人聞此言急來相告。僕曰。此方若用煨石膏。無須三兩。即一兩亦可。斷送人命。若用生者。縱再多數兩亦無礙。况僅三兩乎。遂急催病家購藥。親自監視煎取清湯一大碗。徐徐溫灌下。病人霍然頓省。其家人驚喜異常。直以爲死後重生矣。聞其事者互相傳告以爲異事。且有來相質問者。因曉之曰。神農本經原謂石膏微寒。非多用不能奏功。且其性涼而能散。故以清外感實熱。直勝全丹。煨之則涼散之性變爲收斂。可代滴水以點豆腐。若外感有實熱者。服之能使人之痰火凝滯固結不散。外感之熱永無消路。其人不死何待。蓋人皆誤信後世本草謂石膏大寒。且言煨不傷胃。〔本草備要有此語〕遂畏其大寒而煨用之。遂誤盡天下蒼生矣。余向者亦未能知。近因閱現時名醫著作。乃能豁然貫通。因取衷中參西錄例言中

所論石膏示之。其人細觀一過。喟然悅服。繼而熱瘧流行。經僕重用石膏治愈者不勝計。寢至求治者無虛日。均照先生之方治之。莫不隨手奏效。未知何以能立諸多妙方。以概治諸證。真令人欣佩無已也。然學無止境。願先生以後益廣為著作。徧行醫界。喚醒夢夢。斯固僕之馨香默祝者也。〔後畧〕

徐相宸鄭重宣言

〔診治科目〕 外感時病 內傷虛勞 時疫病 胃腸病 情志病 雜病

養生 種子 婦女病 胎產 小兒病 痘疹 喉科 目科 瘡瘍 傷科

戒煙 中毒 花柳病 國醫各科診斷開方內治

不泥古 不隨俗 不畏難 不取巧 不耽誤病人可為之時 不糜費病家

無益之錢 此生平宗旨也

叙症翔實 案斷正確 方藥切當 此夙昔主張也

病情不直告不負責 服藥不如法不負責 禁忌不服從不負責 非治療之

第三十一期 通訊門

七十五

醫 學 雜 誌

第三十一期 通訊門

七十六

罪也

將信將疑。嫌疑嫌重。一知半解。輕舉妄動。以耳爲目。重難輕易。小題大做。雜藥亂投。此病家之大忌也。

造詣深者。條理必清楚。經驗富者。手續必完善。膽識優者。識論必警闢。道德高者。叮嚀必周至。此擇醫之標準也。

告遠近青年之有志從余學醫者

國家之動力在學術。學術之主體在人才。有光導之任者。期託付之得人。有後起之責者。恃淵源之有自。莫爲之前。雖博而不精。莫爲之後。雖博而不盛。此弟子所以宜慎選。先生所以貴善教也。中華醫藥博大精深。見智見仁。各隨其量。際存亡絕續之交。正敦學相需之候。不佞行能無似。幸得力於薪傳。樂育難忘。夙留心乎法器。愧無化雨之功。勉效他山之助。承相知之固請。訂從學之約言。本無事乎矯情。或有當於限度。無論遠近男女。凡有英年好學。具利濟之熱誠。抱昌明之宏願。

篤實而無執見。聰明而有恆心。國文之素養已深。醫學之自期甚遠。有斯美質。固不歡迎。倘或強人所難。惟有謹謝不敏。

精神有限。學問無窮。舍己芸人。恒以為患。願先賢絕學。吾雖未能發揮而光大之。要不得謂繼起無人。自屏於守先待後之外。欲昌明醫學。必自作育人才始。欲託付得人。必自嚴定學生資格始。民命至重。醫理至深。差之毫厘。謬以千里。敢不慎之又慎。以誤天下蒼生。知我罪我。幸垂諒焉。

附啓事一 徵求 國醫學書 藥材報告 經驗良方 如荷 熱心至綬

公誼

附啓事二 藝貴專精心無二用醫學以外各事惟有概行謝絕

周小農君撰擬全國中醫學會檢定資格條例

查壬戌內部規則。模仿日本。着重濫發熱照。罰款繳銷。癸亥廣東政府取締中西醫。二則合併而為一。而於醫校出身擡高在前。不列中醫世傳師傅。迺露取消中

第三十一期 通訊門

七十七

第三十一期 通訊門

七十八

醫朕兆。於醫術智識經驗六字下。註明二年後取消此條。中醫即不能領照。原來日本取消漢醫之法。即是不予漢醫以世醫師傳資格。否認漢醫學校。不過五十年即行消滅。乙丑部例。仍將醫校出身擡高。不叙中醫固有資格。年限又遲十年。〔西醫二十歲以上中醫二十歲以上〕陸君晉笙爲予言。內教二部科員既着重西文。有不識中文者。乙丑之爭中醫列入教育系統。各省醫會函電紛馳。教部科員視若無覩。枉費筆墨郵電可惜。不佞以爲設使教育系統。爭到每省縣均設中醫校。亦屬不易。先失中醫世醫師傳資格。或詢承認最低限度。余謂各省縣中醫自行檢定最妥。因撰條件如左。以俟 公決。

全國中醫學會檢定資格條例

第一條 資格 中醫資格。爲世傳師傳儒醫三項。有中醫學會證明文件者。其無中醫學會之縣鎮。由商會文件證明之。

〔理由〕 壬戌癸亥乙丑三則。均廢中醫世傳師傳而不言。此首宜規定者。至

醫 學 雜 誌

79

商會證明。鑒於瀋陽醫會設於商會。及南洋美國之中醫。均由商會證明。歷來相安。頗無歧視。

第二條 年限 中醫凡在二十歲以上。為營業法定年限。

〔理由〕 北京內部暨廣東政府。規定西醫年限二十歲以上。壬戌部定中醫二十五歲以上。乙丑加遲三十歲以上。西醫科學精深。提早年限。排擠中醫。宜老其材。實屬偏枯。

第三條 考試 各省中醫學會自行考試。於檢定證書未發以前實行之。

〔理由〕 警署多西醫畢業人。員必多留難。甲子瀋陽市政廳。以西醫學試中醫。覆轍宜懲。憶上海廣益善堂。於前清令善醫案方留稿。越數月。延明醫數人。鑑定甲乙可法。

第四條 免保 檢定凡在公私醫校或傳習所畢業醫員。由原有校所證之。不需保證。

第三十一期 通訊門

七十九

第三十一期 通訊門

八十

第五條 徵費 請領中醫證書。應備紙費二元。印花費二角。連同資格證明文件。呈請省中醫會核發。其未設省會。由縣中醫會請鄰縣醫會公同執行。

第六條 保證 凡甲省之中醫至乙省營業。其已入中醫學會者。應備具保證兩人以上請領證書。其未入中醫學會者。由商會兩人以上保證。中醫國外營業。亦由商會保證之。

〔理由〕 南洋美國中醫。均覓取華商會兩人妥保。未有留難如內部規定五人以上者。

第七條 效力 中國二十一省。有一縣未設中醫學校。此例公同保存。不失效力。

〔理由〕 自經驗定證書已發之後。如有官廳再發規則。懲於日本取消漢醫之覆轍。宜全體拒絕官照。迫不得已。即將中醫檢定資格條例。呈請照式制則。如不符合。是永久不承認世醫師傳資格。中醫量已審分。全體資格既失。誼難

獨領也。

右稿為無錫周小農君寄來，囑為轉呈，請求大刊從速發表，廣徵海內同志意見。^感意此事關係全體國醫身分，殊非淺鮮。周君刻意為公衆謀福利，用心周至，至可欽佩。尙望熱心同志，共起討論，臻於完善，俾得乘為成例，以無負周君之苦心也。可。諸同志先生公鑒。徐相宸附識。

〔上略〕近奉無錫小農先生來稿，拜讀之餘，欽佩名論。啟會秉承意旨，用肅蕪函，轉呈台閱。務祈先生主持，挽茲狂瀾，有造醫界，不特啟會馨香祈禱也。此致

山西中醫改進研究會、松江醫藥衛生協會謹啓

陳五昌君閱余雲岫駁議感言

閱報載有署名余雲岫者，作舊醫學校系統駁議一則，不禁有感而難已於言。其第一指摘中醫，謂為全恃陰陽五行，不知中醫立說，全以哲理氣化推至實驗。根據哲理氣化，則陰陽五行之理，為醫者不得不研究。因人類不能離空氣而生存。

第三十一期 通訊口

八十一

既不能離空氣而生存。則天地寒熱燥溫之氣。自必與人呼吸息息相應。太過不及。皆足致病。而其受病與否。又視人身體質之虛實而各有不同。為醫者不過補其不足。瀉其有餘。使抵中和而已。其義與良相燮理陰陽同。故有良相良醫之稱。但其所指陰陽五行。不過為寒熱五藏之代名詞。用以推斷致病之由。及傳變之法而已。豈全恃為治病者耶。夫萬物之各有陰陽。已為世界人民所公認。學醫而不審氣候體質。僅恃一二次之臨床試驗。即可不問體質強弱。而一概混投。此世界之拙醫也。又何必斷斷以此相質耶。其書中又有中醫若應入學校系統。則巫卜星相亦應列入云云。不知醫為實驗治病之學。學有根據。用有確效。豈可與妄談禍福渺茫無據之巫卜星相相提並論。醫藥之實驗功效。起死回生。其維護生命而有益社會之處甚顯。故得歷代人民之信仰。試問巫卜星相有此實驗確據否。欲將中醫比於巫卜星相之列。則西醫直可比為江湖戲法大家矣。醫學不分中西。惟以愈病為天職。豈可以私利為心乎。至古之所謂巫者。巫與醫非兩事。蓋

醫 學 雜 誌

言以巫治病之醫。卽指不學無術江湖賣藝者而言。豈可與儒醫同日語哉。中醫若不應列入系統。則西醫更不能列矣。至內經可祝由一句。此言古時有病。有祝由一種。在內經已置不論。否則內經何以無方法說明。此與西俗羅馬人之祈禱愈病。及耶蘇之祈禱天佑同。且可祝由句。亦有作病人祝訴致病原由於醫。而爲相當治療解。經文深奧。非淺學者所能明。其章句編輯。雖似出於漢儒之手。而其微言奧旨。則本歷代專家之所傳。前人早有論定。前清開四庫館時。其論斷醫學諸人。皆一代鴻儒。對於古籍。深致信仰。其無從駁斥可知。彼既知歐西醫學。自希臘至今。變更已多。近隨科學而進步。則我國固有之中醫。忍使推殘。豈終不能精研改進。發揚光大耶。况西醫在希臘以前。其醫之陋劣。實比中醫祝由不如。幾經變更。始有今日。我國賴有內經一書。而又經歷代儒醫之發明奧旨。更正傳訛。繼舊增新。而後醫學盛行。彼希坡克拉退者。未必非聞我國醫學之益。而方潛心研究。雖非本我國內經而立說。而其能有志醫學。實因羨我國醫學之歷代進步有

以促成之。彼西醫僅恃陳屍解剖。而未知氣血運行自然之理。特形跡物質之學。反詭全賴自然大法。此誠欺人之言也。試問既知自然大法。何以有血不能循環周身。及消化蠕動。祇可順行之說。此說早爲中醫所訕笑。而彼至近代方自知其謬。淺陋至此。猶視氣化爲迂談。何其謬哉。至人類之成立構造原理。中醫書籍研究至精至詳。若再輔以近代之科學。政府提倡於上。羣力改良於下。加以中國土地之廣。產藥之盛。人才之衆。吾知將來必有驚人之進步。風行全球之希望。既保國粹。亦塞漏卮。此正我國醫士之責。奈何以襲人皮毛之術。摧殘固有之國學。爲他人推廣營業。使本國絕其生路。既不能提倡國貨。更將外貨盡量鼓吹。試問一旦與彼絕交。如無藥劑應用。勢將等於不學。更不幸而爲敵國。則藥品不能入口。更多發生危險。我國業藥物者不下數千萬人。占商業上重要位置。一旦被其壟斷。金融生計上。更多受擠。按此種種。則余氏之身中國而心西人者。其心不可問矣。目下人民心理。對於西醫信仰者已漸鮮。此正我國醫學極好一提倡改良之

機會豈可再以私人營業關係而肆行破壞。耶總之西醫學說根本科學解剖其器械之精。手術之敏。注重消毒滅菌。一切外科治療。誠未可厚非。惟未諳氣化哲學。正其短處。中醫之學。本哲理氣化而來。故言致病致死之原由。及根本解決之治法。不肯因顧目前之效而貽後患。注重氣血精液。而軀壳形質次之。此中西醫學所以不能溝通之故也。惟立說雖異。治病則同。西醫不乏明卓博學之士。如果有醫學上之疑點。不妨彼此商榷。策進醫學前途。造福民生。此則予馨香禱祝者也。若斤斤以門戶之見。妄發攻擊破壞之論。欲以一手掩盡天下耳目。徒貽中西醫學上不能溝通之恨事耳。

第三十一期 通訊門

八十六

譯業門

癩腫癰疽(大背)之保存療法

本校 康浩譯

醫家對於一種疾病慣用之療法。須知因宜變通。不可拘執。因此法可以治病。亦可以殺人也。當余練習醫病時。每見外科專家。對於癩腫癰疽類症。多施其手術。切割之能。幾疑此外無他較善之療法者。既余棄割治改用保存療法後。其結果較之割治非常妥善。在余視癩腫癰疽類症。絕用不着外科家的妙手。即使此症已經成熟化膿。亦無專靠外科上巧妙手術之必要。因凡具學識之醫生。均能行切開排膿之法也。專恃刀圭手術醫治癩腫者。實為醫術上之錯誤。不可不加以改善也。特將予對於此症所用之保存療法簡短述之。以供研究。我素治療癩腫。主用灰色汞膏。當小形癩腫初起未久時。只用白埃及杜夫氏之水銀貼膏。貼蓋於病竈全部。及其周圍。即足使之起限局性軟化。若遇大形之癩腫。則用灰色汞膏治

之。其法即將藥膏塗在麻製布片之上。所塗之膏。宜厚不宜薄。以此布片嚴蓋於病竈全部及其周圍。如附近之淋巴腺已受侵害。亦須貼蓋勿貽。此種方法。能使癰癤迅速消退。或局部化膿。不至致其毒素蔓延。侵及全身。卽已成之淋巴腺管炎症。與腐敗性之高熱。亦多隨之消失。惟行此療法時。須注意者有三項。一。病竈周圍須用亞鉛華膏塗之。以防發生汞性皮炎。二。爲防口腔泗膜炎。須令患者注意口腔之清潔。三。注意檢查尿便。當腎臟發現輕形之刺戟症候時。仍可續行汞膏之治法。因此種刺戟症狀。多爲一時的。但遇腎臟受害之症候劇烈時。則須以百分四十的依克度羊毛脂。代替灰色汞膏。余視依克度對於癰癤之功力。亦甚顯著。凡對汞膏具有特異性者。均宜用依克度代之。余用此種保存療法。經驗多年。其結果多能使人滿意。卽各種蜂窩織炎。及戰時鎗傷傳染所致之重形結締織炎。以保存療法治之。未有不收圓滿之功效者。極願醫界同仁。對於此法廣爲試用。當知吾言之不謬也。關乎此種療法之學理上的解說。其功效或

如殺菌性之毳布作用。或係直接有消滅血中毒質之作用。如治梅毒用塗擦療治之理然。不然則患者寒熱之消退。當不至如是其速也。抑予對於灰色汞膏之實用尙有可述者。即以之治療面顏部重形癩腫。亦收顯著之功效是。至於鼻腔內之癩腫。則予喜用溫性藥棉或紗布（以輕養水或極稀之酒精液將棉花浸濕）塞入鼻孔。緊壓其間之癩腫。所用之栓塞。宜時時更換。此法雖極簡單。而其功效之顯著。則人人爲之驚嘆不置。近時凡有經驗之外科家。因切割治法。多有不良結果。故對於此症。無不警戒。施其慣用之手術者。然則專主切割手術治此症者。其用意究竟何在。殆欲防止全身之腐敗症乎。但予敢確實證明癩癰患者之全身腐敗症。由切割手術所致者多。而得避免者少。至於已成之腐敗症。更不能以外科上之手術即可使之停止。而灰色汞膏。則有使其消退之效力。當予一九一一年在巴黎時。最著名之外科專家馬爾榮氏。曾指一頸項部癰疽（大背）患者。對予而言曰。各國外科大家。對於此症。多喜用其手術施行十字形之切割

者。誠爲外科上之一大謬點。吾輩當亟謀改善之。馬氏亦爲實用灰色軟膏之療法者。適與余之主張相同。又吾之僚屬。近年多有試用保存療法後。卽棄其昔日慣用之切割手術。不復再用。此亦足證該法之價值矣。除余所經驗之療法外。其他適用之保存療法。予亦贊賞并用。如石炭酸之腐蝕法。〔以蘸石炭酸之尖銳硬細木棒由癩腫尖部插入〕畢爾氏之吸取膿塞法。及瓦克辛血清療。均爲可用之法。注意研究醫術者。盍嘗試之。

此篇爲加兒幼克曼氏所作。譯自德文醫學週刊其中。對於外科上手術切割癩癰之辨論。及其保存療法之實例尙多。均略之不及。予對癩癰結締織炎類症。素多用依克度石炭酸之腐蝕等法治之。其結果均尙良好。今見此篇所述。更信此種保存療法較善。特拉雜譯之以供研究。

雜俎門

冬蟲夏草考

編者輯

吳遵程本草從新曰。冬蟲夏草。甘平。保肺益腎。止血化痰。已勞嗽。四川嘉定府所產者最佳。雲南貴州所出者次之。冬在土中。身活如老蠶。有毛能動。至夏則毛出土上。連身俱化為草。若不取。至冬則復化為蟲。

袁慢恬書隱叢說曰。昔有友人。自遠來餉予一物。名曰夏草冬蟲。出陝西邊地。在夏則為草。在冬則為蟲。故以是名焉。浸酒服之。可以却病延年。余所見時。僅草根之枯者。然前後截形狀。顏色各別。半青者。僅仍草形。半黑者。略粗大。具有蠕蠕欲動之意。不見傳記書之。以俟後考云。

徐崑柳崖外編曰。滇南有冬蟲夏草。一物也。冬則為蟲。夏則為草。蟲形似蠶。色微黃。草形似韭。葉較細。入夏蟲以頭入地。尾自成草。雜錯於蔓草。薄露間。不知其為

醫 學 雜 誌 61

蟲也。交冬草漸萎黃。乃出地蠕蠕而動。其尾猶齧齧然帶草而行。蓋隨氣化轉移。理有然者。和鴨肉頓食之。大補。

七十一西域聞見錄曰。夏草冬蟲。生雪山中。夏則葉歧出類韭。根如朽木。凌冬葉乾。則根蠕動。化爲蟲。入藥極熱。

魯華祝衛藏圖曰。冬蟲夏草。出撥浪工山。本草不載。性溫煖。補精益髓。

唐秉鈞文房肆考曰。青藜餘照。載太史董育萬宏偶談。四川產夏草冬蟲。根如蠶形。有毛能動。夏月其頂生苗。長數寸。至冬苗稿。但存其根。嚴寒積雪中。往往行於地上。京師藥舖。近亦有之。彼尙康熙時也。近年蘇郡漸有。但古來本草。及草木諸典故。從未及之。未詳性味。近吳遵程從新。有此品。言保肺益腎。不知從何考據。余仍疑之。未敢輕嘗。以意察之。其不畏寒而行雪中。則其氣陽性溫可知。應奎書院山長。孔老師諱繼元號裕堂。係先聖裔。桐鄉烏鎮人。誠正人君子也。述伊弟患怯汗大泄。雖盛暑處密室帳中。猶畏風甚。病三年。醫藥不效。症在不起。適戚自川解

第三十一期 雜俎門

九十一

第三十一期 經組門

九十二

組歸遺以夏草多蟲三斤。作肴燉食。漸至全愈。因信此物之保肺氣。實腠理。確有徵驗。嗣後用之俱奏效。因信此品功用。不下人參。



星期徵稿選刊

素問熱論以熱病統於傷寒究傷寒與熱病是一是二
試將其致病之由及認證上之區別詳釋之

郭大猷

難經云。傷寒有五。有中風。有傷寒。有濕溫。有熱病。有溫病。其所苦各不同。傷寒論云。瘧濕喝三種。宜應別論。以為與傷寒相似。故又別而言之。觀此則傷寒與熱病。是二而非一也。明矣。而素問乃以熱病統之於傷寒者。蓋以傷寒為外感之總稱。而熱病即外感之一證也。考其致病之由。雖皆始於太陽。至其發病之後。則二證各不相同。傷寒為隨感即發之病證。其邪多由外而之內。熱病為伏氣感發之病證。其邪恒由裏而達表。至於認證上之區別。傷寒之面色如常。熱病之面色如赤。傷寒之始必惡寒。熱病之始不惡寒。傷寒必先惡寒而後發熱。熱病則先發熱而

第三十一期 星期徵稿選刊

九十三

不必惡寒。傷寒之聲音多壯。熱病之聲音多弱。傷寒之初不汗亦不渴。熱病之初即汗而即渴。傷寒之脈多浮而緊。熱病之脈恒洪而大。以上謹就冬傷於寒。至夏而變為熱病者言之耳。此外尚有中熱一證。即全匱所謂太陽中熱者。喝是也。其證發熱惡寒。亦頗與傷寒相似。惟其脈多虛弱。或絃細芤遲。以暑喝傷氣。氣傷脈亦傷。所以與傷寒有異也。

問太陽症有用四逆湯者少陰症有用大承氣湯

者其理安在

鄭承業

循經治病。仲師之大法也。夫四逆湯本是熱藥。而傷寒論竟有時用於太陽症。大承氣湯本是寒藥。而傷寒論竟有用於少陰症者。請申言其理由。經云。太陽之上。寒氣治之。本寒而標熱。治從本從標。故傷寒太陽篇。有以冷藥治其標者。有以四逆救其本者。又云少陰之上。熱氣治之。本熱而標陰。治從本從標。故傷寒少陰篇。有以熱藥治其本者。有以承氣滋其陰者。是以王安道有言曰。傷寒之邪。寒熱互。

化。本無定情。傳變無常耳。不必陰經有熱無寒。陰經有寒無熱。何以言之。蓋歷考傷寒各篇。在陽病有見陰脈者。在陰病有見陽脈者。陰病既見陽脈。必是府邪去表入藏。陽病既見陰脈。必是藏邪從裏還表。所以仲師於太陽經病。見有下利清穀而脈沉者。而用四逆湯。裏固陽於少陰經病。見有發汗不解。腹滿痛者。或邪熱亢極。轉入胃府者。必用大承氣湯。滋陰撤熱。以此推之。仲景之臨症用方。全從脈症。並不拘於六經也。由是觀之。則傷寒太陽症有用四逆湯者。與少陰症有用大承氣湯者。其義可知矣。

第三十一期 針灸討論會治法選列門

九十六

針灸討論會治法選刊

跌打損傷刺法

理事 趙緝菴

古無跌打損傷刺法。故針灸諸書皆未道及。其實與刺瘡無二理。此係針灸傳真書內附載之說。錄之以質研究。且此說已經實驗。非等紙上空談者。跌打損傷其形不一。有皮破出血者。有皮未破而肉色青腫者。有傷筋骨者。有傷肌肉者。狀雖不同。而其血氣凝滯。青腫疼痛。久則致成瘡疾。或變生他病者。比比皆是也。針灸諸書。概無針治跌打損傷之法。其實刺跌打損傷。與刺瘡疾無以異。瘡由氣血凝聚而成。是積漸使然。跌打損傷。亦是一時氣血筋骨被傷。阻其營衛通行之道。故血為之瘀。氣為之滯。而腫痛之所由來也。筋骨肌肉被折。則氣血因而壅聚。血不流則阻氣。氣不通則滯血。若使氣血通利。則腫消痛止。被折損傷處。亦無血結氣聚之患矣。故跌打損傷。除骨斷筋折。另用接骨續筋諸法外。未有不宜針治者。然

針非漫刺之謂。針瘡先經絡。針跌打損傷。亦宜先辨經絡。經絡何處被傷。則何處凝滯。亦即何處之血氣不通。故行針時。務先於腫痛損壞處。辨明經絡。究竟傷何經。折何絡。如傷腿上太陽經。則取太陽之委中承山崑崙諸穴以瀉之。如傷腿上少陽經。則取少陽經之環跳光明絕骨諸穴以瀉之。如傷腿上陽明經。則取陽明經之三里上廉下廉諸穴以瀉之。傷腿上陰經亦然。傷頭面腰背肩臂亦無不然。傷肝經針肝經。傷脾經針脾經。傷腎經針腎經。就腫處附進取穴。以通其所滯。再就所傷經絡遠處取穴。以開其氣道。務使氣血流通。則腫痛自然消除矣。

靈樞動輸篇云氣之過於寸口也上十焉息下八

焉伏其理安在

衛允如

考動輸篇有云。氣之過於口也。上十焉息。下八焉伏。請言其理。夫人受氣於穀。穀入於胃。以傳於肺。五臟六府。皆以受氣。其清者為營。濁者為衛。營行脈中。衛行脈外。脈雖行於肺。而實始於胃也。蓋胃為五臟六府之海。其清氣上注於肺。從太陰

第三十一期 針灸討論會治法選刊附

九十七

第三十一期 針灸討論會治法選刊門

九十八

而行之。其行也以息往來。故人一呼脈再動。一吸脈再動。閏以太息。脈乃五動。脈之始於手太陰而終於足厥陰。又自肝經復行於肺。故手太陰寸口者。乃五藏六府之氣所終始。十二經脈之大要會也。故越人獨取寸口以決死生。而氣之過於寸口也。上十焉息者。詳繹經文。岐伯言脈氣之離於藏也。卒然如弓弩之發。如水之下岸。蓋矢發則往速。水下岸則流激。故脈之過於寸口也。上之從息而行者。其營氣衛氣宗氣。盡從息以往來。而見於寸口者。可擬十分。故上十焉在息。而所云下八焉伏者。岐伯云。上於魚已反衰。其餘氣衰散以上逆。故其行微。歷考各家註解。有謂下伏於胞中者。有謂下伏於藏者。覈與經文之旨義不相符。以愚意詳研經脈篇云。經脈十二。伏行於分肉之間。而下八焉伏者。謂經脈之氣。上魚之後。氣已反衰。故下之伏行於分肉之間者。祇八焉。及其餘氣衰散既已。而各經之氣則又逆而上之。故其行微。綜而言之。上十焉息。下八焉伏者。即經之所謂經脈營衛之行。上下相輪盛衰之義也。

編輯處啓事

啓者古今醫案充棟汗牛竊謂案者法也老吏斷獄鐵案如山熟於法耳若平無奇或以病試藥偶然倖中者似未可以案稱本雜誌醫案門多選古人精粹良法畧別種類分期登載現仍資料無多凡我同人熟於前輩醫案醫界舊聞名醫歷史筆記瑣錄之類望祈隨時抄示俾便分登一俟彙集較多彙刊成帙定當奉酬若干冊以副雅贖不勝企盼之至

楊百城謹啓
趙意空

*楊如侯先生靈素生理新論出版廣告 是書原擬刷印

一千部嗣以不敷銷售特再加印五百部以公同好兼爲振興國學溝通中西起見將本書原價定爲實碼八折每部售洋三元二角其躉購十部者另贈一部遠道並免去郵費以期普及郵票代洋九五折算書存無多購請從速

代售處山西省城

中醫改進研究會
晉源街航慈醫院

第三十一期 廣告門

九十九

第三十一期 廣告門

中醫雜誌

上海中醫學會出版

一四

(一) (內容) 分專著學說醫案筆記藥物學驗方釋辯錄會務紀載等十餘欄皆屬近代名賢精心結撰之作已出至十七期

(二) (定價) 每册大洋二角五分購滿六册者減售一元四角

(三) (郵費) 國內每册三分國外八分多則照加掛號另加五分

(四) (函購) 郵局不能兌匯之處可以郵票代現惟須照九五折計算

(五) (彙選) 第一至四期均已售罄特刊彙選發行上下二册實價一元二角郵費八分

(六) (附誌) 第五期已售盡本會員通信處詳載紀念册以便互通消息每册售洋五分

總發行所 上海西門內石皮弄中醫學會雜誌社發行部

張壽甫先生四期表中參西錄每部定價一元郵費五分滄州立達醫院發售

報告醫界同人書

張錫純

敬啓者鄙人因滄州屢經兵燹實難寧居准於仲春月底移居天津醫界同人有寄函及購拙著者乞寄天津法界廣德里張氏施診所鄙人收可也肅此敬告即頌公安

介紹浙江紹興醫藥月報

紹興醫藥月報為浙紹何廉臣先生編輯內容精美每月一期定價一角全年一元半年五角五分郵費每期五釐全年六分民國十三年正月出版發行所紹城石門橋紹興醫藥月報社及紹城大街天芝堂藥號

三三醫書創刊啓

癸亥夏本社主任裘君吉生以歷年所獲醫家秘笈並同社投寄著述擬付刊傳世遂遷杭垣蓋為印刷便利計也詎醫報改組不數期而承印之武林印書館適遭鄰火稿亦被焚幸醫書尚在編輯中未見波及然因之遲誤半載現荷文化印書局倪君憂天與弘文印書局蔡君貽最綏以最低工價許即承印今將第一集先由弘文代印仍本醫者須讀三世書求三年艾方能三折肱之義名曰三三醫書以短篇不成卷冊之稿已刊三三醫報按旬發行而成卷專書自應單行印傳爰定每集三十三種每種一卷或數卷不等分訂洋裝本限一個月至少出版三種速則三個月出版一集以極廉之價收回成本三期分繳第一期洋三元三角惠到即將已出版者先行郵奉出書至三分之一再惠第二期洋三元三角出書至三分之一即將出版第三期三元三角惠清除面取外每次加郵費三角三分其洋倘荷一次併惠兩期則第三期得以免繳以答高誼此舉成本浩大每集祇印三百三十部無論何種概不零售完以後亦不再版有人翻印無任歡迎對於未主亦恕奉送一集決算苟有餘利誓必貼入二集多印大部書稿尚有第一集稿及付刊之稿第二集自當編入第二集正在選輯稿愿行世者速行寄社

第三十一期 廣告門

一〇一

中華民國十三年三月三日三三醫社敬啓

102

醫 學 雜 誌

三三醫報發行廣告

第三十一期 廣告門

每旬一册 十二年七月三日第一期出版

編輯者 紹興裘吉

發行者 三三醫報社

印刷者 武林印書館

寄售處 各省大書坊

定價表費須先惠

冊數	冊全年三十三冊
定價	角三元
郵費	本國五厘 一角六分五厘 日本五厘 一角六分五厘 外國二分 六角六分

中風斟詮發行廣告

二〇二

全部三卷

定價官堆紙每部壹元伍角 實洋壹元

著者 嘉定山雷張壽頤

總發行者 蘭谿中醫學校

印刷者 蘭谿福華石印所

江蘇全省中醫聯合會 [出版月刊增刊]

醫學雜誌

月刊分常評言論專件專著筆記研究雜錄消息編輯課本等類以發揚國粹聯絡感情為宗旨增刊分學說醫案筆記表解選方醫籍考驗方等類每期限一病以專研究合裝一冊已出四十三期定價每期五分郵費一分全年連郵六角六分第一至二十期已售罄二十一期至四十期裝有彙編每冊半元寄費五分總發行所上海西門內廣益中醫院

贈送醫醫醫病集

醫醫醫病集為上海黃社出版一二兩集風行海內現因戰爭關係致第三集不克出版(按所有定款通知退回)今該集賸餘尚多請附郵票十分寄上海王信義濱醫藥圖書館黃社善後辦事處立刻奉上

第三十一期 廣告門

一百〇三

第三十一期 廣告門

一百〇四

嚴氏金匱廣義出版廣告

是書為慈谿嚴鴻志先生所著內容精美外觀雋雅洋裝兩巨冊定價大洋壹元貳角現售照碼九折十部以上八折連郵費在內以十三年舊曆十二月為限限滿不折不扣發行處在甯波慈谿東鄉費家市嚴氏養正學校遠地如以郵票代洋准三分以下之郵票為合格按九五折計算書印無多購請從速

慈谿中醫學會同人公啓

張贊臣徵集驗方啟

敬啓者贊臣每念病家疾若纏綿欲求其速愈而不得者深為憫惜竊之不才擬集古今驗方彙纂成冊貢獻於世俾抱病者得以按方治病可無採薪之憂也如荷熱心同志惠賜驗方須以經驗實效信而有證者無任感禱惠賜諸君請於方後一一說明如何實效如何試驗因古今以來名為驗方而充棟汗牛其效者鮮驗者寡也凡我同志隨時抄示一俟彙集較多即行彙刊成帙定當奉酬若干冊以副雅贖不勝企盼姓字住址務乞另紙書明以便函候教）贊臣常寓上海二馬路雲南路口安康里第二百二十七號內如荷賜教無不達到

東亞醫學

月刊

定價 { 每月一冊大洋二角五分
全年十二冊大洋二元五角

郵票代用作九折算

內容 分學說及實驗, 診療寶函, 綜說, 隨診講話, 處方集, 技術, 篇, 最近文獻, 藥物療法, 釋疑, 雜纂, 調查及統計, 新書及新藥, 介紹, 雜報等, 內容之豐富, 請以函索當呈樣本。

上海東寶興路三十八號

總發行所 **東亞醫學社**

分售處 上海商務印書館及地方分館
其他在中國著名書局

繪圖鍼灸傳真全書出版廣告

本會理事趙緝蕃、孫祥麟、王郁文合著鍼灸傳真全書八卷, 援引鐘樞素問之精華加以詳切, 註解曰內經刺法兩卷, 採擇古代名醫鍼法, 慎其從違曰名醫刺法兩卷, 辨經絡繪圖形, 更正

第三十一期 廣告附

一百〇五

第三十一期 廣告門

一百〇六

他書錯誤，以求分明清切，曰考正穴法兩卷，本歷年心得經驗之術，講真理，求實效，闡明岐黃秘訣，曰鍼灸傳真兩卷，共成八卷，卷各成本，現已脫稿出版，凡有志針學者，請速購閱是盼。

價目

每部 八本 定價大洋二圓三角

如買廿部以上者

按九扣核算

十部以上者

按九五扣核算

繪圖鍼灸傳真價目發行表

總發行所山西代縣亨利石印局
分發行所山西中醫改進研究會

剪子巷成文齋書局

印刷所山西代縣亨利石印局

常熱中醫張汝偉特設通函論診科廣告

問

(甲) 叙述現病之狀態 凡寒熱咳不咳小便大便口渴不渴有汗無汗

及諸痛苦脈象苔色聲音所喜惡等

有者填寫
無者不必

病

(乙) 叙述病人之狀況 凡年歲業務男女育向信何種宗教素性急緩

者 須 知

等逐一填明以資參考

(丙) 叙述經過之情形 凡始起如何曾服何藥一切變態

(丁) 通函診治之取價 紙墨掛號費大洋壹角診費大洋六角

共計七角快信答復(即隨到隨復)連郵壹元空函不復

通信常熟顏港

無錫王旭高名書六種出版廣告

先生醫案柳君寶詒已選入四家醫案尙有退思集穎方歌註醫方證治彙編歌訣增訂醫方歌訣醫方歌括薛氏濕熱論歌訣西溪書屋夜話錄治肝秘訣六種於傷寒濕溫雜證肝病闡解詳明思路新穎凡在醫林允堪研究醫校學生尤便誦習茲由吳縣陸晉笙君重訂小無錫周農君精校交上海千頃堂石印每部六角八折掛號郵費一角各省大書坊均有寄售

分售處無錫西門外棉花卷周小農醫室

介紹學道新書金丹真傳

學道必須修養修養端重師傳奈今之道家稍有承述皆秘為奇貨故作艱深多立層次使學者望而却步似非大道為公之旨茲有漱石生者本其師傳悟澈元

第三十一期 廣告門

一百〇七

山西官民 海內外
日日必需 處處爭購

晉民快覽
Popular guide book of Shansi

之

外志妙
學掃除秘密居奇之習將道家修養工夫合盤托出著書一卷名曰金丹真傳有
道者但手此編自入終南捷徑現此書本會寄售每部實折八角郵費在

第三十一期 廣告門

一百〇八

呂聯奎 全啟
楊百城

↓
為 國家 家庭 社會 個人
事業建設上惟一之參攷書良因山西百政維新

諸可借鏡敝社萃英插華年刊一編數年以來荷承
海內外賢達推為山西之寫真晉政之年鑑敝社至為榮
幸十五年的新出版了每册仍售四角寄費七分半合購前三
期祇售一元五角寄費在內所費有限不啻遊歷山西一
週如承
函購請詳開姓氏地址逕函本社李炳衛君照寄不悞郵
票代現不扣

山西晉民快覽社謹啟
社址省垣 新城街

上海同德醫學專門學校新同德社
NEW DUNG-DAI ASSOCIATION
DUNG-DAI MEDICAL COLLEGE
MARKHAM ROAD, SHANGHAI, CHINA.

第三十一期廣告門

新 同 德

醫 藥 月 刊

Neue Dung DRI

Medizinische Monatschrift

本誌為指導民衆衛生。介紹德國醫藥之刊物。
內容豐富。印刷精美。定價全年十二冊。一元
五角。郵費加一。茲將二卷一期要目列后——

『論壇』萬惡的舊式婚姻與醫學。醫生的道德論。改革我國醫學的徹底新法。『學說』返老還童之說明。女性美。衛生概論。男性生殖器虛弱。結婚與肺癆。『醫藥』白濁何時認為痊。○。中毒概要。新醫治療之種種。梅毒△療法時之副現象及其處置法。『問答』問答一束。『常識』打破親善政策。○。瘡的自述。『文藝』月下吟三章。雲霞恨。雜詩數首。尚有『專載』及『新聞』兩欄不備錄。

定報處 上海同德醫學專門學校新同德社

一百〇九

第三十一期 廣告門

一百一十

醫學進變 出版廣告 介紹人 周小農 楊百城 趙意空

慈谿費家市張生甫君著內外兩編內編係李君手著新發明醫理外編係纂集前賢經驗每部八角特別優待醫林每部大洋六角六分掛號五分性道實學闡明性理大道每本大洋一角五分郵費加一整購郵匯為妥郵票以一分至三分油帛夾襯封固掛號寄空函不復 總發行所浙江慈谿費家市張生甫醫室

山東膠縣良心救國社全體公啓

敬啓者同人因宣傳救國事件組織良心救國社期以努力進行永久不懈凡我各團體各機關各界人士如有關於此類期刊或書籍等等之出版品務望每種賜下一份俾作南針而資進行是為至感至盼再者敝者自進行以來深感於吾國人民程度太低毫無國家觀念雖以五卅之悲痛似仍不關彼事漠然無動於中而敝社同人進行之艱難實出意料之外是以敝社現在決定一方努力宣傳演講愛國救國之旨一方極謀提倡鄉間社會教育之普及敝社以為國家之強盛非保全國民性及提高國民程度不可而此社之入手辦法又非由普及鄉村教育倡大本國及世界之學術文化不可故敝社同人不揣愚昧不避艱難決定創辦圖書館數處敢請以數十年為期自全縣而全省至全國普及為止凡本社社員均志願畢生從事於此以資補救今蒙敝社社員逢卓如君捐其所存中文書籍貳萬餘冊報章雜誌數十種價值共約六萬圓業經本社公決定為本社第一圖書館即以逢氏圖書館為名以資獎勵此後如有捐書者所捐書籍之價值足五萬圓之數者即另立第二圖書館而以捐書人之名或姓為圖書館之名

焉至於其他登報鳴謝等一切詳細辦法另有詳則可閱茲不贅述惟敝社同人
 心有助則更爲敝社所企盼而敢代表無數受惠者表示萬分叩謝者也至於各大
 書局各大報社各出版團體各界人士其有熱心社會事業而願將其出版品捐
 助者務乞賜以介紹以便接洽則敝社更感德不盡矣臨書企盼不勝懇切待命
 之至如蒙回件請直寄山東省膠縣城良心救國社逢氏圖書館收即可特此奉
 達敬頌台祺

再啓者敝社此次徵求之範圍極廣毫無限制無論所捐助者爲何類何種及所
 舊完缺雖片紙隻字破報殘簡亦一微嚙誠歡迎而萬分感謝者也久仰先生熱
 心社會事業素以指導後學領袖輿論爲國人所敬佩務乞不吝珠璣賜以特刊
 贊助並盼廣如介紹期收集腋成裘衆志成城之功此則惟鼎力是賴矣敝社同
 人久耳鴻名識荊無自臨風翹企仰止曷勝倚蒙不棄加以提携則豈只敝社同
 人感刻骨銘心凡此後之受賜者無不感激大德於無窮也專此奉達不勝迫切
 待命之至肅此敬頌

勸捐新書

周復農君來緘囑登

社址山東省膠縣城裏大街

馬克司爲最高學說哀多益寡稱物平施井田主義大同可期宜乎羣界風靡
 掌研究也諸君有有共產黨執行委員會宣言書一切共產書籍乞郵寄以下三
 處詳細地址當有收據回奉或以相當書籍回贈
 北京總商會正陽門外西珠市口奉天總商會潘陽城內鐘樓南大街上海總商
 會圖書館上海鐵大橋北天后宮間壁永久保存共同研究也

第三十一期 廣告門

一百十一

112

醫 學 雜 誌

第三十二期 廣告門

崇德醫科大學
新同德社出版
新同德

一名「崇德醫藥月刊」

一百十二

宗 旨 專門介紹德國最新醫藥知識指導民衆衛生

內 容 分評論學說醫學新藥介紹常識衛生醫事新聞文藝專載等欄多七萬餘言

(定 價) 本刊用道林紙精印每月一冊實售大洋二角全年十二冊兩元郵費加一

(總發行所) 上海 麥根路 崇德醫科大學 新同德社

中華民國十五年六月出版

編輯兼發行所

山西太原省城新民街即精營東二道街北首門牌第一號
中醫改進研究會

信實進取愛羣

一 意 注

本雜誌每兩月一冊全年六冊如承訂閱請寄現款郵票代價九五折扣以三分以下者為限但郵票必須間以蠟紙如無蠟紙致不能揭開者不收

表	目	價
零	半	全
售	年	年
一	三	六
冊	冊	冊
大洋一角五分	大洋四角	大洋八角
費郵	費郵	費郵
一分半	四分半	九分

二 意 注

本雜誌為提倡醫藥學起見凡有著名醫家及經驗良好藥品願登廣告者列表於下

目	價	告	廣
四	半	全	頁數
分	頁	頁	價目
之	大	大	兩
一	洋	洋	月
大	二	四	一
洋	元	元	期
一	大	大	半
元	洋	洋	年
大	五	十	三
洋	元	元	期
二	大	大	全
元	洋	洋	年
大	八	十八	六
洋	元	元	期
三			
元			